

4410 31875
TABLES ANATOMIQUES
 DU CORPS
 humain vniuersel: soit de l'homme,
 ou de la femme.


31875

Premierement composees en Latin, par maistre Loys Vasse. Et traduites en François, par maistre Iehan Canappe, docteurs en Medecine.

Depuis reueues, corrigees, & augmentees
 par l'Auth eur.

NE LA MORT,

NE LE VENIN.



Mouuie S. Dionysii in fra.
 A. PARIS,

De l'imprimerie de Michel Fezandat, au mont
 saint Hilaire, à l'hostel d'Albret.

1555.

Aucc priuilege du Roy.



Reuue Me. Coust.

✠ I A N L O Ï N E
Medecin, Au Lecteur.

Hippocratès, mesmement Galien,
E Syluius, parlans d'Anatomic,
Disent, que cil, qui n'en a le moien,
Aux Medecins nombré ne sera mie:
Ainsi est ell' de Medecine amie.

Qui voudra donc en ce degré monter,
Et des sauans Medecins se conter,
De Vasséus qu'il appreuue les tables:
Et ce faisant il ne faut pas douter,
Qu'il ne soit mis entre les plus notables.

A Monfigneur maî-

TR E N I C O L E D E M A N -
N E V I L L E , D O C T E V R E S D R O I S ,

*ſigneur d'Auzonuille la Gripiere, & de Ionc-
quiere, Conſeillier du Roy, & Maître or-
dinaire en la chambre des contes,*

à Paris, Son tresobeiſſant.


R. le blanc.



Oùtumièrément les écriuains du
iourd'ui, Monſieur, d'un vou-
loir affectionné par humaine a-
mitié louent en leurs épitres lau-
datiues leurs amis, d'une ou d'au-
tre vertu, d'une ou d'autre ſcience, quand ils
ont compoſé aucun œuvre, & qu'ilz le met-
tent en lumiere au profit de la republique: ce
qui me ſemble fort louable, iagoit que les com-
poſiteurs ia de ſoimeſmes, & par leur œuvre
ſoient aſſés recommandés. Or quant à moi,
ie ne peu, & ne m'eſt licite m'arreſter à fai-
re épitre commendatiue de Monſieur Vaſſe
Iadis diſciple de monſieur Syluius, hom-
me recommandé, non ſeulement en Mede-
cine, ains en toutes ſciences. Ma plume ne
peut tant hautement prendre ſon vol. Ioint
auſſi, que le preſent œuvre, qui eſt l'Anato-
mie du cors humain, montre appertement
ſans mon écrit ſa vertu, & perfection en tou-
te ſcience. Car entre les parties de Medeci-

ne l'Anatomie, en laquelle il a montré son labeur studieux, est la principale, sans la connoissance de laquelle, en vain on voudroit exercer la pratique de Medecine. Et non seulement les Medecins & Philosophes: mais aussi les Iurisperites, Poëtes, Historiens, & tous amateurs d'erudition & doctrine, ne doivent estre ignorans d'icelle. Autrement leur erudition est imparfaicte. Pourtant ie me deporte des louenges de l'auteur, sachât bien, que c'est labeur perdu de vouloir adiouter à la perfection. Mais pource que par sa diligente veillance es bonnes lettres, il a fait depuis la traduction de Monsieur Canappe, Medecin, quelques additions latines à son œuvre, lesquelles à la requeste de nostre bon ami Ian Foucher, libraire iuré en l'vniuersité de Paris, ra traduites en nostre langue Françoisse, & mesmément considerant vostre perfection es sciences, lesquelles ont entre elles vn lien commun, & sont assemblément coniointes par quelque affinité, neantmoins que la vacation du Iurisperite soit autre que du Medecin, si est ce toutesfois que j'ai osé vous adresser ceste épître, pour vous exciter (ia de vous-mesmes excité) à voir la perfection du sauoir de l'auteur, veue par autre perfection. Il vous plaira donc, Monseigneur, receuoir le tout fauorablement: & ce pendant ie prierai Dieu, vous dōner ce que desirez. A Paris ce. 17. Nouēbre.

3
MAISTRE I E A N C A
N A P P E, D O C T E V R E N M E D E
cine, au lecteur Chirurgien
Salut.

 E m'est vne chose assez per-
suadée, qu'il est impossible de
satisfaire aux affectiōs de to^o,
iouxte la sentence d'Horace:
lequel quelquefois auoit inuité trois
personnes seulement à vn banquet: ne-
antmoins chascun d'eulx auoit diuers
goust, & appetit, tellement que ce, que
l'vn appetoit, l'autre auoit en horreur.
Semblablemēt auiourd'huy l'vn ha en
bonne reputation les labours d'autrui:
les autres au cōtraire n'en peuuent bien
dire, ne estimer. Les autres par vne cer-
taine malice, & affection de contredire
en parlent en mauuaise partie, iacoit
que leur iugement interieur soit autre.
Et à ce propos me souuient d'vn passa-
ge de Galiē au liure de la raison, & ma-
niere de guarir par phlebotomie, di-
sant ainsi: Certes l'astuce & cautelle
des sophistes est biē digne d'estre haïc:
lesquelz iacoit qu'ilz sachēt bien, qu'ilz

L'astuce
& cautelle
de
acuns.

soient menfongiers, nonobftât par vne certaine malice ilz afferment tout au cōtraire, ce qu'ilz font: ou pour vne curiosité d'inuenter choses nouuelles, ou pour acquerir vne vaine fapience, ou pluftoft vaine gloire. Toutesfois fi ne fault il pas defifter de tirer au but, & fcope, qui no⁹ est proposé: c'est vne fin, pour laquelle toutes choses fe font, & par qui toutes choses font approuuées, & à laquelle il n'est poffible de paruenir fans les elemens, & principes. Or la fin de l'art que nous pretendons, est de garder la fanté, & de guarir les maladies: à laquelle ne peult paruenir, s'il ne fctet, que cest fanté, & maladie. Et pour ce que toute fanté, ou maladie confifte, ou aux parties fimples, ou aux parties organiques, ou est cōmune à icelles, il s'ensuit, qu'il fault congnoiftre lefdites parties. A la congnoiffance defquelles n'auons aucune voye, ny adrefse, finon par l'Anatomic. C'est donc vne chose affez demonftrée, que l'Anatomic est neceffaire à tout homme, qui veult faire profeflion en medecine. Car par elle

nous congnoissons la substance, la magnitude, le nombre, la figure, la situation, l'vtilité, & l'action de toutes les parties. Par l'ignorance desquelles choses, quand vn nerf est incisé, ou vn muscle, il aduient aucunesfois, que le sentiment se perd, aucunesfois le mouuement, & souuentefois l'vn & l'autre, & qui plus est, bien souuent la mort s'ensuit. Chacun void donq la grande & necessaire vtilité de l'Anatomie: laquelle si elle est requise en aucun, c'est principalement au Chirurgien. Et combien que la chose soit assez attestée, toutesfois ie allegueray encores ce petit mot digne de memoire, que dit Guidon de Cauliac: Ainsi comme l'aveugle, qui trenche du bois, tousiours, ou souuent erre, en trechant d'iceluy, plus ou moins qu'il ne doit: ainsi fait le Chirurgien, quand il ignore l'Anatomie. Mais tu pourras obiecter, que le Chirurgien ne que faire de sauoir, que c'est santé, ne maladie, ne la composition du corps humain, & qu'il luy suffist d'inciser, de cauterizer, & exercer semblables ope-

rations manuelles: ie te respōds ce, que
 i'ay desia dit, que nul ne peult garder
 santé, ne guarir maladie, sans cōgnoi-
 tre l'vn & l'autre, & qu'il n'est possible
 congnoitre ne l'vne ne l'autre, sans en-
 tendre la nature des parties. Ie dy d'a-
 uantage par l'autorité de Cornelius Cel-
 sus, que toutes les parties de Medecine
 sont ainsi coniointes ensemble, qu'on
 ne les pourroit totalement sèparer: mais
 elles prennent leur nōm de la chose, en
 quoy elles consistent le plus. Ce consi-
 derant, cest assauioir les principes, aussi
 les moyens pour paruenir à ceste fin,
 me suis mis en deuoir de traduire selon
 ma petite capacité, aucuns liures pour
 le profit des Chirurgiens, que pour le
 mien: & principalement ces quatre ta-
 bles prinſes, & mises en bon ordre de
 plusieurs lieux des bons autheurs, &
 principalemēt de Galien: esquelles est
 cōtenue toute l'anatomie du corps hu-
 main. Pource que nous n'auons point
 d'anatomie en nostre langue assez am-
 ple, & suffisante: ains mutilée, impar-
 faite, & souuentefois mal cōsonante à

verité. Pourquoy nous deuons beaucoup à l'auteur d'icelles, qui les ha amassées, & redigées en si bon ordre: en confessant que par luy auons aucun profit. Et combien que ie n'ensuiue pas du tout lordre, qu'il tient en ses figures, ce n'est pas pour deroguer à sa maniere de doctrine: mais pour donner encores plus facile, & claire intelligēce aux Lecteurs rudes, & mal exercez en telles diuisions: lesquels pourroient souuentefois prendre vne difference, ou espee pour l'autre. Et pour obuier à cest erreur, elles sont notées par leurs nombres. Priant au lecteur de perseuerer en diligence, & continuel estude de bonne doctrine: & ie perseuereray aussi de ma part (Dieu aidāt) à poursuiure autres matieres, sans lesquelles le Chirurgien ne peult estre parfait. Lequel labeur ie poursuiuray, tant pour passer le cours de la vie en choses honnestes, & vertueuses, que pour aussi suruenir à l'ignorance des ignorans. Et à telz i'escris, & pour telz ie traueille, non pour les doctes, & sauans, qui n'ont au-

cunement affaire de ce mien effort. Toutesfois ie croy qu'il n'y ha fauent, ou docte, qui ne trouue bonne ceste mienne entreprinse, attendu la fin d'icelle, qui est de profiter au public. Or donq, lecteur, quiconques fois, prens en gré le vouloir hōneſte de celuy, qui ne deſire, que ton auancemēt, & l'augmentation de ton ſauoir, & te ietter peu à peu des tenebres d'ignorance: ignorāce indigne de tout hōme genereux, & bien nay: laquelle deuōs autāt ou plus fuir que la mort. Car l'homme ignorāt n'eſt autre choſe, qu'une mort viue: de laquelle tu ſeras exempt en acquerant le contraire de ſi laiđe choſe: qui eſt ſauoir & intelligence des bonnes doctrines. Adieu Lecteur. De

Lyon ce premier iour de
Iuillet, Lan de
Salut.

Tables Anatomic- QUES DV CORPS HUMAIN

vniuersel, par Maistre Loys Vasse
docteur en Medecine.

TABLE PREMIERE DV ventre inferieur.



Le corps humain est diuisé communement
en quatre parties, grandes & genera-
les: c'est a sçauoir.

Francois.	Latin.	Grec.
3 Lateste.	Caput.	Cephale.
2 Le thorax.	Thorax.	Thorax.
3 Le ventre.	Venter.	Gaster.
4 Les extremités.	Artus.	Cola.

Lateste, laquelle selon aucuns est appellée le vē-
tre superieur, est finie la ou commence le col. Et con-
tient les parties animales.

Le thorax, lequel est aussi appellé le vêtre moyen.
& aucunes fois est dit le ventre superieur, c'est ce, Le tho-
rax.
qui est circonscript (c'est à dire limité) depuis les cla Apoh. 38
lib. 7.
uicules ou iugules, iusques au diaphragme, par les
costes, d'un costé & d'autre. Et contient les par-
ties vitales.

Le ventre inferieur, auquel les parties naturel-
les sont contenues, est depuis le diaphragme, iusques
à loz du penil, dit os pubis, ou pectinis.

TABLE. I. DV VENTRE

Les extremitex, ce sont toutes les iambes, & les mains. Or premierement il fault parler du ventre inferieur, pource qu'il doit estre le premier anatomizé.

Des parties superficielles du ventre inferieur.

Gale. in Apho. 33 lib. 2. Epigastr. **L** Epigastre, c'est a dire le lieu, qui est dessus le vètre, & quasi le vètre, superficiel dit en Grec Epigastrion, en Latin abdomen, & en Arabic mirach, est diuisé en ces trois parties: c'est a sçauoir.

- 1 Les hypochondres, en Latin præcordia, en Grec hypochondria.
- 2 Les parties, qui sont enuiron l'ombilic.
- 3 Et le l'ombilic petit ventre.

Ex intro duct. seu medic. Et Aristot. ca. 13 lib. 1. de historia Animal. **L'**ombilic en Grec omphalos, & en Latin umbiliculus, est comme la racine du ventre, tenant le milieu de tout le corps. Le cuir, qui l'environne, est en Grec nommé græa, en Latin anus, ou vetula.

L'ombilic ha. dessus, & dessous les parties ensuyuantcs.

Hypo - Les parties dessus l'ombilic.

- 1 Les parties laterales de costé, & d'autre, au dessous des costes nothes, ou faulses, gisantes sus le foye, & sus la ratelle, s'ot appellees præcordia selon Celsus. Les Grecz les appellent hypochondria, pource qu'elles sont soubz la cartilage, qu'ilz appellent chondros. Or il y ha deux hypochondres, c'est a sçauoir le dextre, & le senestre. Aussi les viscères interieurs sont appelez

hypochondria, pource qu'ilz sont souz les cartilages des costes nothes. Plin dit, que ce, que les Grecz appellent *phrenes*, sont dits *præcordia* en Latin, d'autant qu'ilz sont tenduz au deuant du cœur. Plin. ca. 37. li. ii.

2 L'espace moyen entre les *hypochondres*, est appelé *epigastriion*, selon aucuns.

La cavitè commune aux *Hypochondres*, & aux Flancs, dits *Ilia*, est appelée *cholas* selon Aristote: & selon Gaza, *cholago*.

Les parties souz l'ombilic.

Cholago.

1 Les parties laterales sont appellées en Latin *Ilia*, & en Grec *lagones*. Ce sont les parties les-
quelles (cōme ie pense) pource qu'elles sont mol-
lettes, nous les appellons les flancs. Ilia.

2 Les parties vuydes entre la derniere coste du Thorax, & loz des flancs, dit *Ilium*, esquelles parties vuydes est l'intestin, dit *Iciunū*, & *mesenterion*, & les subtilz intestins, sont appellées *Geneones*, & *lapara*, selon Galien, c'est à dire sans oz. Initiocō
mēt. li. 2.
pronost.

3 L'espace moyen entre *Ilia*, iusques au penil, est appelé en Grec *Etron*, & *Hypogastriion*: en Latin *Sumen*, & *Imus venter*, le petit ventre. Duquel la derniere partie est dite en Grec *Ephæaon*, ou *Epision*: & en Latin *Pubes*, ou *Aqualiculus* le penil. Les deux costes vn peu plus bas que le penil, en Grec *bubones*, en latin *inguina*, les cines. Les flās.

Du cuyr.

Gal. lib. 6. de vsu part. **L**E cuyr couurât tout le corps, est appellé en Latin *Cutis*, & en Grec *derma*, pourtant qu'il peult estre excorié: car *derestai* est vn verbe Grec signifiant excorier. Le cuyr est different selon les parties. Car il est impossible d'excorier le cuir de la palme de la main, de la plante du pied, du front, & quasi de toute la face, & d'aucunes autres parties, A cause des tendons, & muscles implantez en icelles parties.

Gal. lib. 2. de vsu part. **C'**est le vray cuyr dessus nommé qui ha l'extérieure superficie, quasi comme vne defloration, & est nommée en Grec *Epidermis*, c'est à dire *supreme cuticule*, laquelle n'a point de sentiment.

3. & 14. Meth. **Au** dessouz du cuyr il y a vne membrane, dite en Grec *hymen*: On l'appelle vulgairement *pannicule charneux*. Par laquelle passent les veines nourrisants le cuyr: aussi par elle passent les *Fibres nerveuses produites des nerfs des parties subiacentes à tout le cuyr, & donnans le sentiment*. Par la traduction, & passage d'icelles Fibres, le cuyr est aussi *connexé, & lié avec les parties subiettes, ou subiacentes, c'est à dire situées au dessouz*.

De la gresse.

Ga. li. 16 de vsu part. & in fine 1. **L**A gresse, en Latin se nôme *Adeps*, en Grec *Pi-mele*, ne requiert en aucune chose auoir nerfs. Laquelle est infuse en maniere d'huile grasse, aux

parties membraneuses, & nerveuses: à fin de les humecter tousiours de gresse naïue, en tant qu'elles sont seiches. Icele gresse est engendrée de la plus grosse partie du sang, affuse ou affluente par les subtiles veines. Laquelle se congele, quand elle est coniointe avec les particules froides, & exangues, c'est à dire, non sanguines. Parquoy ceulx qui sont froids de nature, ont beaucoup de gresse. Mais ceux qui sont chauds de nature, n'en ont point, ou bien peu.

Des Muscles de L'epigastre.

EN apres apparoiſſent les Muscles de L'epigastre, lesquelz ſont huit: quatre de chacun costé, egaux en magnitude & nombre, & semblables en situation de Fibres, ou filament: tellement que l'un n'est ny inferieur, ny superieur à l'autre. C'est à sçauoir.

4. Quatre obliques, tyſſus & composez de vils, ou Fibres obliques: desquelles l'office est retenir ce qui est conuenable. Dont les deux premiers naissans de la sixiesme, septiesme, & huitiesme costé: & principalement de la sixiesme, descendent aux os des flans. Les deux autres diuisent les deux premiers, à la similitude de ceste lettre Grecque, χ , montans depuis les flans iusques aux costes.

2 Deux drois estendus selon la lōgitude du corps, charnus, naissans d'enhaut, de chacune part de

Gal. lib.
5. de vsu
part. de
Anato.
admini-
stra. &
de locis
affe. cap.

TABLE. I. DV VENTRE

Les veines par lesquelles, les mamelles communiquent à la matrice.
Gal. de dissect. venarū.

la cartilage ensiforine (dite en Grec *xiphoides*, vulgairement *Målum granatum*) par le milieu du ventre, descendent aux os du penil, & illec se attouchēt l'un l'autre Lesquelz ont Fibres droites descendantes du hault en bas: desquelles l'office est de attirer. En la partie interne de ces muscles il y ha des veines, lesquelles procedent des muscles des os *Sacrum*, & ceux cy mōtent en hault: & puis se asssemblent avec les extremitēz des veines descendātes par le Thorax aux Hypochondres. Et d'une mesme racine paruiēt vne veine, de chacun costé, iusques à la matrice. Par lesquelles veines les mamelles principalement communiquent avec la matrice.

2 Deux transuersaux couurent tout le Peritoine, de toute part: lesquelz naißās de la droite ligne de l'os *Ilium*, & des laterales productions, en Grec *apophysis*, en Latin *processus*, des vertebres lumbales, font vn angle droit, avecques lesditz deux muscles droits. Et sont tissus de Fibres transuersales, desquelles l'office est de expellir ce qui est estrange.

Or nous declairerons toute la composition du muscle en la quatriesme table, là ou nous parlerons des muscles des extremités.

Gal. li. 5.
de vsu
part.

Iaçoit que nature ayt fait les muscles de *Lepigastrum* pour estre propugnacle, c'est-à-dire munimēt, & deffense des parties subiettes: aussi pour estre instrumens de l'excretion, c'est-à-dire expulsion des

superfluitez, ou excrements: neantmoins alle en abuse à la generation de la grande efflation, & de la voix, & aussi à l'enfantement, & d'auantage à la retention de l'alaine, laquelle Praxagoras appelle en Grec pneumatos catalepsis.

Du Peritoine.

LE Peritoine, en Grec Peritoneon, en Arabic Gal. lib. Siphac. c'est vne membrane fort subtile, mais nadeA- toutesfois bien forte, & ferme, semblable aux lar= nato. ad mines toilles des araignes. Et est vne parie entiere= ministr. & 4. de ment simple, ou qui totalemēt s'entretient: Et s'ap= vsu par. pelle Peritoneos t unica, seu membrana, à cause que elle est tendue à l'enuiron de tous les visceres, intestins, arteres, nerfs, veines, vescie, matrice, & de toutes les parties du ventre inferieur, les seruant de tunique. Et ha son nom, & etymologie d'un vocable Grec Peritomēnu, c'est adire tendu à l'enuiron.

Les vtilitez du Peritoine sont plusieurs: c'est a sauoir cinq.

1 La premiere est, qu'il couure toutes les parties subiettes, comme le ventricule, les intestins, & les visceres, lesquelz sont deffoux Phrenes, c'est- adire deffoux le diaphragme, ou septum transversum.

2 La seconde, qu'il diuise & separe les parties deffusdictes d'avec les muscles gisans exterieuremēt: de peur que quelquefois aucun des in-

Gale. 4. de vsu part.

Cinq vtilitez du peritoine.

TABLE I. DV VENTRE

testins subtilz ne tōbe aux espaces, qui sont entre ces muscles: lesquelz intestins s'ilz pressent, & sont pressez, ilz estraignēt, & sont estraints: s'ils font douleur, & soient dolents, ilz empeschent les mouuemens desdits muscles, en sorte, que à grande difficulté pourront ilz expeller en bas les excremens.

3 La tierce, à fin, que les excremens du nourrissement sec, descendent plustost. Car le Peritoine tendu tout à l'entour de toutes les parties internes, se assemble par ses extremittez superieures, iouxte la poitrine, & les costes nothes, avec le Diaphragme aydant au mouuement du ventricule, & des intestins: lequel mouuement presse de toute part. Car par le Peritoine & le Diaphragme, comme si cestoiēt deux mains vnies ensemble en hault, & distātes l'une de l'autre en bas, les superfluites de la viāde cōtenue au milieu, sont pressees & posees en bas.

4 La quarte, à fin qu'il serre, & estraingne toutes les parties dessusdites, comme vne couuerture tendue exactemēt tout à l'entour: de peur q̄ le veēricule, & les parties prochaines à iceluy, ne soient promptemēt surprinses de vētositez.

5 La quinte, à fin, que toutes les parties situes au dessouz du Diaphragme, ayent colligance par le Peritoine, & qu'une chacune d'icelles parties soit, particulierement couuerte de luy, comme d'une peau.

Or le peritoine sort des extremités des muscles, trauersans de la particule charneuse du diaphragme, de laquelle plus failemēt il est séparé, que de la particule nerueuse. Et de ce lieu il procede outre à la dextre, & senestre, iusques aux flācs, & vertebres lōbales. Mais l'extremité supericure d'iceluy, Ga.li.16 de anat. admini- str. & 41^e de vsu part. adhère à l'inferieure partie du diaphragme: Et l'inferieure est coniointe aux os du penil, & aux flācs. Or depuis le diaphragme iusques à la senestre partie, il est implanté à l'inferieur orifice du ventricule: en apres il est estendu sus toute la partie gibbeuse d'iceluy ventricule, & ce est la tierce tunique du ventricule, exterieurement l'enueloppant de toutes parts: de laquelle tunique, mesmement nature vse pour ligament pour attacher tout le ventricule avecques les parties, qui sont vers l'espine. Pour ceste cause en ce lieu il est trouué double, combien que les autres apophyses du peritoine, qui sont enuoies aux instrumens nutritis, soient tous subtils. Vers l'ombilic il adhère au tendon large & subtil, cōme ainsi est, qu'il est de nerueuse subtilité, (ce qu'on l'appelle en Grec ἀπορεύωσις) tant difficile à separer des muscles trāuersans, q̄ d'iceux sans grād labour, ou sās rōpre qlque chose, ne peut estre séparé. Gal.lib. 6. de admini- str. Mais si à part tu peux regarder le peritoine sās aucunes pties, ausq̄lles il touche, il te sembleroit representer vn cercle, leq̄l auroit en aucunes pties q̄lques laxes eminēces, & aux autres des pertuisseulemēt. Car iouxte les aines en la partie, par laquelle les

TABLE I. DV VENTRE

vaisseaux spermatiques passent iusques aux testicules, il est amplement pertuisé d'une part & d'autre: & de la se fait vne grande apertion, par laquelle passent les testicules. Car afin que les vaisseaux spermatiques eussent l'ogue reuolution & aufractuosité:

Gal. ibi. Nature a fait le passage au peritoine, & a colloqué
& lib. 1. les testicules au lieu inferieur. En ceste partie le pe-
de se- ritoine est tressubtil: pource il est facilement dilaté
mine. & estendu en ce lieu, ou facilement rompu: lequel

La def- dilaté, ou rompu, l'epiploon, ou les intestins descen-
côte des dent à la bourse des testicules: & de ce s'ensuiuent
Intestins ces maladies epiplocelé, enterocelé, & les autres ap-
aux te- pellées vulgairement Hernies.
sticules.

De Epiploon, ou omentum.

Gal. lib. **E** Piploon, ou Epiploon en Grec, en Latin omen-
4. de v- tum, en Arabic Zirbus, les anciens l'appelloient
su part. rete, On l'appelle vulgairement en François la coef-
& 6. de fe. Il est composé de deux tuniques produites du Pea-
Anato. ritoine, denses, & subtiles, gisantes l'une sus l'autre,
admini- & de plusieurs arteres & veines, avecques beau-
stra. coup de gresse: à fin qu'il entretienne le ventricu-
le, au fond duquel gist, & par maniere de dire, il
nage dessus: dont il ha prins son nom, car Epiplei
en Grec signifie autant, comme nager sus. Aussi à
fin que il garde la chaleur naturelle, au temps de
necessité de famine. Il est estendu bien long sus
tous les intestins, pour ayder à leurs confections,

lesquelles sont grandement imbeciles, & debiles. En aucuns animaux il ne consiste pas beaucoup deffous L'ombilic, en d'autres il descend iusques aux os du Penil, nommez ossa pubis. Sa figure represente vne gibessiere, ou vn petit sac, ou vne penetiere de pelerin, ou de berger. Entre les animaux, les Hommes & les Singes l'ont fort grand: & pourtant plusieurs hommes sont appelez souventefois Epiploocomistæ en Grec, & en Latin Omentigestores, c'est-à-dire, qui ont grand Epiploon, ou Omentum,

Des intestins.

Les intestins, en Latin Intestina, en Grec enteræ, sont composez de deux propres tuniques, lesquelles en Grec sont dites chigones, pour deux causes.

Gal.lib.
4. & 5.
de vsu
part. &
6. de Anatom.
administr.

- 1 La premiere, à fin que leur faculté, & vertu expultrice soit plus forte.
- 2 La seconde, à fin, qu'ilz soient plus asseurez de toutes iniures, & dommages.

Les deux Tuniques des intestins sont dissemblables, & differentes à celles du ventricule.

- 1 Car la Tunique intrinseque des intestins est plus charnue.
- 2 Et l'extrinseque est plus membraneuse.

Ces deux Tuniques sont tissues de Fibres transversales seulement. Pource que les intestins n'ont,

TABLE I. DV VENTRE

eu besoin, que d'un simple mouuement, car il ne leur estoit point necessaire de attirer, ny de retenir: mais seulement d'expellir, en se retirât de toute part. Toutesfois aucuns intestins, & principallemēt les gros, ont quelques Fibres droites, estendues en long, pour la tutelle, & deffense des Fibres transversales, comme le droit intestin en ha plusieurs telles. Outreplus les intestins ont vne autre tierce Tunique, du Peritoine, comme ha le ventricule. La nature de tous les intestins est vne mesme, sinon que elle est diuerse en magnitude, & au nombre des reuolutions, ou anfractuositex.

Les intestins sont en nombre six, c'est asçauoir.

La tierce tunique du Peritoine.

Galibi. & lib. 6. de locis affe.

3 Trois subtils, lesquelz sont destinez, & ordonnez à la distribution du Chyle, par les veines mesaraïques, au Foye. Et sont pour ceste utilité principalement : iagoit que ilz ayent aussi quelque vertu concoctrice des viandes, semblable au ventricule, laquelle toutesfois est plus imbecille. D'auantage aussi ilz ont vertu expultrice des excremens.

3 Et trois gros, qui sont instrumens de l'excretion. Lesquelz (comme un second ventre) sont subiectz aux excremens secs, tout ainsi que la vessie est subiette à recevoir les vrines. Pourtant aucuns les appellent le ventre inferieur.

1 Le premier intestin est cōioint au vëtricule, par Pylorus, c'est-à-dire par le portier. Et ne se reflexhit pas incontinent en circonuclutions, ains est produit & estendu le long de douze doigts, iouxte la Spine : iusques à ce que il ayt donné assez ample espace à la veine porte, aux arteres des intestins, aux nerfz, & aux pores contenant le cholere, ou le fiel. Lesquelles quatre parties, il estoit necessaire estre situées en c'est espace, lequel est moyen entre le ventricule, & l'intestin, dit Ieiunum, quasi enuiron le milieu de cest intestin. Et pource que il est sans circonuolution, les Anatomistes ont acoustumé de l'appeller Ecphysis, c'est-à-dire vne origine, & naissance des intestins. Herophilus l'appelle dodecadaetylos, à cause qu'il est long de douze doigts. Vulgairement il est nommé Duodenum.

2 Le second est appelé en Grec Nestis, en Latin Ieiunium, pource qu'il est tousiours vuyde. Car de luy se fait distribution grande, & bien soudaine, à cause de la multitude des vaisseaux, & de la situation prochaine au Foye. Pource aussi qu'il reçoit le premier (apres Ecphysis) le chyle, & qu'il le distribue au Foye, qui est vuyde. Item la force de son action est augmētée, d'autant qu'il n'est pas loing de la par-

TABLE I. DV VENTRE

tic, par ou le excrement bilieux, c'est-à-dire cholérique, entre premièrement en ecphysis.

Ileon,

3 Le tiers, subtil, est appelé en Grec Ileon, & est de semblable substance au second dessusdit. Toutesfois il differe d'auec luy, d'autant que il ne se trouue point vuyde: aussi il ne ha pas tant de vaisseaux. Ces deux intestins sont impubliez en diuerses reuolutions: & obtiennent la plus haulte region du ventre.

Cæcū.

4 Le quart (qui est le premier des gros) est appelé en Latin Cæcum: lequel est comme vn gros ventre, idoine à receuoir les excremens. Et est situé aux Flancs dextres: au dessus duquel est suspendu le Rongnon dextre. Les Chirur=giens vulgairement l'appellent, Saccum, & Monoculum.

Colon.

5 Le cinqiesme est nommé Colon, lequel est gros intestin, plus charnu que les autres. Et est porté de la dextre region des Flancz iusques à la fenestre, sus le fons du ventricule: tant que souuentefois il atouche la ratelle & le foye.

Rectū.

6 Le sixiesme est dict Rectum, c'est-à-dire droit, lequel gist droitemēt sus la spine: & pour ce est il ainsi nommé. Et est vn ample & spacieux receptacle d'excrement, estendu iusques au siege. Vulgairement on l'appelle Longanum.

A iceluy appartiennent cinq rameaux de veines

(comme il plaist à plusieurs) aucunesfois plus, au-
cunesfois moins de cinq, dites Hemorrhoides, des-
quelles nous parlerons en la description du siege, dit
en Latin Anus.

Les vei-
nes he-
mor-
rhoides

En chacune circonuolution d'intestins sont disse-
minés & dispersés des nerfs de la sexte coniugatiō
du cerueau, lesquels nerfs seruent au sentiment, &
à l'excretion. Pareillement en chacune circonuolu-
tion il y a vne veine, & vne artere.

Gal. lib.
5.9. & 16
de vsu
part.
les nerfs
& vei-
nes des
intestis.

De Mesenterion, autrement Mesaræon.

Mesenterion, ou Mesaræon, est ainsi nommé par
deux noms, à cause des accidens, qui luy ad-
uiennent. C'est asçauoir, Mesenterion est dit à cau-
se de sa situation, pource qu'il est situé au milieu des
intestins. Mais Mesaræon est nommé pour sa pro-
pre substance. Aucuns l'appellent lactés. Toutesfois
Pline dit, que lactés ce sont les intestins subtilz. Or
Mesenterion prend son origine du peritoine, iouxte
la spine. Et est composé de plusieurs veines & ar-
teres & de gresse double. Oultreplus il est composé
du peritoine double tissant les espaces moyens entre
iceulx vaisseaux.

Plin. li.
11. cap.
37.
Gal. lib.
6. Ana.
admini.
& in fi-
ne. 4. de
vsupart.

Mesenterion enuironne, & embrasse toutes les
veines, descendantes du foye en luy (dont elles sont
appelées mesarææ, ou mesaraicæ les veines mesarai-
ques) avec les arteres prochaines, & nerfs. Comme
il cōprend aussi tous les intestins, ausquelz plusieurs

orifices de veines paruiennent & penetrent en similitude de subtiles extremitex des racines de quelque arbre. Or tout ainsi que nature recueille, & assemble es arbres ces petites racines en plus grosses, ainsi es animaux elle assemble les petis vaisseaux en plus grans, & de rechef iceulx en autres plus grans, & ce gardant, iusques à ce qu'elle paruienne au foye: la ou elle recueille tous lesdits vaisseaux en en vne veine, laquelle est situee aux portes du foye, & est appellee la veine porte. De laquelle nous donnerons la diuarcation, c'est à dire ramification, ou diuision en ses rameaux, quand nous traicterons du foye. Pareillement nature ha retiré, & recueilli toutes les arteres en vne grande, laquelle gist sus le dos.

Gal. ibi. Toutesfois il y ha autres veines du mesentere, & cap. 7
lib. 5. de lesquelles tendent vers les portes du foye, pour distribuer le Chylus. Et pource s'ot appellees les mains
locis aff. du foye. Esquelles veines le sang est premierement engédre. Il en y ha d'autres, qui sont propres au mesentere, c'est asçauoir pour nourrir les intestins, lesquelles ne paruiennent point iusques au foye, ains comme disoit Herophilus, elles se terminent en aucuns corps glanduleux, iacoit que toutes les autres paruiennent en hault, vers les portes du foye.

Galen. i. Or de peur que les vaisseaux dessusdits ne soient
fi. lib. 4. comprimex en quelque lieu, ou qu'ilz ne soiēt aucunement molestez en sautant, ou en tombant, ou quel
de vsu part. que autre mouuement violēt nature a fait & conserere.
Lutilité du mesentere. stitué le mesētere double, es espaces vuides, lesquelz

sont entre les vaisseaux: à fin qu'il veste, & couure tous lesdits vaisseaux, & qu'il leur scrue de ligament, & forte deffense.

Mais d'autant que la veine, artere, nerf, & avec icculx le quatrieme vaisseau contenant la cholere, illec sont diuisez en rameaux, haults, & droits, nature ha fabriqué vn corps glanduleux, que nous appellōs *Pancreas* en Grec. Lequel elle ha soubsterné, & couché tout à l'entour desdits vaisseaux, & ha rēpli les diuisions d'icculx, tellement que nul d'eulx ne se peult facilement fendre, & n'est ce sans appuy & fulciment. Ains d'autant que lesdits vaisseaux se reposent sus le corps, qui est mol, & cede modiquement, s'ilz sont esineux de quelque mouuement trop vehement, ilz sont conseruez perpetuellement, sans estre blesez, conquassez, ne rompus.

Gal. lib. & initio lib. 5. de vsupart.

Pācreas

Du ventricule, autrement Estomach.

LE ventricule, que les Grecz appellent *gaster*, & *cœlia*, c'est le receptacle de la viande, comme vn promptuaire, & repositoire communes à toutes parties. Auquel se fait la premiere concoction. Il est situé au milieu du corps, mais plus à la partie dextre. Il est rond, long, & caue. Et ha le fond plus large, que l'orifice, spécialement es hommes,

Gal. lib. 4. de vsupart.

Il ha deux tuniques, semblables aux tuniques de *œsophagus*, & dissemblables aux tuniques des intestins.

Gal. lib.

T A B L E I. D V V E N T R E.

1 L'une interieure, laquelle est plus mēbranueuse: & est continue à la tunique interne de œsophagus, de la bouche, & de la trachee artere. Aussi elle est tissue de plusieurs vils, ou filamēts droits, descendents du hault en bas, & de peu de filaments obliques.

2 L'autre exterieure, laquelle est plus charnue, & ha de vils transversaux, telz cōme sont ceulx des deux tuniques des intestins, & non sans iuste cause. Car il fault que le ventricule attire à soy la viande, & le bruuage, par l'œsophage. Et ce par le moyen des filaments droits, comme s'ilz luy seruoient de mains. Et fault, qu'il les repoulse par les transversaux.

3 D'abondant il ha vne tierce tunique du Peritoine, ainsi que dit est.

Laquelle nature a mise à l'entour de la seconde tunique charnue, comme vne couuerture & defense: & d'icelle nature vse pour ligamēt à lier tout le ventricule aux parties, qui sont à l'espine. Car pourautant que le ventricule est vne grāde partie, & qu'il soustient grande distention & elargissements qui luy auiennent à cause du boire, & māger, à bonne cause il à eu besoin de fors ligaments, & bōnes couuerturēs.

Le ventricule ha deux orifices.

Gal. libi.
& cap. 5.
lib. 5. &
cap. 2. li.

1 Le superieur est situé à la fenestre, & est contenu à œsophagus. On l'appelle l'orifice du ventricule, & aucune fois abusiuemēt le stomach. Et

aucunefois abusiuement est appellé stomachus. 6. de l. 1. .
 Les anciens l'appelloient le cœur. Cest orifice su-
 perieur est plus large, & plus ample, que l'autre. cis aff.
 Pource qu'aucunefois l'on transgloutist, & deuo- & de dis
 re aucunes choses non brisees, ains dures, & grā sect. ve-
 des. Lesquelles, à fin qu'elles passent, requierent narū, &
 que la voye qui apporte par œsophagus, en La- apho. 38
 tinalgula soit large & ample. lib. 6. &
 56. lib. 7

2 L'inferieur orifice est situé à la dextre, au-
 pres du foye. Et est contenu aux intestins. Les
 Grecz en la similitude d'une porte, le nomment
 pylorus, c'est à dire portier. Il est plus estroit, que
 l'orifice superieur, pource qu'il ne passe rien en
 bas, qui soit grand, ou dur: ains tout ce qui y pas-
 se est cuit, & mué en Chylus. Car cest orifice, cō
 me vn portier iuste, ne donne facilement passage
 par bas à aucune chose deuant qu'estre cuite, &
 redigee en Chylus.

Plusieurs veines sont enuoyees du mesetere aux Gal. lib. 2
 intestins: mais peu au fond du ventricule, & enco- 4. de vsu
 res moins à l'orifice dudit ventricule, & encores part.
 moins & du tout obscures & non manifestes, à œ-
 sophagus. Car L'esphage est seulement la voye des
 viandes: & le ventricule est l'instrument de conco-
 ction, ainsi que les intestins sont de la distribution.
 Car certes la ou il fault seulement, que les viandes
 se cuisent, il ne fault pas beaucoup de veines pour
 faire transsumption de ce, qui est desia benin, & v-
 tile. Mais ce, qui est desia cuit, il conuient qu'il soit

distribué tout incontinent.

Gal. lib. Mais à la voye des viandes les veines n'estoient
de diffc. nécessaires, sinon pour la nourrir. Tiercement donc
arte. & celle voye à obtenu peu de veines: mais le ventricu-
16. de v- le en à obtenu moyennement: & les intestins copieu-
su part. sement en aucunes.

Item aucunes petites arteres procedantes de la grande artere, qui gist sus la spine, paruiennēt au ventricule, à cause de la vertu vitale.

Gal. li. 4 Item vn pareil ou couple ou paire de nerfs, as-
& 16. de sez grand, de la sexte coniugation du cerueau, par
vsu par. uient au ventricule: & est dispersē, & tiñst prin-
les nerfs cipalement l'orifice du ventricule, & les parties
continues à iceluy. Et puis s'estēd es autres parties
iusques au fond du ventricule. Par lesquelz nerfs,
comme par aucuns canalz, la vertu sensitiue afflue
du cerueau en iceluy ventricule: parquoy il a fain,
& indigence, qui est en luy.

Gal. lib. Outreplus il y a vn vaisseau veneux, lequel viēt
4. de vsu de la ratelle, iusques à l'orifice du ventricule. Ce
part. vaisseau apporte l'humeur melancolique, par la-
vaisseau veneux quelle humeur d'autant quelle est froide & aigre,
de la ra- l'appetit est excité. Et le ventricule en est astringē,
te. & corrobore.

Du foye.

Gal. li. 4
& 5. de
vsu par.
& 6. An
na. ad-
ministr.

LE foye, en Grec, hepar, en Latin iecur, c'est le principe de la faculté concupiscible, & de tou-

tes des veines, & le premier instrument d'engendrer le sang. Lequel embrasse exactement le ventricule, par aucunes lobes, c'est adire fibres: comme si c'estoient doigtz. La plus grande partie du foye occupe la partie dextre, iacoit quelle occupe quelque partie senestre: mais ce n'est pas egalement en tous. Le foye est fort grand es hommes. Et ceux qui sont goulus & timides l'ont plus grand. Et est diuise en plusieurs lobes. Toutefois le nombre des lobes, ou fibres du foye, n'est pas tout vn en tous animaux. Car en aucuns le foye n'a point de lobes, ains est du tout rond, & moins droit. En d'aucuns il y ha deux lobes, es autres trois: & en plusieurs quatre. Itē là ou il attouche au diaphragme, il est gibbeux, & pose, Mais là ou il gist sus le ventricule, il est caue, & inegal. Sa propre chair est semblable à vn sang engrossi, duquel la plus subtile partie ha esté euaporee par chaleur. Laquelle chair du foye, pareillement de tous autres viscères, Erasistratus appelle Parenchyma en Grec, c'est adire affusion. Le foye est la premiere officine ou boutique de sanguification, c'est adire de generation de sang. Item il ha vne tunique du Peritoine, en laquelle vn bien petit nerf, de la sixieme coniugation du cerueau, est implanté: toutefois il ne paruiet pas dedans euidentement. Car il ha suffy à ce viscere, c'est adire au foye, de receuoir de ce nerf quelque sentiment obscur, & petit, d'autant qu'il est fait par distribution. Car veu que nul

La magnitude du foye.

La figure.

La substance.

TABLE I. DV VENTRE

suc malin, & acré, ne deuoit demeurer en luy, pour ceste cause, il n'a pas eu besoin de plus grand sentiment. De la substance du foye naissent deux grādes veines, semblables, & en proportion correspondantes à vn tronc d'arbre.

Gal. ibi.
& 16. de
vsupart.
& de dis
sect. ve
narum.
Laveine
porte.

1 L'une viēt de la partie caue du foye, laquelle reçoit toutes les veines du mesētere. Et est appellee superficielle, & en Grec *stecchiaea*, par le nō d'un tronc. Les Anatomistes Latins la nomment les portes du foye, ou autrement la veine porte. Ceste veine prēd du ventricule, & des intestins, le chylus, & expurge le sang melancolique en la ratelle.

Laveine
caue.

2 L'autre sort de la partie gibbeuse du foye, laquelle est la plus grande de toutes les veines. Les Grecz l'appellent *hepatitis*, c'est adire *iecoraria*: & *cœle*, c'est a dire *caua*, à cause de sa magnitude. Car elle ha discours par tout le corps, veu que par icelle le sang, qui est le nourrissement de toutes parties, est distribuē par tout le corps, vulgairement en langue corrompue *Vena chilis*.

Gal. de
dissect.
venarū.
La diui
sion de
la veine
porte.

La veine porte, laquelle enuiron le milieu d'*eophis* descend obliquement, ha sept rameaux insignes, & grans.

1 Le premier paruiēt à la concauité du vētre.
2 Le second vient en la ratelle. Et apres que plusieurs rameaux sont enuoyez à toute icelle ratelle, par la partie caue, vne partie de ceste veine

vient à la gibbosité du ventricule, & l'autre est diuisee à la fenestre region d'omentum.

3 Le tiers rameau à la fenestre, paruiet à l'extremes mesentaire des grans intestins iusques au siege.

4 Le quatrieme naissant de la partie dextre de la veine porte, pres de pylorus, paruiet iusques à la gibbosité du ventre. Et ses rameaux, ou propages, tendent à la partie dextre d'omentum.

5 Le cinquieme aussi de la partie dextre paruiet au mesentaire de colon, par vn grand nombre de petites veines.

6 Toute l'autre portion de la veine porte, paruiet iusques au milieu des deux mesentaires des susdits. Laquelle aussi enuoye plusieurs rameaux au premier intestin dit ieinum, & puis en tout l'intestin subtil.

7 Sa derniere partie, fait son discours entre l'intestin dit cæcum, & quelque partie de colō, illec ou l'intestin colon est conioint avec cæcum.

Après que nature ha vny à la veine porte toutes ces veines, lesquelles portent le chyle du ventricule, & de tous les intestins en hault au foye, de rechef elle les diuise en plusieurs. Et premierement en chacune lobe, c'est à dire fibre du foye, elle implante vn rameau insigne, & grand. De rechef chacun d'iceux rameaux est distribué en plusieurs petis : tout ainsi comme vn tronc est diuise en plusieurs rameaux.

Gal. ibi.
& li. 4 de
vsu par.

Dabondant iceux rameaux sont diuisez en surcu

T A B L E I. D V V E N T R E.

L'utilité des im-
plica-
tiōs des
veines. les, & puis se terminent en petites germinatiōs sub-
tiles: & ce, à celle fin, que le chyle (apres auoir de-
meuré long temps au foye, à cause de si grande im-
plication, & anfractuosité de vaisscaux, aussi à cau-
se du passage estroit) soit parfaictement transmué
en sang.

Gal.li.4
& 16. de
vsupart. La veine caue naist de la partie gibbeuse du foye,
& est semblable à vn tronc diuisé en deux. C'est asca-
uoir en hault elle monte au cœur: & en bas elle est
refleschie vers la spine. Elle ressemble à vn conduit
rempli de sang. Et ha plusieurs ruisseaux yssans del-
le, grāds & petis, qui sont distribuez en toutes les
particules du corps.

En ceste veine le sang desia est rouge, & pur, le-
quel monte en hault, à la partie gibbeuse du foye, ou
il est receu. Toutesfois il est encores plein d'une hu-
meur subtile & aqueuse, laquelle humeur est appel-
lee selō les Latins *seorosum recrementum*. Hypocra-
tes l'appelle *ochematrophēs*, c'est adire le vehicule
du nourrissement. Or cy apres nous poursuurons la
diuision d'icelle veine caue.

Gal.lib.
4. de vsu
part. &
5. de lo-
cis. affe.
cap. 6. Les veines qui sont en la gibbosité du foye, ne sōt
pas cōiointes avec les veines de la partie cōcaue du-
dit foye. Neātmoins la viāde yssante de toutes icelles
veines de la partie concaue du foye, est trāsportee
aux parties gibbeuses. Or entre toutes les veines, les
quelles sont dispersees par tout le corps, les veines
qui sont au foye ont leurs tuniques les plus subtiles:
d'autāt quelles ne sont exposees à aucun dāger pour

souffrir (car elles ont leur situatiõ biẽ seure au foye)
 & ainsi elles elabourẽt mieux le sang, en touchãt au
 corps du foye, sans qu'il y ait aucũ moyẽ entre deux.

Nature ha mis seulement à la partie caue des arte
 res, lesquelles gardent & conseruent la symmetrie, Gal. lib.
4. de vsu
part.
 c'est adire la commoderation de la chaleur naturel
 le du foye, sachant que la partie gibbeuse est en con
 tinuel mouuement, à cause qu'elle est prochaine du
 diaphragme. Or ces arteres sont fort petites, comme
 celles qui donnent seulement refrigeration à la par
 tie caue du foye. Le nerf est encores plus petit que
 les arteres. Mais les conduits contenans la cholere,
 sont plus grans que les nerfs & arteres, (desquelz
 nous parlerons cy apres incontinent) & les veines
 sont plus grandes, que tous les dessusdits.

De la vessie du fiel.

EN ceste partie caue du Foye, y ha vne vessie, ou Le folli
cule du
fiel.
Gal. lib.
4. de vsu
part.
 vn follicule du fiel, que les Grecs appellent Cy
 stis choledochos, c'est adire vessie receuant la chole
 re vulgairement cystifellic. De laquelle vessie nais
 sent aucuns conduits, que les Grecs appellent pori
 choledochi. Car ilz sont de mesme substãce avec icel
 le vessie, & contiennent la cholere, non pas le sang.
 Non seulement ilz sont au foye, mais aussi hors du
 foye, tout ainsi que celuy conduit, lequel paruient à
 ecphysis, & aussi ceux qui passent par la vessie,
 laquelle n'est pas partie du foye. Ceste vesicule

T A B L E. I. D V V E N T R E

- Gal. lib. 4. & 5. de vfu par. ou petite vefſie, ha vn long col, comme par maniere de dire vn eſtomach, par lequel elle attire & reçoit du foye la cholere ſeulement. Et par vn autre conduit elle l'enuoye en ecphyſis, c'eſt adire en l'origine des inteſtins. En laquelle ecphyſis ce conduit eſt obliquement implanté, tout ainſi que les vretères ſont implantés en la grande vefſie, à fin que riē n'en regurgite, ou retourne. Et ce par vne merueilleuſe providence de nature. Neantmoins Galien au troiſieſme liure des facultez naturelles, afferme icelle meſme veſſicule du fiel eſtre remplie, & vuidee, par vn meſme col, en diuers temps.
- Gal. li. 4 & 5. de vfu par. Pour parfaire ces mouuemēts, icelle vefſie ha vne tunique propre, tiſſue de trois genres de vilz, ou fibres (car elle en ha vne autre du peritoine, ſans ſilamens) comme ont toutes les autres parties du ventre inferieur. Elle attire par les fibres droites, & retient par les obliques & expelliſt par les tranſverſales. Tout ainſi que fait la vefſie receuant l'urine, le nerf, & la matrice. Item elle ha vne artere, & vn nerf, l'artere, de ceux, qui viennent au foye, l'un & l'autre fort petit, & quaſi inuiſible. Mais il y ha vne veine ſenſible, & manifeſte, produite de celles, qui ſont à la porte du foye. Ces trois vaiſſeaux ſont fichez au col de ceſte vefſie, & puis ſont diſperſez en toute icelle, & paruiennent iuſques au fond d'elle.

De la ratelle.

Gal. lib. 6. Ana. ad mini. & 4. de vſupart.

Splen en Grec, lien en Latin, c'eſt la ratelle, laquelle conſiſte en la partie ſeneſtre. Sa partie

concaue incline à la dextre vers le foye & le ventricule: mais sa partie gibbeuse est cōuertie aux extremitéz des faulſes coſtes. La magnitude, & couleur de la ratelle, n'est ſemblable en tous animaux. Car vn lyon & vn chië, & toutes autres beſtes fortes & chaudes, ont la ratelle fort noire. Mais vn porc, & toutes autres beſtes humides, & froides, ont la ratelle plus blanche.

Le propre corps, & ſubſtance de ce viſcere, eſt fort rare, & arterieux, & laxé en maniere d'une eſponge: à celle fin d'attirer, & receuoir facilement les groſſes humeurs du foye. Item elle eſt plus legere, que n'eſt le foye, touteſois elle n'eſt pas ſi rouge, ou ſlaue: car elle eſt nourrie de ſang ſubtil, noir touteſois. Et d'autant qu'elle eſt plus rare que le foye, d'autant eſt elle plus denſe que le poulmon.

La ratelle purge les humeurs lymonnceuſes, groſſes, & melancholiques, engendrees au foye. Car elle les attire par vn vaiſſeau veneux, lequel vaiſſeau eſt eſtendu depuis la partie caue de la ratelle, iuſques à la veine porte, en maniere d'eſtomach, ou mery. Et apres qu'elle ha attiré ledites humeurs melancholiques, elle les cuit, & elaboure: puis ſe nourrit du plus ſubtil. Et ce qui eſt inutile pour nourrir, elle l'enuoye à l'oriſice du ventricule, ou eſtomach, par vn autre vaiſſeau veneux, pour vne vtilité, laquelle n'eſt pas à meſpriſer, comme nous auons deuât dit.

La partie caue de ce viſcere contient les implantations de pluſieurs, & grandes arteres, & veines

TABLE I. DV VENTRE

Des veines elle attire le plus gros nourrissement. Et des arteres, elle attire le plus subtil.

Gal. li. 4
& 5. de
vsupart. La tunique qui enuironne la ratelle, procedant du peritoine, non seulement est vn ligament, mais d'auantage est vne tunique (comme ainsi elle est nommee) laquelle couure, & vest de toute part la ratelle. Elle reçoit vn petit nerf de la sexte coniugation des nerfs, comme font les rongnons, & la vessie receuant la cholere. Lesquelz trois visceres purgeans le foye, ne requierent pas plus grād sentiment, à cause qu'ilz ne doiuent auoir aucun dommage de leurs propres, & familiers excremens, contenuz en eux.

Des rongnons & parties dediees à l'urine.

Lib. de
calculo
& 16. de
vsupart. LA veine caue yssant de la gibbosité du foye (comme nous auōs dit) procede en deux parties: c'est
asc. auoir.

- 1 En hault, & s'appelle vulgairement vena cœle ascendens, c'est adire la veine caue montant.
- De laquelle nous parlerons en la seconde table.
- 2 Et en bas, & vulgairement s'appelle vena cœle descendens.

Ceste veine descendant en bas, est de rechef diuisee en trois rameaux.

- 1 Le premier rameau paruiet aux rongnons, duquel à present nous parlons.
- 2 Le second va aux testicules, duquel peu apres nous ferons mention.

3 Et le tiers aux iambes, duquel nous parlerons
en la quatrieme table.

La veine caue tout incontinent qu'elle sort du foye. Gal. lib. deuant qu'elle descende aux reins (en Latin lumbi) de disse. estant encorcs bien haulte, distribue de petis surcu- ^{venarū.} les aux parties prochaines. Et puis enuoye vn grād ^{Itē. 5. 14.} rameau à chacun des rongnons, situez au dessoubz. ^{& 16. de} Semblablement autres deux vaisseaux aussi grans, ^{vsu par.} qui procedent de la grande artere (laquelle gist sus ^{Deux} la spine) sont implātez aux rongnons, tout ainsi que ^{veines} les deux veines dessusdites. Lesquelz quatre vaisse- ^{emulge} aux, c'est asçauoir deux veines, & deux arteres, cō ^{tes disse} munemēt s'appellēt emulgentes. Car par icelles les ^{rentes,} rongnons separēt, & attirēt l'urine d'auec le sang. ^{la ferosi} Sēblablement ilz attirent beaucoup de cholere, & ^{tē du} quasi tout ce qui est contenu en icelles veines & ar- ^{sang.} teres. Aussi ilz attirent beaucoup de sang, c'est asçā- ^{Deux ar} uoir la partie la plus humide & la plus subtile dudit ^{teres.} sang. Mais quant est de l'excrement cholerique, tout ^{L'actiō} ce qui n'est pas fort gros, passe avec les vrines, dont ^{des ron} les vrines se iaunissent. Mais le sang est aspergé ou ^{gnons.} arrosé à la chair des rongnons en maniere de quel- que lie. Puis peu à peu en maniere de vapeur est di- spersé & distribué en toute icelle chair des ron- gnons, & y adhère, & y est vny, tant que finable- ment est fait le nourrissement des rongnons. Mais d'autant que le rongnon dextre est plus hault que le senestre, aussi la generatiō des vaisseaux, qui sont implantez en ce rongnon dextre, est d'autant plus

haulte, què celle qui est inferec en lautre rongnon.

Gal. li. 5 Ces deux rongnons, que les Grecs appellent ne-
& 14. de phri, sont de chair dense, & solide. Et sont situez
vsu par. pres de la veine caue, vn peu au deffouz du foye.
& 6. de Le dextre en tous animaux apparoit plus eleué. Et
ana. ad- aucunefois touche à la grande lobe, ou fibre du foye:
minist. Car en ceste maniere il attire plus facilement des par-
ties opposites directement. Les rongnons ont vn
nerf du cerueau, aussi grand comme le foye, la ra-
telle, & la vessie receuant la cholere. Tous ces visce-
res recoiuent nerfs totalement petis, lesquelz nerfs
sont manifestes en leurs tuniques, extrinsequement:
dont nous auons rendu raison cy deuant.

Gal. li. 6 Chacun des deux rongnons ha vn sinus, c'est adi-
de ana. re cavitè, ou les vaisseaux sont distribuez en plusi-
admini. eurs rameaux, lequel sinus est enuironné d'une mem-
brane, par laquelle l'urine distille en lautre sinus
moindre, qui est receu d'un conduit assez long, nom-
mé vreter.

Gal. ibi. Ces conduits, par lesquelz les rongnons expellif-
& 5. de sent l'urine en la vessie, sont nommez en Grec vres-
vsu par. teres, en Latin vrinarii, a cause de l'urine: de cha-
Deux cun rongnon en sort vn. Et sont blancs, forts, & de
vaisse- telle substance, comme la vessie: en laquelle de costé,
aux vre. & d'autre ilz sont implantez obliquement, à fin que
teres. rien ne retourne en hault aux rongnons, Ces con-
duits ont leur propre tunique, ainsi que toutes au-
tres parties suspendues au peritoine.

De la Vessie.

Cyste, & cystis en Grec, en Latin vesica, c'est le receptacle de l'urine. Et ha deux tuniques: l'exterieure ha son origine du Peritoine. L'interieure est deux fois plus grosse, laquelle est propre à la vessie. La vessie ha toute espeece de Fibres, comme la petite vessie: desquelles la diuersité, & principalement des obliques, est cause, qu'il ne se face excretion d'urine continuelle, ou intempestiue, c'est-à-dire en temps indeu, & non opportun.

Le col de la vessie est large, & petit es femmes, pource que toute l'urine deuoit estre illec arrestée. Mais es masles il est grand, pource qu'ilz ont vne particule insigne située au bout du col de la vessie, que les femmes n'ont pas: laquelle est appelée colis, c'est la verge virile. Item la vessie ha vn conduit estroit, & fort oblique, car il est situé au dessouz des os pubis. Item au dessouz de ce conduit est situé l'intestin droit, & os Sacrum. Et aux femmes le col de la matrice est aussi situé au dessouz de la vessie, auquel lieu, selon la longueur de tout animant, il descend en bas, iusques à ce qu'il ysse dehors des os. En apres ce conduit monte en hault, vers perineum, iusques à la racine, ou origine de la verge virile. Derechef descend en bas par la verge. Parquoy l'on peult entendre, que ledit conduit est fort oblique, à la similitude de S, lettre Romaine. Aux femmes, ce cōduit n'a qu'une seule flexion, au col de la vessie: mais aux hōmes à cause qu'ilz ont la par-

Gale. 1.
de facul
ta. natu.
& 5. de
visu par.

Gal. ibi.
Le col
de la ves
sie.

Le con
duit de
l'urine.

TABLE I. DV VENTRE

tie honteuse yssant dehors, iouxte le col de la vessie, il y ha vne seconde reflexion d'auantage. Parquoy il est euident, que les hommes necessairement ont le conduit de l'urine plus flexueux, & tortu que les femmes.

Gal. ibi. Le col de la vessie & le conduit de l'urine, ont vn muscle composé de fibres transuersales. Lequel ha trois vtilitez.

Trois vtilitez du muscle du col de la vessie.

- 1 La premiere est, à fin qu'il ne reste rien au conduit de l'urine, ains que ce muscle retire de toute part expellisse tout ce qui est contenu en luy.
- 2 La seconde vtilité est, qu'il ayde à clore l'orifice de la vessie, iacoit qu'il puisse estre clos s'as luy.
- 3 La derniere vtilité est, qu'il accelere & haste l'expulsion des excremens.

Gal. ibi. Oultre plus, ces deux vessies, d'autant qu'elles attirent leur propre excrement pur, & separé des autres, ne sont pas nourries, comme les rongnons & la ratelle, par les vaisseaux, qui separent les superfluites: ains ont eu besoing d'autres vaisseaux pour estre nourries. Car la grande vessie, de laquelle est nostre propos apreset, ha six grans vaisseaux fichez au col d'icelle, trois de chacū costé, c'est asçauoir vn nerf, vne veine, & vne artere. Elle reçoit les nerfs de la Spinale medulle des oz Sacrum, & les veines & arteres des vaisseaux pechains à elle, c'est asçauoir illec, ou premierement les arteres viennent de la grande artere gisant sus la Spine, iusques aux iambes. Quant est des vaisseaux de la petite vessie,

nous en auons parlé cy deuant. Ces vaisseaux, en la premiere entrée dedans le col de la vessie, sont diuisez en deux parties. D'une part sont distribuez par toute la vessie, iusques au fond: ainsi comme en la petite vessie. Et d'autre part descendent en bas, iouxtes le col de la vessie.

Des vaisseaux spermatiques, & des parties genitales, es masles.

Angelia spermatica en Grec, en Latin Vasa semina-
 lialia, ou seminaria, c'est-dire vaisseaux
 spermatiques, sont larges, long, variqueux & durs
 es masles. Lesquelz portent par les flancs, en bas,
 aux testicules, le sang, & l'esprit. Et pource vulgai-
 rement sont appelez vaisseaux preparans. Et sont
 quatre: c'est asauoir,

Gal. lib.
 4. de v-
 su part.
 & de dis-
 sect. ve.

- 2 Deux veines, de chacune part vne: lesquelles ont diuerse origine. Car la dextre procede, non pas du costé, mais quasi du milieu, au dessouz de celle qui tend aux rognôs vers icelle mesme partie dextre. La senestre pcede d'icelle, qui est porte aux rognôs, à laquelle aucunes fois aduiët vn rameau de la veine caue: & va avec iceluy rameau
- 2 Et deux arteres, c'est asauoir vne de chacune part: lesquelles naissent de la grande artere, laquelle gist sus L'espine.

Ces quatre vaisseaux procedent aux deux Testicules: non pas par voye droite (comme à toutes les autres parties) mais premierement sont entortillez en plusieurs manieres, à la semblance de vn

Gal. li. 1.
 de semi-
 ne & 14.
 de vfu
 part.

TABLE I. DV VENTRE

La gene
ratio de
la semē-
ce.

tendon de vigne, ou de lierre, dequoy elle s'agraffe.
En ces anfractuositēz, la veine gist dessus l'artere.
Et chacune fait plusieurs reflexions egales en nom-
bre, c'est- adire, autant l'une comme l'autre, en ma-
niere de inuolutions reployez de diuerse sorte. En
laquelle implication, ou reuolution, le sang & l'es-
prit, qui sont portez aux testicules, se cuyssent long
temps: tellement que tu peux voir clerement l'hu-
meur, qui est aux premieres reflexions, estre enco-
res sanguine. Laquelle consequemment aux autres
reflexions deuient blanche, de plus en plus, tant que
aux dernieres reflexions, lesquelles sont terminees
aux testicules, l'humeur est faite du tout blanche,
Parquoy il appert, que non seulement es testicules,
mais aussi aux veines & arteres, est la generation
de sperme. Toutefois en icelles veines, & arteres, est
elabouré bien peu de sperme, & tardiement: le-
quel est meslé avecques le sang, comme rosée. Mais
aux testicules c'est au contraire: car il y est elabou-
ré grande abondance de sperme, & legerement, &
exactement.

De Epididymis.

Gal. li. i. r.
de temi-
ne.

Epididymis, c'est la superieure partie, ou la teste
du testicule: laquelle est moyenne entre le vais-
seau spermatique, & le testicule: non seulement
quant à la situation, mais aussi quant au genre de
toute la substance. Car elle est d'autant plus molle,

Et plus charnueſe q̃ le vaiſſeau ſpermatique, d'au-
 tant qu'elle eſt plus dure, Et plus nerueſe, que le
 teſticule. Parquoy par le moyen, Et interpoſition
 d'icelle, les teſticules ſont conioints avec les vaiſ-
 ſeaux ſpermatiques: Et qui plus eſt, Epididymis eſt
 le cōmen cement Et la racine de ces vaiſſeaux ſper-
 matiques: attirant à ſoy le ſperme de tout le teſticu-
 le, tout ainſi que ledit ſperme eſt transporté de Epi-
 didymis, dedans le vaiſſeau ſpermatique, dit Vas
 deferens. Il y ha artere Et vaine, adherentes à Epi-
 didymis, par aucunes circōuolutions anfraëtueuſes,
 Et luy enuoyent des petis rameaux, deuant que d'en-
 trer au teſticule, auquel paruiennent pluſieurs fi-
 ſtules, pleines d'humidité ſerueuſe, lesquelles proce-
 dent de Epididymis.

Des teſticules.

TEſtes, ou Teſticuli en Latin, en Grec Orchis,
 Et Didymi, id eſt gemelli, ſelon Herophilus, ce
 ſont les genitifs, ou teſticules. Aux maſles ilz ſont
 ſituez au deſſouz du ventre, Et apparoiſſent par
 dehors, Et ſont pendans. Pour ceſte cauſe il y ha vn
 muſcle à vn chaſcun d'iceulx, lequel prouient des
 Flancs: à celle fin que les Teſticules ſoient partici-
 pans du mouuement volontaire. Les Teſticules ſont
 de chair molle, ronds, longs, laxes, Et cauerneux: à
 celle fin, qu'ilz reçoient Et acheuent de cuire l'hu-
 meur, laquelle auoit commencé de cuire es vaiſ-
 ſeaux ſpermatiques.

Gal. 14.
 de uſu.
 part. 1. tē
 3. de diſ-
 ſect. vul
 uz & a-
 pho. 48.
 lib. 5.

TABLE I. DV VENTRE

seaux:la faisans parfaite à la generation de l'animant: & la rendans plus chaude.

La dextre partie plus chaude.

Le Testicule dextre est plus variqueux, plus fleuveux, ou tortu, plus fort, & plus chaud que le senestre: tout ainsi comme es femmes, la partie dextre de la matrice: à cause de la proximité du Foye. Aussi à raison que les vaisseaux, qui sont portez audit testicule dextre, & la dextre Matrice, prouiennent des grans vaisseaux: lesquels sont à la Spine, ainsi que dessus nous auons dit. Or donc voicy les deux principes de la generatiō des masles: c'est asçauoir es femmes, la matrice dextre, & es masles le testicule dextre. Car le plus souuent le masle est trouuē en la dextre Matrice, & la femelle en la senestre. Toutefois il aduient aucunesfois le contraire: mais ce n'est pas souuent.

Gal. lib. de defect. vuluæ, & introduc.

Deux tuniques, ou membrane, couurent vn chascun des testicules: c'est asçauoir,

- 1 L'interieure, laquelle est la plus subtile: les Grecs l'appellent Erythroides.
- 2 L'exterieure est plus forte, laquelle adhère fort à l'interieure: les Grecs l'appellent Dartos.

Gal. lib.

En apres y ha vn sinus commun à toutes lesdites parties, qui est rugueux & plein de rides, & environne les testicules: les Grecs l'appellent Oscheon: & les Latins Scortum, ou Scrotum. Vulgairement bursa testium. Guidon l'appelle en langue corrompue Osseum,

Du conduit spermatique, dit Vari-
cosus parastates.

Les vaisseaux spermatiques dessusdits, vulgai-
rement sont appelez Vasa preparantia, les-
quelz adherent à Epididymis, cōme nous auons dit, Gal. li. i. de femi ne.
se terminent es deux conduits spermatiques, assez
longs: c'est asauoir vn de chacun costé. Lesquelz
deux conduits ont leur procedure variqueuse, ioux
te le col de la vessie. Parquoy Herophilus premier
les ha appelez Parastata cirsoideæ, qui vault au-
tant à dire comme assistens, & auxiliateurs vari-
ciformes, ou variqueux. Lesquelz conduits trans-
portans le sperme de Epididymis, le portent dehors,
iusques à l'origine de la verge virile. Et pour ceste
cause on les appelle vulgairement Vasa deferentia,
c'est adire vaisseaux, qui apportent, & iettent hors
le sperme des testicules.

Ces deux conduits variqueux, c'est asauoir vn Gal. ibi. & li. i. 4. de vsu part.
de chacun costé, naissent de Epididymis. Lesquelz
iouxte leur origine, touchent aux testicules: toutes-
fois ne sont pas procreez desdits testicules. Ilz ten-
dent par vne mesme voye, par ou les vaisseaux des-
sus nommez Preparantia, sont descendus, c'est asauoir
par le Peritoine: lequel illec est assez pertuisé de co-
sté & d'autre, & sont lesditz conduits enuoloppez
d'une mēbrane. En apres procedent, non pas hors
de sos du Penil, mais plus profond, & au dessous
desdits os, en descendāt entre deux corps glāduleux
desquelz nous parlerons cy apres) iusques à tant

que lesdits cōduits soient paruenuz au col de la vessie: auquel la verge virile est continue. En ce lieu ces deux conduits, c'est asauoir le dextre & le senestre, cōuiennent en vn: lequel vient droit par dessous le col de la vessie, au canal de l'urine. Et ainsi ces vaisseaux, qui sont ordonnez pour receuoir le sperme des Testicules, sont estenduz es masles, iusques à la verge virile, en telle maniere cōme dit est: & ont leur orifice ouuert, au conduit, qui est la, par lequel aussi l'urine est enuoyée dehors: pour ce qu'il falloit que les masles iettassent le sperme dehors par la.

De deux corps glanduleux nommez
Glandulosi prostatae.

Gal. libi.
& in fi-
ne li. 2.
de semi-
ne.

IL y ha deux corps glāduleux, lesquelz Herophilus premier a nommez Adenoides, prostatae, c'est adire Glāduleux presidēs. Ilz sont situez aux deux parties du col de la vessie: & contiennent vne humidité semblable à sperme: laquelle toutesfois est beaucoup plus subtile. Icelle humidité en l'acte verierien, dit Coitus, sort incontinent avec la semence. Et en autre temps, sort peu à peu, & imperceptiblement. Ses vtilitez sont deux.

- 1 La premiere est pour exciter au coit verierien, & y donner delectation.
- 2 La seconde est, que ceste humidité grosse, & visqueuse comme huile, humecte le conduit de

l'urine, & l'oingt, à l'encontre de la corosion de l'urine: aussi de peur qu'il ne se deseiche & retire, en sorte qu'il n'empesche que l'urine seule, ou la semence, n'y sse facilement.

Pour ces vtilitez, il conuient que nature ayt donné tel ayde à la verge virile. Parquoy es masles, ces glandules sont d'une grandeur notable.

De la Verge virile.

LEs masles surmontent les femmes par vne par- Ga. li. 5.
 ticule insigne, située au bout du col de la vessie: & 15. de
 les Grecs l'appellent Caulos, & les Latins Colis, vfu par.
 penis, mientula, virga, & pudendum virile. C'est & 6. de
 vn corps nerueux, pendant, long, caue, & de toute locis af
 part fistuleux: excepté icelle partie, qu'on appelle fect.
 Glans en Latin, & Balanus en Grec. Item il est sans cap. 6.
 humeur: & est trescouuenable au coït, & ietter le Glans.
 sperme dehors. Il ha sa naissance des os du Penil, &
 principalemēt des superieures parties d'iceux. Car
 ainsi il est fort esloigné du siege: & ha vn lieu
 bien opportun au coït venerien. Il sort de l'os tout
 ainsi que tous autres ligamēs. Toutesfois il est seul
 caue, entre tous ligamēs: pource que son vtilité ainsi
 le requiert. Je dy de rechef, qu'il sort de l'os: à cau-
 se de sa substance, aussi à cause de son action: pour
 laquelle parfaire, mieux luy ha esté qu'il fust gar-
 dé tout droit, & ferme, ayāt sa naissance d'un coprs
 ferme & stable.

TABLE I. DV VENTRE

Gal.lib. 15. de v. su part. & de lo cis affe. loco præ dicto. Le conduit commun à la semence & à l'urine.

Au milieu des parties inferieures de la verge virile, est constitué le conduit du sperme: lequel aussi est commun à l'urine: & est estendu en longueur. Dessus ce conduit gist vn nerf, concaue: lequel nerf quand il est remply d'esprit, ou vent, lors il s'estend, & la verge virile se dresse. De costé & d'autre, il y ha deux muscles adherens, à fin que le conduit distrait d'une part & d'autre, comme par maniere de dire, de deux mains soit dilaté: lors que toute la verge virile demeure droite & ferme. Car il est utile, quand le sperme ist hors, que le conduit soit gardé bien large & droit, par telle construction: à fin que tout le sperme contenu à soy mesme, paruienne incontinent aux sinus des Matrices.

Gal.lib. 11. de v. su part.

A l'environ des parties honteuses necessairement prouiennent des poils, pource qu'icelles parties sont chaudes & humides. Et les poils donnent couuerture, & aornement à icelles parties: tout ainsi que les fesses aux sieges: & le prepuce, à la verge virile.

Gale.in itroduc. & cap. 6 lib 6. de locis affect.

La summité de la verge, en Grec est appellée Balanos, en Latin Glans. En laquelle le nerf fistuleux n'entre point. Et pource tousiours elle ha vne magnitude egale.

Gale.in itroduc. & lib. 2. de semine & 14. de v. su part.

La cuticulaire excrescence, caue par dedans: laquelle couure le balanus, est dite en Grec Posthe, en Latin Præputium, en François le Chaperon. Toutesfois Aristote le prend autrement, car il dit, que le cuir, qui couure le Balanus, n'ha point de nom, & tout ce qui est composé de ce cuir, & du Balanus,

il appelle *Præputium*.

La partie inferieure de la verge, inclinant en longueur, est appellée en Grec *Raphe*, c'est adire suture. Et la partie, laquelle est produite iusques au siege, est appellée en Grec *Tauros*.

L'espace entre la verge & le siege, est appellée en Grec *Perinaon*, en Latin *Femen*.

Des Veines, Arteres, & Nerfs, qui sont aux parties genitales: tant sexe masculin, que feminin.

Aux parties genitales paruiennent veines, & arteres: non seulement bien grandes, mais aussi doubles. L'une des coniugations d'icelles vient des lieux prochains aux rongnons, lequel (ainsi que nous auons dit) est distribué aux testicules. Et aux femmes passe outre le fond des Matrices: comme sera dit cy apres. L'autre (lequel est separé des vaisseaux, qui sont à os *Sacrum*) est implanté aux parties inferieures, seulement pour les nourrir. C'est assçauoir es femmes, là ou cōmence le col de la Matrice, & es masles, ou commence la verge virile. Car toutes les parties inferieures des Matrices, & le col d'icelles, d'auantage toutes autres parties appartenātes, tant à la Matrice, qu'à la verge virile, sont nourries par iceux vaisseaux. Or l'utilité d'icelles veines, & arteres est double, l'une à cause qu'elles sont grādes: l'autre à cause qu'elles sōt doubles. Car d'autant que les matrices preparent le nourrissēmēt

Aristot.
ca. 13. li.
1. de hi-
stor. ani-
mal.

Gale. in
introduc
Gal li. 1.
de locis
affect.
& apho.
80. li. 4.

Gal. lib.
14. de v-
supart.

TABLE I. DV VENTRE

non seulement pour elles, mais aussi pour les enfans conceuz en icelles, qu'on appelle en Grec *embrya*, & en Latin *Fœtus*, pour ceste cause elles ont besoin de grans vaisseaux. Semblablement les testicules ont besoin de grans vaisseaux: à cause qu'il fault non seulement qu'ilz soient nourriz, mais aussi qu'ilz engendrent le sperme.

Gal. ibi. La cœiugation des nerfs mediocre est estēdue, & diuifée de la spinale medulle de os *sacrum*, avec les vaisseaux procedans, & yssans d'autres vaisseaux, lesquelz sont iouxte os *sacrum*. La grosseur d'iceux nerfs, est exactement mesurée selon leur vtilité. Car toutes les matrices, & aussi toutes les parties des masles, lesquelles appartiennent aux testicules, & à *scortum*, c'est adire à la bourse, n'ont pas eu besoin de plusieurs & grans nerfs: ains de peu & petis nerfs, qui deuoient estre distribuez en icelles parties: d'autant qu'elles ne seruent ny au sentiment plus exquis, ny au mouuement volontaire: mais à fin, qu'elles ne soient les conduits, & voyes des excremens, comme sont les intestins. Mais la verge virile, & le col de la matrice, & autres parties appartenantes à la partie honteuse, comme requerrans quelque sentiment plus exacte, à cause du coit venerien, non sans cause, ont plus de nerfs, & plus innsignes. Parquoy ce iug de nerfs n'est pas fort subtil, comme celuy qui est au Foye, à la rate, & aux rongnons. Aussi n'est il pas si insigne, ne si gros comme celuy, qui est au ventricule: ains

est moyen en grosseur, autant qu'il est possible: pource qu'il en deuoit aduenir vne vtilité mixte, ou moyenne, aux instrumens,

Du siege.

LE Siege, en Latin anus, ou sedes, en Grec Hēdra, ne pouuoit auoir meilleur lieu, par lequel les excremens du ventre fussent euacuez. Toutefois il en y ha d'aucuns, qui accusent nature, de ce qu'elle n'a pas ordonné, que les excremens fussent euacuez par les piedz. Mais telz accusateurs de nature sont si voluptueux & pleins de delices, qui leur greueroit se leuer du liēt, pour euacuer les excremens. Desquelz combien ridicule soit leur accusation à l'encontre de nature, Gallien le demonstre tresbien au troisiēme liure de vsu partium.

Gale. 3.
de vsu
part.

Les fesses, en Latin nates, en Grec pygæ, ou gloti, sont composées de muscles charneux: lesquelz ne sont pas accourcis, & ridicules, es hommes, comme es Singes, entre tous animaux: ains sont tresbien situez, tant pour l'ornement des parties necessaires, qu'aussi de peur que le siege ne fust confus, ou brisé, ou autrement affligé en se seant.

Les fesses.
Gal. lib.
15. de v-
lu part.

Il ya trois muscles au siege: c'est asçauoir,

Gal. li. 4

- 2 Deux obliques, non pas grans, mais membraneux & larges, en chacune partie du siege, situez sus le muscle rond: lesquelz sont produits du ligament, qui naist des os Sacrum, & aussi du

& 5. de
vsu par.
& 6. de
anat. ad
ministr.

penil, d'une part & d'autre part. L'utilité de ces deux muscles est, quand le siege yst hors, par quelques grans efforts, de le retirer de rechef en hault.

I Au deffouz de ces deux il y en ha vn seul, & sans pareil trāsuerfal: lequel circuit & enuironne le siege: à fin de clore l'intestin droit, & le serrer fort. Pour ceste cause les Grecs l'ont appellé sphincter, c'est adire comprimant, & constringant: lequel nom est deriué d'un verbe Grec sphingō, signifiant comprimer, & contraindre, de peur que continuellement, & intempestiue-
ment ne se fist excretion: laquelle se fait commodément, quand ce muscle est relaxé, & que les muscles de epigastrium pressent fort, & également de toute part: & que le diaphragme (lequel est au deffouz d'iceux muscles) obliquement comprime: ioint aussi, que les muscles intercostaux aident au diaphragme: & que larynx est clos, de peur que l'on ne respire, & aussi ne sensuiuet aucunes efflatiōs: à l'ocasion desquelles, l'excretion ne se pourroit pas bien faire par le siege. Mais en tout autre temps ce muscle circulaire est serré, & clost l'orifice du siege.

L'ex-
cretion
par le
siege.

Gal. liij.
de vsu
part.

Il y ha vn corps, lequel exterieurement gist sus ce muscle circulaire transuersalement: iouxte l'extremité duquel corps est faite la fin du siege, dont la substance est moyenne entre le cuir, & le muscle, comme composée de la mixtion des deux ensemble,

telle qu'est l'extremité des leures. L'utilité de cedit corps est quasi semblable à celle du muscle, excepté que le muscle ha plus forte action, que n'ha cedit corps.

En ce lieu il y ha de petites veines eminentes, ayās Paulus
borifice ouuert: lesquelles par temps certain, & or Aegine
donné, euacuent vn sang melancolique. Parquoy on 12. cap.
les appelle en Grec hæmorrhoides, & en Latin ma= 19. li. 3.
risce, selon aucuns. Lesquelles, quand elles sont par Les vei-
trop euacuées, il aduient que l'habitude du corps se morrho-
resoult en: hydropisie. Aucunes sont cachées: & ides.
pource sont appellées hæmorrhoides cæcæ, c'est à
dire occultes, & cachées.

Des vaisseaux spermatiques, & des parties genitales, es femmes.

Toutes parties, qui sont es hommes, tu les trou= Gal. lib.
ueras aussi es femmes. Il n'y ha autre differen= 14. de v-
ce, sinon que es femmes icelles parties genitales sont su part.
cachées dedans: mais es hommes elles sont dehors & lib. 2.
iouxte le perinaëu. Or quelles que tu voudras ymagi de semi-
ner les premieres, tu les trouueras toutes semblables ne.
l'une à l'autre, c'est assçauoir en renuersant par de-
hors les parties des femmes, & les parties des hom-
mes par dedans, & en les rempliant. De l'inuersion
desquelles, & de la maniere, enquoy elles sont sem-
blables, & correspondantes, voy le quatorziesme
de vsu partium, & le deuxiesme de Semine.

TABLE I. DV VENTRE

Calé. de
dissect.
vuln. 2.
Ité 14.
de vfu
part. 8.
2 de se-
mine.

Es femmes, comme es hommes, de la veine caue, & de la grande artere, qui est au deffouz procedent deux veines & deux arteres, c'est asçavoir vne de chacun costé. La veine procede de la veine caue; & l'artere procede de la grande artere. L'une de la dextre à la dextre: l'autre de la fenestre à la fenestre. Et deuant qu'elles soiét inserées, & insinues à la Matrice, elles enuoyent des rameaux aux testicules. En apres elles sont vnies au corps de la Matrice, & le composent & tissent. Pour certain chacune veine, ou artere, apres estre portée aux parties laterales de la Matrice, elle est diuisée en deux rameaux: dont l'un allant au fond de la Matrice, est du tout distribué en iceluy fond, en plusieurs manieres. L'autre depuis ce lieu, s'en va lateralement, & est implanté aux testicules: lesquels sont adiacens aupres de la Matrice. Ce rameau est anfractueux & tortu: & ainsi que es hommes se separe, & implante au lieu, ou l'artere & la veine se finissent au vaisseau spermatique: lequel vaisseau entre dedans les cornes de la Matrice, de costé & d'autre: par lesquelles cornes, ledit vaisseau spermatique, ayant aucuns pertuis lateraux, enuoye le sperme dedans la matrice. Car d'autant qu'il estoit necessaire, que la femme enuoyast le sperme en soy mesmes, & non hors de son corps, pour icelle cause nature ha implanté à la Matrice des vaisseaux, lesquels recoiuent le sperme des testicules: & d'auantage ha constitué, que lesditz vaisseaux iettassent

le sperme en la capacité interne, par les cornes de la matrice : desquelles nous parlerons bien tost apres, Ces vaisseaux es femmes sont estroits, & briefz, & moins durs: toutesfois ilz sont suffisans pour recevoir & pour enuoyer le sperme.

De la matrice.

LA matrice en Grec *metra* & *hystera*, en Latin *matrix*, *vulua*, *uterus*, correspond au *scrotum* viril, si elle estoit renuersee & estoit prominente dehors. Elle est situee entre la vessie, & l'intestin droit, & gist quasi du tout sus l'intestin droit: toutesfois elle surmonte la vessie le plus souuent, iouxte l'ombilic, ou est le fond de ladite matrice : Mais iouxte la partie honteuse, la vessie excède la matrice par son col, lequel lieu est opportun & conuenable, tant pour le coit venerien que pour recevoir le sperme: & d'auantage pour l'accroissement de l'enfant conceu & pour l'enfanter, quand il est parfait.

Gal. lib.
de disse.
vulue, &
14. de v-
supart.

La figure de la matrice, selon tout son corps, est semblable à la vessie: si tu exceptes les cornes de ladite matrice, qu'on appelle autrement apices. Car elle ha vn fond & vn col. Le col paruient iusques à la partie hôteuse, & le fond vient pres de l'ombilic.

Gal. li. iij.
de disse.
vulue.

La magnitude de la matrice n'est pas egale en toutes femmes. Car celle qui ha enfanté, l'ha beaucoup plus petite que celle qui est enceinte. Et celle qui n'enfanta iamais, l'ha encores moindre. Aussi à

Gal. de
dissect.
vulue, &
14. de v-
su part.

TABLE. I. DV VENTRE

cause des ages, celle a qui le temps ne permet pas encores auoir compagnie d'homme, l'ha moindre. Outre plus celles qui croissent encores, ont la vessie beaucoup plus grãde que la matrice. Mais celles qui sont parfaites, & ne croissent plus, ont la matrice plus grande que la vessie. Car la vessie s'augmente selon la proportion des autres parties: pource qu'elle sert également à tous aages. Mais la matrice ne peult pas bien & commodement faire son action, ne quand les femelles croissent encores, ne quand elles sont vieilles. Voy la cause au quatorzieme De vsu partium.

Depuis le fond de la matrice, iusques à extreme fin de la partie hôteuse l'espace n'est pas egal en toutes. L'espace mediocre & le plus souuent, est de la longitude d'onze doigts. Mais quant à la latitude la matrice est estendue iusques aux deux flancz, appelez ilia: & ce par ses deux cornes, autrement apicees. La profödité de la matrice est circonscrite, c'est à dire limitee & comprise, depuis l'intestin droit, iusques à la vessie.

Li. de cõ Or la matrice, qui est de mediocre grandeur, at-
se-vuluç teint les intestins subtilz. Car la matrice estant fort petite touche seulement les parties, ausquelles elle adhère & est liee. Mais la plus grande (quelle, elle est à la femme grosse d'ensât) remplit tout le bas du vètre, & les fläcs, & atteit aussi plusieurs intestis.

La matrice est liee, & suspendue au droit intestin, & à la vessie par aucunes fibres, pendans, & li

gamens subtils. Mais la vessie à encores plus de liens & ligamens. Mesmement la matrice adhère à l'os sacrum, auquel selon l'opinion de plusieurs est suspendue par quelques fors ligamens, tant nerueux que musculieux. Pareillement elle est pendue par au tant de ligamens aux vertebres lombades, & ce par le moyen des grans muscles d'icelle, lesquelz enuoiēt insignes & grans appēdices par tout d'un costé & d'autre d'icelle, distribues au col de la vessie, & au siege. Mais tous ces ligamens de la matrice sont laxes & peu tendus, à fin qu'elle puisse se mouuoir en plusieurs sortes, & prendre diuerse figure. Seulement elle adhère par son col à la vessie, & au siege par ligamens membraneux & arteriens avec quelque gresse, mais en sorte qu'elle peut estre separee d'iceux: toutefois elle adhère tant chastement qu'elle semble estre vne mesme & semblable chair.

La situa
tiō de la
matrice

Gal. ibi.

Aux matrices ha suffi vne seule tunique, outre le peritoine, pource qu'elles sont nourries & alimētees d'un sang pur, & bening. Laquelle tunique est veneuse, aspre & scabre en la partie interieure, & principalement vers le fond. Et est tissue de toutes manieres de fibres: pource qu'il falloit non seulement qu'elles attirassent au coit venerien la semence de l'hōme, mais aussi qu'elles la retinssent au tēps qu'elles ont conceu: & d'auantage estoit necessaire d'enfanter l'enfant, quand il est parfait.

Gal. ibi.
& 14. de
vfu par

La tunique de la matrice se portant bien, & naturellement, est de diuerse grosseur: c'est assauoir.

Gal. lib.
de disse.
vuluz.

TABLE I. DV VENTRE

1 Selõ les ages: Car à la premiere age, tout ainsi qu'elle est petite, aussi est elle subtile. En apres quand les menstrues commencent à fluer, sa grosseur aussi saugmente selon sa grandeur. Et si la femme ha passé le temps de conceuoir ou d'auoir ses fleurs, tout ainsi que sa magnitude se diminue aussi fait sa grosseur.

2 Selon le temps des menstrues: Car quand la purgation des menstrues s'approche, lors ladite tunique apparoißt grosse, & enflée, d'autât qu'elle est arrosée du sang. Mais au contraire, quand ladite purgation menstruale est ia passée, lors elle est subtile & seiche.

3 A cause de la conception: Car à vne qui ha porté enfant, elle est plus grosse, & tant plus souuent elle ha porté, tant plus elle est grosse. Derechef au commencement de la conception, elle deuient grosse. Et quand le temps d'enfanter s'approche, elle deuient plus grãde, toutesfois elle est subtile: car la grosseur s'en va en grandeur & amplitude. Entre le temps de la conception, & de l'enfantement, elle se porte mediocrement.

Gal. de Or ainsi que tout le corps est double, c'est asçauoir de diss. à dextre, & à senestre, semblablement la matrice ha vulg: et deux sinus, l'un à la dextre, l'autre à la senestre: les 14. de v- fu part. quelz se terminent en vn col, qui est correspon- 2. de se- dant à la verge virile. La difference est, que la ver- mine. ge virile est située dehors: mais le col de la matrice Aph. 46 est dedans. Ce col (lequel nature ha muny parauāt, & 51. li. 5

comme vne voye, pour receuoir le sperme viril, & pour enfanter lenfant, que les Grecs appellent embryon, & les Latins foetus) est musculeux, & nerueux, d'une chair dure, & deuient cartilagineux, & tousiours plus dur, & par espace de temps degene-
 nere en cartilage: comme es femmes qui ont sonuent
 tesfois frequenté les coits veneriës, ou qui sont desia
 vieilles. Parquoy Herophilus compare la nature de
 ce col, à la superieure partie de la trachee artere.
 Ce col, la ou il commence, & la Matrice se finist,
 ha vn trou qu'on appelle os matricis, c'est adire la
 bouche ou orifice de la matrice, par lequel la fem-
 me purge ses meustrues: & reçoit le sperme de lhō-
 me, & enfante lenfant. Cest orifice au temps du
 coit est si ouuert & si tendu que le sperme entrant
 par vne large voye, paruiet facilement au sinus
 de la matrice. Apres que la femme ha conceu, il se
 clost, & est si serré que rien ne se lasche ny dedäs,
 ny dehors, tellement que la moindre chose du mon-
 de n'y pourroit entrer. Mais à lenfantemēt il sestēd
 fort: en sorte que tout l'embryon, c'est adire lenfant
 passe par ceste voye. Ce n'est pas donc sans cause si
 le col de la matrice est nerueux & dur. Ie dy ner-
 ueux, à fin qu'il se retire, & qui se dilate par fois. Et
 dur, à fin qu'ē telles mutatiōs il ne soit molesté ou af-
 fligé, & aussi qu'il s'adresse pour receuoir le sperme

Carpus, & aucuns anciens Anatomistes disent
 qu'au milieu de ce col les pücelles ont vn pannicu-
 le, qu'on appelle le pannicule virginal: lequel en

Le pani-
 cule vir-
 ginal.

TABLE. I. DV VENTRE

Grec est dit hymen ou hymenæon, selon les autres. Et (ainsi qu'ilz disent) au premier coït ou combat Venerien, ledit pannicule est rompu. Ce que n'est pas vray semblable: car en l'anatomie des vierges on ne trouue point ce pannicule: ioint que Galien n'en ha point fait mention, au moins que i'aye leu. Mais ie croy plustost que le col, lequel est musculeux & nerueux est ainsi clos & estroit tant seulement à cause de sa texture. Et pour le dilater, le premier coït, & combat est fort vehement, au moins si les femmes sont dignes de foy.

Gal. 14. & 15. de v^{sup}part. & 2. de femine. Le col de la matrice se finit en la partie honteuse de la femme: les Grecs l'appellent adeon gynæceon. Laquelle partie honteuse est comme vne epiphysis, c'est à dire appendice, ou addition dudit col, semblable au cuir, & correspondante au prepuce des masculés. Laquelle est pour grace d'ornement, ainsi que le prepuce. Et d'auantage sert de couuerture mise au deuant, de peur que les matrices ne soient refroidies.

Gal. lib. 15. de v^{sup} part. Cefinus de la partie honteuse de la femme, lequel est orne de poil, est appelle en Grec σταις. Et les parties qui enuironnent le sinus, les Grecs les nomment pterygomata, c'est à dire aisles. Entre ces aisles il y ha vne petite chair diuisee en deux: laquelle en Grec est appelée nymphe ou nymphæ, & en Latin colliculus. Et pource qu'elle est fort prominente ou yssante hors les Aegyptiens, ont accoustumé de la couper aux vierges: comme recite Galien en l'introductoire.

Aussi P. Aegineta cap. 70. lib. 6. recite que ceste Aegi.
 particule prominente es parties honteuses des fem- cap. 70.
 mes, est à aucunes de tant grande longueur, & ma- lib. 6.
 gnitude qu'elle monstre vne note d'une honte inde-
 cente. Et aucunes sont, dit il, (ce qu'aucuns ont escrit) Eminen-
 lesquelles par ceste partie dressée comme aux hom- ce gran-
 mes, exercent le coït venerien. Pourtant Aegineta de aux
 enseigne la maniere de couper d'un rasoir ce qui parties
 est prominent de ceste particule, la femme couchée à honteu-
 l'enuers: en prenant garde de ne la couper trop ses des
 profondément, d'où pourroit ensuiuir vn flux de ma- femmes
 trice, qu'on appelle Rhayda.

Rhayda

Or tout ainsi que l'vuule, en Grec gargareō, est
 la deffense de pharynx, aussi la partie dite nym-
 pha est pour defendre la matrice: car elle couvre le
 col de ladite matrice, & l'engarde d'estre refroidie

Le col de la matrice ha deux extremitex.

- 1 L'une par dedans, là où commēce ledit col, &
 la matrice finit. On l'appelle proprement os vte- Gal. de
 ri, c'est à dire l'orifice ou bouche de la matrice. dissect.
 vulux.
- 2 L'autre est coniointe à la partie hôteuse de la Gal. 14.
 femme, & est appelée l'orifice du col de la matri & 15. de
 ce & non pas l'orifice de la matrice, & non sans vsupart.
 raison. & i. de
 semine.

Pour sçauoir avec quelles parties la matrice ha Item de
 colligance, & connexion, il fault voir le liure de la- dissect.
 natomie de la matrice. vulux, &
 de dis-

Quād aux nerfs, veines & arteres de la matrice sect. ve-
 nous en auons dessus parlé: là où auons dit, qu'ou- narum.

TABLE I. DV VENTRE

tre les vaisseaux spermatiques qui sont distribuez aux testicules, & au fond de la matrice, il y ha vn autre iug de vaisseaux, c'est a sçauoir deux veines, & autant d'arteres lesquelles depuis les vaisseaux qui sont à os sacrum, sont implantées aux basses parties de la matrice, vn peu au dessus de la premiere apophyse du col. D'auantage sont dispersées en la matrice & au col d'icelle. Par ces vaisseaux sont nourries toutes les parties inferieures de la matrice, & le col d'icelle, aussi toutes autres parties appartenantes à la partie honteuse, & tous les orifices d'iceux vaisseaux appartenās à la matrice. Hippocrates Apho. 45. lib. 5. appelle les orifices de ces mesmes vaisseaux lesquels paruiennent aux matrices, cotyledones: nous les appellons en Latin acetabula: par lesquels la superfluité du sang est deriuee chacū mois de tout le corps en la matrice. Il y ha des veines & arteres dites ombilicales, adherantes à iceux: par lesquelles l'enfant est lié dedans la matrice, & attire le nourrissement. Mais nous en parlerons vn peu apres. Il y a deux autres veines naissantes de ce mesme lieu, montent en hault, par les muscles droits. En apres elles conuiennent avec les extremittez des veines, lesquelles descendent par le thorax iusques aux hypochondres. Oultreplus d'une mesme racine deux autres petites veines, c'est a sçauoir de chacun costé vne, sont portées à la matrice, par lesquelles principalement les mamelles ont cōmunion avec la matrice. Ce pair de veines paruient hors des muscles à la partie hon-

teuse, soit homme ou femme. Et descend de costé & d'autre, iouxte la commissure des os du penil.

Des testicules de la femme.

Les testicules de la femme gisent aux deux costez de la matrice, iouxte le fond: & sont deux c'est assavoir vn de chacun costé, lesquelz s'esloignent vn peu au dessus des cornes de ladite matrice: Et reçoient vne reuolution de vaisseaux, semblable aux masles, toutesfois ne paruiennent pas en vn mesme lieu, comme es masles. Pource qu'il n'estoit pas conuenable que la femme iettast le sperme dehors, à la maniere du masle, ains le deuoit ietter dedans sa propre matrice. Les testicules de la femme sont beaucoup plus petis & plus imparfaits que ceux de l'homme. Item il y a grande differēce quand à la figure, & construction. Car les testicules de la femme sont larges & glanduleux, moins rares, & laxes, mais plus humides: à cause qu'ilz sont de plus froide substance. Car ilz n'ont point esté estenduz n'enflex par la chaleur naturelle: & par maniere de dire n'ont point esté fermentez.

La matrice ha muscles lesquelz descendent aux testicules, depuis les muscles d'hypogastrium: comme auons dessus dit.

Chacun des deux testicules est couuert de sa propre membrane, telle comme celle des masles qu'on appelle dartos. Toutesfois les testicules des femmes

Gal. lib. de disse. vuluæ. Itē. 2. de semine, & 14. de vsu part.

Gal. 14. de vsu part. Gal. de consec. vuluæ.

n'ont point de membrane, dite crytroïdes, ne de scrotum, c'est à dire de bourse.

Gal. 14. Outreplus la superieure partie des testicules, la-
de vsu quelle est appellee epididymis, n'est point sensible &
part. manifeste es testicules des femmes : mais ou du tout
n'y en ha point, ou du tout elle est fort petite: à cause
se que les testicules des femmes sont petis, & sembla-
blemēt les vaisseaux spermatiques. Parquoy ce n'est
pas chose merueilleuse si ce qui les contoint est petit,
c'est à sçauoir epididymis.

Gal. lib. Il ha esté beaucoup plus conuenable que nature
de femi ayt donné des corps glanduleux, que nous auons ap-
ne. pillez glandulosi prostatae ; à la partie honteuse du
masle. Car es femmes le col de la matrice n'est ne lōg
ne nud (comme est la verge virile) mais est situé de-
dans: d'auantage il reçoit beaucoup d'humidité des
parties qui le contiennent: ioint qu'il est arrosé des
fleurs menstruales: lesquelles vtilitez aduiennent au
membre viril par icelles glandules : comme nous a-
uons dit.

Des cornes de la matrice, qu'on appelle
autrement Apices.

Gal. lib. V N peu au dessouz des testicules, d'une part &
de disse. d'autre, aux costez de la matrice apparoissent
vulue. & aucunes additions ou apophyses mamillaires, incli-
2. de se. nantes aux flancs, correspondantes aux vaisseaux
mine. spermatiques dessusdits, que nous auons nommez v

ricosi parastata, & vulgairement vasa deferetia. Herophilus compare la figure d'icelles additions à un demi cercle: Diocles les compare à des cornes naissantes. Pourtant les ha appellees en Grec ceræas. Par icelles cornes la matrice attire le sperme de la femme hors de ses propres testicules: tout ainsi qu'elle attire le sperme de l'homme par son col. Car d'autant qu'il y ha deux colz ou conduis, & par maniere de dire deux estomachs en la matrice: par lesquels elle reçoit chacun sperme familier à soy. Aussi les femmes en songeant à leur plaisir (tout ainsi que les hommes) sans auoir compagnie d'homme, iettent leur sperme, par les cornes, dedans la matrice. Lequel sperme illec corrompu, est cause de tresgrādes maladies. Car es femmes non seulement les vaisseaux spermaticques sont remplis de sperme, mais aussi les testicules.

ceræas E
Grec, si-
gnifie
corne.

Des parties que nature machine, quand vne femme est grosse.

Quand vne femme ha conceu (laquelle chose se fait, quand les menstrues commencent ou cessent, & non en autre temps: ainsi que dit Galien au liure de l'anatomie de la matrice) incontinent de toute la part & portion exterieure du sperme, laquelle touche à la matrice, sont engendrees les membranes que les Grecs appellent hymenes. Toute l'autre part & portion du sperme ha ses facultez naturelles. C'est a sçauoir la faculté ou vertu attracti-

Gal. lib. I.
1. & de
semine.
Quand
la fem-
me con-
coit.

TABLE I. DV VENTRE.

ce des choses propres, par laquelle elle ha de coustume de retenir & alterer & preparer son nourrissement & expultrice des choses estranges & superflues. Car il fault que la semence genitale soit telle, à celle fin qu'incontinent apres qu'elle est ietee dedās la matrice, vne portion de sa substance coalesce, & vienne en membrane, & l'autre en vaisseau, & que l'autre soit idoine à la conformation.

Du sperme sont engendrees trois membranes, lesquelles enueloppent l'enfant, subtiles & semblables à toiles d'araignes. Lesquelles non seulement se touchent, mais aussi sont coalescentes & vnies ensemble en plusieurs lieux, & en beaucoup de lieux elles sont separees l'une d'avec l'autre, par subtils filaments, lesquels paruiennent de l'une à l'autre. Nature (autāt que luy ha esté possible) les ha voulu vnir: à celle fin que sil y auoit faulte de propre vertu en l'une d'icelles que toutes les autres luy en communiquassent.

Trois
mēbra-
nes, ou
toilet-
tes qui
enuiro-
nent l'en-
fant.
Chorio

1 L'exterieure mēbrane est subtile & forte neantmoins: laquelle enuironne les deux autres, & aussi l'enfant par dehors & par dedāns elle oingt toute la matrice, à celle fin que ce qui est au des-
soubz d'elle ne touche aucunement à la matrice. Et par le moyen d'icelle l'enfant est lié avec la matrice. Les Grecs appellent ceste mēbrane chorio, & les Latins secunda, & communement secundina. Les obstetrices, ou sages femmes l'appellēt l'arrieresais. Les autres l'appellēt la deliurance.

Pourcc que (ainsi cōme ie pense) quād ceste mēbrane est dehors, lors la femme est deliurée de l'enfantement.

2 L'autre qui s'ensuit est fort subtile, laquelle est nōmee en Grec allātoides, à la similitude d'un farcy que les Grecs appellent allas. Ceste mēbrane est faite deuant celle qu'on appelle amnios ou amniō: & prēd son cōmencemēt du cōduit appelé ourachos en Grec, c'est à dire vrinal. Et couure seulemēt les parties eminentes, cōme la teste, les fesses, & les pieds de l'enfāt. Elle est debile & estroite: pourcc qu'elle est faite du sperme féminin tant seulemēt. Elle est longue: car elle s'estēd iusques aux deux cornes de la matrice, & paruiēt iusques au fond de la vessie de l'enfant, par vn cōduit large, droit & insigne: tellemēt qu'elle est coniointe par le conduit appelé ourachos, lequel est situé au milieu des deux. L'utilité de ceste membrane est de recueillir l'urine de l'enfant, iusques au temps de l'enfantement.

Allantoides.

3 La dernière mēbrane est subtile, enuironnant l'enfant de toute part: comme receuant la sueur dudit enfant. Elle est appelée en Grec amnios, ou amnion, qui vault autant à dire cōme membrane d'un agneau, à cause de sa mollesse. Les obstetrices (comme dit Albert) l'appellent l'armure de l'enfant: Et selon Auicenne abgas.

Amnios

En tout orifice des vaisseaux, lesquelz paruiēnt intrinsequemēt en la matrice, par lesquelz aussi estoit

Gal. lib. 15. de v. su part.

TABLE I. DV VENTRE

porté le sang mēstrual (cōme nous auons dessus dit) au tēps que la femme est grosse d'enfant, s'engēdre vn autre vaisseau. C'est a sçauoir vne artere à l'orifice de l'artere, & vne veine à l'orifice de la veine: tellemēt que les vaisseaux qui s'engēdrēt sont egaux en nōbre aux orifices, lesquelz paruiēnēt dedās la matrice. Il y ha dōc en tout quatre vaisseaux enuiron le conduit appellé ourachos, c'est assauoir deux veines en hault, & autant des arteres en bas: lesquelles sont implātees à l'enfant seulemēt par l'ombilic. Pour cēste cause communement on les appelle vmbilicales: par lesquelles (cōme par aucūs troncs) l'enfant attire de la nature le sang & l'esprit.

Gal. ibi. Or chacū desdits vaisseaux est petit, quād il sort
& lib. de de la matrice: à la similitude des extremes racines
dissect. d'un arbre, lesquelles sont fichees en terre. Mais a-
vulnæ. pres que lesdits vaisseaux ont vn peu procedé plus
oultre, ilz se conioingnēt, & coalescēt ensemble: en
sorte que de deux n'ē est fait qu'un. Et de rechef cha-
cun d'iceux se conioint avec son semblable, & d'un
mesme gēre: cest assauoir veines avec veines & ar-
teres avec arteres, & ainsi tousiours consequēment
iusques à ce que tous les petis vaisseaux soient con-
ioints en deux grāds: lesquelz cōme aucuns trōcs à
dextre & à senestre, sont implātez à l'enfant par le
lieu de l'ombilic. Car l'ombilic lequel tient le milieu
du corps, n'est autre chose que ces quatre vaisseaux
ayans au milieu d'eux le receptacle de l'urine, dit en
Grec ourachos: lequel prend son origine du fond de

la vefsie de l'enfant, & deriue l'urine en la mēbrane dite allantoides. Car es enfans conceuz nouuellement, le fond de la vefsie adhère à l'ombilic. Mais des quatre vaiſſeaux deſſusdits, il y ha deux veines, leſquelles conuiennent en vne, incontinent après qu'elles ont paſſé & ſurmōte l'ombilic de l'enſāt. Et ceſte veine ſe va implanter en la partie caue du foye. Mais les arteres demeurēt longuemēt deux, & puis finalement ſ'implantent en la partie de la grande artere qui eſt aux reins, en Latin nommē lumbi.

Entre tous ces grāds vaiſſeaux & les petis, leſquelz ſont implantez en la matrice, eſt ſituee la mēbrane dite Chorion, comme vne racine de pluſieurs troncs. Laquelle n'eſt ſinon vne multitude de pluſieurs vaiſſeaux conioints enſemble par vne ſubtile membrane: leſquelz n'eſt pas facile de nombrer. Ceſte membrane lie enſemble leſdits vaiſſeaux, & adhère tout à l'entour d'iceux: & eſt implanté aux parties intrinſèques de la matrice. Ceſte membrane eſt ſituee double, au deſſouz de toutes les parties de la matrice, leſquelles ſont entre les oriſices, & puis ſe produit, & procede avec tous les vaiſſeaux deſſus nommez, d'une part & d'autre, couvrāt la moitié de chacune partie: tellement que ceſte membrane double, leur ſert de veſtement, ou couuerture de muniment & ligament, tant pour lier enſemble leſdits vaiſſeaux, que pour les lier avec les deux parties de la matrice.

Gal. ibi.
& i. de
ſemine.

Quand aux autres deux tuniques, celle qui eſt

TABLE I. DV VENTRE

appellée allantoides (laquelle nous auons dit estre pertuisee iouxte la vessie de l'enfant pres d'Ourachos) elle ha esté faite à receuoir l'urine. Car il estoit beaucoup plus expedient à l'enfant de rendre l'urine par l'ombilic que par la verge, à cause de la rectitude & magnitude d'Ourachos : à l'entour duquel il ny ha nul muscle par dehors, pour empescher l'excretion intempestiue des excremens. Comme en ceux qui sont desia nays, il y ha vn muscle au col de la vessie, lequel col est aussi grandemēt oblique. Car tout temps est tempestif & idoine à l'embryon, ou Fœtus, à excerner c'est excrement : ce que n'est pas à ceux qui sont desia parfaits. Donc l'utilité de ceste mēbrane est, pour receuoir l'urine de l'enfant desia formé. Car il estoit necessaire à l'enfant qui est dedans la matrice, prouenir autant, & de telz excremens qu'il en prouient en ceux qui sont desia nays. Toutesfois l'urine & la matiere fecale s'engendrēt apres que les particules sont conformées & vnies ensemble.

Pour-
quoy l'u-
rine de
l'enfant
môte au
Pombi-
lic.

Gal. lib. 15. de v. su part. Il appert euidemment que l'humeur qui est dedans la membrane Allantoides est plus subtile, plus citrine & plus acree, que celle qui est dedans Amnios: en sorte qu'elle fait horreur à l'odoration de ceux qui incisent icelle membrane. Pour ceste cause l'urine est separee de l'enfant: tellement qu'elle ne touche ny au cuir, ny aux veines de la Secondine, de peur que son acrimonie ne blessast les parties prochaines. Mais ce qui est assemblé dedans la membrane

Amnios, en maniere de sueur, est tout à l'enuiron de l'enfant: & ne peult nullement blesser son cuir: ains ba vne grande vtilité. Car l'enfant, quasi nageant en ceste humeur, est enleué & porté: en sorte qu'il n'est pas si pesant, ne si grief aux ligamens, par lesquels il est coherent avec la Matrice. Aussi au tēps de l'enfantement, l'enfant yst plus facilement par le col de la Matrice: d'autant qu'il est fort humecté de ladite humeur. Laquelle chose alors aduient, pource qu'il est adonc necessaire, que les Membranes se rompent. Car ceste humeur non seulement est vtile, à lubrifier & faire couler les enfans, mais d'auantage rend le col de la Matrice plus facile à se dilater grandement. Pource que quand il est humecté de ladite humeur, il en deuient plus mol, & plus facilement est dilaté. Et ainsi nature ha vsé de ces humeurs (lesquelles il falloit necessairement produire, à cause de l'enfant) tant pour le porter sans douleur, que aussi pour l'enfanter plustost, & plus facilement. C'est assez parlé du ventre inferieur: en la table sequente nous traiçterons des parties du Thorax.

Fin de la premiere table.

Table Seconde,

Du Thorax, & des parties d'iceluy.

Gale, 6.
& 7. de
vſupart.
& initio
8. de a-
nat. ad-
miniſtr.
& ca. 13.
& 15. li.
de offi.

THORAX, c'eſt tout ce qui eſt circonſcrit, c'eſt adire comprins par les coſtes d'une part & d'autre: comme vn pare bien fort, enuironnant le cœur & le poulmon, pour tutelle & deſenſe: Que nature ha fait, non pas du tout offeux, comme eſt le Crane: ne du tout charneux, comme l'Epigaſtre: mais par vne cōmutation d'ordre, elle y ha mis des os, & des muſcles, l'un apres l'autre.

Le Thorax ha trois parties.

1 La fin ſuperieure par deuant, ce ſont les clauicules, en Grec cleis, en Latin clauæ, ou clauicula. Et ſont ainſi appellées, pource qu'elles ferment les cōmoplates avec ſternon, qui eſt l'os pectoral. C'eſte fin eſt dite vulgairement la Furcule ſuperieure: Les cauitez qui ſont au deſſouz de ces clefs, ou clauicules, ſont appellées en Grec ſphagæ, en Latin iuguli: tellemēt qu'il y ha deux clauicules, & autant de iugules: c'eſt aſſauoir, le dextre & le ſeneſtre,

La poi-
trine.

2 La partie moyenne eſt compoſée de ſept os, leſquelz reçoient les ſept coſtes vrays. Et eſt appellée en Grec ſternon, en Latin Pectus, & os pectoris. A la fin duquel os pectoral, il y ha vne cartilage aguë, comme la pointe d'un glaiue: la

quelle est vne certaine deffense, & forteresse de l'orifice de l'estomach, & de la partie du diaphragme estant illec, & cōsequemmēt du cœur. Les Grecs l'appellēt Xiphoides, & les Latins Ensisformis, ou mucronata, pource qu'elle est à la forme, & similitude d'une espee: Vulgairement on l'appelle málum punicum, ou málum grana-tum. Nous l'appellons en nostre langue Françoisse, la Fourcelle.

3 La fin interieure du Thorax, c'est le diaphragme, ou autrement phrenes en Grec, & en Latin *Le dia- phrag-me.* *phrag-me.* *septum transuersum.* Ceste fin est vulgairement appelée la Furcule inferieure.

Quant à ce, que Galien escrit, que l'os Sternon est composé de sept os, il semble bien, qu'il ayt obserué cecy au corps humain, cōme aux singes, & chiës, & en toute anatomie des os, dite en Grec, Sceletos, ce que doctement enseigne Sylulus. Combien que de nostre temps, nous ne voyons ordinairement aux corps humains os Sternon auoir sept os: mais souuēt de six à cinq: aucunesfois quatre, aucunesfois trois: mais l'ors les inferieurs sont plus-larges, en sorte qu'ilz sont suffisans à recevoir les sept costes: aucunesfois on en trouue huit.

Les costes que les Grecs appellēt Pleuræ, ont double situation: c'est asçauoir,

Gal.li.8
de anat.
admi-
nistr.

1 Anterieure, nommée Pectus, la poitrine.

2 Et la posterieure, ce sont les vertebres du dos, lesquelles sont autāt en nōbre, qu'il y a de costes.

24 Co-
stes.

Le nombre des costes est de vingtquatre: douze de chacun costé: c'est asçauoir,

- 7 Sept superieures, vrays & parfaites: lesquelles sont coniointes aux os de Stermon.
5 Et cinq inferieures, Nothes, imperfaites, & mendeuses, ou faulses: dont la huitiesme consiste iouxte la racine de la cartilage Xiphoides. Les autres quatre se terminent au costé du Thorax.

On ne void gueres souuent vn corps ayant treize costes: encores moins qui n'en ayt qu'vnze: tellement qu'à grād peine en pourroit on trouuer vn entre mille, ayant tel nombre de costes.

Des Mamelles.

Gal. li. 7
& 14. de
vsupart.

Tout ainsi, que les femmes ont deux Matrices aussi ont elles deux Mamelles. Les Grecs les appellent Titthoi, ou Mastoi. Chacune Mamelle sert à sa Matrice, comme vn bon seruiteur. Au corps humain les Mamelles sont adherantes à la Poitrine, & gisent dessus le Cœur: lequel est l'officine, ou boutique de la chaleur naturelle. Elles sont de substance glanduleuse, semblables à quelques feutres, & sont tissues de deux veines, & autāt d'Arteres. Lesquelz vaisseaux ne naissent pas tout incontinent de la veine Caue, ou de l'Artere du Cœur. Mais quand elles sont desia paruenues pres des clauicules, d'illec nature deduit au deffouz de Sternon deux rameaux de veines notables, & autāt de rameaux d'Arteres

produits ensemble. Et en ceste maniere finablement, elle implante deux rameaux à chacune Mamelle: ne faisant autre chose en ce tant long chemin, sinon que le sang soit parfaitement cuit dedans les vaisseaux. Lequel sang, quand il monte en hault, il passe par le Cœur, & derechef descend en bas, fait vn rencontre: & est tousiours exagité, & esmu par le mouvement du Thorax. Et en telz erreurs & discours, il s'eschauffe, demourant en la partie, laquelle est en continuel mouuement. Toutes ces choses sont vtils à la parfaite cōcoction du lait: lequel n'est autre chose, sinon la superfluité du nourrissement.

La gene-
ratio du
lait.

Le Tubercule au milieu des Mamelles, par lequel l'enfant succe le lait, s'appelle en Grec Thele, en Latin Papilla, le Mamelon.

Gal. li. r.
de sani-
ta. tuen-
da.

- 1 La premiere, & la plus grande, principale-
ment es femmes, est pour donner nourrissement
à l'enfant, en receuant le sang elabouré, & bien
cuit, des vaisseaux paruenans illec. Lequel sang
par long, & anfractueux chemin est conuertien
lait: à cause duquel les Mamelles ont esté faites.
- 2 L'autre vtilité, à fin qu'elles seruent de defa-
fense & couuerture au cœur, & apres qu'elles
auront esté eschauffees du cœur, qu'elles le res-
chauffent: tout ainsi que les vestemēs de quoy no-
somes vestus. Mais es femmes elles croissent en
grande magnitude, dont elles donnent au cœur
ces deux vtilitez, plus que es hommes: ioint que
es femmes elles aydent aux viscères, qui sont des-

Gal. lib.
de vsu
part.

TABLE SECONDE

souz les Hypochondres, lesquels sont moins
chauds es femmes qu'es hommes.

Gal. li. 1.
de vsu
part. A sçauoir mon pourquoy les Mamelles ont si grand
consentement & colligance avec les Matrices, voy
Galien au quatorziesme de Vsupartium.

Des Museles du Thorax.

Gal. 13.
& 19. de
vsupart.
& 5. de
Anato.
admiri-
stra.

IL y a plusieurs muscles au Thorax, desquelz
1 Les vns montent en hault, depuis la poitrine,
& la region des costes: & par leurs extremittez
se implantent à l'os du bras, seruans à l'article des
humeurs. Dont les vns eslieuent les bras, lesquels
ont besoing de vehemente action. Les autres de-
priment, ou abaissent les bras, lesquels n e requie-
rent pas grand force pour faire leur action. Les
autres font l'adduction du bras au dedans. Les
autres font l'abduction du bras au dehors. Les
autres font mouuoir le bras circulairement, les-
quelz sont robustes, & ont des tendons fort ner-
ueux: pource que tel mouuement circulaire, est le
plus violent de tous, & surmonte grandement le
simple mouuement.

2 Les autres descendent à abdomen, ayans leur
utilité: c'est asçauoir, qu'ilz retirent vn peu en
bas le Thorax.

3 Les autres sont obiectez exterieurement au
deuât des extremittez des costes par deuât, ioux-
te la poitrine & les vertebres. Et par derriere
ilz serrent, & cōtraignent les iointures des ex-

tremitez, & compriment vn peu le Thorax.

4 Les autres sont dediez à la respiration.

Outreplus ces muscles, il y en ha encores d'autres: lesquelz descendent depuis le col, & les scapules, ou espaules iusques au Thorax: toutesfois ne sont pas propres audit Thorax. Parquoy ce n'est pas icy le lieu d'en parler. Commençons doncques premiere-
mēt aux muscles du Thorax, lesq̃lz mouuēt le bras.

Les muscles du Thorax, qui mouuēt le bras, sont vnze, ou douze, si tu veux.

1 Le premier, de mediocre grandeur, est super-
ficiel: & situé au dessus de tous les autres. Lequel
cōmence aux costes Nothes, pres des Hypochon-
dres, ou præcordia, non pas loing de la Mamelle.
Et monte en hault obliquement, à l'article de hu-
merus. Ce muscle ameine le bras à la poitrine, &
le tire vn peu en bas: & est autheur de la plus
basse de pression.

Gal. 13.
de vsu
part. 8.
s. de A-
nato. ad
ministr.

2 Le second, au contraire naist des haultes par-
ties du Thorax: & est autheur de l'adduction du
bras en hault.

3 Le tiers est le plus grand, lequel naist de tout
l'os Pectoral, situé au dessous de la Mamelle. Ce
muscle est aucunement parti en deux: duquel les
fibres gisent l'une sus l'autre à similitude de χ
lettre Grecque, dont les vnes sont estēdues depuis
la region inferieure de la poitrine, iusq̃s à la plus
eminēte partie de l'article: par lesquelles le bras
est amené en bas, nō pas toutesfois si bas cōme le

TABLE SECONDE

premier muscle. Les autres inclinent depuis le hault iusques en bas, par lesquelles le bras est amené plus hault, non pas toutesfois si hault, comme du second muscle. Et quand toutes les deux manieres de fibres sont tendues, l'os du bras est amené à la poitrine, egal, & ne pendant ny ça, ny là. Et ainsi si tu dis que ce n'est qu'un muscle double, ou que ce sont deux muscles vnus ensemble, tu ne erreras point.

4 Le quart est petit, lequel est esleué depuis les mamelles, & succede apres le premier, faisant la plus basse adduction du bras.

5 Le cinquieme succede apres le second: & est l'autre portion du muscle, qui est iouxte à eponomis: laquelle adhere à la clavicule, faisant la plus haulte adduction du bras. Car ce muscle ha deux testes, c'est asçauoir des parties interieures d'eponomis, il est implanté à la clavicule. Et des parties exterieures, il adhere à la scapule ou espault, aux plus basses parties d'icelle. Toutesfois l'action de ce muscle seul, quand il est tendu, estend le bras exterieurement: declinant vn peu de la moyenne & droite extension, vers le costé. Mais l'action de l'autre muscle, qui est iouxte la clavicule incline semblablement dedans. Et quand tous les deux sont fort tendus également, le bras prend extension droite & moyene, sans decliner ny ça, ny là.

6 7 Le sixiesme & le septiesme ont action semblable en chacune partie de l'espine, iouxte

la scapule. Car s'ilz sont tendus ensemble, ilz esleueront le bras du tout en hault. Mais s'il n'y en ha qu'un tendu, il inclinera le bras un peu de costé.

8 Le huitiesme naissant pour la plus grand part de la basse coste de la scapule, fait abduction du bras exterieurement. Et est opposite aux muscles pectoraux, lesquelz esleuent le bras en hault.

9 Le neuuesme procede de la fin inferieure de la basse coste de la scapule, mouuant le bras exterieurement & en bas: toutesfois il fait plus l'abduction exterieurement.

10 Le dixiesme, lequel embrasse la partie caue d'icelle mesme coste, meine le bras moins dehors, mais plus en bas.

11 Le dernier deprimé, & meine le bras en arriere: auquel succede le petit muscle dessusdit, lequel fait que le bras n'incline ne ça, ne là, quand il est deprimé.

Quant aux muscles, qui descendent en Epigastrion. Item qu'à ceux, qui sont obiectez au deuant des extremités de costes, voy plus amplement Galien es lieux dessusditz. Or parlons maintenant de ceux qui seruent à la respiration.

Les muscles qui seruieruent à la respiration, sont quarante & cinq: c'est asçauoir,

22 Vingt & deux muscles intercostaux: lesquelz sont ainsi nommez, pource qu'ilz occupent les espaces qui sont entre les costes. Dont les fibres declinēt en bas obliquement, des parties ex-

Gal. lib.
de cau-
sis respi-
rationis
Item 5.
& 8. de
Anat. ad
ministr.

& 7. de
vsupart.

terieures. Et des parties interieures au cōtraire, trauesent les exterieures, iouxte la figure de χ lettre Grecque. Pareillemēt es muscles des costes nothes, appert vne mesme nature de fibres. Ces muscles intercostaux relaschent, & astringnent exactemēt. Et sont doubles, c'est asçauoir les exterieures, qui seruent à l'expiration: & les interieures, qui seruent à l'inspiration.

2 Item deux muscles des premieres costes, lesquelz dilatent seulement la superieure partie du Thorax.

1 Item deux des dernieres costes, lesquelz retirent seulement la partie inferieure du Thorax.

3 Item trois descendans du col, lesquelz retirent & dilatent ensēble les haultes parties du thorax.

7 Item sept estendus aux racines dorsales des costes, lesquelz astringnent les extremitēz des cartilages.

8 Item huit en abdomen, qui paruiennent au diaphragme: aydans à la contraction du Thorax. Desquelz ha esté dit à la premiere table.

1 Reste encores vn muscle du Thorax, qui n'est pas de petit pris: on l'appelle Phrenes, & Diaphragma en Grec, & en Latin Septum transversum. Lequel non seulement (comme estime Platon) est le septe transversal, c'est adire, separateur des deux parties de l'Ame, c'est asçauoir de l'appetitiue, ou naturelle, ou nutritiue, c'est tout vn. Laquelle est au foye. Et de l'animeuse, ou vi-

tale, laquelle est au cœur. Mais aussi entre tous les muscles dediez à la respiratiō, c'est le plus utile. Car tout animāt vse de ce seul muscle en petite respiration. Mais quād il fault vser de violente respiration, ou à cause d'exercice, ou de fièvre, ou de vehemēte chaleur de l'air, ou autre disposition, il est necessaire que les muscles intercostaux aydent & suruiennent à l'action du diaphragme. Et si encores d'avantage il fault vser de plus grāde respiration, adonc les plus haultz muscles aydent à l'action. Or poursuivons plus amplement de ce Diaphragme.

Du Diaphragme.

LE Diaphragme est vn muscle du Thorax grād & rond: & est la fin par laquelle l'inferieure partie du Thorax est terminée. Les anciens l'ont appelée Phrenes, c'est adire en Latin mens, & en François la pensée ou iugement: soit que ce nom simplement leur soit venu en memoire, ou (comme aucuns pensent) pource que quand le Diaphragme est affligé d'inflāmatiō, la pensée, & raison sōt aussi blessées. En apres les Medecins mesprisans le nom Ancien, ont accoustumé de l'appeller (& nō sans cause) Diaphragma, en Latin septum transversum: & ce du verbe Grec diaphratei, qui signifie separer: pource qu'il separe les instrumens spirituelz, des instrumens du nourrissement, ou naturelz. Car il est supérieur au regard des instrumens naturelz & inférieur au regard des spirituelz.

Gal. lib.

5. de v-

lu part.

& cap. 3

lib. 5. de

locis af-

fect.

Etymo-

logia.

TABLE SECONDE

Gal. 5. &
7. de vfu
part. Itē
5. & 6.
de ana-
to. ad-
ministr.

La propre substance du Diaphragme, c'est vn muscle: c'est asçauoir vne chair simple, laquelle est à l'environ d'iceluy: mais la partie moyenne est toute nerueuse, comme vn grand cercle, finissant en vn large tendon. Environ le point, c'est adire le milieu du Diaphragme, il y ha vn autre cercle, lequel est vn vray & exacte tendon, ne retenāt aucune chair, laquelle il auoit parauant.

Le diaphragme ha deux tuniques: c'est asçauoir,

1 L'inferieure laquelle est la summité de la tunique du peritoine.

2 La superieure est la base, ou fondement de la tunique, qui couure les costes. Et prend le commencement de sa naissance superieure de l'inferieure extremite de la poitrine. D'ou dependent aussi les chefx des muscles droitz de l'epigastre.

Gal. 13.
de vfu
part.

En apres le diaphragme descendāt d'ilec, iusques aux extremitex des costes nothes, de costé & d'autre deuient fort oblique, tant de la partie posterieure que de l'inferieure.

Et ainsi le Diaphragme differe de tous les autres muscles, non seulement selon la figure, mais aussi selon l'action. Car sa figure est ronde, & sa situation oblique, & de ses pties anterieures, & superieures, il paruiet à la poitrine. Et puis s'en va tousiours en arriere & en bas: iusques à ce qu'il touche la Spine, à laquelle aussi il adhere iouxte les reims, appelez Lumbi. Or le chef de ce muscle, ou les fibres sont coniointes, n'est pas à la poitrine (comme penseroit

bien quelqu'un, ne aux reins ou lombes: mais au milieu de tout le diaphragme: laquelle partie est nerveuse, cōme dessus ha esté dit. Parquoy il ha esté nécessaire que les nerfs qui deuoient mouuoir lesdites fibres, parussent illec d'un lieu hault & esleué, c'est assauoir de la quarte, quinte & sexte vertebre du col (car de ces trois germes est coalescé & composé vn nerf) à celle fin qu'il estende également son action en toute part. Car veu que le diaphragme est fait pour mouuoir le Thorax, il ha esté nécessaire que par ces pties extremes il adhere au Thorax: & que le chef soit opposé à icelles toutes, d'autāt qu'il n'y auoit nul autre lieu plus apte que le milieu du diaphragme: auquel ceste coniugation de nerfs descend, & s'implante.

Le diaphragme (outre ce, qu'il est comme vn parc & separation) ha deux vtilitez.

Gale. 5.
de vsu
part.

L'vtilité

1 La premiere & la plus grāde, c'est d'estre instrument de respiration.

2 La seconde, est quand on va à selle, l'ors que les muscles d'abdomen pressent fort & également de toute part, que tous les excremens soient expulsez & enuoyez, non pas à l'estomach, mais au siege par ces muscles, & par le diaphragme subiet à eux obliquemēt. Lesquelz ensemble, cōme deux mains, comprimēt lesdits excremens. Et à fin que ce muscle seul & vniue ne fust deieté de son lieu par les huit muscles de l'epigastre, lesquelz sont grans: & ne fust remuersé à l'ample

TABLE SECONDE

sinus, & cavit  du Thorax (en quel cas il empes-
cheroit toute la vertu de compression) tous les
muscles intercostaux, lesquels pourroient  sten-
dre & retirer par dedans le Thorax, ont  st 
faits au secours du Diaphragme. A fin que si
tout le superieur Sin^o estoit de toute part  strois-
si, en sorte que le Diaphragme n'eust lieu, ou il
peust  stre receu, qu'il demourast immobile &
stable. Item   fin, que l'ors quand l'arynx est ou-
uert, l'homme ne respirast point: & qu'aucunes
efflations ne s'ensuyussent,   l'occasion desquel-
les la deiection par le siege seroit empesch e, na-
ture ha mis   l'enuiron de l'arynx plusieurs mus-
cles, dont les vns sont ordonnez pour le clorre:
& les autres pour l'ouurir, comme nous auons
dit en la premiere table, en parlant du siege.

Le Diaphragme ha deux pertuis.

1 L'un grand, par ou  st donn  passage aux ver-
tebres: Et  st prepar    l'estomach &   la gran-
de artere.

2 L'autre petit qui re oit la veine commune,
laquelle deriue le sang aux superieures parties
du corps, & l'enuoye avec grande seurete.

Ilz sont, comme il semble, trois pertuis au dia-
phragme,

2 Deux enuiron les vertebres, par lesquels
L' sphage descend iusques au ventricule, & la
grande artere, iusques aux parties inferieures.
Mais ilz sont tant proches l'un de l'autre, qu'ilz

Gale. 5.
de Ana.
admini-
stra.

Trois
pertuis
au dia-
phrag-
me.

semblēt n'enfaire qu'un: ainsi qu'à estimē Galien.
Le troisiēme est enuiron au milieu du Dia-
phragme, & reçoit du costé dextre la veine
comune.

De la Membrane succingente les
costes, & les membranes,
lesquelles separent
le Thorax.

LA tunique fort subtile, comme vne toile darai-
gne & par tout semblable & egale est esten-
due au dessus de tout le sinus, ou capacité du Tho-
rax. Les Grecs l'appellēt pleuras hypoxwcos, c'est
adire succingente les costes. Dont vulgairement est
nommée pleura. En laquelle est faite la douleur de
costé, dite en Grec Pleuritis.

Gale. de
vsupart.
& s. de
ana. ad-
ministr.

L'utilité
Galibi.

Ceste tunique de la part ou elle ioint les os des
costes, elle sert de deffense au poulmō, de peur qu'il
ne touche aux os nudz, quand il fait son action: c'est
assauoir quand nous respirons. Mais de la part ou
sont mesopleuria (c'est adire les parties moyennēs
entre les costes, lesquelles sont en icelle part, à cau-
se des muscles & des vaisseaux) elle donne aux mus-
cles leur tunique, telle comme au Diaphragme. Et
aux vaisseaux elle leur donne vehicule, & comme
vn appui stable & ferme.

De ceste membrane succingente en naissent deux
autres: c'est assauoir de chacune part vne diuisans

TABLE SECONDE

1. de A-
nato. ad
ministr.

tout le Thorax, Pourquoy les Grecs les appellent Diaphragmatonides, & les Latins Intersepiantes. Lesquelles de la partie posterieure de la spine, adherent & sont fichées aux vertebres: & de la partie anterieure, adherent à l'os pectoral. Et sont estendues en hault aux clavicules, & en bas à la cartilage ensiforme, en Grec Xiphoides: diuisant tout le Thorax en deux parties. Et pource on les appelle vulgairement Mediastinum: pour ce que par icelles deux membranes, le Thorax est diuisé par le milieu.

Ga. 5. de
ana. ad-
ministr.

Et ainsi toutes ces membranes ne different en rien, sinon qu'es costes que les Grecs appellent Hypozocotes, en Latin Succingentes: pource qu'elles couurent les costes. Mais quand elles montent droit au clavicules, on les appelle en Grec Diaphragmatonides, en Latin Intersepiantes: pource qu'elles separent le Thorax.

Gale. 6.
de vsu-
part.

Ces membres ont deux vtilitez.

- 1 La premiere & la plus grande, c'est que ces membranes facent deux vêtres, c'est adire deux capacitez au Thorax. A fin que si d'auanture on reçoit quelque grãde playe en l'une des parties du Thorax, tellement que l'office de la respiration d'icelle partie soit perdu, que l'autre ventricule, lequel n'est point blezé, retienne à tout le moins la moitié de l'action. Et à cause de ce, principalement ces membranes ont esté faites.
- 2 La seconde, est que nature abuse de ces membranes pour autre chose, c'est assauoir cōme de

couuertures, & aussi ligamens, pour couvrir & lier ensemble tous les instrumens contenus dedans le thorax. Car les arteres qui sont au thorax & les veines & nerfs, & œsophagus, en Latin gula, en Arabic meri, & finalement tout le poulmō, ont colligacē avec le thorax, & sont couverts de toute part d'icelles membranes.

Du pericardion.

Pericardion, c'est la tunique du cœur ou mēbrane, ou plustost le domicile & ferme répart tout à l'entour du cœur. On l'appelle vulgairement *capsula cordis*. Or en quelque maniere qu'on le doive nommer il n'aist bien large & ample de la base du cœur. Mais puis apres il se estroistit peu à peu, tout ainsi que le cœur se termine en pointe, que no^r appel-
 lōs figure pyramidale, ou figure de pōme de pin: & est cōioint à los pectoral. Itē il est fort distant & es-
 longné du cœur, de toute part. Car il comprend au-
 tant d'espace entre luy & le cœur, comme il suffisoit
 au mouuement dudit cœur. Mais d'autant qu'il de-
 uoit toucher les os du thorax, lesquelz sont durs, &
 le poulmon, qui est le plus mol de tous les viscères,
 ainsi que la situatiō est moyenne entre ces deux par-
 ties, aussi est la substance de son corps. Car il est plus
 mol que l'os, d'autāt qu'il est plus dur que le poulmō.
 En ce pericardion s'assemble vne humidité sereu-
 se ou aqueuse, aucunefois en si grande quantité, qu'il

Gal. 6.
de vsu
part.

Gal. ca.
1. lib. 5.
de locis

fait vne palpitation de cœur, que les Grecs appellēt palmos. De ceste humidité Galien n'ha fait aucune mētion ne es liures de l'utilité des parties, ne des administrations Anatomiques.

Du cœur.

Gal. de
vsupart.
& 7. de
ana. ad.
minist.

LE cœur en Grec *cardia*, en Latin *cor*, c'est le principe, & commencement de l'ame irascible, & des arteres, & de la chaleur naturelle, par laquelle le tout animant est regi & gouverné: quasi comme vne fôteine & vn domicile. Lequel est situé du tout au milieu du thorax, & principalement quant à sa base, qu'on appelle sa teste. Et n'est pas totalement rond, mais en commēçant à sa base large & ample, & ronde, il deuient gresle peu a peu: tellemēt que de sa partie infericure il finit en figure estroite & ague semblable à vne pōme de Pin, inclinant à la fenestre. Le cœur est de momēt & de poix egal, autant d'un costé que d'autre. Car sa partie fenestre, laquelle est fort grosse & fort dure: & consequemment plus pesante, contiēt vne matiere plus legere: c'est a sçauoir l'esprit. Mais sa partie dextre laquelle est plus subtille, plus molle & plus legere, contient vne matiere plus pesante, c'est a sçauoir le sang. Parquoy il s'ensuit, combien qu'il n'y ait nul ligament qui face colligance de luy avec les autres parties prochaines: toutesfois s'as incliner plus des a que dela, il demeure suspendu au milieu du pericardion.

La chair du cœur est dure & difficile à souffrir. Elle est composée des trois gères de fibres, lesquelles different de toutes les autres, en dureté, tension, force, & difficulté de patir, ou souffrir. Par icelles fibres le cœur ha double mouuement, lequel est naturel & non pas volontaire, comme est le mouuement des muscles.

La chair
du cœur
Gal. 6.
de visu
part.

Dia-
stole.

Sistole.

1 Car quand les fibres droites se retirent, & toutes les autres se laschent, adonc le cœur est dilaté, laquelle dilatation est dite en Grec diastole. Et alors le cœur attire l'air, ou l'esprit du poulmon par l'artere veneuse, au senestre ventricule: pour sa refrigeration & pour la nutrition de l'esprit vital. Aussi il attire le sang de la veine caue, au dextre ventricule, preparant le nourrissemēt au poulmon tant seulement, & non pas à soy mesme.

2 Au contraire quand les fibres droites se relaschent, & que les transuersales se retirent, de rechef le cœur est retiré & deprimé, laquelle contraction est appelée en Grec systole. Auquel tēps le cœur expellit les excremēs fuligineux du senestre vētricule par l'artere veneuse, & beaucoup plus par la grande artere, aux autres arteres. Et enuoye du dextre vētricule par la veine arterielle, vn sang elabouré au poulmon, pour le nourrir: en luy rendant la pareille.

3 Mais au tēps ou espace moyen entre ces deux mouuemens, il y ha vn peu de repos. Et adonc le cœur se restraint & retire de toute part, enuiron

TABLE SECONDE

l'air attiré du poulmō: duquel air alors il prend sa fruition & vsage. Et adonc toutes les fibres du cœur font leur action, & principallemēt les obliques.

Les oreilles du cœur Gal. lib. 6. de usu part. & 7. de anat. ad ministr. Le cœur ha deux oreilles par dehors, à dextre & à senestre, en sa base, deuant les orifices des vaisseaux: desquelz vaisseaux bien tost apres nous parlerons. Ces deux oreilles sont quelques epiphyses (c'est à dire appendices ou additions) subtiles & nerueuses: à celle fin que promptement elles ensuiuent le mouuement du cœur. Elles sont caues pour faire vn sinus deuant le cœur. Et sont ainsi nommees, à cause de quelque petite similitude, pource qu'à dextre & à senestre, elles sont adiacentes au cœur, tout ainsi que les oreilles sont à la teste des animaux.

Gal. ibi. 2. Ventricules du cœur. Dedans le cœur il y ha seulement deux sinus, ou ventricules, separez par vn entredeux, dit en Latin septum. Par les pertuis duquel entredeux le sang & l'esprit sont communiquez. En chacun de ces deux ventricules il y ha deux vaisseaux.

1 La veine caue entre dedans le dextre ventricule, ou sinus, lequel est appellé sanguin, & d'iceluy sort la veine arterieuse, laquelle est dispersée & distribuee au poulmon, & apporte le sang elaboré. Ceste veine est nommée arterieuse, pource que illec elle acquiert vne tunique semblable à l'artere, c'est à sçauoir grosse, dure & double.

2 Au senestre ventricule, lequel est la fontaine de la chaleur naturelle, & est appellé spiritus

eux, est inscree l'artere veneuse, laquelle apporte l'air du poulmon au cœur: & euacue les excremens fuligineux d'iceluy. Ceste artere est appelée veneuse, pource qu'elle ha vne tunique semblable à la veine, c'est a dire simple, rare & subtile. De ce ventricule fenestre sort la grande artere: laquelle est l'origine & racine de toutes les autres. De laquelle nous declarerons la diuision cy apres.

3 Ces deux ventricules sont es animaux qui ont poulmon. Mais les animaux qui sont sans poulmon n'ont qu'un ventricule, comme les poissons: lesquelz au lieu de poulmon ont autres particulles, que les Grecs appellent brachia, par lesquelles ilz inspirent & attirent l'air & la vapeur de leau, & reietēt dehors l'eaue.. Or tous animaux qui n'ont point de poulmon n'ont point de voix ne de dextre ventricule du cœur: lequel dextre ventricule est fait à cause du poulmon.

Les veines de tout le corps n'ont qu'une propre tunique rare & subtile. Gal. ibi.

Mais les arteres ont deux propres tuniques, c'est a sçauoir.

- 1 L'une exterieure, semblable à la tunique des veines, laquelle est tissue de fibres droites, & aucunes obliques mediocrement, sans aucunes transversales.
- 2 L'autre interieure, laquelle est quasi cinq fois aussi grosse que l'exterieure, dure & dense, diui-

TABLE SECONDE

sible en fibres transversales.

Gal. lib.
6. de usu
part.

En ces deux ventricules du cœur, il y ha quatre orifices de vaisseaux, c'est asçavoir deux en chacun ventricule.

- 2 Au fenestre ventricule deux, dõt l'un est moindre, lequel est de l'artere veneuse : par lequel le cœur est cõtenu avec les arteres du poulmõ. L'autre est plus grād, lequel est de la grāde artere, par lequel le cœur est contenu avec toutes les arteres.
- 2 Au dextre ventricule il y en ha deux de moindre pris que les dessusdits : toutesfois ilz sont de plus grand pris & valeur que les autres parties du cœur. Dont le plus grand est de la veine caue, lequel porte le sang au cœur. L'autre qui est moindre est de la veine arterieuse, lequel porte le sang du cœur au Poulmon.

Gal. libi.

De rechef en chacun de ces quatre orifices de vaisseaux naissent aucunes membranes, lesquelles sont appellees hymenes en Grec, & seruent de couuerture à fin que grande quantité de matiere, c'est asçavoir du sang & de l'esprit, ne flue hors du cœur, ou ne reflue dedans le cœur. Lesquelles toutes sont en nombre onze: c'est asçavoir.

- 6 Au dextre ventricule six. Trois en l'orifice de la veine caue : lesquelles paruiennent du dehors au dedans, insignes en grosseur, force & magnitude: lesquelles sont appellees en Grec Triglwchines, en Latin Trisulcæ; c'est adire ayās trois pointes: pource que la mutuelle composition de ces

trois membranes, est semblable aux pointes des dardz ou flesches. Item trois en l'orifice de la veine arterieuse: lesquelles paruiennent du dedans au dehors. Lesquelles ont esté appellees sigmoïdes, à la similitude de ceste lettre Σ.

5 Au fenestre ventricule il y en ha cinq: c'est à sçauoir trois en l'orifice de la grande artere: lesquelles aussi paruiennent du dedans au dehors. Et sont appellees sigmoïdes, pour ceste mesme raison dessusdictē. Item deux tant seulemēt en l'orifice de l'artere veneuse, lesquelles paruiennent du dehors au dedans. Desquelles nul n'ha osé comparer la figure à aucune chose. Or elles sont deux tant seulement, car il estoit expedient que ce seul orifice ne fust clos du tout: pour ce que luy seul deuoit donner passage aux excremens fuligineux du cœur au poulmon: lesquels excremens pourroient esteindre la chaleur naturelle.

Quāt à ces membranēs, celles qui paruiennēt du dedans au dehors, sont preparees pour ceste cause, c'est à sçauoir, à fin que les matieres ne retournent dedans. Mais les mēbranes, qui paruiennēt du dehors au dedans, lesquelles sont plus grādes, & plus fortes, sont preparees non seulement pour ceste fin deuant dite, mais aussi pour estre instrumens d'attirer. Car si les tuniques des vaisseaux du cœur sont tendues par icelles membranes, elles sont plus promptement retraits, & repoulsent plus facilement les matieres, quand le cœur les attire. De rechef la tension du

TABLE SECONDE

cœur, en diastole attire les membranes par leurs racines (lesquelles parviennent du dedans au dehors) & les reflecte par dedans vers le cœur, & en les constituant toutes droites, clost les orifices des vaisseaux. Quand dōc le cœur se dilate attirant les racines des membranes, il ouvre les orifices des vaisseaux, lesquels enuoient les matieres dedans, c'est assauoir de de la veine caue & de l'artere venense. Mais il clost les orifices des vaisseaux, lesquels euacuent les matieres dehors.

Gal. ibi. Le cœur attire le sang, & l'esperit, en trois manieres: c'est assauoir.

- 1 Pour euitier vacuité, tout ainsi que les soufflets des Faures, quand ilz sont dilatez, attirēt l'air au dedans, laquelle chose conuient au cœur principalement.
- 2 Pour sa chaleur, tout ainsi que les flammes des mesches (que les Grecs appellent ellychnia) attirent l'huile.
- 3 Item pour la similitude de toute sa substance c'est a dire pour vne vertu & proprieté occulte: tout ainsi que Magnes (c'est la pierre qu'on appelle Aymant) attire le fer.

Gal. ibi. Or d'autant que le cœur ha son mouuement de soy-
& 7. de mesme, il luy ha esté necessaire d'auoir vn corps fort
anat. ad & gros, & dense: pourquoy il ha en besoing de gros
minist. sang. Toutesfois il n'est pas alimenté de soy-mesme,
c'est a dire du sang elabouré en ses ventricules: lequel deuoit estre chaud, subtil & vaporeux &

idoine à nourrir le poulmon. Mais deuant que la veine caue soit implatée au dextre ventricule du cœur, vne partie d'icelle veine aussi grande, comme il suffisoit pour le nourrir, est separée & enuiron le chef du cœur exterieurement elle est diuisee en deux rameaux, & dispersée en toutes les parties du cœur. Pour ceste cause est appelée en Grec *stephanix*: car elle enuironne le cœur en maniere de couronne. Avec ceste partie de la veine caue, la grande artere est aussi portée tout à l'enuiron du cœur, & distribuée par autant de rameaux produits d'elle deffous les membranes. Laquelle partie est autāt grande qu'il suffisoit pour refrigerer ladite veine, & pour conseruer le bon temperament de la chaleur naturelle des externes parties du cœur. Il y ha donc deux rameaux de la grande artere, & autant de la veine caue, enuironās, & embrassās tout le corps du cœur.

Toutesfois il n'y ha nul nerf qui soit veu estre distribué au cœur, non plus qu'au foye, ne aux *ron-* Gal. lib. gnons, ne en la ratelle. Car seulement sa couuerture 6. de vsu c'est a dire sa membrane, ou tunique, appelée *peri-* Part. cardion, est veue receuoir quelques propagines, & branches des nerfs subtils. Comme aux tuniques des viscères (ainsi que dessus ha esté dit) sont implantez aucuns nerfs euidens & manifestes, de la sexte coniugation: toutesfois on ne les void pas manifestemēt Gal. ibi. estre diuisez les corps desdits viscères. & 7. de

Oultreplus est trouué vn os au chef du cœur au anat. ad quel sont adaptez & appropriez les principes de minist.

TABLE SECONDE

tous les ligamens du cœur. Lequel toutesfois n'est pas vray os en tous animaux, ains cartilagineux. En ceux qui sont fort petis, on y trouue vn corps composé de nerfs & de cartilage, dit en Grec *σωμα νευρον χονδρωδες*: Mais es plus grans animaux, c'est vne exacte & vraye cartilage. Et en ceux qui sont fort grans, c'est vne cartilage offeuz, c'est à dire bié dure, & semblable à l'os. Et tât plus l'animât est grâd, tant plus ceste cartilage ressemble à la substance de l'os. Tellement que es plus grans animaux, esquelz s'engendre plus de substance offeuz, il cōuient l'appeller os cartilagineux, & nō pas cartilage offeuz.

De la production de la veine caue aux parties superieures.

Gal. lib.
6. de vsu
part.

Veu que le cœur & le poulmon, aussi tout le thorax sont en continuel mouuement, le passage de la veine caue, par la spacieuse laxité du thorax, n'estoit pas seur, s'elle n'eust eu quelques subsides & aydes externes: par lesquelz (iaçoit qu'elle soit tousiours en mouuement, & qu'elle pende en hault) toutesfois elle resiste à ces dangers & tous autres, dont elle peult estre molestee. Or les singuliers & propres subsides d'icelle veine, sont trois.

I Le premier est au milieu du thorax, auquel lieu le cœur luy est d'une apophyse nerueuse & forte, c'est à sçauoir son oreille dextre, quasi comme vne main: laquelle est preparee, non seulement

pour ceste cause, mais aussi pour vne autre, laquelle ha esté dite cy deuant.

2 Le second subside & ayde est la cinquieme lobe, ou fibre du poulmō: laquelle est faite seulement pour ceste veine, soy gisant dessus icelle lobe, à la partie d'embas.

3 Le dernier est, que ceste veine ha vne grande & bien molle glandule, en la partie d'en hault: laquelle glandule n'est faite pour autre fin: & est appelée en Grec Thymos. Ceste glandule est située au dessous des parties superieures de l'os pectoral: à fin que l'os pectoral ne touche la veine caue. Aussi à fin que tous les autres germes ou petits rameaux d'icelle veine (lesquelz en ce mesme lieu sont beaucoup & en grand nombre pres du Jugule, & dōt premierement ilz sortēt) fussēt soustenuz & establis. Car c'est vne chose perpetuelle à nature, toutesfois & quātes qu'elle diuise vn vaisseau en hault, d'entremettre vne glandule au milieu, pour remplir la diuision. Ceste glandule dite Thymus appert facilement en vne poitrine

de veau: on l'appelle en François la Phagoue.

La veine caue montant en hault, de la partie gibbeuse du foye, par le milieu du diaphragme, est diuisée en ceste maniere.

- 1 Premierement en rameaux grans & insignes.
- 2 En apres en plus petites branches & propagine.

Premierement vn insigne & grand rameau, est caue.

Gal. ibi.

& com-

mēt. lib.

2. de rat.

viēt in

morbis

acutis.

La diui-

sion de la

veine

caue.

TABLE SECONDE

porté depuis le diaphragme, iusques à la cinquieme lobe du poulmon: & monte iusques à la dextre oreille du coeur. Par laquelle il entre au coeur, prenant vne tunique semblable à l'artere. Pourquoy nous auons dit qu'on l'appelle veine arterieuse. En apres quasi comme du commencēt, Ce rameau deduit au cunement de l'oreille dextre du coeur, & consequēment porté sur la glandule dite Thymos, monte tout droit au iugule. Et illec se diuise en deux rameaux droitz & insignes, lesquelz sont appelez selon les Grecs Sphagitides, c'est a dire veines iugulaires, externes & superficielles: les autres les appellent veines apoplectiques: les Arabes les nommēt vena Guidē, manifestes. C'est assçauoir vne à dextre, & vne à fenestre. Par lesquelles veines quasi toutes les parties superficielles du col & de la teste sont nourries.

Gal. cō- Les plus petis rameaux de la veine caue, sont sept
mēt. li. 2 iacoit qu'on en puisse faire plus ou moins.

vnct^o in Le premier est. produit incontinent de la grande & insigne branche, à dextre & à fenestre, iusques au diaphragme.

2^o Le second est seul & sans coniugation, pourquoy les Grecs l'ont appellé Azygos, vulgairesmēt vena sine pari, c'est adire veine sans pareil, & sans coniugation. Lequel rameau descend de ceste mesme branche insigne, & deuāt que paruenir au coeur vient à l'inferieure partie du Thorax: laquelle est composee de huit costes. Ce rameau dit Azygos en plusieurs animaux mon-

Gal. cō-
mēt. li. 2
de rat.
vnct^o in
morbis
acu. &
de disse.
venarū.

te iusques à la cinquieme vertebre du dos, en la senestre partie du Thorax. Mais es Singes, il est situé en la dextre partie, vn peu au deſſ^s de l'oreille du coeur. Et aux autres animaux, cōme es hōmes, il sort d'icelle partie, ou la veine caue touche desia l'oreille du coeur. Et de la en descēdant par la spine est distribué à dextre & à senestre, aux huit costes inferieures, iusques au diaphragme, & à la membrane qui separe le Thorax.

Ces choses ont esté obserues de Galien aux bestes qui ont le corps grand, & ont grād thorax, pource que l'os sternō estoit cōstitué de sept os. Or maintenant aux hōmes de nostre tous ceste veine azigos est Veine
azygos. veue outre la dextre auricule du coeur: ce que monſieur Syluius mōstre cleremēt aduenir pour la defaute de la longitude de l'os sternon.

3 Le tiers est de ceste brāche insigne, qui va au coeur, deuant qu'elle entre dedās le dextre vētricule du coeur, lequel tiers rameau ceint & enuironne la superficie du coeur, en maniere d'une couronne: dont on l'appelle vena stephanica, en Latin coronalis. Et finalement penetre dedans la substāce du coeur, comme nous auons dit dessus.

4 Le quart rameau (deuant que la veine caue, apres auoir outrepasſé le coeur, soit diuisee en veines iugulaires) sort à dextre & à senestre, nourrissant les quatre costes superieures & les lieux qui sōt enuiron les espaules, & aucuns des muscles interieurs du col, enuoyant & implantant aucu-

nes petites veines à la sixte vertebre, dedans le pertuis d'icelle.

5 Le cinquieme ayant sa racine pres de celle qui nourrit les haultes parties du Thorax, paruient aux mains, tât à dextre qu'à senestre, par laisselle. Et appert interieure au coule. On l'appelle vena Axillaris. De laquelle nous parlerons en la quarte table.

6 Le sixieme môte de la veine caue (apres qu'elle est diuisee en veines Iugulaires) à dextre & à senestre, hors du Thorax. Et par l'espaule dite en Grec ωmes; en Latin humerus, fait son discours au bras, dont elle est nommee en Grec ωμιαα; & en Latin Humeraria. Et ha sa racine commune avec les Iugulaires superficielles. De laquelle nous ferons aussi mention en la quarte table.

7 Le septieme yst de la partie interieure des veines Iugulaires externes, ou superficielles, faisant les deux veines Iugulaires internes ou profondes: lesquelles aussi sont appelees apoplectiques, en Arabic venæ Guiden, occultes. Par lesquelles toutes les parties internes & profondes du col & de la teste, sont nourries.

De la diuision de la grande artere.

Gale. de
dif. & ar
teriarū.
& li. 16.
de vsu
part.

La plus grande de toutes les arteres (laquelle Aristote appelle Aorta) naist du senestre ventricule du cœur, & doit estre distribuee par tout le corps: portant l'esprit vital, & temperât la chaleur

naturelle, par diastole, & systole, c'est à dire par dilatation & compression. Tout incontinct qu'elle est issue hors du cœur obliquement, cōme vn tronç, elle se diuise en deux parties inegales.

1 L'une est moindre : laquelle monte en hault, pour dōner rameaux à toutes les parties qui sont au dessus du cœur.

2 L'autre descēd en bas : laquelle est plus grāde, pource que le corps est plus grād en descēdāt. Et enuoye des arteres à toutes les parties inferieures

La partie moindre, laquelle monte en hault, incontinct de rechef est diuisee en deux parties inegales. Gal. ibi.

1 Dont la moindre est produite iusques à l'espaule ou omoplate senestre, & aisselle : laquelle portée au poulmon & munie de membranes, monte en hault iusques à la premiere coste, sans estre diuisee. Car il n'estoit pas seur de la diuiser en hault Mais d'illec en apres elle se diuise, enuoyant vne partie aux premiers espaces intercostaux. En apres enuoye vne autre partie à l'hypochōdre, & à la mamelle : laquelle partie est subiacète à toute la poitrine. La tierce partie est enuoyee à la spinale medulle du col : laquelle penetre par les pertuis des six spondyles, & enuoye (en passant) des rameaux aux muscles prochains. Le reste de ceste artere est distribué en toute la main, & omoplate ou espaule senestre.

3 L'autre qui est la plus grāde, mōte tout droit au iugule, ayant au deffouz d'elle la glādule dite

Thymos, en maniere de contre. Et illec de rechef est diuisee en deux parties inegales: lesquelles s'ont les arteres, appellees en Grec *carotides*, en Latin *soporariae*, & selon les praticiens *apoplecticae*, ou *subeticae*. Desquelles deux parties la senestre est la moindre, & fait l'artere *Carotide senestre*. La dextre est la plus grande, laquelle fait l'artere *Carotide dextre*. Et d'icelle partie dextre, apres auoir vn peu procedé, se font plusieurs apophyses. Car il y ha vne artere, laquelle est portee aux haultes parties du Thorax. Et vne autre paruiet par la poitrine iusques à la mamelle dextre. Et deuant ces deux arteres, la dextre *Carotide* est produite declinante. En apres l'autre partie, qui reste de l'artere, vient obliquement vers la production de la premiere coste: & est distribuee à l'omoplate, & à la main, & aux dextres parties du col. Mais tout ce qui reste des deux *carotides*, procede droit en hault & entre dedans le caluairre. Et illec fait ce qu'on appelle *plexus retiformis*, vulgairement *rete mirabile*. En apres de rechef s'assemble, & conuient en deux arteres: & penetre le cerueau.

Gale. de L'autre partie de la grande artere qui est plus grande. ar de, est celle qui descend du cœur, soy inclinant vers *teriarū*. l'espine: laquelle monte iusques à la cinquieme vertebre du Thorax. Et de là descend par toute la spine iusques à os *sacrum*, ou *latum*. Premièrement apres qu'elle est yssue du Thorax, elle enuoye deux arteres

au Diaphragme. Et puis elle enuoye vne seule, & sans coniugation, au ventre, à la ratelle & au foye: lesquelles trois arteres prennent leur naissance des parties anterieures de la grand artere. Aucunesfois d'une racine elle est diuisée en deux parties: dont l'une est distribuée au ventre, & à la ratelle, & au foye: & l'autre partie mesenterique est distribuée aux intestins. Et finalement les arteres font leur cours avec les veines, lesquelles nous auons dit estre portées aux testicules. Or l'extreme partie de la grande Artere, apres qu'elle est paruenue aux costez des lombes, ou reins, elle monte au dessus de la veine là située. Puis apres l'Artere est diuisée en deux parties, tout ainsi comme la veine Caue: laquelle enuoye icelles deux parties es deux iambes, c'est asçauoir en chacune iambe vne artere. Or nous poursuiurons ceste diuision, qui paruiet aux mains & aux iambes, en la quatriesme table.

Du Poulmon.

LE Poulmon, en Grec Pneumon, en Latin Pulmo, c'est l'instrument de la voix, & de la respiration: lequel est situé entre la partie dite Fauces, & le Cœur, cōme le promptuaire, c'est adire le lieu ou est gardé l'esprit. Il embrasse le Cœur de ses cinq lobes, comme si c'estoient cinq doigts: c'est asçauoir de deux en la senestre partie du Thorax, & de trois en la partie dextre. Dont la cinquieme lobe,

Gal. li 6

& 7. de

vsupart.

TABLE SECONDE

laquelle est petite, est faite à cause de la veine Caue seulement: ainsi que dessus nous auons dit. Et paruient depuis le Diaphragme, iusques à la dextre oreille du Cœur: seruant d'un coïssin mol à la veine Caue, montant en hault. Le corps du Poulmon, d'au

Gal. lib. tant qu'il n'ha pas mouuement de soymesme, mais du Thorax, ne deuoit pas estre pesant, ne d'esc, mais leger, rare, mol, plein de pertuis, remply d'air, & d'esprit: & cōposé quasi d'une escume de sang, concretée, et coagulée, & tissu de plusieurs vaisseaux. Et tout ainsi que le Cœur prepare au Poulmon vn nourrissement pur, vaporeux, & subtil, semblablement le Poulmon change, & altere, pour le Cœur, l'air, ou l'esprit: & l'atire extrinsequement par la Trachee artere. Lequel air, ou esprit y est premierement preparé, & elabouré. Et d'ilec au Cœur, & aux arteres, & principalement es arteres, qui sont au rete mirabile. Et finablement est elabouré en perfection au ventricules du cerueau: esquelz ventricules premierement, & exactement, il est fait esprit animal.

L'altera
tion de
l'air.

Gal. lib.
7. de v-
su part.

Le Poulmon est tissu, & composé de trois vaisseaux: c'est asçauoir,

- 1 De la veine arterieuse, laquelle (cōme nous auons dit) procede du dextre vëtricule du cœur.
- 2 De l'artere veneuse, ou lisse, & souefue, laquelle procede du senestre ventricule du cœur.
- 3 Et de la Trachee artere, laquelle procede de Pharynx, autrement Fauces.

Après que ces trois vaisseaux ont procédé plus outre, ilz sont tous diuisez d'une mesme maniere. Premièrement en deux rameaux: pource que l'une des parties du Poulmon est à la dextre, & l'autre à la senestre: lesquelles deux parties du Poulmon sont separées de fortes membranes. En apres chacun de ces rameaux est derechef diuisé en deux autres: pource qu'il y ha deux lobes en chacune partie du Poulmon. Et ainsi ces quatre rameaux sont diuisez, & distribuez es quatre lobes du Poulmon: mais à la cinqiesme lobe (d'autant qu'elle est petite, en la capacité ample, & large de la partie dextre du Thorax) il y ha de petis rameaux, qui luy sont dispersez des vaisseaux distribuez à la grande lobe, qui luy est prochaine.

Ces vaisseaux du Poulmon sont contraires aux autres vaisseaux de tout le corps. Car au Poulmon la veine est faite arterieuse, c'est adire grosse, dure, & double: à fin qu'elle ne soit dilatée facilement, quand nous inspirons. Et qu'elle ne soit retirée, quand nous expirons: d'autant qu'elle est comme vn promptuaire, & receptacle du nourrissement. A fin aussi qu'elle n'enuoye vn sang gros au Poulmon: lequel est nourry de sang subtil, & vaporeux. Pour ceste cause icelle veine ha esté faite bien grande: à fin, que autant qu'il luy est osté de iuste, & suffisante nutrition, pour la grosseur de sa tunique, qu'il luy en soit autant recompensé par sa grâdeur, ou magnitude.

Gal. lib.
6. de vlu
part.

TABLE SECONDE

Gal. libi. Mais l'Artere qui communique du Cœur au Poul
 mon, mō l'esprit vital, avec le sang subtil, & vaporeux,
 & expellit les excremens fuligineux, ha esté faite
 veneuse: c'est adire rare, subtile, & simple. A fin
 que le nourrissement, que la veine ne peult donner
 au Poulmon, à cause qu'elle est grosse, & dense,
 que l'Artere recompense le tout: en dictribuant au
 Poulmon, à cause de sa rarité, vn sang pur, subtil &
 euaporeux, en abondance. Et d'auantage à fin, que
 (d'autant qu'elle est le receptacle, & vaisseau de
 l'esprit) elle soit facilement dilatée, & comprimée.
 Pource qu'il estoit necessaire qu'elle fust facilement
 remplie, quand nous inspirons: & soudainement e-
 uacuée, quand nous expirons & parlons.

Gal. li. 7
 de vsu
 part.

Le troisieme vaisseau du Poulmon, lequel est ap-
 pelle l'artere Tracheie en Grec, c'est adire aspre, est
 situé entre les deux dessusditz. Et est conioint, &
 connexé avec le Cœur, & par l'artere veneuse: la-
 quelle est entre deux. Ce seul vaisseau au Poulmon
 est totalement vuide de sang, quand le corps se por-
 te bien, & est selon nature: Mais quād il y ha ruptu-
 re de quelque vaisseau du Poulmon, ou apertion d'os-
 rifice (que les Grecs appellent Anastomosis) ou
 quelque erosion de vaisseau (qu'on appelle Ana-
 brosis en Grec) alors quelque sang s'espance en
 ceste artere: lequel sang empesche l'esprit, luy occu-
 pant ses voyes. Et par ce moyen s'ensuit vne toux:
 & le sang vient en la bouche, par pharynx. Nous
 parlerons plus amplement de ceste artere, peu apres,

quand nous aurons parfait le propos du Poulmon,
 & de œsophagus, en Latin Gula.

Gal. lib.
 7. de usu
 part.

Il y ha vne membrane subtile, qui enuironne par
 dehors toutes les lobes du Poulmon: Laquelle prend
 aucunes parties, & portions de nerfs, qui descen=
 dent en l'estomach. Car mieux ha esté au Poulmon
 auoir de petis nerfs, à fin qu'il eust aucune congnois=
 sance de choses molestes, & contraires: comme ha le
 cœur, le foye, la ratelle, & les rongnons.

De œsophagus en Latin Gula, en
 Arabic Meri.

Il y ha deux conduits, qui commencent au large
 espace de la bouche. Gale. in
 introdu.

1 L'un iouxte la spine du dos: lequel conduit est
 appelé œsophagus, c'est la voye & le passage du
 manger, & du boire.

2 L'autre est iouxte la partie prone du col, le=
 quel conduit est appelé trachœa, ou aspera ar=
 teria: c'est la voye de l'air, ou de l'esprit.

Ceste espace, qui est au deuant de ces deux con=
 duits, les Latins l'appellent Fauces, & les Grecs
 Pharynx. Gale. in
 Aph. 24
 lib. 4. Et
 prog. 18
 li b. 3. &c
 cap. 5. li.
 4. de lo=
 cis affe.

La voye commune, qui apporte la viande de la
 bouche iusques au ventricule, laquelle voye est
 moyenne entre fauces, & le ventricule, les Latins
 l'appellent Gula, les Arabes meri. Et les Grecs œso=
 phagus proprement, & stomachus communement.

TABLE SECONDE

Car tout col preposé au deuant de quelque ventre, c'est adire de quelque capacité, ou ample espace, estroit en maniere de isthmos, est appellé *stomachus*. Aucunes fois on appelle l'orifice du ventricule, *stomachus*: mais c'est improprement.

Gal. li. 4 *Oesophagus* est composé de deux tuniques, sem-
& 6. de blables aux tuniques du ventricule: lequel descend
vsupart. tout droit au dessouz de la trachee artere, par l'es-
ri. Math spine. Et est estendu sus les quatre premieres verte-
4. cap. bres du dos perpendiculairement, c'est adire droitement
lib. 5. de sans incliner son corps ne çà, ne là. Mais à la quinte
lo. affe. vertebre, il incline à la dextre, pour ceder, & donner
Aph. 39. lieu à vn autre instrumēt de plus grād pris: c'est assa-
lib. 6. & uoir à la plus grande de toutes les arteres, qui des-
Aph. 56. cend. Laquelle il estoit necessaire estre portée par le
lib. 7. milieu des vertebres: comme nous auons dit en la di-
 uision d'elle. Incontinent que *oesophagus* ha touché
 au diaphragme, il est fort esleué par fortes mem-
 branes: derechef il passe sus la grande artere, en la
 partie senestre: Auquel lieu apres auoir passé outre
 le diaphragme, il adhere à l'orifice du vëtricule, tout
 enleué: à fin, qu'il ne presse l'artere quand quelque
 viande aspre y passe. La cause pourquoy il passe en
 là partie senestre, c'est pource, qu'il estoit plus ex-
 pediēt, que l'orifice du vëtricule fust situé en ce lieu
 là: comme nous auons dit en la premiere table.

Gal. libi. *Oesophagus* est de figure ronde: à fin que beau-
& 7. de coup de matiere (c'est la viande) passe par vn petit
vsupart. lieu, & passage. Aussi à fin qu'il fust plus assuré, &

mieux muny contre les iniures, & incommoditez. Mais quād à sa situation, il est oblique, & tout tortu: pour dōner lieu à la grande artere. Aussi à fin que les nerfs soient plus assurez, qui descendent du cerueau, au ventricule. Lesquelz quand ilz approchent pres du ventricule, s'envelopent enuiron le stomach: & ainsi finablement y adherent.

Or nous auons dit en la premiere table, qu'il y ha peu de veines, & du tout obscures, & non manifestes: lesquelles sont enuoyées du mesentere, à œsophagus.

Gal. lib.
4. de vsu
part.

De la tracheie, ou aspre artere.

LA Tracheie artere, en Grec tracheia, en Latin *Laspera arteria*, aucuns l'appellent aussi en Grec bronchos (comme ilz appellent les cartilages, de quoy elle est composée, bronchia) c'est le troisieme vaisseau du Poulmon: procedant de pharynx, ou fauces: de laquelle nous auons deuant fait mention. Et est située entre l'artere lyssée, ou polie, & la veine arterieuse. Car il faillloit, que la tracheie artere fust prochaine de ces deux vaisseaux: c'est asçauoir pres de l'artere lyssée, & non aspre: pour donner au cœur l'utilité de respiration, par le milieu d'icelle artere lyssée. Et apres de la veine arterieuse, pour ce qu'il est necessaire qu'elle soit nourrie d'icelle veine. Pour ces deux causes elle ha esté située au milieu.

Gal. lib.
7. de vsu
part.

TABLE SECONDE

Gal. li 7
de usu
part.

Pour la construction de ceste aspre artère, nature
vsant de plusieurs cartilages, la toute fleschie en ex-
acte circonference d'un cercle. A fin que sa partie
conuexe, ou gibbeuse, (laquelle nous touchons) ap-
paroiſſe par dehors: & qu'elle soit concaue par de-
dans. Consequemment elle ha lié ensemble par liga-
mens membraneux & forts, les cercles, lesquelz
sont composez, & cōioints ensemble, par vn conti-
nuel ordre, selon la longueur du col. Et ha remply
ceſt eſpace, qui eſt entre pharynx, & le Poulmon.
Mais quand à la partie des cercles, laquelle deuoit
toucher œſophagus, ſubiet, ou ſitué au deſſous, na-
ture ne la plus faite cartilagineuſe: ains en ceſte
partie elle eſt, comme vn cercle imparfait: tellement
que chacune cartilage repreſente la figure de Sigma
lettre Grecque Σ : dont icelles cartilages ſont appel-
lées ſigmoïdes. Ainſi ceſte trachee artère eſt ron-
de: tout ainſi que œſophagus. Et par dehors elle eſt
cartilagineuſe: de peur qu'elle ne ſoit facilement
bleſſée par les choſes externes. Mais de la partie,
d'ou elle touche œſophagus, elle eſt membraneuſe:
de peur qu'en le preſſant, elle ne prohibe la viande
d'entrer. Toutesfois nature n'a pas fait ceſte arte-
re du tout cartilagineuſe, ne du tout membraneuſe:
ains elle ha ſitué vne cartilage, laquelle eſt pro-
pre instrument de la voix, & puis vne membrane,
ou ligamens membraneux, doubles, dont les vns lient
ensemble les cartilages, ou cercles: & les autres les
rendent parfaits. Lesquelz ligamens, d'autant qu'ils

peuvent estre dilatez, & retirez, ilz sont instrumens de respiration. Parquoy, veu que la trachee artere est composée de cartilage, et de membrane, elle est particule, & instrument de la voix, & aussi de la respiration. Car par elle nous inspirons, & dure= chef nous expirons, nous faisons efflation, & auons la voix.

Il y ha vne membrane tendue intrinsequement, Gal.lib. deffouz ces ligamens doubles, & cartilages, totale= ment ronde: qui conioint toutes icelles parties. La= quelle est dense, & compacte, subtile, seiche mode= rement, tissue de fibres droites selon longitude. Et est continuë à la membrane, laquelle oint intrinse= quement toute la bouche, & œsophagus, & tout le ventricule. Mais par dehors il y ha vne membrane qui comprend toutes les parties deffusdites: laquelle est comme vne robe, ou tunique de toute l'artere. Ceste mesme structure, & composition est gardée iusques aux extremes lobes du Poulmon,

De Larynx.

LE chef, ou la summité de l'aspre artere, est, ou Gal.lib. partie superieure appellé Larynx: qui con= joint l'artere, avec pharynx: laquelle appert mani= festement au col, & on la sent dure, quād on la tou= che. Et quand nous aualons ou transgloutissons, elle monte. Elle est le premier, & le plus principal in= strument de la voix: & pource est toute cartilagi= neuse.

Gal. li 7
de usu
part.

Larynx est composé de trois grâdes cartilages: les-
quelles ne sont en rien semblables, ny en figure, ny
en magnitude, es autres cartilages de l'aspre artere.

1 La premiere est anterieure, qui est la plus
grâde, laquelle nous touchons. Elle est conuexe,
c'est adire gibbeuse extrinsequemēt, & caue in-
trinsequement: semblable à vn bouclier, non pas
rōd de toute part, mais assez long: lequel propre-
mēt nous appellons en Latin scutum, & en Grec
Dyptēs, dont ceste cartilage ha esté appellée ou
geoides en Grec, & en Latin scutiformis.

2 La seconde n'ha point de nom: laquelle d'au-
tant qu'elle est moindre, que la premiere, d'autāt
est elle plus grande, que la tierce. Elle est située
aux parties internes, illec ou est œsophagus. Et
d'autant que la plus grande, qui est la premiere,
default en parfaite figure circulaire, d'autāt
ceste seconde y approche plus. Car ce n'est pas
tout vn de Larynx, comme de la partie de la tra-
chee artere, qui touche à œsophagus, laquelle est
membraneuse.

3 La tierce, qui est moindre de toute, s'ensuit,
& comence cōsequemmēt: dont la fin est bien es-
troite. Sa partie, & extremité superieure est ap-
pellée selon plusieurs anatomistes Arytænoïdes,
à la similitude de la figure d'un vaisseau, qu'on
appelle en Grec arytæna, vn.bassin. Itē la cōcavi-
té de ceste cartilage incline vers le cōduit de l'es-
prit: à fin que ce qui est composé de ces trois carti-

lages, soit cōme vne fluste. Ceste cartilage paruiēt à la capacité de larynx, & est couuerte vers œsophagus: à fin qu'en vomissant, la matiere ne vienne en la tracheie artere.

Or d'autant que la voix se fait premierement en Larynx, & que son orifice superieur se dilate grandemēt, & se cōprime aussi: pource qu'il s'ouure, & se ferme aucunes fois entierement, & exactement, il n'estoit possible que sa construction, ou composition fust meilleure, que celle qu'il ha maintenā: c'est asçauoir de ces trois cartilages appliquées, & cōiointes ensemble: lesquelles se deuiōt mouuoir par muscles.

Pour ceste cause il y ha en Larynx enuiron vingt muscles: c'est asçauoir.

Gal. ibi.

& 16. de

vsupart.

12. Douze propres: dont il y en ha dix communs aux trois cartilages: c'est asçauoir quatre, lesquelz cōioingnent la premiere cartilage avec la secōde, es animaux, qui ont grāde voix. Dont les deux premiers cōioingnent les parties anterieures de Larynx, & fermēt la plus grāde cartilage. Les deux autres subsequēs cōioingnēt les parties intimes, & ocultes. Les autres quatre en tous animaux cōioingnēt la seconde cartilage avec la tierce. Les autres deux cōioingnēt la premiere avec la tierce. Et de ces six il y en ha quatre, qui ouurent la cartilage dite arytenoïdes: les deux autres la fermēt. Restent encores deux, qui sont à la base, ou fondemēt de la cartilage arytenoïdes: lesquelz ne sōt point trouuez es animaux de petites

TABLE SECONDE

voix cōme es Singes. Il y en ha deux autres transuersaux, aydans aux deux dessusditz : lesquelz coalescent, & sont vnis ensemble en plusieurs animaux & serrent, ou contraignent la base de la tierce cartilage.

8 Item huit communs, lesquelz sont beaucoup plus grans, que les dessusditz. Et sont propres seulement à la premiere cartilage dite scutiforme: lians Larynx avec les parties prochaines. Lesquelz huit muscles sont auteurs d'un autre mouuement, par lequel tout le conduit de l'esprit est amplifié & retiré. Dont deux naissent des moindres costez de l'os dit hyoïdes: & puis sont produis selon toute la longueur de la cartilage scutiforme, tant de la partie anterieure, que superieure. Lesquelz attirans ladite cartilage scutiforme, l'eslongnēt des cartilages posterieures: et amplifient ledit conduit. Les autres quatre ensuiuent: dont deux naissans de la cartilage scutiforme, & tendans à la poitrine, sont meslez avec les deux autres: spécialement es animaux, qui ont tout le Larynx grand, et aussi le cartilage scutiforme grande. Ces quatre muscles ayans leur action, & situation cōtraire aux deux dessusditz, retirēt les parties inferieures de la cartilage scutiforme, & l'atirent en bas: & avec ce retirent, & resserrent legerement la trachee artere: à fin, que rien ne se redouble, & ne si applique, quand on veult parler. Les autres deux transuersaux

naissent des parties obliques de la cartilage scutiforme. En apres ilz embrassent circulairement œsophagus & conuiennent ensemble, attirans icelles parties obliques de la premiere cartilage dite scutiforme, & les appliquans avec la seconde cartilage: à fin que le cōduit de l'esprit soit re-
straint, & reserré.

Mais aucuns muscles droitz, qui sont au col, prennent distributions de nerfs de la sixte coniugation descendante: à laquelle est adiointe vne petite part & portion de la septiesme coniugation. Et conséquemment tous les autres muscles de Larynx, prennent distributions desditz nerfs, exceptez six propres: c'est à sçauoir quatre, qui l'ouurent, & deux qui le ferment: lesquelz sont grandement necessaires à la generation de la voix. Iceux muscles veu qu'ilz ont vne droite situation, tellement que leur chef, & commencemens sont en bas, & leurs fins en hault, nul rameau, ou propagine d'icelle sixte coniugation descendante n'ha peu estre distribuée à iceux: iasoit que ladite sixte coniugation passe pres d'iceux muscles, quand elle descend par le col: & donne quelque nerf à aucuns muscles de Larynx. Mais il ha esté necessaire, que des parties inferieures, aucuns nerfs leur fussent enuoyez de ceste mesme coniugation Laquelle chose ha esté faite par vn merueilleux artifice de nature, comme briueement l'expliqueray.

Gal.li. 7
& 16. de
vsupart.

Deux nerfs, c'est à sçauoir la sixiesme cōiugation, les nerfs
recurrés

Gal. ibi.

ou pair de nerfs du cerueau, descendēt avec les arteres carotides : establis pour la propinquité, & munis de communes couuertures, ou tuniques. Lesquelz deux nerfs, apres qu'ilz ont passé le col, en descendāt par le thorax, vne propagation de nerfz naissent à dextre & à senestre, retourne par ceste mesme voye, par laquelle elle estoit descendue: cōme reciproquant, & redoublāt son cours. Ceste propagation adherāt à la trachee artere, fait son recours aux six muscles, par lesquelz larynx est ouuert, & cloz. Et luy est cōmuniqūee, à cause de faire la voix. Car s'ilz aduient que ces nerfz soiēt blessez, la voix en est blessee, ou du tout abolie & gastee.

- 1 Le nerf dextre se fleschit iouxte les clauicules, enuiron le rameau de la grande artere: lequel rameau est porté à l'aixelle dextre, comme s'il estoit reuolu enuiron quelque petite roue: & recourt en hault, iusques à ce qu'il soit dispersé, & distribué aux trois muscles de larynx, du costé mesme, c'est adire de la partie dextre.
- 2 Le senestre nerf, lequel est produit bien loing, se reuolue enuiron la grande artere, principalement d'icelle part, d'ou elle yst premierement du cœur, se fleschissant vers la spine. Et d'illec ce nerf recourt vers larynx, et se disperse es autres trois muscles de sa partie senestre.

Or d'autāt que les deux muscles, qui ferment larynx, ont tresforte action, pour ceste cause nature ha fait, qu'il y ayt en eux grande part & portion

de nerfz recurrens, ou reuersifs, distribues en ces deux muscles. Et qu'un nerf solide descende du hault en bas, aux fins & extremittez d'iceux nerfs, reuersifs, iouxte chacun de ces deux muscles. Dont les corps qui sont enuiron larynx, recoiuent aucunes particules: le reste de ce nerf solide conioint au propre nerf du muscle, luy donne force & seurete.

Après que ceste sexte coniugation de nerfz ha passé tout le col, en produisant ceste premiere diuision de nerfz, double, appartenant au thorax, & à la racine des costes, elle produit plusieurs autres diuisions, outre icelles: en partie au cœur, en partie au Poulmon, à l'estomach, au ventricule, au foye, à la ratelle, & aux rongnons. Comme plus à plein sera dit en la table subsequente.

Gal. ibi.

Idi. l. 10

De Epiglottis.

EN l'espace interieur de Larynx, par lequel l'esprit est porté dedans, & dehors, il y ha un corps, qu'on appelle Epiglottis, c'est adire la langue de Larynx: pour ce que sa figure represente la langue ou souffrir de l'emboucheure d'une cornemuse: lequel est rond, membraneux, humide, visqueux & gras. Et est un peu plus grand, que l'orifice de larynx. Aussi il touche à œsophagus: & ha situation contraire à la cartilage arytænoides: & procede de la racine de la langue.

Gal. lib.

7. de vsu

part.

Enuiron l'origine d'epiglottis, il y ha un petit per-

Gal. lib.

tuis de costé, & d'autre, assez long, descendant du hault en bas, semblable à vne ligne estroite: tellement qu'on diroit plustost, que ce fust vne fissure, ou fente, qu'un pertuis. Outreplus au dessous de ce pertuis (lequel est cause de fermer) il y ha un grand ventricule, ou cavité, en la partie interieure: en laquelle cavité, quand l'air ayant grande & ample voye, entre dedás le corps, & yst derechef: alors rien ne vient au ventre.

Galibi.

Or epiglottis est appliquer à l'orifice de larynx, cōme un couuercle, de peur (quand nous transgloutissons, c'est adire quand nous auallons) que le boire, ne le manger n'entre soudainemēt dedans le conduit de l'esprit. Car quand nous respirons, epiglottis est toute droite. Mais quand nous auallons quelque chose, alors elle gist, & tombe dessus larynx. Car ce que nous auallons, premierement vient à la racine de epiglottis: & puis est porté par la spine, tellement qu'il contraint epiglottis à incliner, & tomber: d'autant que sa substance est vne cartilage fort subtile. Tout ainsi donq que la cartilage aryténoides est contrainte à incliner vers le conduit de larynx, quand nous vomissons, ainsi est epiglottis, quand nous auallons. Voicy deux admirables couuercles de larynx: c'est asçauoir epiglottis, & la cartilage aryténoides: lesquelz sont cloz, & ferment par les choses prohibées d'entrer en larynx. Semblablement nature ha icy machiné, & fait telle chose, comme nous auons dit parauant des mem-

branes, lesquelles s'ôt aux orifices du cœur. Car tout ainsi que ces membranes sont faites, non pas pour garder qu'il n'y entre riē du tout par cōtraires orifices: mais de peur qu'il n'y en entre en abondance, & subitement. Semblablement à ce propos le cas est tel. Car quelque petite quantité du boire passe par la trachee artere en la rotondité, selon ses tuniques & nō pas par le milieu d'icelle, qui est laxē & spacieux: lequel boire arrose & humecte le poulmon sans empescher l'esprit.

De la bouche & de la langue.

LA bouche, en Grec stoma, en Latin os, il est assez Gal. lib. 8. & 11. notoire qu'elle deuoit estre situee pres du cerueau: comme tous les autres instrumens sensioires ou de vsu sensitifs. Aussi il estoit necessaire quelle fust en la tēte part. ste, ou plustost qu'elle continst la langue. Car ce n'estoit pas pour le mieux que la langue fust nue & totalement sans aucune couuerture: & si ne pouuoit estre mieux couuerte que de la bouche. Pource que la langue illec situee pouuoit mieux iuger des saueurs & estre instrument pour parler: ioint aussi qu'elle deuoit grandement ayder à mascher & à aualler les viandes. Ainsi la langue est enclose en la bouche, comme par vne maniere de dire en vne cauerne. Et ha fallu que la magnitude de la lāgue fust exactement adaptee & cōrrespondante à la bouche: à fin qu'elle peust toucher en toute partie d'icelle.

TABLE SECONDE

Gal. lib. 11. de v. su part. La langue en Grec *glotta*, en Latin *lingua*, elle est vestue d'une tunique commune à la bouche. Elle appartient grande & forte en sa base & racine, ou elle est fichée à loz *hyoides*, à cause d'estre ferme. Mais elle est subtile à son extrémité, à cause du soudain, & léger mouuement. Ausquelz deux offices ayde vn ligament qui est es parties inferieures de la langue: lequel est aussi grand, comme il estoit expedient & cōmode, qu'il fust.

L'os hyoïdes. Gal. lib. 7. de v. su part. L'os situé à la base ou racine de la langue, lequel est appellé en Grec *hyoïdes*, à la similitude de ceste lettre Grecque *υ*, les autres l'appellent *lābdoïdes*, à la similitude de ceste lettre Grecque *λ*, combiē qu'il soit biē petit, neātmoins il ha de grandes, & biē opportunes vtilitez. Car la plus grande partie des muscles de la langue ha son origine de cest os: aussi ha la coniugation anterieure des muscles de laryng (desquelz nous auons dessus parlé) & autres muscles estroits & longs: lesquelz sont portez aux omoplates.

Gal. lib. 11. de v. su part. D'autant que la langue des hommes est double, comme sont aussi tous les autres instrumens des sens, non pas toutesfois fendue ou diuisee, comme celle des serpens: mais vnies & coniointes; ce n'ha pas esté chose estrange, qu'il y eust des muscles egaux en nombre; & en magnitude, tant à dextre que à senestre.

Gal. lib. 11. Quant aux muscles de la langue il y en ha de trois manieres.

- 1 Les vns sont implantez aux parties superieures, lesquelz esleuent la langue iusques au palais.
- 2 Les autres sont implantez es parties inferieures, lesquelz depriment en bas la langue.
- 3 Les autres sont implantez aux costez, ou lateralement, lesquelz tournent la langue de costé & d'autre.

Pareillement la langue ha deux arteres inserees, ou implantees en elle: c'est ascauoir vne de chacune part. Semblablement deux veines, lesquelles nous incisons en aucunes maladies.

Gal. ibi.

Item deux paires de nerfs sont implantez en la langue.

Gal. ibi.

- 1 L'un est mol, lequel est distribué de la tierce coniugation, en l'exterieure tunique de la langue pour discerner & iuger des saveurs.
- 2 L'autre est dur, lequel est distribué de la septieme coniugation aux muscles, & est conuenable au mouuement volontaire.

& 9. &

16. de

vfu par.

Des Amygdales que les Grecs appellent

Paristhmia, & les Latins Tonsilla.

Pour ce que la langue quād elle est desseichee, deuiant plus tardiue à faire ses mouuemens, comme il est manifeste en ceux qui ont grande soif, semblablement en ceux qui n'ont plus d'humidité en la langue, à cause de quelques fieures ardētes, nature y ha merueilleusement bien pourueu que la langue ne

Gal. 11.

de vfu

part. &

apho. 16

lib. 3.

fuſt facilement moleſtee de tel accidēt. Nature auſſi ha mis pres de larynx deux glandules charneuses, ſemblables à eſponges, vne de chacun coſté: pour ceſte meſme vtilité. Laquelle choſe elle ha auſſi faite à la langue. Les Grecs appellēt ces glandules parithmia, & les Latins tōſillæ (iaſoit qu'aucunesfois ilz appellent ainſi l'inflammation d'icelles parties) on les appelle vulgairement amygdalæ. Il y ha des conduits qui apportent d'icelles glandules, par les parties obliques & inferieures, vne humeur pituiteux, liquide: & l'apportent à la langue pour l'humecter, & auſſi les coſtez inferieurs, & tout ce qui eſt au circuit de la bouche.

De vuula, en Grec Gargareon.

A La fin du palais, iouxte fauces, ou pharynx, apert vne particule charneuse, ſuspendue: les Grecs la nomment gargareon, c'eſt à dire en Latin gurgulio, & cion en Grec, c'eſt à dire columna en Latin: les autres l'appellent columella. Les François l'appellent la luette, vulgairement eſt nommée vuula. Mais à parler proprement, vuula c'eſt la maladie de ceſte partie, cōme auſſi on prēd aucunesfois colūna. Ceste particule eſt le plectre & instrument de la voix: luy ſervant à magnitude & elegance. A fin que l'air entrant en la trachee artere, ſoit premierement inciſe, & que ſa violēce & impetuoſité ſoit rompue, & auſſi ſa fragilité, par ce meſme moyen.

Gal. lib.
ii. de v-
ſu part.

Car pour certain aucuns à qui la luette auoit esté couppee iusques à la base & racine, non seulement ont plus mal parlé, mais aussi ont senti l'inspiration plus froide. En sorte que plusieurs en sôt morts, à cause que le poulmon & le thorax auoit esté trop refroidi par telle inspiration d'air. Parquoy il ne fault pas seulement ainsi couper toute la luette, ains l'on doit laisser aucune partie de sa base & racine. Vne autre vtilité de la luette, est, de garder que la poudre ou quelque autre telle chose ne tombe en larynx.

Des dents.

Les dents en Grec odontes, en Latin dentes, sont du nombre des os: dont le nombre est de trête & deux au plus, es hommes: c'est assauoir seize en chacune maschoire situees par ordre.

Gal. ca.
s. lib. de
ossibus,
& ii. de
usu par.

8 En la partie anterieure il y en quatre dessus, & autant dessous, agues & larges. Les Grecs les appellēt tomes, & les Latins incisores: pource qu'elles sont cōuenables à inciser les viâdes, à la similitude d'un couteau. Et n'ôt qu'une racine.

Incisores.

4 En apres il y en ha deux de chacun costé, les Grecs les appellent cynodontes, & les Latins canini dentes: pource qu'elles sont semblables aux dents des chiens. Car elles sont larges en la base inferieure & agues en la partie superieure. Et n'ont qu'une racine assez longue. S'il y ha quelque chose que les dents incisiores n'ayent peu cou-

Canines.

TABLE SECONDE

per ou inciser, à cause qu'icelle chose estoit trop dure, ces dents canines la rompent.

Or ces deux dents canines, qui sont en la machoire superieure, vulgairement appellees en Latin *Oenlarii*, en François *oeilleres*, pource que de leur racines treslongues elles touchent iusques au centre des yeux, dont il aduient qu'une d'icelles arrachee, il y a grand danger que les yeux ne soient blessez en quelque partie.

20 Outre les dets dessusdites, il y en ha d'autres, appellees en Grec *Gomphioi*, en Latin *Maxillares molaires*. Et sont le plus souuent cinq en vne maschoire, de chacun costé, c'est a dire tant à dextre qu'à senestre. Ainsi en la superieure maschoire il y en ha dix, & autāt en l'inferieure. Ce sont en tout vingt dents maxillaires. Aucuns n'en ont, que quatre en vne maschoire de chacun costé: les autres en ont six. Toutesfois celles qui sōt fichees en la maschoire superieure, ont trois racines: mais celles de la maschoire inferieure, n'ont que deux racines. Neantmoins les deux premiers qui sont les plus interieures, sont souuēt esfois trouuees en la mandibule superieure, avec quatre racines, & en la mandibule inferieure avec trois. Ces dents cy sont nommees non seulement maxillares: mais aussi *Myle* en Grec, c'est a dire en Latin *mole* ou *molares dentes*, pource qu'elles subtilisent & brisent les viādes, tout ainsi que les meules des moulins brisent les bledz. Car elles sont aspres & lar

ges, dures & grâdes: pour subtiliser entierement,
& briser les viandes, desia incisees par les dents
incisoires & rompues par les dents canines.

Toutes les dêts sont fichees es concavitez de leurs os. Et les apophyses subtiles des os de chacune ioue, ou mandibule qui contient les dents, sont appellees pharnia en Grec, en Latin præsepiola, à la similitude des augets, desquelz on vse à nourrir les bestes. Car à l'environ des dents, il y ha de ces apophyses, en Latin processus, qui les serrent, & contiennent par si fors ligamens qu'elles ne peuuent estre facilement concussées, n'esbranlées. Par lesquelz ligamens les dents sont liées, & principalement iouxte les racines, ou les nerfs sont implantez. Mais les pertuis ou entrent les dents, sont appelez en Grec Boathria à la similitude d'une fosse.

De tous les os, il n'y ha que les dents qui participent des nerfs molz, de la tierce coniugation du cerueau. Et pour ceste cause les dents tant seulemēt ont euidente vertu sensitiue pource qu'elles sont exposees nues au deuant des choses qu'elles rencontrent: ioint aussi qu'il falloit qu'elles eussent sentiment avec la langue, & qu'elles peussent discerner & iuger des saueurs: tout ainsi que les autres particules de la bouche. Et par ainsi il y ha des nerfs molz implantez aux dents.

Des leures.

LA substance des leures (que les Grecs appellēt Cheile, & les Latins Labia, ou labra) est

Gal. ibi.

Gal. ca.

5. lib. de

Offibus

Itē li. 9.

& 16. de

usu par.

Gal. lib.

11. de v-

su part.

TABLE SECONDE

telle que tu pourrois iustement appeller muscle semblable au cuir, ou cuir musculueux. Car il falloit qu'elle eust mouuement volontaire, & qu'elle fust beaucoup plus dure que les autres muscles. Parquoy nature l'a temperée & composée de cuir & de muscle.

Gal. ibi.

Quatre muscles paruiennent aux leures: c'est à sçauoir.

- { 2 Deux qui ont leur origine de l'extremité de la ioue ou mandibule inferieure.
- { 2 Les deux autres s'ont vn peu au deffour du lieu que les Latins appellent mala, le lieu plus éminent de la ioue.

Les principes & commencemens de ces quatre muscles sont manifestes deuant qu'ilz soient meslez avec le cuir. Mais depuis qu'ilz sont meslez avec le cuir, ilz n'apparoissent du tout plus, & ne peuvent estre separés de la substance du cuir. Car comme nous auons dit, les leures des animaux sont composées de toute la substance du cuir, meslée avec toute la substance musculueuse.

Gal. ibi.

Par ces quatre muscles sont faits huit mouuemens des leures: c'est à sçauoir.

- { 4 Quatre mouuemens obliques: deux en chacune leure. Dont l'un est fait quand les leures sont menées à la partie dextre. Et l'autre quand les leures sont menées à la fenestre.
- { 4 Et quatre mouuemens droits, dont il y en a deux totalement droits: c'est à sçauoir quand les leures sont en grande distance l'une de l'autre: cō

me quand l'une des leures est estendue en hault, vers le nez : & l'autre est retiree en bas vers le menton. Les autres deux mouuemens droits sont faits, quand les leures sont coniointes ensemble: c'est asscauoir quand la leure superieure est tiree en bas, & l'inferieure en hault.

Et tout ainsi qu'en Carpus, & au bras de mouuemens obliques se font mouuement droits, ainsi est il es leures. Car si vn seul muscle de l'une des leures fait son action: le mouuement se fait oblique. Mais silz sont tous deux tendus, en telle maniere toute la leure est tiree en hault par les muscles superieurs, & est tiree en bas par les inferieurs.

Or à fin que non seulement ces muscles fussent grans, mais aussi ceux qui sont aux maschoires, nature ha soubmis extrinsequement vn muscle large & subtil en chacune part vn: procedant iusques à la spine du col. Lequel ayde fort à parler, & à mascher. Quand est de la production des fibres de ces muscles: voy en ce mesme lieu dessusdit.

Outreplus il ha esté meilleur de deduire des nerfs à la leure inferieure d'iceux nerfs, qui sont portez par la maschoire inferieure: & à la leure superieure deduire aussi nerfs d'iceux qui sont portez par la mandibule, ou ioue superieure. Semblablement il ha esté beaucoup meilleur produire veines & arteres, de plus prochaines, à chacune leure que d'en induire, & requerir des plus lointaines.

Gal.ibi.

TABLE SECONDE

Des muscles mouuans la bouche.

Gal. lib.
11. de v.
su part.

Nature ha ordonné trois genres de muscles, pour mouuoir la bouche, dont.

2 Deux ferment la bouche, & esleuent, & soustiennent la ioue du mandibule inferieure, comme pendante d'elle. Pour ceste cause il ha esté raisonnable & consonant que ces deux muscles fussent les plus grās par ordre: lesquelz en Grec sont appellez *Crotaphita* en Latin *Temporales*, ce sont les temples.

2 Deux autres muscles opposites, & beaucoup moindres ouurent la bouche.

2 Les autres deux sont moyens tant en magnitude qu'en situation mouuans la bouche circulairement en diuerses manieres: lesquelz sont appellez en Grec *Maseteres*, en Latin *Masticatores*.

Gal. ibi.

D'auantage il y ha deux muscles temporelz, c'est asscauoir vn à la temple dextre, & l'autre à la senestre: dont chacun se finit en vn grand tendon: lequel ha son origine du milieu du muscle (laquelle chose tu ne trouueras en nulz autres muscles, & s'en va implater à la pointe & aguëte superieure, dite *Coracene*, de la mandibule inferieure. Lequel s'il est tendu, il tire ladite mandibule en hault: & adonc la bouche se ferme. Ces deux muscles seulz sont cachez dedās les os de la teste: lesquelz muscles autres os reçoient, & autres os les enuironnent: tellement qu'une petite part & portion d'iceux muscles apparoiſt à la fin du frōt. Car entre tous muscles, principalemēt

si ceux cy sont bleſſez, ilz ſont cauſe de conuulſions, fibres, caros, c'eſt ce que les Arabiſtes appellent Subeth, & delixes, ou reſucries : tant pource qu'ilz ſont prochains au principe des nerfs, qui eſt le cerueau: auſſi pource que l'oſ ſeulement les engarde qu'ilz ne touchent au cerueau. Itē pource qu'ilz ſont grās, & ont pluſieurs principes de nerfs, il ſenſuit que le cerueau ſent incontinent les affections ou diſpoſitions d'iceux muſcles temporelz. Pour ceſte cauſe Hippocrates ha treſbien dit que les playes & endormiſſemens qu'on appelle caros, ſont mortelles eſtemples. Et deuant Hippocrates. Nature auſſi ha proueu qu'il y auoit grand danger de mort, ſi elle n'eust proueu à la ſeureté & ſauuegarde des muſcles temporelz. Parquoy de peur qu'ilz ne fuſſent bleſſez extrinſequement. Nature ha mis au deuant d'iceux muſcles l'oſ dit en Grec *Lygoma*, en Latin *Iugale*, vulgairement *os Paris*. Lequel eſt ſans moelle, denſe, & dur, en maniere de pierre : & l'ha ſitué tout à l'enuiron comme vn parc, de peur qu'ilz ne fuſſent bleſſez extrinſequement.

Deux autres muſcles oppoſites leſquelz ſont fichez & implantez aux parties inferieures de la mâchole inferieure, incontinent apres la *flexiō*, iuſques apres du mēton: c'eſt a ſcauoir vn de chacun coſté, adherāt aux parties interieures. Leſquelz quād ilz ſont tenduz tous deux enſemble, ilz ouurēt la bouche. Les parties de ces muſcles ſont charneuses au commencement, & en la fin, & nerueuses au milieu. Ce que

TABLE SECONDE

tu ne trouueras en nulz autres muscles. Tout ainſi comme tu ne trouues nul tendon naiſſant du meilieu du muscle, ſinon es muscles temporels.

Des maſchoires ou mandibules.

Gal. ibi. **Q**uant eſt des maſchoires ou mādibules, que les Grecs appellēt Siagones, & Genies, & les Latins, Gene, l'inferieure mandibule (en laquelle ſont implantēz les muscles ouurans & fermans la bouche) eſt mobile & medulleuſe ſeule. Au contraire la ſuperieure eſt totalement immobile, & pource elle n'ha point de moelle.

Gal. ibi. Les deux autres muscles que nature ha produits pour la circulaire action de la mandibule, quand on maſche qui conſtituent auſſi la partie charneuſe des ioues. Aucuns eſtiment de chacun coſtē, que ce n'eſt pas vn ſimple muscle, mais triple: à cauſe qu'il y ha trois tendons ou aponeuſes, ou implantations en chacune mandibule. Ces muscles mouuent circulairement la mandibule, ſelon la diuerſe action des fibres, & implantations: à fin que diuerſes actiōs ſoiēt faites en maſchant, quand les mouuemens ſont faits ſucceſſiuement. Parquoy bien & conuenablement on appelle ces muscles en Grec Maſeteres, & en Latin Maſticatores: iagoit que telle denomination appartient auſſi aux muscles temporelz. Car les muscles Maſeteres n'ont autre action es maſtication, ſi non de ioindre fort les dents enſemble. Dont ſ'enſuit

que sil y ha quelque chose entre les dents, qu'elle soit diminuee & brisee. Or que la viande soit subtilisee, & brisee en petites parties, par les dents molaires comme par maniere de dire, par meules de moulins, cest l'action des muscles appelez *Maseteres*, ou *ma*sticatores. Car ces muscles silz sont tendus, & en contraction, ilz muent & alterent les viandes: celles qui tombent des deux, de rechef les rameinēt aux deux conioins, es appliquez ensemble. Mais les muscles temporelz n'y seruēt de rien. Toutesfois ce n'est pas tout vn de la langue: car elle est fort vtile à ceste action, d'autant qu'elle transporte & tourne continuellement les viandes en la bouche, à la similitude d'une main: à fin que de toute part lesdites viandes soient semblablement brisees. Et par dehors de costē & d'autre il y ha vn muscle masticateur: lequel est adiuteur de la langue, comme si c'estoit vne seconde main. Et aussi les fins & extremittez inferieures des ioues: dites en Latin *buccæ*, en Grec *gnathi*. Lesquelles sont de substance du cuir, & appartiennent aux leures. Et à icelles extremittez paruiennent aucuns muscles subtilz, & larges, de chacune part vn, qui enuironnent tout le col: desquelz nous auons deuant parlé. Car les ioues avec les leures sont menees par ces muscles: iasoit que la ioue soit totalement immobile. Et tous les muscles qui la meuuent ont quelque propriété que n'ont pas tous les autres.

Or la tierce cōiugatiō du cerueau distribue nerfs

à tous les muscles de la face, & quasi à toutes les autres parties d'icelle face.

Des os de la face.

CE sont les os de la face: selō Ga. au liure de Off. & en la fin de 11. de vsu part.

La suture
de
l'os dit
Paris.

En l'un & l'autre costé de la face, l'os nommé $\chi\upsilon\mu\alpha$ en Grec, en Latin Iugale, vulgairement dit os Paris, est mis au deuant du muscle temporel, sans mouelle, dense, & dur comme vne pierre, comme dit est. Lequel de trauers à vne suture au milieu, & toute la posterieure partie d'iceluy est coniointe avec l'os petreus de la teste, lequel est situé aupres de l'oreille: mais la partie anterieure est continuee avec la partie extreme des sourcils iouxte le petit anglet de l'œil.

La machoire superieure pour le moins a huit os, & pour le plus quinze.

6 Six situes à la racine des ieux, de chaque costé trois, lesquelz sont cōtinues depuis la cōmune suture de la teste, mesmemēt de celle qui mōte depuis les tēples sous l'os iugal, & les palpebres inferieures des yeux iusques au milieu des sourcils.

1 Desquelz le plus grād est aupres de l'os iugal: car il contient quelque portion des tēples des sourcils, & du sieges des yeux, & tout le petit anglet des yeux, & va iusques à ceste particule de la ioue dite Malum.

2 L'autre moyen & en situation, & en magnitude, contenant les nerfs qui sont distribuez à la

superieure maxille & à vn pertuis naturel, le plus grād de tous qui sont en ce lieu là, par lequel vn nerf est distribué par toute la face.

3 Le troisieme, le plus petit de tous est situé iou-
xte le grand anglet des yeux.

Aucuns Anatomiques, qui n'en mettent six, mais deux seulemēt, disent que ces trois os n'en sont qu'un, ne faisans conte de faiēt & appēs des deux sutures, qui les distinguēt, ou pource qu'il ne les veoiēt point, ou pource qu'elle leur semblent trop petites.

En ces trois os situez en la cavitē des yeux de l'un, & de l'autre costē est vn os d'insigne grandeur, du quel l'os qui fait l'eminence en la ioue, dit malum, & les trōs, dits en Latin alucoli, de toutes les deux (exceptes les incisoi- res) sont ses parties, deux autres petites sont situes, sont ces deux plus grans de tous, par lesquelz les pertuis des narines sont ouuers iusques au palais.

Pareillement deux autres os constituant le nez, Les os
lesquelz sont separez des sutures descendantes par du nez.
le milieu des sourcils d'enbault. L'inférieure partie de ces os est cartilagineuse & fort tēdre de part, & d'autre qu'on appelle vulgairement ailes, en Latin ala.

Deux autres sont en l'extreme partie de la ma- L'implā
choire superieure, ausquelz sont implantées les deux tation
incisoi- res.
res, & iceux apparoissēt en la partie interieu-
re plus, qu'ilz ne peuuent estre veus par dehors.

Le quinzieme os de la machoire superieure fait

TABLE SECONDE

l'os du palais, lequel est dit en Grec *σφυον* *σφύον*, en
 Latin communement *os cunei*, à la similitude d'un
 coing, ou plustost d'un instrument de torture, dont
 vsoient les anciens, les Latins l'appellent *fidicula*,
 vulgairement *os basilare*, pource qu'il est desouz
 iouxt la base de toute la teste, iusqu'au palais, ainsi
 que la partie d'iceluy est continue à l'os occiput, qui
 est le derriere de la teste. D'aucuns il est nombré en-
 tre les os de la machoire superieure des autres, entre
 les os de la teste, pourtāt qu'il est au milieu, & sin-
 sinue entre les vns & les autres, comprenant en soy
 les perpetuis, par lesquelz le cerueau est purgé. Pour
 ceste cause il est dense & dur, de peur que facile-
 ment il ne soit putresié des excremens, lesquelz peu-
 uent descendre par luy des lyens superieurs. Cest os
 a plusieurs apophyses quasi comme quelques expla-
 tations & cornes, caucs de costé & d'autre, qu'on
 appelle en Grec *Pterygodes* pour la similitude des
 ailes d'une chauue souris.

Au dedans sont des os fort pertuisez, & cauer-
 neux mis au deuant des meniuges, tuniques du cer-
 ueau, vers le cerueau, lesquelz sont appelez des A-
 natomiques *ethmoidea*, pour la similitude qu'ilz ont
 à vn crible, ou plustost, comme vent. Hypocrates à
 la similitude d'une esponge, sont nommes *spongiosa*.

Car ilz ont plusieurs trous, comme les sponges, les-
 quelz ne sont tous droits comme sont ceux des cri-
 bles, vulgairement sont appelees *colatoria*, pource
 que par iceux passent les superfluitex des humeurs

L'os c-
 thmoci-
 dea.
 Gal. lib.
 8. de usu
 part.

descendantes du cerueau. Car par iceux les humeurs descendent du cerueau au nez, & par iceux mesmes l'air est porté en hault iusqu' au cerueau.

La machoire inferieure est composée de deux os, conioins au bas du menton tant artificieusement, qu'à grand peine (sinon par longue concoction) tu peux discerner la commissure. Ce n'est donc vn os simple, comme aucuns pensent. Car apres la longue concoction il se fend en deux, iouxte la base du menton.

La machoire inferieure.

Les extresmes parties de la machoire inferieure, lesquelles comme ayantes appendices, se terminent en deux extremitex cornues.

- 1 Desquelles la premiere se termine en vne appendice pointue, & reçoit le tendon, descendant des muscles des temples.
- 2 L'autre est liée, & coniointe à l'os de la teste souz l'origine, qu'on appelle la connexion maxillaire, ou des machoires, & en ce lieu il s'implante en vne petite sinuosité, ayant vne petite rotondité pour son eminence.

Il yha de grands pertuis, de part & d'autre, en la partie interne, par tout le long de ceste machoire, lesquelz reçoient les nerfz, qui descendent de la tierce coniugation du cerueau, aux racines des dens d'icelle machoere.

Pareillement il sont deux en la partie externe, par lesquelz vne portion des vaisseaux sort dehors,

TABLE II. DV THORAX,
qui sont communiquées, & distribuées à la genciue,
& leure, inferieures.

Cy dessus ha esté traité des dens, qui se trouuent
trente & deux, es hommes.

Il me semble, qu'il n'est hors de propos auoir
adiousté ces choses susdites, combiem qu'elles sem-
blent appartenir à la table subsequente.

Fin de la seconde table.



Table troisieme,

Des parties dont est composé la teste.

Les parties de la Teste, que les Grecs appellent Cephale, sont cestes, c'est asçavoir,

1 La partie anterieure, laquelle est dessus les sourcils, sans poil, située entre les deux oreilles, est appelée le Front, en Grec Metopon, en Latin Frons.

2 La partie, laquelle est au dessus du front, couverte de poil, est nommée en Latin Sinciput, en Grec Bregma.

3 La sommité de la Teste, & partie moyenne entre Sinciput, & occiput, est appelée en Grec Coryphe, & en Latin Vertex, d'ou comme le cercle du centre, prouient l'origine du poil.

4 La partie postérieure de la teste est appelée occiput, ou occipitiū en Latin, & en Grec inion.

5 La partie, qui est située entre l'œil, & l'oreille d'un costé & d'autre, s'appelle les temples, en Grec Crotaphoi, en Latin tempora.

6 Au deuāt de la teste deffous tout le front, & les oreilles, les yeux, le nez, la bouche iusques au mēton (que les Grecs appellēt Genion, et les Latins mētum) toute ceste partie ainsi circōscripte,

TABLE TROISIEME

ou limitée, commençant aux sourcilz, est appellée la face, en Grec Prosepon, en Latin facies.

Gal. lib. La teste naturelle est, comme vne sphere longue,
9. de vsu laquelle est prominente deuant, & derriere, & de
part. & chacun costé quasi compressée. Mais la teste, qui ha
de ofsi. la sommité ague, est depraüée, & non naturelle: les
cap. 1. & Grecs appellent vne telle teste mal formée, phoxon.
in arte medica. Il y ha trois figures de testes agues, & non plus.
cap. 11.

1 La premiere est totalement contraire à celle qui est naturelle: comme quand la teste ha perdu ses deux eminences: c'est assauoir l'eminence de occiput, & celle du front. Et qu'elle est egalle de toute part, & quasi vne parfaite sphere.

2 La seconde est, quand il n'y ha nulle eminence au front.

3 La tierce est, quand il n'y ha nulle eminence en occiput.

La quarte espece de la teste ague, on la peult bien imaginer, & penser: toutesfois il n'est possible de la faire. C'est assauoir si l'on faisoit vne teste plus prominente vers les deux oreilles, que au front, en occiput.

Du Poil.

Gal. li. 11. Premierement on rencontre le Poil de la teste,
de vsu lequel peult estre beaucoup augmenté, comme
part. & celuy des parties nommées loues, d'autant qu'ilz y
de tēp. sent d'un lieu humide, & mol. Pourtāt que leur vilité estoit double.

1. L'une pour couvrir les parties: laquelle utilité est de diuerses manieres, veu que nous n'auons pas tousiours besoing d'une mesme couuerture en toutes aages. n'y en tous tēps de l'année, ou en toutes regions, ou toutes constitutions de corps.
2. L'autre utilité est pour consommer les plus gros excremens, Car le poil est engendré du plus gros, & fuligineux excrement de la tierce concoction.

Du cuir de la teste.

LE cuir, auquel le poil adhere par ses racines, Gal. li. 9
 L'appert dense, dur, sec, & gros. Mais le cuir du & n. de
 front, lequel est glabre, c'est adire sans poil, à cause v'supart.
 des yeux, & participe du mouuement volūtaire, ha
 obtenu, & non sans cause des fibres de nerfz sensi-
 bles, & manifestes. Car au dessouz de luy il y ha
 quelque nature musculouse, & substance subtile: la-
 quelle reçoit plusieurs fibres de nerfz. De laquelle
 nature musculouse, le cuir ne peult estre separé, com-
 me le cuir de tout le corps: lequel peult bien estre se-
 paré. Mais pleinement ce cuir est coalescé, & con-
 tenu avec icelle substance musculouse: & n'y ha
 qu'un mouuement des deux, lequel esleue les sourcilz.
 Aussi le cuir qui est iouxte les yeux ne peult estre
 excorié, ou separé des parties subiettes, ou subiaccen-
 tes. Toutesfois il n'est pas laxé: & si n'ha point de
 mouuement sensible, comme le cuir du front. Mais le

deffous des parties dites mala adhere aux ioues: & la partie superieure est vnue avec la substance musculueuse subiacente au front. Parquoy elle ha peu auoir mouuemēt avec lesdites pries. Quāt est du cuir des Leures, nous en auons traitē en la table precedente. Voila les parties externes de la teste. Quant aux yeux, sourcilz, poil des paupieres, dits Cilia, nez, & oreilles, nous en parlerons, quand sera le lieu. Parquoy il fault maintenant venir aux parties internes de la Teste.

Du Pericrane.

Gal. lib. 8. de vfu part. **S**ouz le cuir appert vne membrane naissant de la grosse membrane, par les sutures, ou commissures: laquelle pource qu'elle enuironne le Crane extrinsequement, les Grecs l'appellent proprement Pericranios, ou pericranion: & communement perioslios, ou periosstion, Car toute membrane, ou tunique laquelle enuironne les os, est communement nommée des Grecs Periosstios. Or ceste membrane (comme nous auons maintenant dit) ha son origine de la grosse membrane: car d'icelle grosse membrane naissent plusieurs ligamens, ou subtiles membranes, lesquelz ligamens yssans hors par les commissures, s'estendent tous vers la partie du Crane, directement correspondante à eux: dont ilz ont leur origine. Et en procedant plus outre se rencontrent l'un l'autre, & se coalescent ensemble, tant qu'ilz

sont exactement vnīs. Et procreeent de eux mesmes ceste membrane cōmune, dite Pericranios: laquelle conioint, & lie la grosse membrane avec le Crane.

Du Crane.

L'Os, qui enuironne extrinsequement la grosse membrane, dite diuamater, & tout le cerueau, & 9. de Ga.li.8. est appellé en Grec Cranion, en Latin Caluaria: vlsupart. pource qu'il est dessus la teste, quasi cōme vn heaume, que les Grecs appellent Cranos, & les Latins Galea. Le Crane est cōposé de plusieurs os: lesquelz sont conioints ensemble par commissures: à fin que par icelles commissures, la grosse membrane soit alliée avec le Crane: & que les vaisseaux ayent passage, les vns par dehors, les autres par dedans, pour produire le pericrane, aussi pour donner transpiration, & passage aux excremens fuligineux. Car la teste est située au dessus de toutes les parties du corps, comme vn tect au dessus de quelque maison chaude. Dont il s'ensuit, que la teste ha besoin de plus large & ample euacuation, d'autant qu'elle reçoit tous les excremens fuligineux, & vaporeux: lesquels sont portez en hault, les sutures des parties subiettes, ou subiacentes.

Au Crane naturel, il y ha cinq sutures, ou commissures, appellées en Grec Raphæ, en Latin Sutura, ou commissura: c'est asçauoir.

Gal.lib.
de olsi.
cap.1. &
lib.9. de
vlsupart.

3 Trois vrayes, serratiles, c'est adire en maniere de serres, ou sies, penetrantes tout droit dedans. Desquelles trois ensemble la figure est semblable à ceste lettre n. Dont il y ha deux transversales: c'est asçavoir vne posterieure, qui est en occiput: laquelle ha similitude de ceste lettre Λ , c'est appellée en Grec lambdoïdes. L'autre anterieure est au sinciput: laquelle est appellée en Grec stephanica, en Latin coronalis. Pource que principalement on met les couronnes en ceste partie de la teste, vulgairement appellée serratella, ou sarratula. La tierce s'estend selon la longueur de la teste: depuis le milieu de la suture posterieure, iusques à l'antérieure. Pour ceste cause on l'appelle en Grec obelica, en Latin recta, c'est adire droite, & vulgairement sagittalis.

2 Et deux mendaces, ou faulces, temporales, également distantes de ladite suture sagitale: lesquelles parviennent selon la longueur de la teste depuis la partie posterieure iusques à l'antérieure, dessus les oreilles. Ces deux sutures sont faites de deux os coherens ensemble, non pas par vraye suture, mais l'os de sinciput descendât peu à peu en maniere de squame, ou escalle, devient subtil: & entre dessus l'os, qui monte d'embas, depuis les oreilles. Pourquoy aucuns ne les ont pas appellées sutures simplement, ains à la similitude de squame, les ont appellées sutures, ou cōglutinatiōs lepidoides en Grec, c'est adire squameuses.

Mais les sutures du Crane, qui ha la sômité ague, sont cōstituées en ceste maniere: c'est asçauoir quād la posterieure eminence est perdue, adonc la suture lambdoeides est abolie, & perdue. Et quand l'antérieure eminence est perdue, alors la suture coronale est aussi perdue: tellement que la figure de ces deux sutures remanentes, est semblable à ceste lettre T. Et quand toutes les deux eminences sont perdues, adonc les deux sutures sont reseruées, & gardées: c'est asçauoir vne droite, & vne transuersale: lesquelles s'entrepassantes, & croisantes l'une l'autre, par angles droits, representent la similitude de ceste lettre X. Car la suture droite est tousiours gardée, mais la coronale, & la suture lambdoeides. lesquelles varient, & se changent avec la figure de toute la teste, se perdent aucunes fois.

Gal. ibi.

Les os du Crane, en Grec osta, en Latin ossa, sont sept ou six, en exceptāt sphenoeides: c'est asçauoir.

Ga. cap. 1. lib. de ossib. Et 11. de v. su part.

2 Deux appelez ossa bregmatis, id est, sincipitis: lesquelz vulgairement on nomme Parietalia.

Ausquelz la suture sagittale est cōmune: laquelle procede droit selon la longitude de la teste. Ces deux os bregmatis sont quarrez, & gros: toutes fois ilz sont cauernceux, fort rares, & bien infirmes, & debiles.

3 Item vn autre appelle os occipitis, bien dense, ferme et fort, lequel ha vn pertuis le plus grād de tous ceux qui sont en la teste, iouxte la premiere vertebre, qui est circonscrire de la suture lambdoeides.

La fontaine de la teste.

Les os ditz squāmo fa. La pointe des os ditz squāmo fa.

4 Item vn autre au front, qu'on appelle vulgairement Coronale: lequel est moyen, quant à sa substance entre les dessusdits: lequel est distingué, & separé par la suture coronale, & par celle qui est commune à la teste, & à la machoire supérieure. Aucunes fois il est diuisé d'une suture propre par le milieu, tant aux cranes des hommes, que des femmes. La partie supérieure de cest os cōtigue aux extremités des os parietaux, appelez ossi bregmatis, vulgairement est appelée la fontaine, ou fontanelle de la teste.

5 & 6 Item deux en bas, c'est à sçauoir vn en chacune oreille: lesquels pource qu'ilz representēt l'espece d'une pierre, les Grecs les appellēt Lithoeide, & les Latins Lapidosa, & petrosa: ou pour la similitude qu'ils ont à une escaille de poisson, on les appelle en Grec, λεπίδοειδής, en Latin, squāmosa. L'un & l'autre est cōjoint par la suture mendeuse aux os parietaux de la teste, nommēz ossa bregmatis. Chacun d'eux os ha vne longue pointe, dite vulgairement styloides (pourtant qu'elle est semblable à vne petite colonne) laquelle pointe, pour la similitude qu'elle ha à vne aiguille, ou petit poinçon, duquel on escrit, Galien l'appelle Belonoide, ou Graphoioide. Au dessus de ceste pointe, est le cōduit de l'ouye. Il y en ha deux autres de chacun costé, lesquelles plustost on peult appeller eminences: desquelles celle qui est plus derriere, est

appelée en Latin *Processus mamillaris*. L'autre
vn peu plus long & delié, vient iusques à l'os in- id. 1. 20
gal, & est implanté en iceluy.

7. Le septiesme, c'est l'os du palais: lequel ha la
similitude d'un coin, ou plustost d'un instrument
de torture, cōme dessus à esté dit aux os de la fa-
ce, est nommé en Grec *sphenoides*: on l'appelle
vulgairement *os cunei*, & *os basilare*. Cest os est
nombré, selon aucuns, entre les os de la teste: &
selon les autres, entre les os de la mandibule supe-
rieure: pource qu'il est situé entre deux.

Des Membranes du cerueau.

Il y ha deux Membranes dessous le Crane, les- Gal. li. 9.
de anat.
admini-
fir. & 8.
de vsu
part.
quelles couurent rondement le cerueau: les Grecs
les appellent *Meninges*, & les Latins *Membranae*.
Toutesfois les anciens ne les appelloient pas seules
mēbranes, mais aussi toutes les autres: c'est assçauoir,

1. L'vne extérieure: laquelle si elle est appelée
grosse, ou dure, ou cuticulaire, c'est tout vn. Vul-
gairement on l'appelle *dura mater*.

2. L'autre est du tout coniointe au cerueau: la-
quelle si tu la veux appeller subtile, ou molle, ou
membrancuse, c'est tout vn. Les Grecs aussi l'ap-
pellent *Choroïdes*: pource qu'elle est semblable
à la membrane secondine (qui enueloppe l'enfant
dedans la matrice) laquelle membrane les Grecs
appellent *Chorion*. Vulgairement est dite *Pia
mater*.

- La dure membrane est la couuerture du cerueau:
 Gal. ibi. ou mieulx, il ne la fault pas appeller couuerture
 simplement, mais plustost vn propugnacle, & forte-
 resse opposite, pour propulser les impressions du
 Crane. Car elle ceint, & enuironne le Crane: & est
 separée du cerueau, & fort distante d'iceluy: en ad-
 herant seulement avec les vaisseaux, qui en yssent.
 Gal. 13. Mais quand le cerueau s'esleue, & se baisse (car tous
 de vsu iours il ha pulsation, & mouuement, iacoit qu'il soit
 part. contenu d'un os immobile) adonq ceste dure mem-
 brane approche pres de luy: & puis s'en eslongne,
 Gal. li. 2 selon le lieu vuide, qui est entre deux.
 & 9. de Ceste membrane est percée en maniere de crible:
 vsu part. & est redoublée, pour munir & defendre les vei-
 nes, qui montent en hault à la sommité de la teste:
 lesquelles veines sont receues par ladite membrane.
 Car par beaucoup de pertuis faits en icelle, passent
 plusieurs veines: les vnes petites, les autres grandes:
 dont les vnes montent, les autres descendent, non
 seulement pour donner le nourrissement: mais aussi
 pour conioindre & lier tous les corps prochains
 avec la dure membrane. Or les duplications de ceste
 membrane, lesquelles portent le sang, conuiennent
 ensemble à la sommité de la teste, en vn lieu vuide,
 quasi comme vne cavitè, ou fosse, dite en Latin Las-
 cuna. Herophilus l'appelle en Grec Lenon, qui si-
 gnifie en Latin torcular, c'est adire vn treul, ou vn
 pressoir. Et d'illec lesdites duplications de membra-
 nes, enuoyent à toutes les parties subiettes des ruis-

seaux innombrables, pource que le nombre des parties, qui doiuent estre nourries, est infini. Mais les arteres viennent d'un lieu contraire, s'implanter au cerueau. Car par la base, elles sont produites à ce fillet micruelleux, appelé Plexus retiformis, & vulgairement rete mirabile. Or la dure membrane, iouxtes les os, nommez en Grec ethmoidea, en Latin colatoria: desquelz nous traiterons cy apres, est pleine de petis pertuis, & est rare, pour trois vtilitez: c'est asçauoir,

- 1 A fin que l'air paruienne legerement au cerueau, à cause de la respiration.
- 2 Et que la vapeur aussi y paruienne, à cause de la congnoissance des odeurs.
- 3 Et finalement à fin que l'abondance des excremens soit soudainement euacuée, quand il en est besoing.

Gal. lib.

L'autre membrane dite vulgairement Pia mater, est vne couuerture naïue au cerueau, car elle l'establist & couure: & d'auantage elle lie & conioint tous les vaisseaux qui sont au cerueau: pource qu'elle est semblable à la secondine, & au mesenter. Car tout ainsi que la secondine, & aussi le mesenter sont composez de plusieurs arteres, & veines prochaines l'une à l'autre, & dauantage d'une membrane subtile, tissent les espaces moyens entre icelles arteres & veines, semblablement ceste membrane cōtiēt les arteres et veines de tout le cerueau: de peur qu'elles ne soient mises l'une apres l'autre,

8. de vsu
part.

Et ne se replient. A fin aussi qu'elles ne soient transmues de leur place, quand elles font leurs mouuemens: veu que leur base Et siege est infirme, Et debile: en tant qu'elles sont portées en vn corps humide Et mol, Et quasi fluxile, ou fluide. Dont il s'ensuit que ladite membrane non seulement embrasse le cerueau, mais aussi elle se insinue, Et met dedans la profondeur du cerueau, procedant par toutes ses parties, Et le liant tout, Et soy estendant de toute part, iusques à l'interne capacité des ventricules dudit cerueau.

Gal. ibi. Or tout ainsi, cōme entre la terre Et le feu (pource qu'ilz sont fort dissemblables, Et de cōtraire nature) Dieu ha entremis l'eau, Et l'air: ainsi que dit Platon. Pareillement entre le cerueau, Et le Crane (pource qu'ilz sont de substance fort differente) nature y ha mis les deux membranes dessusdites. Car si nature n'eust fait que la subtile membrane, certainement il eust esté impossible, qu'elle se fust acoustumée, ou habituée avec le Crane, sans en estre blessée aucunement. Aussi si nature n'eust fait que la grosse membrane, le cerueau en eust esté blessé. A fin doncq̃ le cerueau, et aussi sa couuerture, n'eussēt aucune passion, la subtile membrane ha esté située, Et mise la premiere au pres du cerueau, Et puis apres la grosse membrane: laquelle d'autant qu'elle est plus molle que l'os, d'autant est elle plus dure que la subtile membrane. Et d'autant que ceste subtile mem-

brane est plus molle que la grosse, d'autant le cerueau est plus mol que la subtile membrane. Pourquoy nature vsant de deux moyens, ha conioint scurement, & sans offense le Crane & le cerueau, moyennant vn petit interualle, ou espace entre deux.

Du Cerueau.

LE Cerueau en Grec est nommé Encephalon, à cause de sa situation, pour ce qu'il est situé en la teste, qui est dite Cephaly, & en Latin Cerebrum. C'est le domicile de l'ame rationatrice, ou raisonnable, & le principe, ou commencement des nerfz, & de tout sentiment & mouuement volontaire.

Gal. li. 9.
Metho.
& 8. de
vsupart.

La substance du cerueau est semblable à la substance des nerfz, sinon qu'il est plus mol que les nerfz. Car cela luy estoit conuenable, pour ce qu'il reçoit tous les sens, ou sentimēs, & comprend toutes imaginations & intelligences.

Et pourtant qu'il estoit necessaire, qu'il y eüst double matiere des nerfz, aussi le cerueau est double: c'est asçauoir,

Gal. lib.
8. de vsu
part. &
9. de A-
nat. ad-
ministr.

I Anterieur, lequel derechef est diuisé en dextre & senestre, par la dure membrane. Herophilus appelle ce cerueau anterieur, par le nom du tout: c'est asçauoir le cerueau, à cause de sa magnitude. Car il est beaucoup plus grand, que toute Parécephalis, c'est le cerueau postérieur dau-

tant qu'il est estédé depuis la suture lambdoïdes iusques au front. Et ha fallu qu'il fust plus mol, que le cerueau postérieur: pource qu'il deuoit estre le principe des nerfs mols, appartenans aux organes, ou instrumēts sensioires, ou sensitifs.

2 Le cerueau postérieur est contenu à la spinale medulle, ou moelle. Les Grecs appellent ce cerueau postérieur Parēcephalis: pource qu'il est adiacent à l'autre, autrement dit Enocranium les Latins l'appellent Cerebellū, pource qu'il est petit. Car il occupe seulement occiput, & est enuēlopé de ses propres membranes, & non pas des grandes flexuositez comprinses par la subtile membrane, comme est le cerueau antérieur: mais il est composé de plusieurs corps, qui sont bien petis, non pas toutesfois de semblable maniere. Sa fin est située au pres du commencement de la spinale medulle: & pource il y est plus dur: d'autant qu'il deuoit estre le principe des nerfs durs: lesquels doiuent estre distribuez par tout le corps vniuersel. Car de ceste partie postérieure du cerueau, nul nerf mol n'en est produit: iāçoit que de la partie antérieure en soient produits aucuns nerfs durs: lesquels doiuent mouuoir les yeux.

Or le cerueau antérieur & postérieur, sont diuisez par la dure membrane redoublée. Et sont conioints par vn conduit, qui est deffœux la sommité de la teste (duquel tantost nous parlerons) & par les corps enuironnans ce conduit.

Maintenant il est temps de parler de la construction ou cōposition de tout le cerueau. Et quelle vtilité ont les corps que les Grecs appellent Choroïdes. Item de la multitude des ventricules du cerueau & du corps, dit en Grec Psallioïdes, de Cōnariō, gloutia, epiphysis vermisformis, & des conduits qui purgent le cerueau. Item de la cavitē dite en Grec Chonane, ou choana, de Rete mirable, autremēt Plexus retiformis. Des apophyses des nerfs procedātes non seulement aux instrumēts des sens, mais aussi en Pharynx & Larynx en Gula, dit en Latin fauces, autremēt œsophagus, au ventricule, aux visceres, en tous les intestins, & finablement en toutes les parties de la face. Item les productions en la spinale medulle. Quant est des deux membranes nous en auōs deuant traité: la ou nous auons ensemble parlé des vaisseaux, lesquelz s'implantent au cerueau, de diuers lieux, ou plustost du tout contraires par vne merueilleuse prouidēce du createur. Lequel ha produit du foye les veines & du cœur les arteres qui montent en hault par le Thorax, & par tout le col, iusques à la teste. En apres il ha produit les arteres iusques au Rete mirable, & les veines iusques à la sommité de la teste. Et ce avec grande assurance: comme il ha esté dit en ce mesme lieu. Or disons dōc par ordre de toutes les parties dessus nommees, & premierement des corps appelez Choroïdes, ou Plexus choroïdes.

TABLE TROISIEME

Des corps que les Grecs appellent Plexus Choroïdes.

Gal.lib.
9. de a.
na. ad-
ministr.
& 8. de
usu par.

VN grand part & portion du cerueau doit estre ostee avec vn scalpelle ou rasoir: tât qu'on soit paruenü à la region calleuse, c'est adire qui presente aucunement la nature d'un cal. Apres laquelle on rencontre les deux ventricules anterieurs du cerueau: c'est asçauoir l'un à la dextre & l'autre à la fenestre: lesquelz sont dispersez par tout le cerueau. En ces deux vëtricules apparoissent les corps dits plexus choroïdes, qui sont formez & tissus, comme la membrane secundine. Pourquoy les Grecs les ont appelez choroïdes: en deduisant le nom de la membrane qui enuironne exterieurement l'enfant qui est en la matrice: lesquelles textures ou plexus choroïdes sont les conuolutions des veines & arteres contenues de subtiles membranes. Semblablement le cerueau est tissu & implexé de veines & d'arteres, liees avec la subtile membrane: laquelle (cōme i'ay deuant enseigné) ha vne substance semblable aux membranes secundines ou secondes: & à la membrane succingente, dite en Grec hypozocor. Et au peritoine, & autres telles.

Gal.lib.
8. de usu
part. &
9. de a.
na. ad-
ministr.

Des ventricules du cerueau.

EN tout le cerueau il y a quatre ventricules, esquelz beaucoup d'esprit animal est contenu (lequel esprit non seulement est contenu en ces qua-

tre ventricules, mais aussi en tout le corps du cerueau & beaucoup au cerueau postérieur) c'est asçauoir.

2 Deux ventricules antérieurs: entre lesquels il y ha vn entredeux, disterminant le dextre ventricule du fenestre. Et est de telle substance que le cerueau: toutes fois il est si subtil que sa splendeur reluit comme vn myroer. Ces deux ventricules font l'inspiration, & l'expiration & l'efflation du cerueau. Aussi ilz font & preparent au cerueau l'esprit animal par les textures des susdites plexus choroïdes. Item ces deux ventricules enuoyent de leurs parties inférieures deux canalz ou voyes aux narilles: à cause de l'inspiration & de l'odoration ou olfaction: aussi à cause de purger les excremens ou superfluité du cerueau. Desquelz nous parlerons vn peu apres.

3 Il y ha vn lieu ou conduit auquel ces deux ventricules antérieurs s'assemblent & conuiennent: lequel si tu l'estime estre vn conduit commun aux deux ventricules, ou quelque autre tiers ventricule outre les deux dessusdits, il n'y ha pas grand different. Ce conduit reçoit l'esprit des ventricules antérieurs & l'enuoye à parencephalis. Laquelle est coniointe au cerueau antérieur, par ce conduit, cōme nous auons deu ant dit. A ce cōduit seruent ces parties circoniacentes, en le fermant & ouurāt: c'est asçauoir le corps appelé psallioïdes, canariō, gloutia & epiphysis vermiciformis

4 Le quart & dernier ventricule, est au petit cerueau ou parencephalis, ou cerebellum, ou cerebrum posterius, c'est tout vn. En ce quart ventricule, le conduit commun dessusdit entre, transportant l'esprit animal, parauant elabouré aux deux ventricules anterieurs. Ce quart ventricule est le moindre de tous : pource qu'il contient l'esprit tresbien elabouré à perfection, & beau coup. Car tous les nerfs qui sont distribuez au dessouz de la teste, par tout le corps ou ilz ont leur origine du cerueau posterieur, ou de la spinacle medulle. Or tout aïsi que les deux premiers ventricules anterieurs sont dediez à l'imagination, & le tiers qui est au milieu, à la cogitation: semblablement ce quart & dernier ventricule est dédié à la memoire.

Du corps semblable à vne vouste qu'on appelle Psallioeides en Grec, en Latin Fornix.

Gal. lib.
8. de vsu
part.

LA partie du cerueau laquelle est dessus le ventricule commun, est faite à la similitude de la superficie concaue d'une sphere, ou comme vn test de maison. Et pource est appelée en Grec Camarion, & Psallioeides. Car ceux qui sont sçauans en l'architecture ont de coustume d'appeller telz edifices Camaræ, ou psallides en Grec, & en Latin camera, fornices, ou testudines, ce sont voustes en François. Il n'y ha autre vtilité de ce corps dit Psallioeides, que celle des voustes es edifices. Car tout aïsi que les

vous les sont plus aptes & idoines que toute autre figure pour soustenir les faix & charges incombentes: Semblablement ce corps Psallioeides soustiët toute partie incõbente du cerueau sans douleur & sans moleste. Car la figure ronde est de toute part semblable à soy mesme: & pource entre toutes figures, elle est la plus difficile à souffrir & la moins passible. Aussi est elle la plus capable entre toutes figures ayãs egale perimetre, c'est adire egale circonférance.

De Cwnarion.

Iuxte le principe du conduit, qui enuoye l'esprit Gal. lib. 8. de v- su part.
 animal, depuis le ventricule moyen iusques au posterieur & dernier, il y ha vn corps que les Anatomistes appellent Cwnarion: pource que sa figure est semblable à vne pomme de pin, laquelle en Grec est nommee cwnus. Sa substance est glanduleuse. Aussi il est fait pour vn tel vsage & vtilité, comme les autres glandules, lesquelles remplissent & tiennët fermes les diuisions des vaisseaux. Car Cwnarion remplit la diuision de la grande veine: de laquelle veine quasi toutes les textures qui sont aux ventricules anterieurs (que nous auons dessus appelez Plexus charoeides) sont composees.

Des deux eminâces du cerueau, en Grec Gloutia, en Latin Nates, ou Gemelli.

DE chacune partie de ce conduit ou ventricule moyen, tant dextre que senestre, il ya de subti-

TABLE TROISIEME

Gale. in
fine. 8.
de vsu
part. &
9. de a-
na. ad-
minist.

les & bien longues eminences du cerueau, qui reçoivent cœonariō: lesquelles en Grec sont appellees gloutia, & en Latin parua nates. La concurrence d'icelles peult estre tresbiē comparee aux deux cuisses des hommes coniointes ensemble. Aucuns les comparent aux deux testicules appelez en Grec didymi, id est, gemini, ou gemelli en Latin, & pource les ayment mieux nommer didymia que gloutia. Les autres appellent les corps prochains à cœonariō, didymia: & les autres corps prochains à ceux cy, ilz les appellēt gloutia. Entre ces deux corps nōmez gloutia, ou nates, consiste le conduit qui vient du ventricule moyē au posterieur.

De L'epiphyse ou excrescence vermiforme.

Gal. ibi.

IL y ha vne epiphyse, c'est adire vne excrescence, ou addition, ou appendice, qui gist au dessus du conduit dessusdit, & est estendue selon tout ce conduit, le courrant du tout. Laquelle epiphyse pour sa seule figure est appellee en Grec scœlecœides, en Latin vermiformis: pource qu'elle est semblable à vn ver naissant en quelque bois: lequel est nommē en Grec scœlechos. Ceste epiphyse ou excrescence n'est point plus grosse ne plus subtile qu'il n'appartient, & est articulee en plusieurs manieres. Aussi elle est composee de plusieurs particules connexees & coniointes ensemble par subtiles membranes: ayant tel-

le vtilité, cōme pylorus, c'est adire le portier du ventricule ou de l'estomach. Car tout ainsi que pylorus prohibe & engarde que la viande ne soit transportee du ventricule à l'intestin subtil deuant qu'elle soit cuite: pareillement ceste epiphyse preside & domine au passage de l'esprit animal, iusques au ventricule posterieur: comme vne garde & economer, c'est adire dispensateur, qui ne laisse passer dudit esprit non plus qu'il en fault. Car elle ferme & ouvre ledit conduit selon que la chose le requiert.

Gal. lib.

Mais pource que ceste apophyse deuoit auoir plusieurs & faciles mouuemens, à cause de plusieurs articles, & flexions dōt elle est cōposée: & qu'il y auoit danger qu'elle ne fust deiettee & separee des dos de gloutia, lesquelz sōt cōuexez & gibbeux, & qu'elle ne delaissast le cōduit dessusdit. Nature luy ha machiné & fait aucūs ligamēs avec gloutia: lesquelz ligamens les Anatomistes appellent tendons. Par lesquelz elle est estroitement liée de tous costez, & tellement contenue qu'elle ne peult diuaguer, ny aller ça ny là.

Des conduitz qui purgent le cerueau.

Les excremens du cerueau sont de deux manieres. Gal. lib. 9. de usu

I Les vns sont vaporeux & fumeux ou fuligineux & legers: lesquelz (comme nous auons dit) sont purgez & euacuez par les sutures situees en lieu hault.

part.

TABLE TROISIEME

2 Les autres excremens sont comme aqueux & lymōneux, pituiteux, ou phlegmatiques, gros & pesans: Et pource ha fallu qu'ilz fussent euacuez par aucuns conduits decliues, c'est a dire descendus: desquelz maintenant conuient parler.

Il y ha deux canals ou conduits qui paruiennent des ventricules anterieurs du cerueau iusques aux narines: lesquelz sont faits pour trois vtilitez.

L'utilité
des con
duits des
narilles.

1 La premiere & la principale vtilité, c'est à cause de l'inspiration au cerueau.

2 La seconde, à cause de l'olfaction, ou odoratiō.

3 La tierce, à cause de purger les excremens & superfluitez du cerueau. Ausquelles superfluitez si nature n'y eust fait quelque voye & conduit, souuentes fois nous tomberions en apoplexies.

Gal. lib.
8. de vsu
part.

Quant aux cōduits qui sont l'instrument de l'odoratiō, la grosse membrane dite dura mater, leur donne vne couuerture, rare, & pleine de plusieurs pertuis, comme nous auons deuant dit. Et pour la compositiō de ceste couuerture, nature luy ha mis au deuant des os ayans plusieurs pertuis comme vne esponge: à fin que quelque autre corps dur ne tombe dessus extrinsequement: & que l'air froid n'entre dedans les ventricules du cerueau, quand nous inspirons, & aussi que les superfluitez (lesquelles sont coulées par lesdits os) ne tombent trop subitemēt. Ces os des narines sont pertuisez & cauerneux: parquoy sōt appelez en Grec Ethmoide, à la similitude d'un crible, dit en Grec Ethmon, ou micux Sphongoide,

à la similitudine d'une espöge. Car ilz ont diuers pertuis comme les espöges: & toutesfois ces pertuis ne sont pas droitz cöme ceux des cribles. Vulgairement on les appelle Colatoria: pource qu'ilz coulēt les superfluitez.

Il y ha deux autres conduits qui descendent au palais. Gal.lib- 9. de v-

- 1 L'un descend du fond du moyen ventricule du cerueau. su part.
- 2 L'autre yst du conduit lequel conioint le cerueau avec Parencephalis. Et descend obliquemēt vers l'autre cerueau. Deux cöduits aux palais.

Quand ces deux conduits s'assemblent en vn, il y ha vn lieu commun qui les reçoit: lequel est caue & decline ou descendant. Sa leure superieure est vn cercle parfait. Et d'illec deuient tousiours plus estroit, en descendant, & se met ou insinue en vne glandule sitüee au dessouz: laquelle est semblable à vne sphere de terre: ayant cauité manifeste, En apres l'os Ethmoydes finissant au palais, reçoit ce cöduit, duquel os nous auons deuant parlé. Voyla donc la voye des grosses superfluitez.

Or l'utilité de tous les instrumens qui sont en ceste voye est manifeste. Mais la cauité commune qui reçoit ces conduits, laquelle aucuns appellent en Grec Ptyelos, en Latin Peluis, c'est à dire vn bassin: les autres à cause de son vtilité l'appellent en Grec Chouane, en Latin infundibulū, c'est à dire vn entönoir, & ha l'utilité quasi d'une Lacune ou fosse, quāt aux

TABLE TROISIEME

parties superieures, & pour ceste cause vulgairement est dite *Lacuna*. Mais quant aux parties inferieures (comme son nom le monstre) elle ressemble à vn entonnoir, & illec ha vn cõduit sensible & manifeste iusques au ventricule de la glandule dessusdite. Or d'autant qu'il falloit que ceste cavitè appellee *Choane* fust coniointe au cerueau par le hault, & implantee à ladite glandule par le bas en descendant: il ha esté conuenable qu'elle fust membranueuse. D'auantage d'autant que la subtile membrane cõtient le cerueau, ce n'estoit pas chose raisonnable de requerir vn autre ligament pour lier ladite cavitè avec le cerueau. Parquoy ce ha esté chose iuste & cõuenable qu'une part & portion produite de ceste subtile mēbrane cõstituast le corps de ceste cavitè.

Outre, quāt à l'utilité de la glādule qui reçoit choana, il est assez manifeste qu'elle coule les excremens & engarde qu'ilz ne tombent subitement de choana par les pertuis du palais. Ceste glandule est hors la meninge, dessus l'os du palais: & y a autāt d'intervalle entre l'os du palais & la grosse meninge, qu'est grande la profondeur de la glandule.

Du filet admirable dit *Plexus retiformis*,
vulgairement *Rete mirabile*.

Gal. lib.
9. de usu
part.

A La base du cerueau iouxte ceste glandule dessusdite (pource que c'est vn lieu le plus seur qui soit en tout le corps) Nature ha colloqué & mis vn corps, appellé en Grec *Plegma Dictyoet*

des, en Latin Plexus retiformis, vulgairement Re-
 te mirable, qui est le plus admirable & merueil-
 leux de tous les autres corps qui soient en ce lieu.
 lequel enuironne ladite glandule, & paruiet bien
 loing derriere. Or à fin qu'il ne fust pressé des
 os subiets, la grosse membrane luy ha sousterné
 & estendu au dessouz vne part & portion pro-
 duite d'elle mesme. Ce filet cy n'est pas simple: mais
 tel comme si tu assemblois plusieurs filets de pes-
 cheurs, iettez les vns sur les autres. Toutesfois ce
 filet ha telle propriété que les replications ou re-
 plis de l'un, sont coniointz avec les replis de l'au-
 tre: en sorte qu'il n'est possible d'en rien prendre
 qui soit separé l'un de l'autre. Aussi n'est il pas
 fait de toute matiere sans choïs & election: ains
 nature l'ha composé d'une grande part & portion
 des arteres Carotides: lesquelles montent du cœur
 iusques à la teste. Voila la matiere dequoy ce filet
 admirable est fait. Car aucunes petites propagi-
 nes ou rameaux procedent d'icelles arteres Carot-
 ides iusques au col, & à la face, & aux parties ex-
 ternes de la teste. Et tout le reste desdites arteres
 (comme il ha esté depuis le commencement) mon-
 tent droit en hault par le Thorax, & par le col,
 iusques à la teste. Lesquelles arteres apres quel-
 les ont passé outre le crane, au lieu moyen, en-
 tre ledit Crane & la grosse membrane premie-
 rement elles sont diuisees en plusieurs arteres,
 fort petites & subtiles: en apres vne partie d'icel-

TABLE TROISIEME

les s'en va aux parties anterieures de la teste & les autres aux parties posterieures : les autres à la fenestre, les autres à la dextre, entrelassees, & compliquees ensemble. Consequemment de ces arteres, comme racines coalescentes & vnies ensemble en vn tronc, naist vne autre coniugation d'arteres egale à celle qui du commencement procedoit du cœur, en montant en hault. Et en ceste maniere entre dedans le cerueau par les pertuis de la grosse membrane.

Gal. lib. 1. & lib. 7. de plac. tis Hip po. & Platonis. Tout ainsi donc que nature ha preparé au sperme ou semence, vne circonuolution, & anfractuosité, deuant les testicules: & au laiët vne longueur de vaisseaux, tendans aux mamelles, à fin que la semence, & aussi le laiët (apres auoir demouré long temps es instrumens de concoction) soient plus exactement & parfaitement elaborez: Pareillement nature faisant de l'esprit vital, l'esprit animal ha fabriqué & fait pres du cerueau le Rete mirable semblable à vn vn Labyrinthe: auquel l'esprit est elabouré. Et puis il est enuoyé, & transmis aux vëtricules anterieurs, esquelz il est encores mieux preparé & elabouré. En apres il est enuoyé par le conduit cōmun au vëtricule posterieur, auquel il acquiert parfaite elaboration.

Des productions des nerfs.

Gal. li. 1. de motu muscul.

Les nerfs sont du cerueau ou de la moelle spinale. Toutesfois vn mesme instrument ha deux

noms, à cause de ses deux operations, c'est asçauoir en Grec Neuron, en Latin Neruus, c'est à dire nerf, pource qu'il est fait pour flechir, ce que signifie Neuein verbe Grec, en Latin nutare seu flecti. L'autre nom est Tonos en Grec, pource qu'il est aussi fait pour tendre, ce que signifie Tenein verbe Grec, en Latin tendere. La substance des nerfs est telle, comme si tu entends & imagines vn cerueau constipé & condensé & consequemment endurci.

Nature a eu trois scopes, & intentions en la distribution des nerfs. Gal. lib. 5. de usu part.

- 1 Le premier scope ha esté à fin qu'elle departist sentiment aux instrumens sensioires ou sensitifs, à cause dequoy elle ha donné de bien grans nerfs à la lāgue, aux yeux & aux oreilles, & d'auantage aux parties internes des mains, & à l'orifice de l'estomach ventricule, car ces parties sont aucunement sensibles. Pource que par les mains plus que par autres parties, nous auons trescertaine congnoissance de l'atouchement, iagoit qu'il y ait six cens particules sensibles, par maniere de dire. Et l'orifice de l'estomach sent biē le deffault du nourrissement qui n'est autre chose qu'auoir fain. Or en toutes ces particules veu quelles sont sensibles, on y trouue de grās nerfs.
- 2 Le second scope ha esté à fin que nature donast mouuement aux instrumens motoires, ou motifs, comme aux muscles qui sont instrumens du mouuemēt volontaire, lesquelz d'autāt qu'ilz

sont faitz pour mouuoir les membres du corps) reçoient de grans nerfs.

3 Le troisieme scope, est à fin que toutes les autres parties eussent congnoissance des choses qui leur causent douleur. Et pour ceste vtilité nature ha distribué des nerfs en toutes parties: non pas selon vne mesme mesure: mais aux vnes plus & aux autres moins. Tout ainsi qu'à tous instrumens nutritifs, veu & considéré que nul d'iceux n'estoit instrumēt ny du sentimēt, ny du mouuement, il ha esté expedient que nature leur ayt donné de petis nerfs pour accomplir le tiers scope, & vtilité. C'est asçauoir à fin qu'ilz apperceussent par leur sentiment les choses à eux molestes & grieues,

Les parties sans nerfs.

Gal. 16.
de vsu
part.

Or combien que les nerfs soient portez en toutes les parties du corps, toutesfois nul n'est implanté aux os (exceptez les dents) ny aux cartilages, ny aux ligamens, ny en la gresse, ny finalement aux glandules: lesquelles sont comme l'establissement des vaisseaux, c'est adire ce qui soustiēt & deffend la diuision desdits vaisseaux. Car toutes ces particules dessusdites n'ont eu besoing ny de sentiment, ny de mouuement. Mais les glandules ordonnées de nature pour engendrer aucuns sucs, & humeurs vtils au corps, ainsi qu'elles ont des veines & arteres, aucunes fois manifestes & grandes: aussi ont elles des nerfs, pour vne raison commune à toutes icelles parties: car nature ha créé les muscles pour le mouuement

volontaire. Par ainsi, i'ajoit que tous nerfs ayent les deux facultez & vertus (c'est asçauoir du sentiment & du mouuement) toutesfois nulle autre partie receuant nerfs (sinon le muscle) n'ha aucun mouuement volontaire: mais elle sent tant seulement, cōme le cuir, les membranes, les tuniques, l'artere, la veine, les intestins, l'estomach, tous les visceres, & finablement la seconde espeece des glandules. Sept coniugations de nerfs sont produites du cerueau, outre deux grandes productions du cerueau, aux narines, à cause de l'odoration ou olfactiō: lesquelles ne sont pas contees entre les coniugations des nerfs, pource qu'elles n'ont pas telles productiōs des nerfs comme les autres: ioint qu'elles ne yssent pas hors du crane.

Gal. li. 2
9. 10. &
16. de v-
su part.
& de dif-
sect. ner-
uorum.

1 La premiere coniugation prend sa naissance illec, ou les deux ventricules anterieurs finissent lateralement. Et enuironne rondement l'humeur vitree, comme vn filet. Et est implantee en l'humeur cristalline, transportant aux yeux la vertu visible. Pourquoy ces deux nerfs sont appelez en Grec optici, en Latī visorii, lesquels seulz entre tous nerfs ont conduits sensibles, & manifestes. Dont plusieurs aussi les ont appelez Pores, pource que eux seulz contiennent beaucoup d'esprit animal. Et pource ilz sont caues & gros & bien grans, & les plus molz de tous, combien que les autres sens ayent aussi nerfs grans, & mols. La figure de ces nerfs optiques est sem-

TABLE TROISIEME

blable a X lettre Grecque, en sorte que quelcun penseroit, qu'ilz montassent l'un sus l'autre: mais il n'est pas ainsi. Car dedans le crâne ilz conuiennent & s'assemblent en vn pour conioindre leurs conduits. Et de rechef deuant qu'ilz entrent dedans les yeux, ilz se separent. Et ce pour deux vtilitez. Dont la premiere est, à fin que ce que nous voyons extrinsequement, n'apparoisse estre double. La seconde vtilité, si l'un des yeux est clos que tout l'esprit soit porté à l'autre œil par le nerf commun. Et ainsi quand la faculté visible est doublee, la veue deuient plus ague.

2 La seconde coniugation est des nerfs qui sont implâtez aux muscles des yeux: lesquelz muscles iacoit qu'ilz soient bien petis, neantmoins iceux nerfs sont grans & durs: combien qu'ilz soient plus molz qu'ilz n'appartient aux nerfs motifz: mais la mollesse est recōpensee par leur grādeur.

3 La tierce a son origine illec ou la partie anterieure du cerueau est coniointe avec la partie posterieure. Laquelle procede par la grosse membrane, dite dura mater. En apres est diuisee en deux: & cōsequēmēt est distribuee en plusieurs. Et premierement elle se produit aux deux parties de la lāgue, & en toutes les parties de la bouche; à cause du goust. Car tout incontinent qu'elle est implantee en la langue, elle se amplifie, & eslargit en tissant, & composant l'externe tunique de la langue (par laquelle tunique la langue deuoit tou

cher les saueurs) sans rien toucher aux muscles de dessous. Or les genciues & toutes les dens, la tunique interieure du nez, les leures, tout le cuir de la face, & tous les muscles, & quasi toute les parties d'icelle face, reçoient aucuns rameaux, ou propagines, de ceste tierce coniugation, par les os qui sont percez, à cause d'elle: lesquels os donnent passage esditz rameaux, en quelque part qu'ilz tendent ou procedent. Auquel passage, les nerfs deuiennent si durs qu'ilz mouuēt les muscles: iasoit que ces nerfs soient petis.

4 La quarte est située vn peu plus arriere, yssant de la base du cerueau, plus bas que les autres. Laquelle quarte coniugation est fort petite: & vn peu plus dure que la tierce. Mais tous ces rameaux sont pres l'vn de l'autre: car incontînēt elle se mesle avec les nerfs de la tierce coniugation. Et puis est portée bien loing avec elle. Et finalement se separe d'avec elle: & s'en va implanter en toute la tunique du palais.

5 La cinqiesme, laquelle n'est pas encore dure, en passant par les os, est diuisée en deux parties. Dont l'vne est distribuée au cōduit auditoire, ou de l'ouye: l'autre est distribuée au pertuis, dit *cæcum foramen*: ainsi nommé, nō pas qu'il soit sans fin, mais à cause de la fluxosité oblique du cōduit.

6 La sixiesme, outre les dessusdites, est produite de la base du cerueau: laquelle n'est pas encores dure. Toutesfois elle est d'autant plus dure, que

toutes les autres deuant dites, d'autant qu'elle est desia plus pres de la spinale medulle. Ces nerfs cy sont distribuez presque en tous les intestins, & viscères, à cause du seul sentiment: & aussi produisent les nerfs recurrens, ou reuersifz: de quelz parauant nous auons parlé.

7 La septiesme procede d'illec, ou est la fin du cerueau, & le commencement de la spinale medulle. Et apres qu'elle ha aucunement procedé avec les nerfs de la sixte coniugation, puis elle en est separée. Et adonc d'une petite part & portion d'elle, sont tissus les muscles droits de Larynx: & de l'autre part & portion, qui est plus grande, elle s'en va implanter en toute la langue ou en tous les muscles d'icelle: à cause du mouvement.

Ce sont les choses cachées au cerueau par la merueilleuse prouidence de nature. Maintenant il nous conuient parler de l'articulation, & mouuemens de la teste.

De l'articulation & mouuement de la teste.

Gal. lib.
11. de v.
su part.
L'articu
latiō es
mouue-
mēs de
la teste.

L'Articulation, & connexion de la Teste à bon droit ha obtenu la meilleure construction & cōposition sus toutes les autres parties, pource qu'elle cōtient en soy la racine de tous les nerfs mouuās les parties inferieures. Car ceste articulation est de tant grande importance à tous animaux, qu'elle seule

entre toutes ne peult en durer tant peu de temps, que ce soit, ie ne dy point dislocation, mais non seulement dimotion. Car subitement l'animant est priué de respiration de voix, de tout mouuement, & sentiment quand la racine & origine des nerfs est bleßée. Doncques non sans cause ceste articulation, & cõnexion de la teste est faite double, ensemble robuste & forte: à laquelle est donnée ferme securité par la crassitude, & espaisseur des ligamens, par la multitude des muscles, & exacte composition des os.

Trois fors ligamens conioingnent ensemble les os de la teste.

Les ligamens de la teste.

I Le premier tresgrand & large, contient en rotondité toute l'articulation & connexion.

Les autres deux sont mediocrement rons, en la sorte & maniere des nerfs, desquelz

L'un conioint avec l'os de la teste, la fin de la plus longue production de la secõde vertebre.

L'autre trãsuersal, comme composant vn anglet droit, depuis la dextre partie du premier spondile s'estend iusqu' à la fenestre.

Or tant seulement huit muscles procedans des parties posterieures sont sus ceste articulation la courrans ensemble, & la mouuans. Et la figure, & exacte composition des os semble admirable, mesmement à celuy, qui seulement la regarde, & cõtemple.

Entendu donc que double articulation estoit requise, Nature par bonne prouidence a fait double cauité du premier spondile, qui contiët la connexité de

TABLE TROISIEME

la teste: mais elle a fait de part & d'autre vne apophyse ou production (Hyppocrates la nomme vne dent) penchee & fort longue, qui est annexé, & conioint à la teste d'un ligamēt robuste & fort. Car par le benefice de ceste articulation avec le second spondile, la teste est eleuee en hault & deprimee en bas mais elle se tourne aux costes par l'articulation faite avec le premier spondile.

Il y a donc double mouuement de la teste par double articulation.

Extensio
de la teste.

Le droit est extension quand nous eleuons la teste en hault.

Flexion
de la teste.

Flexion, quand nous la deprimons en bas, lequel mouuement est fait par l'articulation de la teste avec le second spondile.

L'oblique est, quand nous tournons la teste vers les costez, lequel est fait par l'articulation de la teste avec le premier spondile.

La difference
des muscles
qui mouuent la
teste.

Pourtant il y a quatre differēces des muscles mouuans la teste.

- 1 Aucuns la leuent en hault.
- 2 Les autres la depriment en bas.
- 3 Aucuns la tournent en la dextre.
- 4 Les autres en la senestre.

Or la teste est nommee par ses propres mouuemens, le col n'estant mouué, mais tresbriefx & obscurs, ainsi qu'est double l'articulation. Car les mouuemens de la teste qui sont faits ensemble, avec ceux du col sont plus manifestes.

Des muscles mouuans seulement la teste, & de ceux qui mouuent ensemble, & le col & la teste.

Les muscles qui mouuent la teste sont en nombre 26 ou 28. ou d'auantage estans à l'entour d'elle. Gal. lib. 11. de v. supart.

14 Quatorze sont aux parties posterieures directement opposites à soy mesmes, eleuans la teste.

8 Huit aux parties anterieures, flechissans la teste.

4 Quatre autres robustes & grands, deux de l'une, et l'autre partie entre soy mesmes opposites.

8 Des quatorze huit petis derriere colloquees à l'entour de l'articulation au premier & second spondile, seulement eleuant par derriere la teste en hault, lesquelz seulz exactement enuironnent l'articulation de la teste.

4 Et d'iceux quatre auteurs du mouuemēt droit procedent de l'os d'occiput vn peu au dessus de l'articulation: & sont inserées en la posterieure apophyse du second spondile, & en la plus proche partie du premier.

4 Des autres quatres, desquelz la situation fait depart, & d'autre les deux predites cōiugations des muscles conioingnans le triangle.

2 Deux sont produitz de l'os d'occiput, cōme les susditz: lesquelz yssans dehors sōt toutes fois obliques, & sont inserées aux apophyses du premier

spondyle, faisant le mouuement oblique de toute la teste. Car ayans leur origine oblique, ilz attirent avec iceluy le second spondyle vers le premier.

2 Les autres deux cōioingnans le premier spondyle au second, obliques, ont la situation contraire aux deux predictz, & le mouuement opposite: Car ilz ramènent la teste inclinée à son estat naturel, c'est à dire, droit.

6 Les autres six des quatorze sont les cōiugations des grans muscles (lesquelles peuuent estre dites quatre, & deux mesmement pour la colligance, & liaison des muscles, & sont couchés sus les predictz, estendus par tout le col, & ont un mesme mouuement, que les muscles dorsans. Mais ilz mouuent seulement la teste par les premieres fibres, qui sont inserées au premier, & second spondyle: & par les autres fibres, premierement ilz mouuent les autres cinq spondyles du col: & ensemble avec iceux ilz aydent par derriere le mouuement de la teste, desquelz ceux qui sont obliques, font petit à petit les mouuemens obliques.

2 De huit qui sont aux parties anterieures, deux estans dessous L'œsophagus, flechissent seulement la teste par les fibres, qui sont implantées au premier, & second spondyle, & mesmement ilz menent aux parties obliques par les fibres obliques par lesquelles ilz ont la propre circonscription des petis muscles: & par les autres fibres flechissantes le col, ilz contraignent baisser & haucier

toute la teste ensemble avec le col.

6 Les six autres ne font le mouuement droit en bas, comme les deux susditz, mais petit à petit ilz le font oblique, avec lequel mesmemēt ilz attirēt la teste aux parties anterieures. Car yssans souz les oreilles, s'entretenant, viennent souz les preditz muscles iusques au thorax, ou pectus, & clavicules: en sorte que si quelqu'un disoit, qu'il fust ce lieu triple, il ne failleroit, combien qu'il est simple. me se-

4 Des quatre muscles robustes & grans, deux ble cor- font à dextre, & deux à senestre: lesquels pre- rōpu- mieremēt attirēt avec petite inclinatio, principalemēt le col aux costés, & avec iceluy toute la teste, la coniugation anterieure d'iceux, vn peu s'enclinant deuant, à sa production de l'apophyse pertuisée du second spondyle: La posterieure s'enclinant vn peu derriere, ha son origine de l'eminence oblique du premier spondyle.

Ce sont les muscles de la teste, du col, & de la nuque: lesquels Galien mesmement décrit au 4. li. Gal. lib. 4. de Anat. administr. Or comme les muscles poste- nat. administr. rieurs font la droite eleuation, quand assemblément & d'eulx ensemble operent, mais ilz font l'oblique, quand vn d'iceux seul opere: semblablement les anterieurs font la flexion droite, & oblique. En cas pareil les quatre muscles, qui mouuent le col aux costez si vn seul opere, le col est incliné vers iceluy. Mais toute la coniugation anterieure flechit quelque peu pardeuant, nullement outre cela inclinant aux co-

TABLE TROISIEME

stez. Cōme quād la posterieure opere, certes elle est vn peu eleuée, mais elle n'est inclinée en l'une nen l'autre partie. Et quād tous les quatre muscles opèrent ensemble, le col demeure droit, nullemēt encliné en aucune partie, cōme en ceste affection, & maladie, qu'on appelle Tetanos. On traitera des omoplates, c'est à dire des larges os des espauls, en la quatriesme table. Il fault venir aux muscles de la spine, & aux parties d'icelle.

Des muscles dorsans, & des reins.

Gal. li. 5
de anat.
admini-
stra. **L**E muscle (dit Gal. lib. 5. de Anat. administr) est conioint & annexé à la seule base des espauls, & distribué au milieu des costes de la partie, ou principalement elles sont courbées: duquel l'operation & office, est de retirer tout le Thorax: exceptées les extremes parties inferieures, qui sont mouuées du diaphragme. Le principal office d'iceluy, est manifesté principalement aux costes, ausquelles il est inseré. Car quand il s'implante illec, il est diuisé comme quelques doigts, lesquelz il ha non contigus à icelles costes, & n'a illec extremité solide, comme plusieurs muscles. Toutesfois il s'estend iusques aux costes mendeuses, attirant en hault toutes les costes, qui sont sus lesdites mendeuses.

Gal. ibi. Iceus leués, & ostés (comme dit Galien au lieu mesme) le plus souuent aux parties, qui sont souz le diaphragme, il n'y auroit inconuenient d'atirer la

membrane subiacente à la chair des reins. Ceste membrane est le peritoine adherant aux reins, lequel osté, tu verras apertement la chair des reins, que les Grecs appellent *Ψόα*, tu verras tous les muscles estendus de part & d'autre par la longueur de la spine, mutuellement conioins entre eux, espars depuis leur origine sus toute la longueur des reins. Et quand ilz sont ia venuz au pres de l'os Sacrum, ilz sont separez d'ensemble, adherans aux parties internes des flancs.

Le Peritoine au pres des reins.

Les muscles dorsans, que les Grecs appellent *ῥίπας* cōmencent (cōme Oribasius collige, & conclud) de la seconde vertebre de la nucque: toutesfois ou ilz sont en nōbre partis en deux egalemēt autant qu'elles sont de vertebres depuis la seconde, ou vn muscle tresgrād de part & d'autre, composé de plusieurs parties.

Les muscles dorsans.

En toute la superieure partie, deux muscles, qui sont au dessouz d'œsophagus, flechissent la spine iusqu'à la quarte, & aucunesfois iusqu'à la quinte vertebre du metaphrenon.

Mais aux parties inferieures toute la base interne des reins a deux muscles tres grans, les Grecs les appellent *Ψόα*. Et ont leur origine au dessus du diaphragme de l'vn sieme (cōme disent aucuns) cōme disent les autres, aucunesfois de la dixiesme vertebre du metaphrenon, courbans ceste partie de la spine, qui est au pres d'eux.

L'espace moyen entre ces muscles, qui est le mi-

lieu du Thorax, n'a aucun muscle propre, mais il est mouué ensemble les parties finitiues, & prochaines de part, & d'autre.

Les muscles mouuans le bras, sont au thorax, desquels il ha esté dit à la seconde table.

De la Spine.

Gal. lib.
11. de v.
supart.
& de os
fib. ca. 7
3. 9. 10.
11. 12.
Le col.

Toute la Spine, en Grec rachis, en Latin spina, est de tout le corps, comme le fond d'une nef, en Latin carina: & est necessaire à la vie: Laquelle ha quatre parties bien grandes: c'est asçauoir.

1 Le col en Grec trachelos, en Latin collum, ou ceruix, est cōioint avec la teste. Auquel sont sept spondiles, ou vertebres plus petites, que toutes les autres. La premiere vertebre est la plus large, et la plus subtile. La seconde est plus estroite, et plus forte. Et ainsi sont les autres cōsequement. La premiere vertebre ha double cavitè: laquelle cavitè contient les conuexitèz, c'est adire gibbositez, ou apophises de la la teste. Et par le benefice & moyen de ceste articulation, la teste ha mouuemēt de costé & d'autre. La seconde vertebre ha vne apophise d'une part & d'autre, acclue, ou descendēte, et bien longue: laquelle est liée avec la teste, par vn ligament fort robuste. Par le benefice d'icelle articulation, la teste est esleuée & baissée. Les ieunes medecins appellent ceste apophise, ou processus, pyrenocides: pource quelle est de figure tendāt en acuité, laquelle en Grec est apellée pyramidalis, & en Latin turbi-

nata. Mais les anciens, & mesmemēt Hippocrates, l'ont nommée dent.

2 En apres s'ensuit Metaphrenon, en Latin Metadorsum, c'est le dos: lequel ha telle lōgueur come phrenō. le Thorax. Car il y ha en luy douze vertebres, receuans les douze costes.

3 Lumbus en Grec osphys, & ixys, est au des= Lumb°. souz de Metaphrenon: auquel il y ha cinq grandes vertebres.

4 Item l'os appellé en Grec Hieron, en Latin Sacrum, les autres l'appellent Platy en Grec, & L'os sacrum. en Latin Latum, est au dessouz des dessusditz: lequel est la derniere partie de la spine, & comme vn fondement subiet à toutes les vertebres. Or il est composé de trois parties, comme de ses propres vertebres. En l'extremité d'celles y est adiousté vn autre os quart, qui est appellé en Grec Coccyx, vulgairement cauda. Lequel est composé de trois propres particules: lesquelles sont plus cartilagineuses que n'est os sacrum, & principalement en l'extremité.

Et ainsi la spine est composée de vingt & quatre vertebres, en Grec spondiles: encore outre os sacrū, duquel les os ne sont point cōtez entre les vertebres. Et s'il en y ha plus ou moins, elles sont contre nature. Or toutes vertebres ont vne apophyse postérieure, qui est appellée en Grec Acantha, en Latin Spina: exceptée la premiere vertebre, laquelle ha vne petite apophyse, en la partie anterieure seulemēt.

TABLE TROISIEME

Des os qui sont cōioins à l'os sacrum, & des muscles mouuans l'os Ichion, sera traité en la quatriesme table.

De la spinale moelle, ou medulle

Gal. li. 9
11. 13. &
16. de v.
supart.
& lib. 1.
de mo-
tu mu-
scul.

TOut ainsi que la grande artere yst du cœur, & la veine caue du foye, semblablement du cerueau est produit vn tronc, estendu par toute la spine: lequel est appellé en Grec *νωτιαος μυελος*, en Latin *spinalis medula*, & vulgairement *Nucha*. C'est le principe & racine des nerfs durs: & pour ceste cause elle est beaucoup plus dure que le cerueau: pourtant que le corps d'icelle moelle spinale, est semblable à vn cerueau ferme, & compacte, & par consequent endurci: Car la partie posterieure du cerueau, laquelle est continue à la spinale medulle, est plus dure que la partie anterieure. Et en ce lieu, la spinale medulle est plus molle qu'en toutes ses autres parties: et peu à peu tant plus elle descend en bas, tant plus dure elle deuient. Et tous nerfs qui sont molz, tesembleront ne àifferer point de la spinale medulle. Aussi elle ha deux membranes, comme le cerueau: toutesfois en la spinale medulle, ces deux membranes sont coniointes ensemble, sans aucune distance: & non pas au cerueau, pource que la spinale medulle n'ha point de pulsation, ne de mouuement, comme ha le cerueau: iasoit qu'elle soit contenue de spondiles mobiles. D'auantage il y ha vne autre tunique nerueuse, & forte, qui enuironne ces deux membranes: de peur que la spinale medulle ne

se rompe en diuers mouuemens de la spine. Aussi il y ha quelque humeur visqueuse circonfuse à l'enuiron de ceste tunique: tout ainsi comme à l'enuiron de la tunique, liant les spōdiles ensemble, aussi à l'enuiron de tous les articles, & à la langue, & à Larynx, & au conduit de l'urine: comme il y ha de la gresse aux yeux. Et pour le dire sommairement, en toutes parties qui falloit mouuoir cōtinuellement, il est requis qu'il y ait quelque humidité visqueuse, ou gresse. Car il y a danger, que lesdites parties ne se deseichent, & ne s'en deulent: & par consequent, que leurs actions n'en soient blessées.

Ceste spinale medulle, en maniere d'un fleuue yf= Cal. lib.
sant du cerueau, cōme d'une fontaine, enuoye tous= 12. 13. &
iours quelque nerf en tous lieux, ou il passe: lequel 16. de v-
nerf est cōme un petit ruisseau du sentiment, & du lu part.
mouuement. La spinale medulle enuoye soixante & 7. de
nerfz, c'est asçauoir par pertuis d'une chascune placitis
vertebre un nerf: lesquelz nerfz sont principalemēt Hip. &
constituez & ordōnez pour les mouuemēs de tou= Plat.
tes les parties situées au deffoux de la teste: & secō-
demēt sont ordonnez pour le sens de l'attouchemēt:
lequel est cōmun à toutes parties. Car les piedz, &
les mains, & les extremitex, & toutes les parties,
qui sont au deffoux de la face, reçoient nerfz de la
spinale medulle: exceptez les intestins, & les visce-
res, & les instrumens de la voix, lesquelz reçoient
nerfs du cerueau, cōme nous auons dit. Quant est de
la production des nerfs, aux mains, & aux iambes,

T A B L E T R O I S I È M E

nous en traiterons en la table subsequente.

Gal. lib.
13. de v-
su part.

Mais pource que de chacune vertebre, est produite vne coniugation de nerfz, il est manifeste que le nombre des nerfz doit estre egal au nombre des veines, & arteres. Donq, ce qu'on dit de l'origine, & production des nerfz, doit estre entendu des arteres & veines. Derechef il conuient icy admirer Nature, de ce qu'elle ha esleu vn lieu bien seur, pour la naissance, tant des vaisseaux que des spondiles. Car elle ha vsé d'un seul pertuis, pour donner passage aux trois instrumens. C'est asçauoir en deduisant le nerf du dedans au dehors, & l'artere & veine du dehors au dedans: & ce, des prochains vaisseaux. Quant aux petites vertebres, deux pertuis peuuent suffire, pour donner passage ausditz vaisseaux. Mais aux grandes vertebres il y ha d'auantage d'autres petis & subtilz pertuis, en la partie superieure: c'est asçauoir en chacune vertebre vn. Et par ces petis pertuis, les vaisseaux nutritifz sont implantez esdites vertebres.

Des Yeux.

Gal. lib.
10. de v-
su part.

Les yeux en Grec ophthalmi, en Latin oculi, sont deux: ainsi que tous les autres instrumens sensitifz. Et sont de substance molle, situez en la teste, en lieu hault, & en la partie anterieure du corps: en laquelle aussi nous faisons nostre mouuement. Nature les ha muniz pour assurance, en diuerses manieres: c'est asçauoir de paupieres, & de

poilz appellé Cilia en Latin: & d'os, & aussi de cuir. Et premierement elle ha constitué le poil, dit Cilia, que les Grecs appellent Brepharides, quasi comme vn rempart, pour propulser les petis corps, de peur qu'ilz ne tombassent dedans les yeux, quand ilz sont ouuerts. Item nature ha constitué, & ordonné les paupieres, que les Grecs appellent Blephara, & Les paupieres. Les Latins Palpebræ: à celle fin qu'elles fussent conjointes, & compliquées ensemble: & qu'elles fermassent l'œil, si d'auanture quelque grande chose y tomboit. Et à l'encōtre des choses encores plus grandes, nature ha constitué en hault les sourcilz, que les Grecs appellent Ophrys, & les Latins Supercilia. Les sourcilz. Et en bas nature y ha constitué les parties dites en Grec mela, en Latin Poma. Et iouxte le plus grand angle, ou coing de l'œil, elle y ha situé le nez: et iouxte le moindre angle, elle y ha constitué la production de l'os iugal, dit en Grec Zygoma. Et au milieu de toutes ces parties dessusdites (lesquelles reçoient les premiers rencontres, des plus grans corps) l'œil est constitué: dont il n'est point blessé. Aussi le mouuement du cuir y ayde grandement à la difficulté de partir, ou souffrir: lequel cuir retiré de toute part, comprime l'œil dedans, bien estroitement.

Il y ha sept muscles mouuans les yeux: c'est asçauoir, Gal. ibi.

- 1 Vn superieur, qui les esleue en hault, vers les sourcilz. Les muscles de l'œil.
- 2 L'autre inferieur, qui les déprime en bas, vers

les parties dites Poma, ou m^ala.

3 & 4 Item deux lateraux, dont l'un est au gr^ad angle, dit magnus canthus en Grec, ou angulus en Latin. Lequel muscle amene l'œil interieurement, vers le nez: l'autre est au petit angle, & amene l'œil vers ledit angle. Tous ces muscles assemblés, font par leurs aponeuroses, ou enervations un cercle d'un tendon large, finissant au lieu dit Iris.

5 & 6 Item deux autres, situez obliquem^ent: c'est assavoir en chacune paupiere un, vers le petit angle: est^e dus en hault & en bas. Lesquelz tournent promptem^ent, & mouuent l'œil circulairement par tout.

7 Item un autre grand, à la racine des yeux: lequel estraint & munit le nerf optique, & esleue l'œil en hault: & aussi le conuertit, & tourne aucunement.

Gal. ibi. Les tuniques des yeux: lesquelles sont appellées en Grec chigwones, sont en nombre quatre, ou si tu veux) cinq.

Les tuniques. I La premiere tunique est appellée en Grec Epipheicos, en Latin adnata: pource qu'elle est adnascète par dehors sus les autres tuniques, qui constituent l'œil, & qu'elle lie & conioint tout l'œil, avec les os, qui sont al'entour: ioint qu'elle couure les muscles mouuans les yeux. Pour ceste cause on l'appelle vulgairem^ent coniunctiua. Elle prend son origine du pericrane.

2 La seconde est appelée en Grec *ceratoides*, en Latin *Cornea*: pource qu'elle est semblable à cornes fort extenuées, & tenues. Laquelle est produite de la grosse membrane du cerueau. Et premierement elle est subtile & solide, & puis en procedant peu à peu, principalement en son milieu, vis à vis de la prunelle, dite pupilla, elle devient encores plus subtile & plus solide. Elle est resplendissante, blanche & dure: à celle fin qu'elle soit la tresopportune defense & propugnacle de l'humeur crystalline, & aussi qu'elle enuoye promptement les splendeurs.

3 La tierce est appelée *rhagoides* en Grec, en Latin *vua*: pource qu'elle est semblable & de couleur, & de forme à vn grain de raisin noir. Ceste tunique est faite en plusieurs parties, noire & fusque & cerulee ou verde, procedant d'Iris avec la tunique dite *cornea*: pour donner trois utilitez. C'est asçauoir pour nourrir icelle tunique *cornea*, située aupres d'elle. Item pour prohiber qu'elle ne vint à tomber sus l'humeur crystalline. Et finablement pour estre comme vn spectacle medicamenteux, c'est adire vne chose qu'on regarde: laquelle est comme medicamēt, à la veue qui est blessée. Ceste membrane ha son origine de la subtile membrane du cerueau: & pource est nommée *choroides*: car en la maniere de la tunique secondine, dite en Grec *chorion*, qui contient l'enfant en la matrice, elle lie plusieurs vaisseaux

TABLE TROISIEME

ensemble : à cause de nutrition & connexion ou colligance. Outreplus ceste tunique est persee toute la prunelle dite en Grec coré, en Latin pupilla. Et seulemēt là où est le pertuis, il ny ba nulle autre tunique moyenne entre la tunique cornea, & l'humeur crystalline. Dōc la tunique rhagoēides est veneuse, c'est adire pleine de veines : à fin qu'elle nourrisse abondamment la tunique cornea. Item elle est humide & molle, comme vne espouge, de peur qu'elle ne blesse l'humeur crystalline par son atouchemēt. Item elle est noire, à fin qu'elle recueille la splendeur & qu'elle l'enuoie à la prunelle ou pupille. Item elle est persee : à fin qu'elle mette dehors ladite splendeur.

4 La quatrieme est la naturelle & propre tunique de l'humeur crystalline : laquelle tunique non seulement est semblable à vne subtile escorce d'un ongnon : mais d'auantage est plus subtile que les filetz d'araignes & plus blanche. Pourtāt est appelée arachnoēides en Grec. Et qui plus est, elle ne couure pas toute l'humeur crystalline, mais sa partie, laquelle est portée par l'humeur vitree, est du tout sans muniment, & sans tunique. Car il estoit meilleur & plus expedient que les humeurs fussent coniointes ensemble en icelle partie. Mais sa partie laquelle est toute prominente dehors, & qui touche à rhagoēides, est vestue de ceste tunique subtile & claire dite arachnoēides. Et aussi l'ydole, c'est a dire l'image & sem-

blance de la prunelle consiste en ceste tunique comme en vn miroir. Voila qu'en dit Galien. Il semble toutesfois que la tunique arachnoïde enuironne & encloye toute l'humeur crystal= line.

5 La cinquieme est appellee en Grec amphi= blestroïdes, en Latin retiformis, pource qu'elle est semblable à vn filé, dit en Grec amphibla= stron, en Latin rete. Laquelle naist de la substan= ce du nerf optique, dissoluë & amplifiée, & es= largie. Ceste tunique enuironne & nourrist l'hu= meur vitree. Ce corps retiforme est appellé se= lon aucuns proprement tunique: toutesfois nul= lement ce n'est tunique, ny en couleur, ny en sub= stance. Mais si tu le separes à part & le mets en vn monceau, il te semblera à voir quelque part & portion du cerueau. Sa premiere & plus gran= de vtilité est de sentir quand l'humeur crystal= line est alteree, & d'auantage d'apporter nour= rissement à l'humeur vitree. Aussi l'on void qu'il est rempli de veines & arteres beaucoup plus en nombre & plus grandes, que selon sa grã= deur & magnitude. Car tous les nerfs qui pro= cedent du cerueau sont couerts d'une portion de la membrane choroïdes, nee avec eux: laquel= le apporte artere & veine avec soy. Outreplus de la tunique choroïdes, laquelle cõtient ce corps retiforme, aucunes subtiles productions & sem= blables aux araignes, sont estendues en ce corps:

TABLE TROISIEME

Et leur seruent de ligamens, & aussi leur apportent nourrissement.

Gal. ibi. Il ya trois humeurs contenues dedans les tuniques
Les hu- des yeux.

meurs
de l'œil.

2 La premiere est appellee en Grec *hydatoeides*, en Latin *humor aqueus*: à la similitude d'eau. Elle est semblable en substance & couleur à un œuf: & pource on l'appelle vulgairement *albugineus*. Et est contenue entre l'humeur *crystalline*, & la tunique *rhagoeides*, & *cornea*: non seulement pour remplir l'espace vuide: mais aussi de peur que l'humeur *crystalline*, & la partie interne de la tunique *rhagoeides* ne soit dessechée.

2 La seconde *crystalloeides* en Grec, en Latin *glacialis*, pource qu'elle est semblable à cristal, & à glace, en couleur. Car elle est blanche, claire resplendissante, médiocrement dure, non pas exactement spherique, ou ronde. Et est située deuant l'humeur vitree au milieu des deux autres humeurs. Car elle est portée au milieu de l'humeur vitree, comme une sphere à demi incisée, ou un demi cercle en l'eau: prohibant que l'humeur vitree ne se meuue plus outre. C'est le premier & le plus principal instrument de la veue.

Gal. ibi.

3 La tierce est appellee en Grec *hyaloeides*, en Latin *vitreus humor*: pource qu'elle est semblable & en substance & en couleur à un verre fondu. Elle est contenue en la concavité du corps *retiforme*. Or l'humeur *crystalline* est nourrie de

ceste humeur vitree par diadosis, c'est adire trās somptiō. Et l'humeur vitree est nourrie du corps retiforme qui l'environne, & le corps retiforme de la tunique choroeides : cōme deuāt ha esté dit.

En l'œil au lieu ou le blanc est conioint avec le Gal. ibi. noir, il y ha sept cercles coherēs ensemble, & gisans l'un sus l'autre : toutesfois ilz different l'un d'auec l'autre en espaisseur & couleur. Ce lieu est appellé des sçauans Anatomistes, iris en Grec, ou stephane, en Latin corona, c'est adire couronne. Tu verras plus à plein la description de ces cercles au lieu allegué.

Quant est des paulpieres, il ha esté raisonnable qu'elles fussent faites de substance totalement dure: laquelle facilement peust estre meue & tournée avec la tunique cornea, sans aucune lesion d'icelle. La paulpiere inferieure est beaucoup moindre que la superieure, & est du tout immobile: mais la superieure on la void euidemment mouuoir.

Pour ceste cause il y ha deux petis muscles mouuans la paulpiere superieure. Gal. ibi.

- 1 L'un est au grand canthus pres du nez: constitué oblique, lequel paruient à la moitié de tarsus.
- 2 L'autre est tout oblique: lequel est estendu au petit canthus, & paruient à l'autre moitié de tarsus, qui est prochaine.

Or quand le premier muscle fait son action, il attire en bas la partie de la paulpiere continue à soy: laquelle est pres du nez. Mais quād l'autre muscle fait

son action, il attire l'autre partie en hault. Et si tous deux tendent, & font leur action en vn mesme temps la partie de la paulpiere estant au petit canthus, sera attiree en hault, & la partie qui est au grand canthus sera attiree en bas. Parquoy il aduient que l'œil n'est pas plus ouuert que cloz. Et c'est la figure de la paulpiere que Hippocrates appelle campylos, c'est adire courbe & reflexe: laquelle il nombre entre les signes de maladie, signifians grand mal. Et en quelque lieu il appelle ceste euerfion de paulpiere, healsis.

Gal. ibi.
& ii. de
vsu par.

La partie extreme de la paulpiere superieure receuant les fins ou extremittez de ces deux muscles des susdits, est appelee en Grec tarsos. Laquelle est de substance plus dure que membrane, & comme cartilagineuse. Elle clost & comprend, & serre ce, qui est fait conuexe ou gibbeux, de sa reduplication, & est ordonnee pour ceste vtilité. Or tarsus ha de petis & subtilz pertuis d'ou yssent les poilz des paulpieres, ausquelz tarsus donne lieu & rectitude d'extension à cause de sa dureffe. Car tout ainsi qu'il estoit meilleur que les poilz des sourcilz fussent les vns sur les autres, aussi estoit il plus expedient que ces poilz des paulpieres fussent tousiours gardez droits & tenduz, & egaux en nombre & magnitude. Car les poilz des sourcilz reçoient tout ce qui descend du front & de la teste deuant qu'il tombe aux yeux. Mais les poilz des paulpieres engardent que l'arene & la pouldre ne tombe dedans les yeux,

Et aussi que les petites bestes qui volent ne facent mal aux yeux. Ces poilz tant de sourcilz que des paupieres sont petis & ne croissent point: pource qu'ilz naissent des parties dures & seiches.

En apres il fault enquerre ce qui appartient aux angles des yeux, que les Grecs appellent canthi. Il y ha vn trou depuis le grand angle de chacun oeil iusques au nez: par lequel pertuis les excremens des yeux sont euacuez. A ce mesme vsage ou vtilité ce conduit est persé, depuis canthus iusques au nez. Aussi le nez est persé iusques en la bouche: pour ceste mesme vtilité. Car en nous mouchant, ce qui flue sort par le nez: mais en crachant l'excrement yst par la bouche. Pour ceste cause plusieurs ont souuent craché les medicamens des yeux tantost apres l'operation: les autres les ont euacuez en soy mouchât. Par ce mesme pertuis vne part & portion des nerfs de la tierce coniugation paruient à la tunique interne des narines. Desquelz nous parlerons cy apres.

Parquoy il y ha vn corps charnu qui gist sus le grand canthus: lequel corps est illec situé, pour couvrir le dit pertuis, de peur que les excremens des yeux ne soient euacuez par les angles & que nous ne pleurions continuellement: aussi pour repoulser lesdits excremens à leur propre conduit.

Mais ces choses ont esté diligemment prouues par nature: & encores d'auantage les petis & subtilz trous qui sont aux paupieres: lesquelz sont vn peu au dehors du grand canthus. Car ilz paruiennent

Gal. lib.
9. & 10.
de vna
part.

Gal. lib.
10. de v-
supart.

Gal. lib.

T A B L E T R O I S I E M E

iusques au nez: en donnant & en prenant quelque subtile humidité, l'un à l'autre. Or il y ha grande vtilité en donnant ce qui abonde: & en prenant ce qui defaut. A celle fin que leur naturelle symmetrie, & commodation soit gardee: pour l'agilité des mouuemens. Car siccité exuperante ou abondante engendre difficulté de flexion & de mouuement à cause de la duressé. Et l'affluence d'humilité les rend infirmes & molz. Mais la seule constitution moyēne & moderee, est la plus expediente & la meilleure à toutes actions naturelles.

Aussi pour la facilité des mouuemens, il y ha deux glandules en chacun œil: dont l'une est es parties inferieures & l'autre es parties superieures. Lesquelles espanchent, & enuoyent humidité aux yeux, par quelques conduits assez manifestes: tout ainsi que les glandules qui sont adiointes à la racine de la langue, deriuent & enuoient la saliué en la bouche.

Or que nature ayt fait aucune gresse à l'étour des yeux, seulement pour faire le mouuement plus facile, la duressé d'icelle le monstre.

Gal. ibi. Par le benefice & vtilité de laquelle (d'autant qu'ilz ne se fondent pas facilement) les yeux en peuuent estre amoytis & humectez perpetuellement: pource qu'elle est onctueuse & grasse.

Gal. lib.
ii. de visu
part. &
in intro
duct.

Du nez.

LE nez en Grec rhin ou rhis: en Latin nasus est situé entre les deux yeux. C'est le propugnacle

& deffense de tout l'instrument d'olfaction ou odoration, & par ordre est le premier instrumēt de respiration. Les parties du nez situees d'un costé & d'autre, par lesquelles les animaux rendent & reçoivent l'air, sont appellees en Grec myteres, ou myxoteres, en Latin nares: ce sont les narines. Et les parties exterieures d'icelles sont appellees en Grec pterygia, en Latin pinnula, ou ala. Lesquelles sont cartilagineuses: pource que telle substance n'est pas facilement contusée ne rompue. Aussi elles sont mobiles: pource que leur mouuement est grandement vtile aux inspirations & aussi aux efflations. Pour ceste cause il y ha de petis muscles implantez ausdites parties: lesquelz muscles naissent au dessouz des parties appellees poma: iouxte les principes ou commencemens des muscles descendans aux leures, lesquelz cōioints avec iceux paruiennent au nez obliquement, de plus en plus. Aucunes propagines ou petis rameaux des nerfs, portez par la maschoire superieure, sont deriuez à ces muscles.

L'entredeux qui separe par dedans les pertuis des narines est appellé en Latin *septum sextumnarium cartilagineum*. Gale. in intro.

Quāt aux cōduits qui paruiennent des anterieurs ventricules du cerueau iusques aux narines, nous en auons desjà parlé. Semblablement des pertuis du nez qui sont communs au nez & aux yeux, lesquelz pertuis d'une part & d'autre, paruiennent iusques au grand canthus. Par ces pertuis il y ha vn nerf assez

TABLE TROISIEME

Gal. lib. 9. & 11. de usu. part. grand d'un costé & d'autre de la tierce coniugation qui paruient à la tunique, laquelle oingt les conduits du nez. Et non seulement ledit nerf est dispersé en icelle tunique, ains procede iusques au palais. Mais ceste tunique laquelle oingt les narines par dedans, naist de la grosse membrane, & est commune & continue à la tunique: laquelle couure interieurement la bouche, la langue, pharynx, l'arynx, la trachee artere, œsophagus, & tout le ventricule ou estomach.

Des oreilles.

Gale. in introduc. **L**Es oreilles en Grec *ota*, en Latin *aures*, sont situées aux extremités des temples: desquelles la partie exterieure est appelée en Latin *auricula*: laquelle est composée d'une partie superieure, dite *pinn*a, & d'une partie inferieure dite *fibra*.

Gal. lib. 9. & 11. de visu. part. Les oreilles sont de substance cartilagineuse: comme sont toutes parties nues & prominentes, & exposées aux iniures & incommodités externes: de peur qu'elles ne se puissent facilement contondre, ou rompre. Or elles sont prominentes, à fin qu'elles couurent le cerueau qui est prochain d'elles, de peur qu'il ne soit blessé. Aussi elles sont gibbeuses, ou convexes par dehors & caues par dedans, de peur qu'aucune chose n'entre dedans le conduit, & qu'elles ne fussent facilement blessées. Pour ceste mesme utilité chacune oreille ha eu plusieurs flexuositez, ou anfractuosités: dont leur pertuis est appelé *Cacum*,

est adire qui ne passe point outre : non pas vrayement qu'il soit tel : mais à cause de l'obliquité flexueuse du conduit : laquelle est cause qu'une petite corde ou une seye de porc, ne peult passer tout outre.

Mais les oreilles des hommes, d'autant qu'elles sont petites, n'ont du tout point de mouvement, ou il est un petit & obscur. Et pource il y ha quelques lineaments de muscles à l'entour de l'oreille. Item quatre nerfs durs & bien petis viennent de la seconde coniugation de la spinale medulle du col iusques en ce lieu, c'est asçauoir.

Gal. lib.
10. & 16
de usu
part.

- 2 Deux des parties posterieures.
- 2 Et deux des costez distribuez au cuir & en chacune oreille.

Mais es bestes qui ont les oreilles fort mobiles, & grandes, tout ainsi que l'oreille est enuironnée de plusieurs muscles, aussi il y ha de grans nerfs distribuez en iceux. D'auantage chacune oreille ha un nerf mol, de la cinquieme coniugation du cerueau : comme desus nous auons dit.

Or apres auoir exposé l'Anatomie des trois parties, c'est asçauoir du ventre inferieur, du Thorax, & de la teste, reste à parler des extremittez que les Grecs appellent *Cœla*, & les Latins *artus*.

FIN DE LA TROISIEME
TABLE.

N ij

Table quatriefme.

De la main.

Gal. lib.
1. & 3. de
vfu par.



A main, en Latin *manus*, en Grec *cheir*, c'est l'instrument pour prendre & pour toucher: donné à l'homme seul, pour toutes armes defensoires, ledit instrument conuenable à l'animant sage: lequel instrument est necessaire à tous arts, & autant idoine en paix qu'en guerre.

Gal. lib.
1. & 2. de
vfu par.
& 3. de
ana. ad.
ministr.

Quand on parle de la main sans addition, l'on entend tout le membre lequel commence à l'article de *Humerus* ou de l'espaule, & finit aux extremités des doigts. Laquelle main ha trois parties: c'est asçauoir.

Item de
offibus.
ca. 17. 18
& 19.
Celsus
li. 8. ca. 1

1 *Brachium* qui est la partie situce entre l'article d'*Humerus* & de *Cubitus*.

2 *Vlna* ou *cubitus*, en Grec *pechys*, c'est tout le membre qui est entre l'articulation de *Carpus* & de *Cubitus*. *Cornelius Celsus* l'appelle *Brachium*.

Item l'un des os de *Vlna*, c'est asçauoir le plus grand, est appellé plus spécialement *Pechys*. Duquel os la posterieure & plus grãde tuberosité, dite *Corone*, ou ceste pointe que nous faisons en pliant le bras, sus quoy nous nous appuions. *Hippocrates* l'appelle *Ancon*, c'est *Cubitus* en Latin: les Grecs antiques l'appellēt *Olecranon*. Et ainſi

Cubitus est prins en trois manieres:

3 Acrocheiron en Grec, c'est adire la main extreme commence à l'article de Carpus, & se finit à l'extremité des doigts. Laquelle ha trois parties: c'est asçavoir Carpos, ou Carpus en Grec, en Latin Brachiale, & en Arabic Rasceta, en François le pongnet, C'est la iointure ou articulation par laquelle la main extreme est coniointe avec cubitus. La seconde partie d'Acrocheiron, ou de la main extreme, est nommée Metacarpiō, en Latin Postbrachiale, & vulgairement Pesten. C'est icelle partie qui est située entre carpus & les doigts: de laquelle la partie caue & interne est dite Vo= la ou Palma en Latin, & en Grec Thenar. La palme de la main. Et la partie opposite Hypothe= nar: laquelle n'ha point de nom Latin. La tierce partie ce sont les doigts, en Grec Dactyli, en Latin digiti. Et sont cinq inegaux: pource qu'il estoit meilleur que la sommité d'iceux vint à quelque e= qualité quand ilz empongnerent quelques grandes choses circulairement, & quand on veult contenir quelque corps humide ou petit en iceulx doigts. Dōt le premier est le poulce, en Latin Pollex, en Grec Anticheir: pource qu'il est opposite & equipollent ou equiualent aux autres quatre doigts: cōme qui diroit en Latin promanus, c'est adire qui est pour toute la main. Hippocrates le nomme Megas, c'est adire grād, cōbien qu'il soit petit: pource que sans luy les autres sont quasi inu=

Le poul
ce.

Aristote
les lib. 4
de parti
bus ani-
mal. ca.
10.

tiles: cōme dit Aristote. Toutesfois selon Galien il est appellé grand, nō seulemēt pour sa vertu, mais aussi pour sa magnitude & quātité. Car le cōment du poulce (cōme dit Galien) est aupres de Radius: tellement que quasi il le touche. Neantmoins selon Cornelius Celsus & Aristote, il est appellé grand, seulemēt pour sa vertu. Le second doigt est appellé en Grec Lichanos, en Latin Index. Le tiers en Grec Mesos, en Latin medius, c'est adire moyē. Ces deux doigts ainsi qu'ilz sont seconds en ordre, apres le grand doigt, aussi sont ilz en vtilité. Le quart en Grec Paramesos, en Latin Annularis ou medicus, prenāt le nom des medecins, est de moindre vtilité. Le cinquieme en Grec Micros, en Latin Minimus, ou auricularis, est le moindre de tous, de corps & d'vtilité.

Les on-
gles.

Les ongles en Grec onyches, en Latin vngues, sont engendrees de l'excremēt des tendōs, qui finissent aux racines des ongles. Pourtāt les ongles croissent cōtinuellement, iacoit que tout le corps ne croisse plus: mesmement apres que l'hōme est mort. Mais alors ilz croissent, non pas cōme les autres parties en lōg, large & profond, mais en la maniere du poil en long seulemēt. Et tousiours renaissent autres ongles nouvelles qui repoulsent les vieilles. Or les ongles sont mediocrement dures, egales aux sommittez des doigts, rondes de toute part. Et sont faites telles pour l'apprehension & collectiō des corps petis & durs: comme tesmoigne Galien cōtre Aristote, qui dit que

Gal. lib.
1. de vfa
part.
Aristote
les cap
10. lib 4
de par.
ani.

nature n'a fait les ongles, sinon pour couuerture.

De la composition du muscle.

LE muscle en Grec *mys*, en Latin *musculus*, ha Gal. lib. 1. de mo tu muscul. & 12. de v. su part.
 esté ainsi nommé, possible à la similitude d'un rat
 escorché. Le muscle est organe du mouuement volun
 taire: lequel est composé de fibres, ou filamens des nerfs
 & ligamens, de chair simple, naissante à l'entour d'i
 celles fibres, & de veine, artère & tunique.

Le muscle ha trois parties: c'est asçauoir.

- 1 Le principe ou commencement qu'on appelle Gal. ibi
 le chef ou teste, en Latin *caput musculi*: qui est le
 plus nerueux.
- 2 Le milieu est charnu qu'on appelle le ventre.
- 3 Et la fin, qui est beaucoup plus nerueuse que
 le commencement: de laquelle fin naist le tendon.

Pour certain le nerf & le ligament sont implan
 tez au chef du muscle: en apres sont disseminez & Gal. ibi. & lib 7. & 2. de vsu par.
 dispersez par tout le muscle. Et finablement des deux
 assemblez & coalescez à la fin du muscle, est faite
 la generation des tendons, que les Grecs appellent
Tenondes, & les Latins *tendones* ou *tendines*, & La gene ration des ten dons.
 selon les nouueaux medecins Grecs *Aponcuroses*,
 c'est adire quasi eneruations des muscles: pource que
 les muscles sont veuz finir en iceux Tendons. Donc
 leur nature est meslee, & moyenne entre le ligamēt,
 & le nerf. Car le Tendon est plus dur que le nerf,
 d'autāt qu'il est plus mol que le ligamēt. Et n'est pas
 insensible, d'autāt qu'il participe du nerf. Aussi il n'est
 pas si sensible que le nerf: car il n'est pas nerf seulemēt.

D'autant donc qu'il participe de la nature du ligament, d'autant est hebetee l'acrimonie ou acuité de son sentiment. Et ainsi quant à la magnitude de son corps, & quant à son sentiment, il est tel comme celui qui est fait de tous deux. Or il est manifeste que le Tendon est beaucoup plus grand que le nerf qui descend au Muscle: pour ce qu'il n'est pas seulement fait du nerf, mais aussi il a prins beaucoup de la nature du ligament. Car il lie le muscle avec les os subiects ausquelz il est implanté, & en ce, il ne differe en rien du ligament. Mais il est sensible & mobile, à raison qu'il est participant du nerf. Or il est fait plus grand que le nerf, pour ce qu'il doit mouuoir l'os. Car tout Tendon est implanté en l'os, toutesfois tout muscle ne se finit pas en Tendon.

Le ligament. Gal. 1. de motu musculorum. Gal. li. 1. de mo-
 Le ligament en Grec Syndesmos, en Latin ligamentum, est vn corps nerueux, insensible, ayant sa naissance de l'os implanté en l'os ou au muscle. Car par les ligamens les muscles sont liez & coalesceux os. Dont ilz ont prins leur nom (à cause de l'utilité qu'ilz ont) d'un verbe Grec de ω , en Latin ligo, c'est adire lier.

Gal. lib. 12. de v. su part.
 Les nerfs (desquelz nous auons parlé en la table precedente) en maniere de ruisseaux, deduisent & apportent aux muscles la vertu motiue & sensitive du cerueau comme d'une fontaine.

Gal. lib. 12. de v. su part.
 Or chacun de ces deux, c'est asçauoir le nerf & le ligament, est diuisé en vils, ou fibres, c'est à dire filamens subtilz que les Grecs appellent Ina . Les

quelz filamens sont liez ensemble, pour la constitution, & composition du muscle: lequel il falloit estre meslé des deux. De ces mesmes filamens qui conuiennent, & sont meslez ensemble, le tendon est composé: & de tous ensemble, le Muscle.

Il y ha trois manieres de Fibres, comme nous a= Gal. lib.
uons dit en la premiere Table: c'est a sauoir, 4. de vsu

1 Droites, par le mouuement desquelles est fai= part. 8c
te attraction, de la chose conuenable. 3. de na.
facult.

2 Obliques, par le mouuement desquelles est fai=

te retention, de la chose conuenable.

3 Transuersales, par le mouuement desquelles

est faite expulsion, de la chose estrange.

Mais les Muscles, n'ont qu'un genre de Fibres Gal. lib.
seulement: car ou ilz ont seulemēt Fibres droites, se- 6. de vsu
lon leur longitude: ou transuersales, selon leur lati- part.

tude: ou obliques selon leur obliquité. Toutesfois il

n'y en ha nul, qui les ayt toutes ensemble.

Il y ha vne chair simple, de substance molle, meslée Gal. lib.
avec ces Fibres: laquelle deuoit estre ferme, en ma- 12. de vsu
niere de siege, dit stoëbe, remplissant les espaces

moyens entre icelles Fibres, de peur qu'elles ne soiēt contuses, ou rompues. Pour ceste cause Nature n'ha pas delaisé ledit siege (dit stoëbe) vuide: mais pour propulser le chaud & le froid. Aussi pour servir de couuerture semblable à feutres & pinceaux. Nature ha enuironné les Fibres de cedit siege: lequel sert de coute & couuerture admirable, aux veines & arteres.

Quant à l'utilité de la veine, artère & tunique, elle est assez manifeste des propos dessusditz. Quāt est de la production des vaisseaux, en toutes les extremitēz, nous en parlerons cy apres, quād nous aurons parfait le traité des muscles.

Des differences des mouuemens des parties de toute la Main.

Cal. lib.
1. de vsu
part. j

Les doigts (comme l'on peult voir par euidente experience) ont quatre mouuemens.

2 Deux droits, c'est asçauoir flexion, & extension.

2 Et deux obliques aux costēz.

Parquoy il y ha aussi quatre Tendons, qui sont guides & conducteurs de ces quatre mouuemens: lesquelz sont appliquez en quatre manieres, en chacun article. Or d'autant qu'il y ha aux doigts des deux Mains trente articles (dont chacun ha en quatre lieux implantations, & applications de Tendons, excepté le premier article du pouce, lequel n'en ha que trois: c'est asçauoir deux laterales, pour les mouuemens lateraux, & une extrinsequement pour l'extension: car intrinsequement, il n'en ha point pour la flexion) l'on trouue cent & dix huit implātations de Tendons aux doigts des deux mains.

Gal lib.
2. de vsu
part. &

Carpus, en Latin Brachiale, ha aussi quatre mouuemens: c'est asçauoir,

1 Flexion.

2 Extension.

3 Circōduction en figure prone, c'est adire vers la terre. cap. 17.
libr. de
offib.

4 Et en figure supine, c'est adire vers le Ciel.

Car Carpus ha deux articulations.

1 L'une est grande, c'est asçavoir l'articulation des fins et extremité de Carpus, qui entrent dedans la cavité moyenne entre l'epiphyse de Radius & Vlna. Par laquelle, l'article de Carpus, et la Main extreme est estendue & flechie.

2 L'autre articulation est petite, c'est asçavoir du huitiesme os de Carpus: lequel os environne la petite Apophyse de Vlna appelée Styloides: par laquelle articulation Carpus est mené en figure prone, & supine. Gal. lib.
2. de usu
part

Aussi toute Vlna, ha quatre mouuemens, correspondans en proportion aux mouuemens de carpus. Car l'articulation de l'os de Vlna, laquelle est au milieu du bras, en la poulie dite trochlea, fait l'extension & la flexion de tout Vlna, & par elle de la main extreme. Mais l'articulation de Radius, en la teste extérieure de brachium, fait la circonduction aux costez.

Brachium aussi ha quatre mouuemens: c'est asçavoir,

2 Deux droits.

2 Et deux obliques aux costez, ou lateraux.

Ces quatre mouuemens sont faits par les muscles

du thorax: desquelz nous auons parl  en la seconde table. Aussi les espaules sont attirees par mouuem t droit, hault & bas: de mouuement oblique sont attir es au dedans, & estendues dehors.

Mainten t il fault traiter par quelz muscles sont faitz les mouuemens dessusditz.

Des Muscles de la main.

Gal. lib. 2. de usu part. & 1. de Anat. ad ministr. **L**Es Muscles de toute la main sont trente & trois.

16. Seize en cubitus, ou vlna: c'est as auoir sept interieurs, & neuf exterieurs.

7 Sept en la main extreme.

6 Six entre les os de metacarpium, ou postbrachiale.

4 Et quatre au bras.

Or il fault noter, que les muscles qui ont la moindre action, sont en la superficie: & les plus insignes, c'est adire, qui ont la plus grande action, sont cachez plus profond.

Des Muscles interieurs de cubitus, c'est adire vlna.

Gal. lib. 2. de usu par. **L**Es Muscles interieurs de cubitus sont sept,

1 Le premier, qui est le moindre, & le plus menu, ou subtil de tous les muscles internes de vlna, ha est  incongnu aux anciens Anatomistes: & inuent  par Galien. Il appert en la superficie,

deffouz le cuir: & occupe la region interne, entre vlna et radius. Or il est le moindre de tous les autres: pource qu'il ne meult nulle articulation, & que nul mouuemet des doigts ne luy est cōmis. Mais vn peu deuant l'articulation de carpus, vn tendon est nay, ou explanté de luy: lequel tendon commence premierement à se dilater en icelle articulation de carpus. En apres ce tendon est estendu deffouz tout le cuir de la main extreme interieure, & des doigts. Et appert cōme vn second cuir blanc & exangue: dōnant ceste vtilité, c'est asçauoir de faire que ce cuir interieur soit moins versatile, c'est adire moins muable, en l'attouchement des corps: & qu'il soit glabre, & sans poil, & plus sensible que tout le reste du cuir: pour auoir certaine congnoissance des qualitez tactiles, c'est adire qu'on peult toucher. A cause dequoy aussi aucuns grās nerfz sont produitz de la spinale medulle du col, en toute la main. Car il ha fallu que la main fust organe, ou instrument pour prendre, & aussi pour toucher.

2 Item deux autres, les plus grans de tous, flechissans les doigts, occupēt exactemēt la moyenne region de vlna interieure. Dont le mineur, gisant sus le maieur, est situé au milieu de cubitus, ou vlna: lequel procede tout droit en carpus. Ou il est diuisé en quatre tendons, lesquelz sont implantez au second article des quatre doigts: pour le fleschir seul. Lesquelz tendons, vn peu deuant

qu'ilz soient paruenuz au second article, illec des rechef sont diuisez chacun en deux parties. Et chacune d'icelles deux parties amplifiée enuiron les tendons situez deffouz, lesquelz flechissent le premier & le tiers article, sont enuoloppex: & d'illec donnēt passage à la tierce articulation des doigts. Mais le muscle maieur & le plus profond situé au deffouz du precedent, est caché entre *ulna* & *radius*: lequel est porté semblablement en *carpus*. Et est diuisé en cinq tendons: dont quatre sont implantez au premier, et au tiers article des quatre doigts. Toutesfois ilz ne sont pas cōioints avec le premier article, sinon par vn ligamēt mēbraneux. Mais le cinqiesme tendon, qui est porté par le milieu de *vola*, ou *palma*, comme d'un cer cle, est implanté au second & au tiers article du poulce: ains il est implanté au second, par vn ligament membraneux tant seulemēt. Mais d'autant que la flexion du poulce est bien forte, & que le poulce est equipollent aux autres quatre doigts, il semble que le gros muscle gisant en la palme (dite en Grec *thenar*) ayde à ladite flexion: duquel nous parlerons es muscles de la main extreme. Mais il n'y ha nul muscle appliqué au premier article du poulce, en la partie interne: car en la flexion du poulce deffus les autres doigts qui sont fleschis, le premier article du poulce est totalement oyseux: comme celuy qui ne pourroit ayder à aucune action, s'il estoit fleschi.

2 Item deux seconds en magnitude, c'est adire

moindres, sont situez pres des deux autres aux costez: flechissans tout le carpus. C'est asçauoir, l'un qui est implanté à vne longue apophyse cartilagineuse, du premier os de carpus, iouxte le poulce: par vn tēdō diuisé en deux. Toutesfois ce tendon n'est pas tout cōioint à ceste simphise seule: ains il est amené et produit iusques à metacarpium. Et illec est appliqué au cōmencemēt des os situez au deuāt du doigt moyē, et d'index. L'autre est pres du petit doigt: lequel est implanté par vn simple tēdon, au huitiesme os de carpus: lequel os est cartilagineux. Ces deux muscles sont implantez aux os cartilagineux de carpus, par tendons obliques. Pource qu'avec les muscles extérieurs estendās carpus, ilz mouuēt circulairement la main extreme, en figure prone & supine. Et ces tendōs sont aucunement plus obliques que les extérieurs.

2 Item deux obliques et tous charneux: lesquelz tournent premierement radius, & cōsequemment ensemble toute la main extreme, et aussi vlna, en figure prone. Ces deux muscles sont explātez de cubitus, et nō point de tendons: mais par vne substance charneuse ilz sont implantez en l'os de radius, par plusieurs implātations. Car il ha esté impossible, que ces deux muscles cōmençās en vlna, fussent muez en tenuité nerueuse (c'est adire en tēdon) pour estre implātez en radius: veu que ces os, c'est asçauoir vlna, & radius, sont si pres l'un de l'autre.

Des Muscles extérieurs de vlna
ou cubitus.

Les Muscles extérieurs de cubitus, sont neuf: cōme il s'ensuit,

1 Le premier & le plus grand, est situé en la superficie, souz le cuir: lequel muscle obtient la moyenne region de tout cubitus. Et se diuise au carpus, en distribuant quatre tendons aux trois articles des quatre doigts, pour les estendre luy seul, & non autre. Toutesfois au premier & au second article, iceux tendons sont seulement conioints par vn ligament membraneux.

2 Item deux petis obliques, sont adiacens audit premier muscle, deçà, et delà: lesquelz font abduction des quatre doigts, c'est adire qui les eslongnent loing du poulce, vers le petit doigt. Dont le superieur fait abduction d'index, & de medius, les eslongnant loing du poulce par deux tendons, qu'il enuoye aux trois articles de ces deux doigts: tant à dextre qu'à senestre, extrinsequemmēt. Laquelle chose se doit entendre, quand la main est prone, le muscle inferieur fait abduction du petit doigt, & d'amularis, par deux tendons, qu'ilz enuoye aux trois articles de ces deux doigts à la maniere du superieur. Or ces tendons ne sont pas implantez du tout lateralement: ains plus en hault, iouxte les tendons, qui font l'extension.

2 Item il y ha deux autres muscles du poulce, lateraux & obliques, lesquelz gisent dessus le muscle superieur dessusdit. Quand ces deux muscles

font tendus, ilz estendent le poulce. Mais si l'un d'eulx seulemēt est tendu, il attire à costé l'autre partie du poulce: c'est asçavoir celle qui luy est prochaine. L'un de ces deux muscles est implaté exterieuremēt par son tendon, aux trois articles du poulce: mais au premier & au second article seulement par vn ligamēt membraneux. Et amene le poulce seul vers index, par mouuemēt oblique. A laquelle action ayde vn petit muscle large: toutesfois situé en la partie interne de la main: pour ceste cause. Duquel nous parlerons es muscles de la main extreme.

2 L'autre muscle est coherent & conioint avec le premier, transcendant, ou passant le nœud de radius: lequel est diuisé en deux tendons. Dōt l'un est implanté à la racine du poulce: lequel appert estre diuisé en deux, & aucunesfois en trois: & estend moderement carpus. L'autre tendon est enuoyé, ou implanté extrinsequement en tous les articles du poulce: toutesfois il est cōioint au premier & second, par vn ligament membraneux seulement. Lequel tendon fait abduction du poulce, loing des autres doigts. A laquelle action ayde aussi le grād muscle dit Thenar de la palme. Duquel tantost apres nous parlerons.

2 Item deux qui estendent carpus, c'est asçavoir vn de chacun costé: tout ainsi que de la partie interieure, il y en ha deux qui fleschissent: l'un pres du poulce, gisant sus radius: lequel muscle par-

uient par vn tendon double, iusques à icelle partie de metacarium: laquelle est deuant index & medius. L'autre est implatée iouxte le petit doigt, par vn simple tendon. Ces deux muscles sont implantez en carpus, par tendons obliques: lesquelz ont esté faitz obliques, tant externes que internes fleschissans (qui sont aucunement plus obliques que les externes) à celle fin, que non seulement ilz estendent & fleschissent, mais aussi à fin qu'ilz tournent la main extreme avec carpus, en figure prone & supine.

2 Item deux obliques: lesquelz cōuertissent tout radius, & ensemble toute la main extreme, aussi vlna, en figure supine. Dont l'un est tout charnu sans tēdon: cōme les deux dessusditz internes, qui mouuēt radius en figure prone: lequel est implatée en l'os de radius, par ses parties charneuses. L'autre est le plus long de tous les muscles de vlna: lequel gist sus radius, en hault. Duquel seul, de ces quatre muscles mouuans radius, est explanté vn tendon, bien brief & court, & membraneux iouxte sa fin. Lequel est explanté des parties internes de radius, iouxte carpus.

Des Muscles de la main extreme.

Gal. ibi. **L**es Muscles de la main extreme, sont sept: c'est-à-sçauoir,

2 Deux au poulce: dont l'un est grand & gros, gisant sus la palme dite thenar: lequel fait abdu-

tion du poulce, loing des autres doigts par vn seul tendon, avec vn autre tendon plus fort, ex-planté du cinqiesme muscle exterieur de vlna, et implante au poulce: duquel nous auons deuât fait mention. Ce muscle cy (cōme nous auons dit) ayde aussi à la flexion du poulce. Outreplus avec le septiesme de ces muscles: lequel est peculier & propre au petit doigt, il engendre la palme de la main, dite en Grec thenar, en Latin palma, ou vola. Car ces deux muscles qui sont les plus grās de tous les muscles de la main extreme, sont adioustez, cōme accessseurs & augmentateurs: par lesquelz la partie charneuse de la main extreme, est faite haulte, & la moyenne caue, ou creuse, pour cōtenir les liqueurs. L'autre est moyen entre le poulce et index, en la partie interne. Lequel semble estre double: aussi est il fait pour deux vtilitez, c'e st asçauoir tant à celle fin, que icelle partie de la main extreme fust charnue, pour faire plus grāde cauité: que aussi pour approcher par son tendon, le poulce vers index. Auquel mouuement ayde aussi vn autre tēdon, produit du quart muscle exterieur de vlna: duquel parauant nous auons parlé. Car nature sachant que le poulce auoit besoing de fors mouuemens vers les costez, pour l'approcher, ou pour l'eslongner de index, elle n'ha pas cōmis tels mouuēmēs à ces deux muscles seulement, mais d'auantage ha amené de plus fors tēdons des muscles externes de vlna: lesquels

elle ba implantez au poulce, en la partie externe.
 4 Il y ba autre quatre petis en la palme, propres aux autres quatre doigts:lesquelz ont chacun vn tendon court,implanté aux parties laterales d'vn chacun doigt vers le poulce. Et sont en tous les trois articles des quatre doigts. Lesquelz amenant leſditz quatre doigts vers le poulce. Lequel mouuement d'autant qu'il n'ba pas grand force, & vehemence, auſſi n'auoit il pas beſoing de grās muscles, ne d'eſtre plâé de loing ne d'autre part:ains ba eſté commis ſeulement aux muscles qui ſont en la main extreme.

1 Le ſeptieſme eſt en la partie interieure,iouxtela palme ou thenar,lequel adbere au petit doigt, ayant deux vtilitez:car comme dit eſt, luy & le gros muscle du poulce, ſont la palme. Itē par ſon tendon il abduit & eſlongne le petit doigt loing des autres. Lequel mouuemēt n'eſt pas ſeulement commis à ce muscle:ains auſſi eſt aydé du troiſieſme muscle exterieur de vlna. Duquel nous auons deſſus fait mention Car les abductions ſont plus fortes que les adductions. Galien eſtime ce muscle n'eſtre qu'vn, comme celuy qui eſt entre le poulce, & Index:toutesſois chacun d'eulx appartient eſtre double. Mais il n'y ha pas grand different, ſi tu le fais ſimple, ou double. Pource que la choſe n'eſt pas encores bien accordée entre les Anatomieſtes, touchant la circonſcription du muscle.

Des Muscles qui sont entre les os
de Metacarpium.

O Vtre ces sept muscles, il y en ha six autres petits, qui sont deffouz la palme, entre les os de Metacarpium. Côme au pied entre les os de Pedium: desquelz nous parlerons en temps & en lieu. Les anciens Anatomistes ont du tout ignoré ces six muscles. Aussi ha fait Galien par long espace de temps: mais finablement il les ha trouuez, comme il confesse au premier liure des administrations Anatomiques. De ces muscles, comme il dit au lieu allegué, il y en ha deux, qui paruiennent intrinsequement au premier article de chacun doigt: & touchent desia aux muscles obliques. Parquoy ilz font vne flexion, laquelle n'est pas totalement roide, ne indeclinable, mais inclinant vn peu de costé: à celle fin que vn chacun d'eulx, s'il est tendu, fléchissant le premier article, en inclinant vn peu lateralement. Toutesfois s'ilz sont tous deux tenduz, ilz font vne flexion droite de chacun doigt, sans décliner ne çà, ne là.

Gal. lib.
1. de Anat.
ad-
ministr.

Des Muscles du Bras.

LES Muscles du bras sont quatre obliques, qui se transuersent l'un sus l'autre, à la similitude de ceste lettre Grecque χ . Lesquelz font de deux mouuemens obliques, vn droit.

Gal. lib.
2. de usu
part.

2 Deux interieurs, qui sont en l'interieure region du bras, sont la flexion de vlna: dōt le moindre ha explātation des parties externes du bras, iouxte humerus. Et peu à peu d'illec est conuerti dedans: & s'implante à l'os de vlna. L'autre, qui est plus grand, ha son explātation, ou origine des parties interieures du lieu: lequel incline vers l'espaule, ou humeurs, pres de l'aixelle. Et d'illec est porté par les costez aux parties anterieures du bras: & s'implante en l'os de radius. La situation de ces deux muscles est manifeste, c'est ascauoir semblable à ceste lettre Grecque χ : aussi l'oblique du mouuemēt est manifeste, quand chacun d'eulx fait son action à part. Car quand le plus grand muscle fait son action tout seul, la main extreme touches les regions internes de l'article de humeurs, iouxte l'aixelle. Et quand le moindre muscle fait son action tout seul, la main extreme touche les regions externes, opposites à icelles. Mais quād tous deux ensemble font leurs actiōs, alors se fait la flexion de vlna, ou cubitus.

2 Item deux exterieurs, qui estēdent vlna, opposites correspondēt aux deux autres: car tous deux sont implantēz en vlna. Dont l'un ha ses explantations plus aux internes regions du bras: & s'implante aux internes regions de vlna, pour la plus grand partie. L'autre ha ses explantations aux parties posterieures, & externes du bras: & s'implante aux externes regions de vlna.

Or puisque ainsi est, qu'en vlna y ha sept muscles interieurs, & neuf extérieurs: & en la main extreme, avec ceux qui sont entre les os de metacarpium, treize: & puis quatre au bras: il s'ensuit que le nombre de tous les muscles de toute la main, ou de la grã de main, paruiet à trentetrois muscles.

Des muscles des espaules, dites Omoplates.

Entre les muscles (dit Gal. li. 4. de anat. admini.) Gal. lib. qui sont destinés au mouuemens des espaules, les v. de A- environnans tout à l'entour, aucuns sont peculiars, nat. ad- & propres: les autres sont communs, mesmemēt aux ministr. autres parties. Les muscles peculiars des espaules, sont six principalement.

- 2 Deux sont estenduz par le dos.
- 2 Deux autres à la teste.
- 5 Le cinquiesme ha son origine de la plus proche vertebre.
- 6 Le sixiesme est conioint à l'os Hyöides.

Vn autre est commun à l'articulation des parties dites Humeri, abaissant les espaules.

Oribasius au liure de la dissection des muscles, 7. Mus- décrit selon Gal. sept muscles mouuans les deux es- cles qui paules, en telle maniere. mouët les es- paules.

- 7 Sept muscles mouuent les deux espaules.
- 2 Deux descendans d'occiput, sont inferex aux espaules.

TABLE IIII.

Deux muscles, les premiers de tous, quand la dilatation musculieuse est leuée de l'os d'occiput, chacun s'entretouchans, semblent sortir de part et d'autre, l'un de la dextre, l'autre de la fenestre: desquelz l'origine est gracile & large, selon la ligne transuersale procedante vers les oreilles: non toutesfois paruiuent iusqu'à l'une & l'autre oreille: mais trop plus briefue. Ces deux muscles procedans d'illec, tousiours de plus en plus sont amplifiez: & finissans s'ot inserez aux spines des espaules, iusqu'à ce qu'ilz occupent ensemble quelque particule des iugules en l'un & l'autre acronion. Leur office est d'attirer en hault vers la teste toutes les espaules.

L'autre ordre des muscles est trouué apres l'origine leuée des susditz, qui sont menus & longs: des le commencement ilz sont certes graciles & larges: & tousiours en procedant sont faitz plus ronds: ilz sont autant longs que les premiers, mais trop moins amples. Procedans du mesme os d'occiput, ilz sont inserez au sublime anglet de la base, qui est en l'espaule. Ces muscles eleuāt vers l'occiput la seule base de l'espaule.

3 Le troisieme charnu & non large, procedant de la premiere vertebre, adhere à l'extremité de la spine de l'espaule, & enuiron à la tierce partie du tout d'icelle, laquelle partie la plus eleuée, est proche à la partie dite Acronion. Il mouue l'espaule vers les parties obliques du col.

Le quatrieme estroit & long, naist de l'os environnant le gosier, & est inseré en la partie de la plus haulte coste à l'espaule, ou est le commencement de l'apophyse ancyroïdes. Ce muscle attire l'espaule vers la premiere partie du col.

2 Deux autres sont procedās de la spine du dos.

1 Vn exterieur naissant de toutes les vertebres du metaphrenon, est conioint à l'inferieure partie d'iceluy.

1 L'autre mis souz le predict, mesmement naissent des sept vertebres du metaphrenon & des cinq du col, est inseré en toute la partie cartilagineuse de la base de l'espaule.

L'un & l'autre attire hors l'espaule: mais le premier attire en bas, l'autre en hault vers le col. Or si les deux ensemble sont tēdus, ilz retirent au dos par derriere toute l'espaule vers les sept premieres vertebres du thorax, iouxte lesquelles ilz sont pareillement estendus.

7 Le septieme le plus grand de tous s'eleuāt depuis les costes & les reins iusqu'à l'articulation d'humeurs, & adherant à toute la base de l'espaule & aux caues parties pres la coste la plus petite, il attire toute l'espaule depuis l'inferieure & prochaine partie par ces ligamēs, à costé & vers les parties de deuant.

De la production des veines superficielles en toute la main.

Gal. lib.
3. de a-
nat. ad-
mini. &
cōmen.
lib. 2. de
nat. vict^o
in mor-
bis acut.

DEUX veines sont propagees, c'est adire rami-
ficees ou distribuees en toute la main.

1 L'une plus grāde, sort de la veine caue deuant
qu'elle soit diuisee en veines iugulaires: laquelle
fait son cours par l'aisselle dont elle est appellee
axillaris. Elle apparoiſt interieure en vlna, dōt el-
le est nommee vena interna cubiti. Guidon l'ap-
pelle basilica & iecoraria ou vena hepatis.

2 L'autre monte hors du thorax d'une part &
d'autre, depuis les veines iugulaires exterieures
desia diuariquees, c'est a dire diuisees, avec les-
quelles elle ha sa racine commune. Et fait son
cours par humeurs descendant en l'externe regiō
du bras. Dont elle est nommee humeraria & ex-
terna. Guidon l'appelle Cephalica ou uena capi-
tis. De laquelle comme superieure nous traiterons
premierement.

Gal. lib.
3. de a-
nat. ad-
ministr.

Ceste veine dite Humeraria est manifeste à tout:
mesmement deuant sa diuision, laquelle est situee en
toute la superficie, entre le cuir & les muscles sub-
iects. Apres qu'elle est venue pres de l'article du cubi-
tus, adonc elle monte dessus le muscle long de Ra-
dius. Et là se diuise en trois rameaux: lesquels au-
cunesfois sont totalement egaux; & aucunesfois in-
egaux & plus grans les vns que les autres.

1 Dont l'un se cache dedans au profond.

2 L'autre procede iusques à la flexuosité de l'ar-
ticle.

3 Le troisieme rameau decline peu à peu en l'ex-

l'interieure region de Cubitus. Et illec se distribue en rameaux innumerables.

Ceste veine humerale, & aussi tous les rameaux ^{Gal. lib.} aux propagez d'elle sont sans artere: excepté vn ^{de disse.} seul, lequel ha son origine en l'article de Cubitus: arteria- & s'en va profondement aux parties interieu- ^{rum.} res.

La veine faisant son cours par l'aisselle, laquelle ^{Gal. lib.} est beaucoup plus grande que l'humerale, se diuise ^{de a-} en deux rameaux: vn peu deuant la commissure de ^{nat. ad-} l'article. ^{minist.}

1 Le premier rameau descend obliquement à l'os de Cubitus ou ulna: pour faire son cours par l'espace, lequel est entre le tubercule interieur du bras, & le sinus ou cavitè d'ulna.

2 L'autre ayant son origine de la mesme region comme le premier, descend aucunemēt plus enleuè. Et incontinent se diuise en deux parties, dont la plus basse tēd peu à peu obliquement. Et apres qu'elle ha procedé vn peu plus loing, aucunesfois elle paruiet à la veine laquelle est estendue en Cubitus. Mais souuētesfois deuant que la toucher elle se diuise en plusieurs rameaux.

Le premier rameau dessusdit est superficiel: fai- ^{Gal. libi.} sant son cours obliquement. Et incontinent se conioint avec celle qui procede de l'humerale. Et s'appelle vena communis ou media. Guidon l'appelle Mediana & corporalis. Aucuns l'appellent Nigra.

Gal. ibi. Or tu verras la veine Axillaire, illec ou elle est cōiointe à la partie de l'humérale. Laquelle tu pour suiras iusques au lieu, ou te deduirà vn vaisseau cōposé des deux. Car tu verras sortant en la sommité de Radius plus bas que n'est sa longitude moyenne. En apres elle s'estend par l'extreme region de l'os de Radius, avec deux rameaux quasi egaux : tellement que ces deux vaisseaux representent la tierce lettre des Grecs. γ

1 Car l'un de ces deux vaisseaux fait son cours apres la scissure, droitement vers le poulce: & est porté dessus Radius. Et apres auoir touché à carpus, il estend vn autre ordre de rameaux, en la posterieure region du poulce, & vn autre en la partie qui est entre le poulce & index. Item vn autre en tout index par derriere & par les costez. Et en ceste partie, l'extremité de la petite veine est vnie. Laquelle est diuariquee, & ramifiée de la veine conforme à elle.

2 L'autre vaisseau tend vers le petit doigt, par ceste extremité de cubitus ou vlna, par ou il est implanté en la main. Et quand il passe par l'oblique tubercule de vlna, il enuoye vn petit rameau au derriere du doigt moyen. Incontinent apres il est diuisé en deux parties: dont l'une procede entre le doigt moyen & annularis: laquelle veine aucuns phlebotomēt en la main fenestre, & en laissant fluer le sang iusques à ce qu'il s'arreste de soy mesme. Lesquelz afferment que la ratelle

est aydee par telle euacuation. Pourquoy aucuns l'ont oppelée splenitica. Guidon l'appelle saluatella: mais maintenant les modernes appellent celle de la main senestre splenitica, & celle de la main dextre saluatella.

Après que ceste veine de l'aixelle sera diuisee en rameaux, deuant l'articulation de cubitus ou vlna, celle qui paruiet en la flectuosité ou curuature, contient l'artere subiecte pour quelque espace. Laquelle nous auons obseruee & trouuee es natures mailles & de grans pouls, par l'attouchement qui nous demonstroït aucunement le mouuement d'icelle. Parquoy si tu fais phlebotomie en ceux qui ont toute ceste veine manifestement apparente, il la fault faire bien loing de l'artere. Mais en ceux qui ont seulement la veine manifeste gisant dessus l'artere, & tout le reste occulte & caché, il y fault penser diligemment. Premièrement quand tu estrains le bras, que la prochaine region ne s'eue en notable & grande tumeur. Secondement que tu n'en incises vn autre: car iamais tu n'inciseras ceste veine au lieu qui est enflé: sachant que l'artere subiacete est large & forte. En après quand elle sera fort enflée, tu esleueras & enuironneras la veine gisant dessus, avec ladite artere. Dont il aduient que la veine enleuee en la partie gibbeuse de l'artere soit plus euacuee qu'enleuee: tellement que le rasoir faisant mediocre incision la penetre toute subitement, & ensemble blaisse & naure l'artere subiecte. Parquoy ie conseille la laisser &

Gal. ibi.

prendre quelque autre veine prochaine: principalement d'icelles qui viennent en l'os de cubitus ou ulna.

Mais es maladies qui sont au deffoux des clavicules s'il fault phlebotomer, il y ha plusieurs veines à ce commodés.

Gal. ibi.
Et de
medēdi
rati. per
venæ
sect.

- 1 Premièrement la veine laquelle vient iouxté la flexuosité ou curuature d'ulna, ha le premier & principal lieu du remede.
- 2 Secondement la veine laquelle descend en ulna.
- 3 Tiercement la veine commune.
- 4 Quartement la veine laquelle vient d'humeralia, à la flexuosité d'ulna.
- 5 Et finablement humeralia.

Mais es maladies qui sont dessus les clavicules, c'est au contraire, Car

- 1 Premièrement on phlebotome de la veine dite humeralia.
- 2 Secondement de celle qui vient d'humeralia, en la flexuosité de cubitus.
- 3 Tiercement de la commune.
- 4 Quartement de celle qui procede iouxté les arteres.
- 5 Et finablement de celle qui va en cubitus ou ulna.

Et ainsi il ne reste rien à dire des veines superficielles de tout le bras iusques aux doigts: principalement de celles qui sont en vsage. Quāt est des profondes, ly Galien au lieu allegué. Mainténāt il fault

parler des arteres qui sont situees deffous les veines.

De la production des arteres en toute
la main.

IL n'y ha qu'une artere qui procede en toute la Gal. ibi.
main: laquelle artere est prochaine à la veine qui
passe par l'exaile. Or chacune d'icelles, c'est asca=
voir tant la veine que l'artere, descend du thorax a=
vec la neuvieme coniugation des nerfs de la spinale
medulle, desquelz tantost nous traitterons & illec
entre au bas auquel lieu parvient le tiers nerf. En a=
pres elles enuoient des rameaux notables à tous les
muscles du bras, & descendent à la flexion de l'arti=
cle, par lequel le bras est conioint avec cubitus. En
ce lieu iouxte la flexion, ceste artere est diuisee en
deux avec la veine axillaire: laquelle aussi diuisee en
deux (comme nous auons dit) est produite ensemble
& dispensee ou distribuee en ordre de rameaux en
tous muscles: iusques au commencement des doigts.
Et ainsi quand nous voulons explorer ou enquerir
le pouls, nous touchons la plus haulte & plus enle=
uee artere: laquelle fait son cours à l'os de radius,
aupres de la commissure de carpus.

Item l'artere moyenne entre index, & le pouce Gal. ibi.
ayant son origine de ceste dite artere ha mouuemēt
sensible. Mais il n'est possible d'appercevoir manife=
stement le mouuement de l'artere plus basse: la=
quelle fait sō cours par l'os de cubitus, droit iusques

au petit doigt: sinon que l'hōme soit extenué: toutes-
fois elle fait grande pulsation ou poulx. Car nature
retient les arteres en la profondeur, sans enuoyer ma-
nifestement aucune particule d'icelle au cuir, ainsi
qu'aux veines & nerfs.

Parquoy tu ne trouueras nulle artere aux mains
extremes par dehors, & non sans cause: car aussi il
n'y ha nul muscle. Mais la region interne (pource
qu'elle est enuironnee de beaucoup de muscles) aussi
elle a beaucoup d'arteres estendues en chacun d'i-
ceux muscles. Toutesfois tu verras toutes les arteres
de Carpus estre aucunefois coniointes avec les vei-
nes, apres auoir osté le large tendon. Entre lequel &
ceux qui flechissent les doigts, les arteres sont situées
avec les subtilz nerfs: desquelz maintenant ie feray
mention.

De la production des nerfs en toute la main.

- Gal. lib-
13. & 16.
de vsu
part.
Gal. lib.
3. de a
nat. ad-
minist.
- L**Es nerfs de la main sont produits de la spinale
medulle ou moelle du col & du dos.
- Il y ha au bras cinq nerfs: c'est asçauoir.
- 3 Trois en la partie exterieure au dessouz du
cuir: lesquelz ont leur origine de ceux qui font
leurs cours aux muscles du bras.
 - 1 Dont le premier entre dedans l'os du bras ma-
nifestemēt: illec, ou deux testes de muscles se doi-
uent assembler en vn, iouxte Humerus.
 - 2 L'autre est beaucoup plus bas lequel entre au

noeud interieur & inferieur du bras, là ou le bras est bien plein & non gibbeux. En procedant ces deux nerfs enuoient rameaux en la teste du petit muscle anterieur de cubitus ou vlna: aucune fois de l'un, aucune fois de tous deux. En apres le second nerf departit, & communique au premier seulement vn rameau aussi grand comme appert illec celuy qui reste du premier. Mais celuy qui est composé des deux est esté du iusques à cubitus par le milieu de sa flexion ou curuature.

3 Le troisieme lequel est le plus grand de ceux qui font leurs cours es mains, c'est adire le plus gros, ensuit les deux dessusdits entrant dedās Brachium, quasi aupres du second muscle avec les grans vaisseaux, c'est asçauoir l'artere & la veine, lesquelles paruiennent au bras par l'aisselle, Mais apres que ce nerf est yssu hors de l'os de Brachium par la partie exterieure procedant vn peu au dessus de l'article de cubitus, illec quelque partie de luy paruient au cuir.

4. 5 Item deux autres en la partie interieure: lesquelz apparoissent manifestemēt apres qu'on ha descouuert plusieurs parties du bras. En laquelle partie interieure les trois dessusdits sont implantez vn peu plus bas que n'est le tiers nerf. Dont l'un est dessous le cuir, lequel apparoist le premier de tous sans faire incisiō des muscles du bras. Ce mesme muscle procedant en cubitus, par le milieu de la flexion du bras, enuoye illec incontīnēt

vn raméau fort subtil, adherant à la veine, laquelle est estendue en long, en la superficie du milieu de cubitus, & vn peu apres adhere à l'artere procedente en Carpus, laquelle represente vn poulx euident. Itē il dispense & distribue vne autre propagation fort subtile en la teste ou chef d'un lōg muscle: lequel est propre à Radius. Cōsequēment il enuoye vne autre propagatiō au reste de la veine humerale. Laquelle propagation est fort subtile, faisant son cours par tout le bras en maniere de toile d'araignes. L'autre qui est le cinquieme des nerfs du bras descendans de la spinale medulle, vient par la regiō interne dudit bras, en la maniere des autres. Lequel toutesfois ne communique aucune part ou portion de soy, à quelque particule du bras que ce soit, ou superficielle ou profonde.

Gal. ibi. Le cuir anterieur reçoit de petis nerfs, c'est asçauoir

- 1 Vn de la partie superieure de la premiere origine du second nerf, entre ceux qui sont produits de la spinale medule au bras.
- 2 Mais de la partie inferieure, deuāt l'article de Cubitus vn autre nerf spinal lequel descend seul des le commencement de son origine.
- 3 Il y ha vn autre nerf qui fait son cours entre tout le cuir interieur & posterieur du bras iusques aux extremitēz des scapules, omoplates ou espaules: lequel procede du second intercostal: lequel s'estēd aussi iusques au bras (comme les au-

tres) par l'aisselle: tellement qu'il y ha deux nerfs procedans de la spinale medulle, lesquelz vôt au cuir des mains par propagation de rameaux.

4.5.6.7 Quatre autres nerfs sont disseminez & dispersez profondemēt en tous les muscles de tout le membre, lesquelz enuoyent aucuns rameaux subtilz au cuir.

Par Cubitus descendent deux grans nerfs au mi- Gal.ibi.
lieu des muscles flechissans les doigts, lesquelz gisent en ce milieu, & sont subiacens à Cubitus. Et chacun d'eux enuoye aucuns rameaux. Mais depuis que ces muscles se finissent, entendōs le reste de ces deux nerfs paruient en Carpus, & puis en Metacarpium, & est distribué es corps qui sont illec, & aux intimes & profondes parties des doigts. C'est asçauoir la plus haulte partie aux deux grās doigts & à la moitié de Medius iouxte index. Mais la partie basse est distribuee à l'autre moitié de Medius, & aussi au milieu des autres doigts. Et ainsi le plus hault nerf est fini en ce lieu. Mais le plus bas, & infime enuoye vn rameau assez grand en la partie exterieure de la main: iouxte le commencement de Carpus.

Ce nerf inferieur embrasse toute la moitié de la main extreme: faisant son cours souz le cuir extreme iusques au bout des doigts: c'est asçauoir par tous les petis doigts, & par la moitié de Medius. Car toute la fin du troizieme nerf dessusdit reçoit l'autre moitié de Medius avec le poulce. Gal.ibi.

Gal. lib. 2. de vfu part. & de offibus. ca. 16. 17. 18 & 19.

L Es os de toute la main sont trente : c'est assavoir.

1 Vn en Brachium ou Humerus.

2 Deux en vlna ou cubitus : dont le moindre est appellé Radius . Et le plus grand Vlna ou cubitus : ayant tel nom comme ha tout le membre.

27 Et vingtsept en la main extreme : c'est assavoir huit en carpus, quatre en Metacarpium, & quinze es doigts : outre le neuuiesme os de carpus & les os nommez Sefamoeidea que les Anatomicistes ne content point.

Nous n'en nombrons les espaules entre les os de la main : toutesfois nous en dirons icy.

Des espaules.

Les palerons des espaules.

L Es deux larges os qui de part & d'autre tèdent aux espaules depuis la nuque, noz Latins (dit Celsus cap. 1. lib. 8.) les appellent scoptula operta, les Grecs ὤμοπλάτας, c'est adire larges espaules. Auf si nous les appellons scapulas & spathulas vulgairement les palerons. Iceux colloques derriere. Le thorax sont couples par le moyen des muscles avec l'os d'occiput, avec la spine & costes du thorax, & avec l'os qui est situé deuant le gosier.

Les espaules ont deux apophyses & productiōs.

1 L'antérieure estroicte & petite est appellée ancuroeides pour la similitude d'une ancre, ou

coracoïdes, pour la similitude du bec du corbeau

2 La superieure est dite acromion: GAZA tourne le hault de l'espaule: aucuns l'appellent cataclada, & disent que c'est le troisieme os de l'espaule qui seulement est trouué aux hommes.

En icelle partie est submise vne autre apophyse, Gal. de qui est dite le col de l'espaule, & iceluy mesme à son off. & li. extremité se finissent en cavité, est lié avec le hault 13. de v- de l'espaule. fu part.

De l'os de Brachium ou Humerus que
Guidon appelle os Adiutorij.

LE plus grād de tous les os, c'est l'os d'Humerus.

L'ou Brachium (excepté l'os de la cuisse: en Latin Gal. lib. Femur) lequel os du bras est lié en hault & en bas. 2. de v- Sa partie superieure ha vne teste biē grande: laquelle fu part. le est cōiointe & adnascente à vn petit col. En icelle & cap. 16. de of- teste iouxte la partie anterieure, il y ha vn Sinus ou fibus. cavité semblable à vne scissure ou fente assez ouuerte: lequel sinus diuise toute ceste teste, quasi cōme en deux tubercules. La partie inferieure du bras se finit en deux tubercules ou petis chefs inegaux: dōt Radi⁹ par sa cavité oculaire enuironne celuy qui est situé extrinsequemēt: mais avec l'autre lequel est prominent & inclinē en la partie interne de la main, totalement il n'y ha nul os qui y soit cōioint: ains appert nud & sans chair à ceux qui le voyēt & le touchēt: pour ceste cause il se mōstre beaucoup plus grād que le tubercule exterieur. Nature ha cree la teste inter-

ne de Brachium pour la tutelle & deffense des veines & arteres & nerfs. Laquelle aussi luy ha annexé & adioint les chefs des muscles internes d'ulna: lesquels muscles sont situez selon rectitude. Au milieu de ces chefs il y ha quelque Sinus ou cavité petite & ronde, semblable aux orbitez ou rotonditez cōcaues des roues: à l'environ duquel Sinus les apophyses agues de ulna (appellées en Grec *Corwne*) sont meües. Mais là ou la cavité ou Sinus se finit, il y ha d'auantage deux cauites d'un costé & d'autre: dont l'antérieure est moindre que la postérieure. Hippocrates appelle ces deux cauites *vathmides*: dedās lesquelles entrent lesdites apophyses agues d'ulna: quād nous estendons & flechissons toute la main avec ulna. Lesquelles cauites sont le terme & fin d'extreme extension & flexion: dont l'antérieure reçoit l'antérieure *corwne* d'ulna en la flexion: & la postérieure reçoit la postérieure en l'extension. Toutes les autres parties du bras, rondes & nō pas droites ny semblables du tout, sont gibbeuses en la partie antérieure & extérieure: à cause de seureté. Mais en la partie postérieure & intérieure, elles sont caues, à cause d'apprehensiō, c'est adire pour mieux prendre.

Des os de Cubitus ou ulna.

IL y ha deux os en Cubitus ou ulna (en prenant le nom de Cubitus largement) pour toute la partie qui est entre l'article de Cubitus, & de Carpus. Car il est aucunes fois prins spécialement (cōme dit est) pour le plus grand os de ceste mesme partie.

1 L'un est supérieur plus court & oblique: appelé en Grec *Cercis*, en Latin *Radius*: Guidon l'appelle le moindre *focile*. Duquel l'extreme partie supérieure estant un peu caue, reçoit le *Tubercule* extérieur du bras, & ha colligance avec luy. L'office & utilité de ceste colligance ou cōnexiō est de tourner toute la main en figure prone & supine. Et pourtant *Radius* ha esté fait oblique. Sa partie inférieure correspoḍ, c'est adire qu'elle est située au droit du poulce, tout ainsi que la partie inférieure d'*ulna* correspond au petit d'oigt. Et illec iouxte les parties de *Carpus*, chacū des deux ha vne appendice ou addition, laquelle est concave intérieurement & gibbeuse extérieurement. En ceste cavité *Carpus* s'insinue & ha sa colligance: par laquelle colligance & connexion: l'article de *Carpus* & la main extreme est estendue & flechie. Mais ce qui est entre *Radius* & *ulna* est du tout séparé, pource qu'il y falloit mettre des muscles.

2 Le secōd est inférieur, plus long & droit: les Grecs le nōment *pechys*, les Latins *cubitus* ou *ulna*: Guidō l'appelle le pl^r grād *focile*. Duquel l'extreme partie supérieure ha deux apophyses agues dites en Grec *coronæ* ou *corona*, pource quelles sont rōdes. L'apophyse ou corone antérieure est la moindre: l'autre est la plus grāde, laquelle les Atheniēs appellēt *olecranō*, c'est adire le tubercule de *cubitus*. Hippocrates l'appelle *Ancōn*, c'est

adire Cubitus, en François le coude. Le Sinus ou cavitè d'ulna sèblable à ceste lettre Grecque σ, est cōprise par ces deux apophyses: dedàs lequel Sinus l'orbitè ou rotonditè de Brachium est implantee. L'office & vtilitè de ceste articulation est d'estèdre & de flechir toute vlna, & par elle toute la main: pour ceste cause vlna ha esté faite droite. Item la partie inferieure de Cubitus correspond au petit doigt. En laquelle partie Cubitus ha vne apophyse d'abondance qu'on appelle Processus styloides, à la similitude d'une colonne: laquelle apophyse ha colligance avec Carpus. L'office de ceste colligance ou connexiō est de mener ou de mouuoir Carpus obliquement.

Des os de Carpus, en Latin Brachiale.

Gal. lib.
2. de vsu
part. &
cap. 18.
de ossi-
bus.

I L y ha huit os en Carpus lesquelz sont liez & serrez tous ensemble par ligamens nerueux & cartilagineux: par synarthrosis, c'est adire par vne iointure ou articulation d'os, lesquelz n'ont ny fort, ny manifeste mouuement. Tous ces huit os de Carpus sont durs & bien petis, & sans moelle. Item ilz sont vn peu gibbeux en la superficie exterieure & caues ou sinueux intrinsequement. Aussi ilz sont distincts, & diuisez en deux ordres.

I Le premier ordre qui est la superieure partie de Carpus, est articulé avec vlna. Et est cōposèe de trois os, qui sont quasi en figure rōde, cōnexez

et liéz avec Cubitus et Radius, et Processus styloides. Le premier os, qui regarde le petit doigt, reçoit Processus styloides de Cubitus, en une petite cavité, ou Sinus. Le second os, qui est au milieu des trois, est situé là, ou Cubitus et Radius sont conioints ensemble. Le troisieme os, qui est parti en deux, est compris par Radius.

2 Le second ordre, qui est la partie inferieure de Carpus, est composé de quatre os, moins serrez que les dessusditz: par lesquels quatre os, il est lié et connexé avec Metacarpium.

Le huitiesme os de Carpus est cartilagineux et assez long: lequel est porté par les parties interieures de Carpus: esquelles il est articulé audit Processus styloides de Vlna vers le petit doigt.

Item iouxte le poulce, est le neufiesme os de Carpus, petit et cartilagineux: lequel n'est point conté des Anatomistes, non plus que les os appellez Sesamoides, à l'espece et similitude d'un petit legume, nommé Sesamum. Lesquelz os nature ha mis (comme d'abondant) en plusieurs articles des piedz, et des mains: à cause de seureté.

Des os de Metacarpium, en Latin Postbrachiale.

Metacarpium est composé de quatre os, distans l'un de l'autre selon Galien: iacoit que Celsus et Guidon, et plusieurs autres en ayent mis cinq.

Gal. lib.
2. de v.
su part.
& ca. 19.
de ossi.

TABLE IIII.

Laquelle chose n'est pas vraye. Ces quatre os de metacarpium, entre les doigts & Carpus, accomplissent la palme: & ont colligance avec carpus, par synarthrosis: mais ilz ont colligance avec le premier ordre des doigts par diarthrosis, c'est adire par vne iointure d'os, dont le mouuement est euident. Ceux qui attribuent le troisieme os du poulce, à metacarpium, ilz affermēt que metacarpium est composé de cinq oz, & les doigts de quatorze.

Des Os des Doigts.

Gal.lib.
1. de vsu
part. &
cap. 19.
l. b. de
offib.

LEs cinq doigts sont composez de quinze oz, en Latin internodia, c'est asçauoir chacun de trois oz: dont le premier entre dedans la cauité du subsequent. Car aussi le poulce est composé de trois oz, contre l'opinion de Celsus, Guidon, & plusieurs autres. Et son premier os est articulé en Carpus: mais le premier os des autres quatre doigts, est articulé en metacarpium. Et ne doit pas estre conté, avec les oz de metacarpium: ains est propre aux os du poulce, d'autant qu'il est lié, & connexé de chacune part, par diarthrosis: laquelle chose aduiert aux premiers oz des doigts, & non pas de Carpus.

Des petis os Sefamoeides, de la main.

les os se
famou-
dea.

LEs petis os que les Grecs appellent Sefamoeides, les Latins Sefamina, pource que par leur figure

ilz sont semblables à la semence de sesamun, vn peu large & longue : nature les ha mis à l'entour comme quelque augmentation abondante à plusieurs articulations des mains & des piedz, pour cause de securité: sçauoir est, à fin qu'ilz emplissent & restreignent les articulations, & connexions, de peur qu'ilz ne fussent subietz à luxation. Gal. lib. 1. de usu part.

Aux quatre doigts de la main, les os sont intérieurement aux articulations, deux aux premières: & à chacune des autres articulations, chacun oz est couché souz les tendons, conioint par ligamens. A la première articulation du poulce, il n'y ha aucun oz dessous: A la seconde ilz sont deux: vn oz soustient, & munit par dedans la dernière articulation.

Lesquelz oz tous comprins, sont 19. Et certes les plus grans oz affermissent les plus grans articles, et les os plus petis affermissent les plus petis. Outre ces oz, à chacun des preditz articles des doigts, vn oz souuent est par dehors submis, & conioint aux tendons: et deux sont au second article du poulce: sçauoir est, vn souz chacun tendon: & ceux cy sont les moindres, & les plus cartilagineux, principalement aux enfans, & ieunes gens. Car à ceux qui sont plus aagez, ilz sont plus durs, & osseux. Doncques les oz Sesamoidea sont en la main 19. les externes non contés, comme monsieur Syluius, le premier de tous, l'ha diligemment obserué.

C'est assez dit des mains: reste à parler des iambes.

Des Iambes.

Gal. lib.
3. de usu
part. &
de ossib.
cap. 21.
22. 24. 25
& lib. 3.
de anat.
admini-
stra.

Celsus
cap. 1.
lib. 8.

Tout ce, qui est depuis l'article de la hanche Ischion, iusques aux extremitex des doigts, est appelé en Grec scelos, en Latin crus, en François toute la iambe. Laquelle ha trois grâdes parties correspondantes aux trois parties de toute la main. c'est assavoir,

1 La cuisse, en Latin femur, ou crus aucunesfois, en Grec meros, c'est tout le membre qui est entre Ischion & le genoil: lequel est correspondant au bras. Sa iointure en l'os de tibia est appelée en Grec gony, en Latin genu, le genoil. Sa partie postérieure est appelée en Grec ignya, & ignys, ou ancyle, en Latin poples, c'est le iaret.

2 Itē tibia, en Grec cneme, Celsus l'appelle crus, c'est toute ceste par tie, qui est située entre talus & genu, correspondante à tout cubitus. Aussi le plus grand os d'icelle mesme partie, est appelé tibia, comme en cubitus, ou vlna. La partie anterieure de tibia, subtile & sans chair, est appelée en Grec anticnemion, en Latin crea, en François la greue, ou le gresle de la iambe. Et la partie postérieure, est appelée en Grec Gastrocnemia, en Latin sura, en François le ventre, ou le gras, & le mol de la iambe.

3 Item le pied, en Grec pous, en Latin pes simplement, au contraire de la main, c'est la partie extreme de toute la iambe, depuis talus ou astragalus, diuisée en doigts. Laquelle de rechef ha

trois parties, correspondantes aux trois parties de la main extreme. La premiere est appellée tarsos en Grec, en Arabe rasceta, c'est la premiere partie du pied, correspondente à carpus. La seconde partie est appellée pedion en Grec, en Latin planum, ou planta, ou pecten: laquelle correspond à metacarpium. C'est la partie située entre tarsus & les doigts: laquelle est ainsi nommée, pource qu'elle est pleine, et qu'elle touche à terre. La tierce partie, ce sont les cinq doigts, fort semblables aux doigts de la main: toutesfois ilz sont tous constituez d'un ordre. Car le poulce n'est point opposé aux autres doigts, comme en la main: de peur de gaster la fermeté du pied. Car le pied de l'homme est fait à cause de fermeté ou stabilité, & aussi à cause d'apprehension. Pource que s'il eust esté petit, rond, dur, & du tout uni & polli, comme le pied d'un cheual, l'apprehension eust esté du tout gastée. Parquoy Nature l'a créé tel, c'est assavoir, long, large, mol, & fendu en plusieurs parties, & caue en la partie interne: & gibbeux en la partie externe: pour eslire toutes les deux commoditez, ou vtilitez, c'est assavoir de stabilité, & d'apprehension: & aussi pour euitier tout nocument.

La iambe humaine, en Grec scelos antropion, c'est l'instrument pour cheminer, & aussi pour prendre: par lequel l'homme peult cheminer, courir, prendre, demoure debout, & seul se soir. Or cheminer,

Gal. li. 3
& 15. de
vsupart,

TABLE IIII.

ou courir, se fait, quand l'un des piedz est ferme en terre, & l'autre est porté circulairement. Mais estre ferme, c'est l'action du pied: & estre porté circulairement, c'est l'action de toute la iambe. Item le pied est diuisé & fendu en plusieurs parties: & est caué au milieu, pour aller par tous lieux. Car par sa partie caue & moyenne, il prend toutes choses gibbeuses: comme fait la main. Et vse de ses doigts en lieux droits & obliques, & declines, & rompus, comme es rochers. Station, c'est adire, quand on se tient debout, est faite: quand toutes les deux iambes sont fermes en terre, & semblablement tendues. Item entre tous animaux l'õme seul est droit: car à luy seul, & non autre, la spine est selon la rectitude des iambes. Et si ainsi est qu'elle soit droite, aussi est tout le corps. Car la spine du corps humain, est comme le dos d'une nauire, en Latin Carina: & en icelle les iãbes des bestes à quatre piedz, & des oiseaux, font un angle droit: mais aux hommes seulement elles sont estendues par une ligne droite. Doncq' les iambes des bestes à quatre piedz, & des oiseaux, quand ilz cheminent, ont telle figure avec la spine, comme ont les iambes des hommes, quand ilz sont assis. Et pour ceste cause nulle beste n'est iamais en droite station: ains toutes les bestes sont prones: & l'homme seul est en station droite. Il est aussi manifeste, que les bestes ne se peuuent seoir: ce que fait l'homme. Iacoit qu'elles se tiennēt appuyees sus les ischies ou hanches. Pource que quand on est assis, il fault

que les iambes, qui sont coniointes aux ischies, soient ployées en arriere, en l'articulation de femur, avec tibia. Car quand nous sommes assis, la spine avec femur, fait vn angle droit. Derechef, si femur avec tibia ne faisoit vn autre angle droit, tibia ne seroit pas droite ver la terre: & pour ceste cause l'on ne se pourroit seoir pas fermement. Si donq' quand telz membres sont flechiz, ou ployez au genoil (lesquelz sont conioints aux ischies) il aduient, que l'animant soit assis, il est manifeste que cela ne peut aduenir à aucune beste. Car toutes bestes ont les iambes de derriere ployées au deuant.

Des differences des mouuemens de toute la iambe.

Les mouuemens de l'article d'ischion & de Femur sont:

Gal. lib.
15. de v.
su part.

1 Extension qui est faite, quand on met la cuisse droite en terre, ell'a sa grande extension, & dernier point, quand nous sommes droits: pourtant nature ha mis en ceste partie de forts et grās muscles pour seruir en ceste action

2 Flexion qui est faite, quand on eleue la cuisse vers l'aine, laquelle action, entendu qu'elle est moindre, aussi ell'a moindres muscles en nombre, & magnitude.

3 Aux costes quand on serre les cuisses: ou quand on les ouure: ou quād on les mouue circulairement: lesquelles actions, pource qu'elles sont les moindres, aussi elles ont moindres muscles.

TABLE IIII.

Gal. lib. 3. de vfu part. L'articulation de tibia, & du genoil, ha quatre mouuemens,

- { 2 Deux droitz, c'est assauoir extension, & flexion.
- { 2 Et de deux obliques: par lesquelz la iambe est meüe lateralement.

En tibia il y ha treize chefx de tendons: c'est assauoir,

- { 6 Six derriere.
- { 7 Et sept deuant.

Lesquelz mouuent le pied: selon tous mouuemens, qui luy conuiennent.

Gal. lib. 3. de vfu part. Or il y ha quatre mouuemens, qui conuiennent à tout le pied extreme (sans les doigts) comme à carpus: c'est assauoir,

- { 1 Extension.
- { 2 Flexion.
- { 3 Circonduction à dextre.
- { 4 Et à senestre.

Car l'articulation superieure de talus, ou astragalus, avec l'os de tibia & de fibula, fait l'extension, & la flexion du pied: lesquelz mouuemens se font au pied, en maniere contraire à carpus. Mais l'articulation du chef de astragalus (laquelle est à l'os nauiforme) fait la circonduction aux costez. Il y ha quatre muscles ordonnez, pour ces quatre mouuemens, lesquelz sont du tout correspondans aux quatre muscles mouuans carpus.

Gal. lib. 3. de vfu part. En chacun des doigts du pied (cōme de la main)

Il y ha quatre mouuemens: c'est assçauoir,

- { 1 Extension.
- { 1 Flexion.
- { 2 Et deux mouuemens obliques.

Parquoy nature ha gardé quatre lieux d'implantation aux tendons, comme en la main. Or veu, quil n'y ha que vingt et huit articles des doigts des deux piedz (car le poulce n'en ha que deux, comme il n'a que deux oz) (aussi il n'y ha que cent & douze implantations de tendons. Toutesfois les tendons des piedz flechissans, ou estendans, ne sont pas si grans, cōme les tendons des mains. Car il ne falloit pas que le pied fust instrument autant apprehensif, c'est à dire autant idoine à prendre comme est la main. Parquoy, non seulement les doigts, mais aussi les tendons des piedz & des mains, ont magnitude contraire. Car d'autant que le pied est plus grand que la main, d'autant les doigts & tendons du pied, sont plus petis que ceux de la main. Pource que la principale action des mains consiste es doigts, d'autant qu'ilz sont instrumens, pour prendre. Mais il ha esté plus vtile, que les piedz fussent beaucoup plus grans que les mains: & toutesfois qu'ilz eussent de plus petis doigts & tendons: pource qu'ilz sont faits, non seulement pour apprehension, mais aussi pour seure firmation, & pour porter tout le corps. Ce n'ha pas donc esté chose iuste, que quatre genres de tendons mouuans les doigts, fussent produitz des muscles de tibia: ainsi comme (en la main) des mus-

cles de vlna, mais deux seulement: c'est asçauoir,

- 1 L'un pour faire l'extēſion des quatre doigts.
- 2 Et l'autre, pour faire la flexiō du premier, & du troiſieſme article des ſuſditz quatre doigts.

Car le pouce du pied (comme nous auons dit) ha ſeulement deux articles.

Il y ha quatre autres genres de tendons, qui ſont produis des muſcles du pied extreme: c'est asçauoir,

- 1 Les vns pour faire l'adductiō.
- 2 Les autres pour faire l'abductiō.
- 3 Les autres pour faire la flexion du ſecond article des quatre doigts.

Car en chacun article, il y ha quatre mouuemens, & cinq principes d'iceux mouuemens, comme en la main: toutesſois ilz ne procedent pas tous des lieux ſemblables, & correſpondans en proportion. Maintenant il fault parler des muſcles, veines, arteres, nerfz, & os de toute la iambe: en tel ordre, cōme de la main. Laquelle choſe parfaite, nous viendrons à la fin de noſtre œuvre. Commençons donq' premierement aux muſcles d'Iſchion: d'autant qu'ilz doiuent eſtre incifez les premiers.

Des muſcles d'Iſchion, ou de la hanche.

Cinq muſcles d'Iſchion, qui eſtendent.

- 1 Le premier des parties poſterieures couure tout l'article de proportion reſpondāt au muſcle, qui eſt en la groſſeur de l'eſpaule. Ce muſcle eſtēd la cuiſſe ou femur, par deux implātations, la ren-

dant totalement droite, quãd il opere de chascune implantation: mais quand vne implātation opere seulement, il la desteurte vn peu vers le costé.

2 Le second receuant l'article, naist de l'oz des flancs, depuis toutes les parties externes. Il est inseré en la plus haulte partie de la grãde apophyse dite trochāter, vn peu aussi depuis la partie anterieure. Ce muscle estend, ensemble aussi attire dedans quelque peu le chef, ou teste, de femur.

3 Le troisiésme naissant des externes, & inferieures parties de l'oz des flancs, est inseré aux premieres parties du grand trochanter, & derechef il est enueloppé aux parties anterieures.

4 Le quatriésme naissant de l'oz large, est à toutes les posterieures parties, iusqu'à la sommité au grand trochanter.

Ces deux, sçauoir est troisiésme & quatriésme, estendent bien peu, mais vn peu d'auantage ilz font tordre. Car l'vn & l'autre tend vn peu en hault, mais l'vn fait tordre circulairement la cuisse dehors, l'autre tend vn peu plus dedans, qu'il ne tend en hault: mais trop moins que les muscles, qui font ceste action, lesquelz i'exposeray les derniers.

5 Le cinquiesme le plus grand de tous les muscles, qui sont au corps, par les internes & posterieures parties, tient à l'entour de tout l'os de la cuisse iusqu'au genoil.

Les fibres posterieures de ce muscle, qui procedent de l'ischion, affermissent la cuisse, estendans

l'articulation. Les fibres principalement sont cecy, lesquelles naissent de l'os pubis par les parties inferieures, avec quelque petit mouvement fait dedans. Les fibres plus haultes que celles cy, attirent la cuisse dedans, comme celles qui sont les plus hautes de toutes, elles attirent deuant, & aussi en hault.

Gal. lib.
15. de v.
su part.

Les muscles qui mouuent l'articulation de la hanche ou Ischion, & aussi la cuisse, sont vnze,

4 Quatre, opposites aux cinq muscles predictz, inferieurs en nombre & magnitude, flechissent l'articulation.

1 Celuy d'en hault est droit, & par vn tendon assemblé de double naissance, est inseré en la sommité du petit trochanter.

2 L'autre qui descend mesmement au petit trochanter avec le predict, est inseré plus bas.

3 Le troisieme naissant des anterieures parties de l'os pubis, cōme quelque partie du tresgrand, obliquemēt est estendu à l'entour de tout le col de la hāche iusqu' au genoil, se finissant en la teste externe d'iceluy: il fait detordre la cuisse au dehors, cōme fait l'interne partie du tresgrand muscle.

4 Le quatriesme est à l'articulation qui est au genoil par vne aponeurose & tenuité nerueuse, qui entre souz la palette, ou rotule du genoil.

Toutesfois par accident il flechit la cuisse. Pourtant il n'est fait principalement pour cause de la hanche, ou Ischion. Il fait certes grande tension en

hault & flexion, toutesfois trop plus petite que le premier predict. Car le premier des predictz de ceux qui flechissent, naissent des reins, & des parties internes de l'os des flancs, viēt iusqu' au petit trochanter: mais cestui-cy, qui estend l'articulation du genoil (pour cause duquel il est fait) entēdu qu'il naist de la dextre spine de l'os des flācs, pource s'estendant soy mesme, non seulement de sa nature, il tire en hault la partie de la iambe dite tibia, mais aussi il flechit la cuisse, dite Femur.

2 Autres deux muscles sōt, qui mouuēt la cuisse.

1 Vn naissant des internes parties de l'os pubis.

2 L'autre des externes.

Les deux entortillées autour d'Ischion s'assemblent, s'implantans à vne concavité par les tendons robustes, situées aux posterieures parties de femur, principalement vers la premiere naissance du grand trochanter. Ceux cy seulz de tous les predictz, font tendre circulairement la cuisse, quand l'un & l'autre attire vers soy.

Entre les muscles estendans & flechissans, aucuns sont, qui mouuent aussi vers les costez. Car nature ha fait plusieurs mouuemēts mixtionnez, à fin que par peu d'instrumens elle fist plusieurs actions aux animaux.

Des Muscles de Femur.

LES Muscles de Femur, c'est adire de la cuisse, Gal. lib. 3. de vsu part.
sont neuf: lesquels descendent à la teste, ou chef

de tibia, apres auoir passé l'articulation du genoil, c'est asçauoir.

1. 2. 3 Trois en la partie de deuant de femur, les plus grans de tous les muscles, qui sont en ce lieu: lesquelz paruiennent droit au genoil. Dont l'un est implanté aux charneuses apprehensions de la palette du genoil, dite molla, ou patella. Et les autres engendrent un grand tendon: lequel dilaté, s'implante desia à toute la palette, la serrant & estraingnant du tout, & la conioingnant aux parties subiettes du genoil. Et apres quand ce tendon ha passé l'article, il est implanté aux parties anterieures de tibia: l'esleuant en hault, s'il est tendu, & estendât toute l'articulation du genoil. Ces trois muscles, qui font l'extēsiōn, sont plus fors & plus grans en dignité, que les autres trois, qui font la flexion. Laquelle chose est tout au contraire en la main: comme dit est.

4. 5 Les deux autres sont, l'un desà, & l'autre delà, iouxte les trois dessusditz: c'est asçauoir l'un exterieur, & l'autre interieur. Lesquelz sont implantez aux parties laterales de tibia: pour faire le mouuement oblique de tibia, & par icelle de la iambe. Dont l'interieur amene la iambe dedans: ayant son origine, ou explantation, en la commissure des os pubis. Mais l'exterieur meine la iambe dehors: ayant son explantation des parties exterieures d'ischion. Ces deux muscles (à cause de leur situation oblique) sont pour bien

mouuoir la iambe obliquement.

6. 7. 8 Les trois autres sont situez par ordre en la partie de derriere de femur: en l'espace qui est entre ces deux obliques. Lesquelz trois muscles mouuent le genoil, par petis mouuemens, & ne sont pas si robustes comme les trois de deuant. Et aussi ne s'assemblent pas tous en vn tendon. Dont l'un est contenu avec l'interieur dessusdit: lequel fleschit le genoil, & amene tibia aux parties interieures. L'autre qui touche le muscle exterieur, amene tibia dehors, en la fleschissant. Le tiers, qui est au milieu de tous, en la partie postérieure, est implanté en la teste interne de femur: iouxte le genoil. Lequel fleschit tout femur, & avec luy attire tibia. Ce muscle gist sus les parties, qui sont depuis l'articulation du genoil, iusques à l'autre grand muscle de tibia: avec lequel il retire aussi toute tibia.

9 Le neufiesme des muscles mouuans l'articulation du genoil, est estroit & long, naissant de l'os Ilium, Lequel muscle esleue en hault tibia: & constitue toute la iambe, principalement en ceste figure: en laquelle nous esleuons le pied en hault, iusques à l'aine de l'autre, quand nous broyons, & conculcons, ou foulons quelque chose des piedz.

Outre tous les muscles dessusditz, il y a vn petit muscle du iarret, qui ploye, ou fleschit le genoil.

Gal. ibi.

Des Muscles de Sura, qui est le gras
de la iambe.

Gal. lib.
3. de vsu
part.

EN Sura il y ha six muscles: & non pas cinq tant
seulement, comme il ha semblé aux anciens ana-
tomistes, qui ont estimé les deux derniers n'estre
qu'un: pource qu'en plusieurs parties ilz sont coa-
lesceez, & vnis ensemble.

I. 2. 3 Les trois premiers mouuent calcaneum,
par vn seul tendon: & d'une grande part & por-
tion dudit tēdon, ilz cōstituent la partie du pied,
laquelle est sans poilz, & non muable, ou ver-
satile. De ces trois muscles naist vn seul tendon
manifeste: lequel est fort robuste, & le plus grād
de tous. Et s'implante en calcaneū, qui est le plus
grād, & le plus fort de tous les os du pied. Ce ten-
don attirant à soy ledit calcaneum, tient tout le
pied si ferme, que si tu veux q̄lquesfois demourer
debout sus vn pied, en esleuāt l'autre, tu ne tom-
beras point: iacoit encores, qu'aucuns des autres
tēdons mouuās le pied fust bleśé, tant il ha grāde
vertu, & equipollēte à tous les autres tēdons. Et
si quelquefois luy seul est bleśé, il est necessaire,
que le pied cloche. Or il est produit de trois grans
muscles (laquelle chose aduient à luy seul, & nō
à autre) à celle fin (si l'un d'eulx est quelquefois
bleśé, ou tous deux) q̄ celui, ou ceux, qui reste-
rōt sains & entiers, seruent. Item ce tēdon deuoit
estre tel, d'autant qu'il est implāté au premier, et

principal instrument d'ambulation ou de cheminer: c'est assçauoir en calcaneum. Et qu'il cõioint calcaneum avec tibia, luy seul. Ce tendon correspond, & est proportionné totalement en situation & en actiõ au tendon qui est implanté dedãs la main, au huitieme os de carpus deuant le petit doigt. Or tous les anatomistes anciens ont estimé que les trois muscles de Sura, sont implantez au calcaneum, par cedit tendõ: mais il n'est pas ainsi: Car vne grande part & portion de l'un de ces trois tendons, apres auoir passé outre calcaneũ. est implantee à toute la partie inferieure du pied, ainsi que nous auons dit du cuir de la palme. Lequel possible mieux vaudra estimer estre, nõ pas part & portiõ du troisieme muscle: mais plustost vn quart muscle à part. Ceste chose aussi ha esté incongneue aux anciens: c'est assçauoir que des muscles qui doiuent estre implantez en calcaneũ, cestuy cy qui est produit ou explanté de l'os de fibula, s'implāte plus profondemēt: lequel est quasi du tout charnu iusques au calcaneum. Les deux autres depuis les chefs ou tēstes de femur iusques au genoil, sont terminez en vn tendon fort & robuste, & sont consequemment implantez avec le muscle dessusdit, à la sommité de calcaneum. Mais le cuir de la plante. du pied (lequel cuir est de nature moyenne entre mol & dur) adhère exactement à toutes les particules subietes ou subiacentes: à fin qu'il ne se tourne facilement ne ça,

ne là, ainsi que dit dessus ha esté dit en la main. Au quel cuir est disseminée & dispersée toute la germination du tēdon, lequel est au calcaneum, à fin aussi qu'il ne soit facilement tourné çà & là, & d'ailleurs qu'il participe de beaucoup de sentiment ce qu'il ha des nerfs. Car les petites germinations de nerfs de la spinale medulle des lombes, sont distribuez en la profondeur du pied, laquelle est dessous le cuir. Mais les nerfs de la main sont beaucoup plus grans que ceux du pied: pource que la main ha plus grand besoing de sentiment exacte & agu, que n'ha le pied: veu que non seulement elle est organe ou instrument d'apprehension: mais aussi d'attouchement. Mais le pied, d'autant qu'il ne deuoit pas estre instrumēt de l'attouchement, comme à tout le corps, ains de cheminer seulement autant qu'il requeroit de sentiment, autant en ha il eu, à fin qu'il ne fust blessé pour petite occasion.

4.5.6 Trois autres tendons adherās souz iceux, fleschissent les doigts par leurs tēdons impliquez & meslez ensemble: à cause de seureté. Et font vn mouuement au pied cōuenant à celui que fait en la main le tendon implanté deuant le poulce: comme nous auons demonstté: desquels muscles
 1 L'un est diuisé en cinq tendons, dōt quatre fleschissent le premier, & le tiers article des doigts, & le cinquieme tendon fleschit les deux articles du poulce.

2 Item deux autres, dont l'un est implanté au petit doigt, & l'autre est implanté en bas en ce lieu qui est entre le pouce. Et chacun par vn tendon. Lesquelz deux muscles font l'extension du pied, avec ce tendon robuste, lequel (comme nous auõs dit) est implanté au calcaneum. Mais quand vn d'eux fait son action, les mouuemens obliques se font tout ainsi comme en carpus. Car ces tendons correspondent en proportion à ceux qui fleschissent carpus en la main, cõme dit est. Mais il fault icy entendre l'extension & la flexion du pied, estre faite tout au contraire qu'en carpus. Toutesfois en quelque maniere que tu le prennes il n'y ha pas grand different.

Des muscles anterieurs de Tibia.

EN la partie anterieure de Tibia, il y ha sept muscles: ou (si tu veux) trois: c'est asçauoir. Gal. ibi.

1.2 Deux qui esleuent & suspendent & rendēt le pied caue silz sont tendus d'une part & d'autre: tout ainsi que ceux de la main qui leur sont correspondans, estendent carpus. Mais quād l'un fait son action, alors sont faits mouuemens obliques: tout ainsi comme par ceux qui sont en carpus. Le premier est fort robuste: lequel est tendu dessus l'os de tibia pour faire le mouuement interieur du pied oblique. Ce muscle est explanté des parties du pied, iouxte le pouce au costé iterieur: ayāt deux tēdõs, dõt l'un va en l'os nauiforme, & l'autre au petit os de tarsus au deuant du pouce.

Et d'illec deux germinatiōs paruiennent iusques au poulce , auquel elles sont implantees, pour eslongner le poulce bien loing des autres doigts. L'autre est moindre, lequel est tendu tout à l'entour de l'os de fibula pour faire le mouuement externe oblique. il est implanté par vn seul tendon, es parties qui sont deuant le petit doigt en la partie externe du plus petit os de pedium. Et d'illec il est implanté aux parties externes du petit doigt pour leslongner bien loing des autres : cōme si le dessusdit eslongnoit le poulce . Car le petit doigt & le poulce du pied (comme de la main) surmontent tous les autres doigts par vn mouuement: c'est asçauoir abduction.

3 Le troisieme qui est situé entre les deux dessusdits , estend les doigts : lequel est le moindre des trois , à cause qu'il meult les moindres organes, & quil tend droit aux doigts par le milieu de tibia, lesquelz il deuoit mouuoir. Et est correspondant au muscle dont les tendons passent par la main exterieurement.

Gal.ibi. Les anciens anatomistes ont cuidé , qu'il n'y eust que trois muscles anterieurs de tibia : pource que pour la plus grāde partie ilz sont coalesceez & vnis ensemble . Toutesfois mieux vault dire quil y en ha six ou sept . Car il leur semble que celui qui estend les quatre doigts ne soit qu'un (aussi n'est il) mais en chacune partie de luy, de rechef il y en ha vn, lequel est terminé en trois chefs de tendons , lesquelz bien

considerez & aussi leur vtilitez, nous trouuerons qu'il y en ha six ou sept. Neantmoins si à present nous n'en contons que trois, cela ne retardera en rien le cours de nostre oraison & propos.

Des muscles du pied.

IL y ha trois manieres de muscles au pied.

- 1 Les vns sont constituez en pedion, c'est adire plânum en Latin, lesquelz doiuent faire le mouuement interieur oblique des doigts vers le poulce.
- 2 Les autres sont situez en toute l'autre partie du pied iusques au calcaneum, lesquelz flechissent le second article des quatre doigts.
- 3 Les autres sont adherens & situez en la superieure region du pied, lesquelz font le mouuement exterior oblique vers le petit doigt.

Des muscles situez entre les os de pedion.

Outre les muscles dessusdits, il y en ha d'autres fort petis, entre les os de pedion (comme en la main entre les os de metacarpiū) lesquelz n'ont pas esté obseruez ne cōsiderer des anciens anatomistes: ne mesmement par Galien, vn espace de temps comme luy mesmes le confesse au premier liure des anatomiques administrations.

Ces muscles (comme il est escrit au lieu allegué) flechissent le premier article de chacun doigt, & font l'adduction semblablement aux pieds & aux

maines. Toutesfois en la main (pource qu'il ny ha que quatre os en metacarpium, & trois interualles, ou entredeux seulement entre ces quatre os) il s'ensuit qu'il n'y ha que six muscles: c'est asçauoir deux en chacun interualle. Mais au pied d'autant qu'il y ha cinq os en pedio, & quatre interualles entre ces cinq os, il y aura huit muscles: c'est asçauoir deux en chacun interualle.

Voila les muscles de toute la iambe. Quant au nombre d'iceux, ie le laisse à conter & considerer à vn chacun, à son plaisir. Or venõs maintenāt aux vaisseaux.

De la production des veines en toute la iambe.

Gale. de
diff. ve
narum.

LA veine calie ainsi comme la grande artere, enuoye deux rameaux insignes & grans en chacune iambe, desquelz la figure est semblable à ceste lettre V.

Gal. lib.
3. de a-
nat. ad-
minist.

Vn certain rameau paruiet incontinent en la region anterieure & interne de Femur (c'est la cuisse) lequel rameau est distribué souz le cuir superficial en plusieurs autres. De ce rameau autres petites & subtiles veines sont dispersees & disseminees au cuir par petis interualles, c'est asçauoir trois ou quatre. En apres vne autre veine assez grande semblable à la premiere, est consideree & veüe au milieu de Femur pres du muscle estroit: auquel muscle ceste veine se va inserer ou planter. En apres deux au-

tres petites veines, & à l'adventure trois sont distribuées par petits intervalles & espaces. Après lesdites veines il y en a vne autre grāde & insigne, laquelle entre dedās tibia interieurement. En apres s'en suit vne autre veine diuariquée, c'est adire diuisee en deux parties. Consequēment s'ensuiuent plusieurs autres. Or toutes ces veines sont superficielles & sans artere: comme tantost apres sera dit.

Mais en la profondeur il y en a d'autres en ceste manière. C'est assauoir la premiere propagation, iouxte les inguines ou aynes: laquelle est dispersée avec vne petite artere es deux muscles anterieurs. Incontinent s'ensuit vne autre plus profonde assez grande: laquelle est produite au plus grād muscle de tous, lequel muscle entre les anterieurs est interne. De laquelle veine plusieurs propagations d'autres veines sont dispersées presque en tous les muscles de Femur.

Ceste veine vn peu plus haulte que là, ou femur est cōioint avec l'article de tibia, est diuisee en trois rameaux.

Gal. lib.
& li. de
dissect.
venarū.

Gal. lib.
de disse.
venarū.

1 Le rameau du milieu qui est le plus grand descend par femur iusques au iarret, en Latin poples, là ou vulgairement on l'appelle vena poplitis: de laquelle on ha accoustumé de faire phlebotomie. Et d'illéc en procedāt par la profondeur de Sura, elle distribue plusieurs rameaux es muscles de Sura. Ceste veine vulgairement est appelée vena communis, ou media, comme en la main.

2 L'autre rameau qui est superficiel, est produit par la partie extérieure, de l'autre os de tibia qu'on appelle perone, lequel rameau paruiet iusques à l'article du pied. Parquoy elle est appelée vena externa malleoli: c'est adire la veine externe de la cheuille du pied. Guidon l'appelle sciatica laquelle seroit mieux nommee ischiadica, pource que la phlebotomie d'icelle est vtile à la goutte sciatique, dite en Grec ischias.

3 Le troisieme interieur procede en la partie anterieure de tibia, laquelle partie est appelée crea en Latin. Et de là à la cheuille ou malleole, qui est l'extremité de tibia. Ceste veine est trescommode à phlebotomer. Guidon l'appelle saphe na par vn vocable corrompu, pour saphea, c'est adire manifeste. Car saphes en Grec signifie autant comme manifeste. Aussi ceste veine est tresmanifeste. On l'appelle aussi vena interna malleoli, comme l'autre estoit nommee vena externa.

Gal. lib. 5. de anat. administ. Les extremitex de ce rameau & des autres paruiennent iusques à tarsus, & au pied & au doigt: lesquelles extremitex sont meslees ensemble & aussi avec icelles qui sont adjacentes & prochaines.

De la production des arteres en toute la iambe.

Gal. ibi. **L**A grande artere est implantee en la iambe par les ingnines, tout ainsi comme la grande veine:

tellemēt que si tu y mets la main en ceux qui sont maigres & qui ont grand poulx, tu y sentiras sensible mouuement. Or chacun de ces deux vaisseaux procede par les parties interieures de Femur, gisant sus le plus estroit muscle dudit Femur: auquel muscle paruiennent aucuns rameaux de l'artere selon la portion de sa magnitude: comme ilz paruiennent en tous les autres muscles de Femur. Et ainsi qu'il est en la main, semblablement est il en la iambe. Car les veines sont coherentes & cōiointes avec les arteres inserees aux muscles. Toutesfois les arteres ne montēt pas avec les veines superficielles, ains tousiours entrent plus profondement par les muscles.

Donc autant que i'ay dit qu'il y ha des veines qui Gal. i. bi.
sont propagees & distribuees profondement par ti-
bia aux muscles de Femur, autant y ha il d'arteres
adiacentes à toutes icelles veines: mais aux veines su-
perficielles, il n'y ha nulle artere subiacente. Laquel-
le chose est manifestement vraye pour ceste cause:
car en la iambe de ceux qui sont charnus n'apparoit
nul poulx, sinon en Tarsus, directement au second
doigt apres le poulce. Et ainsi nous touchons l'artere
illec situee, quand nous ne pouuons toucher celle qui
est desouz Carpus.

Item il y ha d'autres arteres en Tarsus & au Gal. i. i. b.
pied: lesquelles souuentefois monstrēt aucun poulx
en ceulx qui sont maigres quand elles sont esleuees
en magnitude.

De la production des nerfs en toute
la iambe.

Gal. lib.
13. & 16.
de vsu
part.
Gal. lib.
3. de a-
nato. ad
minist.

Aucuns nerfs descendent de la spinale medulle des lombes & des os Sacrum iusques aux iam-
bes. Quatre racines de nerfs faisans leurs cours au
cuir, apparoiſſent iouxte le principe & commence-
ment de Femur : pareilz en nombre aux principes
des grans nerfs qui ſont diſperſez aux muſcles: dont
procedent ces petis nerfs ſuperficielz.

1 L'une deſcend des muſcles anterieurs, en tout
le cuir prochain à iceux.

2 L'autre qui eſt plus interieure que la deſſuſdi-
te eſt portee par les inguines, par vn muſcle grād
& eſtroit.

3 La tierce eſt iouxte la pointe de l'os Sacrum,
laquelle les Grecs appellēt Coccyx, & eſt moins
euidente que les autres.

4 La quarte eſt encores plus occulte, laquelle
conſiſte au pertuis de Peſten.

Gal. ibi. Apres auoir veu ces petis nerfs ſuperficielz du
cuir, tu inciferas tous les muſcles de femur. Car quād
tu les ſepares l'un de l'autre, adōc apparoiſſent qua-
tre principes de grās nerfs: leſquelz ſont portez par
le milieu des muſcles, dont ces nerfs ſuperficielz ſont
produits. Voila comment ſont les nerfs de Femur.
Conſequemment il fault voir les nerfs de Tibia.

Gal. ibi. En Tibia il y ha ſeulement deux grans nerfs qui
ſont manifeſtes par la partie poſterieure de Femur:

apres auoir incisé le muscle large, sous lequel seul ilz sont portez faisant leurs cours iusques au princepe de tibia. Et en ce lieu, premierement ilz sont separez l'un d'auec l'autre.

- 1 L'un qui est le moindre & qui doit estre distribué aux muscles extérieurs de tibia, & qui est extérieur entre en tibia dessous la teste de son os postérieur qu'on appelle Perone.
- 2 L'autre, c'est assçavoir le plus grand qui doit estre distribué aux muscles intérieurs, & qui est intérieur entre profondement au commencement de Sura. Et ce en la region moyenne entre les deux testes des grans muscles de Sura.

Les autres propages & diuisions de ces deux nerfs aux parties inférieures du pied s'ensuyuent cy apres.

L'autre partie assez grãde de ce nerf, lequel nous Gal. ibi. auons dit estre le plus grand & intérieur, est produite aux parties inférieures du pied. Mais les subtiles extremités de l'autre nerf (lequel est moindre & extérieur) sont dispersées ou distribuées aux supremes & haultes parties de la plãte du pied. Aussi quelque portion de ce nerf paruiet à l'autre nerf, laquelle portion est portée par Sura, iouxte la fin inférieure de tibia. Et ainsi il y ha vn nerf assez grand, qui paruiet en la partie infime du pied lequel est distribué en toutes les parties d'iceluy. Or ce nerf est le reste d'un autre plus grand: lequel nous auons dit estre porté aux muscles postérieurs de tibia. Toutesfois il descend en la plante du pied avec les tendons

qui flechissent les doigts. Mais il y ha quatre nerfs
petis qui s'ont produits en la superieure partie du pied:
lesquelz sont le reliqua & reste de trois autres, c'est
asçavoir de l'un qui descend avec la veine dedans Ti
bia: & de l'autre qui se monstre superficiellement
derriere Sura.

Gal. ibi.

Item vn autre petit nerf procede du nerf gresle,
ou cestuy cy est inseré: lequel fait son cours par Sura,
depuis le muscle estendu sus l'os de la partie poste-
rieure de Tibia, iusques à l'extremite de ce muscle
qui est pres du pied. Et illec est distribué aux parties
externes de Tarsus: iouxte les petis doigts, com-
me le nerf dessusdit y estend ses fins & extremi-
tez: lequel est porté avec la veine par toute la iam-
be, iusques aux grans: comme i'ay desia dit.

Item entre ces nerfs y en ha deux autres qui de-
scendent de l'un des grans nerfs: c'est asçavoir.

De celuy qui embrasse les muscles anterieurs de
Tibia.

Ces deux nerfs montent sus le milieu de Tarsus.

1 L'un est superficiel qui consiste souz le cuir:
lequel gist souz le ligament de l'article ou iointu-
re. Et est distribué aux parties prominentes de
Tarsus, au cuir seulement.

2 L'autre qui est caché au profond dessous le
ligament, est distribué par tous les muscles super-
ficielz de Tarsus: desquelz les tendons font le
mouuement oblique des doigts, comme nous a-
uons dit.

Des os de toute la iambe.

LEs os de toute la iambe (comme aussi de toute la main) sont trente, outre les os appelez Sesamoeidea: lesquelz ne sont point nombrez des Anatomistes.

Gal. lib. 3. de usu part. 8. de offibus. ca. 21. 22. 23. 24. 25.

1. En Femur, c'est adire en la cuisse, il y ha vn os seul, correspondant à l'os de Brachium.

2. En la palette du genoil il y ha vn os, auquel n'y ha nul os correspondant en la main.

3. 4. En Tibia il y ha deux os, dont le plus grand est appellé Tibia, par le nom du tout: lequel est correspondant à vlna. Le moindre est nommé Perone ou Fibula, correspondant à Radius.

26. Au pied il y ha vingt six os, dont trois n'ont aucune partie correspondante en la main. C'est asçavoir Astragalus naviforme, & Calcaneus ou Calcaneum. Item quatre en Tarsus correspondans à Carpus: c'est asçavoir Cyboeides, ou Cubiforme, & trois sans nom, appelez Chalcoidea selon aucuns. Item en Pedion cinq, correspondans à Metacarpium. Item quatorze aux doigts: c'est asçavoir deux au poulce seulement, & trois en chacun des autres quatre doigts.

Nous ne nombrons entre les os de la cuisse, les os qui sont conioints à l'os sacrum, semblables aux espaules, toutesfois nous en parlerons icy.

Des os qui sont conioints à l'os Sacrum.

Gale. de
offibus.

ILs sont deux os tresamples aupres de lo's Sacru:
vn appose de l'un & de l'autre costé aux droit-
tes & grandes apophyses ou productions d'os Sa-
crum, semblable à l'espaule: lequel entier n'a aucun
nom propre. En hault en la partie ou il est large, vul-
gairement il est dit l'os des flancs & de la hanche.

En la partie d'ou il reçoit en son sein & cavité, la
teste de Femur, il est dit l'os d'Ischion & de coxen-
dix, & de ce vne maladie est dicte Ischias, vulgaire-
ment goutte Schiastique, & la veine Ischiadica.

En la partie anterieure aupres des parties honteu-
ses, ou il est le plus menu & pertuisé, il est dit l'os de
pubis ou pectinis.

A l'un & à l'autre os de coxendix ou de la hâche,
il ya vne grande cavité, coniointe au dedans d'un
tresualide lien avec la teste de Femur.

De l'os de la cuisse, en Grec Meros, en
Latin Femur.

Gal. lib.
3. de vsu
part. &
de offi.
cap. II.

LOs de la cuisse, en Grec Meros, en Latin Fe-
mur, est appellé par le nom de tout le membre:
lequel est le plus grand de tous les os du corps, pour
iuste cause: pource qu'il porte toute la charge du
corps, Cest os ha colligance en hault avec Coxédix,
& en bas avec Tibia. En la partie superieure il y ha
vne teste fort ronde adnascente à vn col prolix, in-

cliné au dedās: laquelle entre dedās le Sinus ou grāde & profōde cavitē (dite cotyle en Grec) d'Ischiō souz le col de Femur, d'un costé & d'autre il y ha deux petites apophyses ou processus que les Grecs appellent Trochanteres. Dont l'exterieure qui est beaucoup plus grande est appelée Gloution, en Latin Natis. Femur en la partie inferieure est vn peu manifeste: lequel se finit en deux tubercules si grans, qu'on les peult appeller testes. Ces deux tubercules sont conjoins avec Tibia: non seulement par ligamens membraneux par lesquelz toute l'articulation est enuironnée: mais aussi par trois autres ligaments fors & ronds. Dont le premier est estendu depuis la partie exterieure de toute la connexion. Le second est de la partie interieure. Et le tiers est depuis le milieu de la partie posterieure & interieure. Or toute la forme de Femur est gibbeuse en la partie anterieure & exterieure: mais en la partie posterieure & interieure, elle est caue, Et ainsi elle est plus idoine aux sessions, c'est adire à se seoir, & à beaucoup d'œuvres que nous faisons assis, comme d'escrire en vn liure estendu sus la cuisse.

De la palette ou rotule du genoil, en
Grec epigonatis ou
Myle.

Gal. lib.
3. de vsu
part. &
de ossi.
cap. 3.

VNos cartilagineux & rond, situé exterieurement, là ou Femur est annexé avec Tibia,

(à fin que l'article du genoil soit exactement estraint de toute part) est nommé la palette ou rotule du genoil, en Latin *patella* ou *rotula genu*, en Grec *myle*, id est *mola*: ou selon les autres *epigonatis*, quasi *supra genu*. Ceste palette comprend les gibbositez, & comme tubercules des os subietz par cauitiez ou sinus aptes & conuenables. Item elle cōprend & embrasse l'espace qui est vn peu tumide & enleue entre Femur & Tibia. Item elle contient toutes les parties anterieures de l'articulation qui est au genoil, prohibant les testes de Femur sortir aux parties anterieures: principalement es figures que les Grecs appellent *γνῦξ*, id est *genu flexo*, c'est adire quād on ha le genoil ployé & *οκλαξ*, id est *geniculatio*, & *curuē*. Item elle est vtile pour nous garder de cheoir, & principalemēt es lieux decliues, ou descendans, quād tout nostre corps est incliné au deuant.

Des os de Tibia.

Gal. lib. 3. de vsu part. & de ossibus. ca. 21. **E**N toute Tibia il y ha deux os semblables à ceux qu'on void en vlna.

- 1 Le plus grand est appelé en Grec *Cneme*, en Latin *Tibia* par vn mesme nō, comme tout le mēbre: Guidon l'appelle le grand *focile*. Lequel est situé en la partie interieure, & auquel femur seulement est annexé & conioint. Et de la partie d'ou il est conioint avec femur, il reçoit les testes de femur, sin sinuans & courbans par vne grande appendice adnascente. & coagmētee ayant en

soy deux Sinus. Entre ces Sinus de Tibia, il s'esleue vne eminence nerueuse, & cartilagineuse: laquelle est implâtée entre les tubercules de Femur comme en vne scissure profonde.

2 Le moindre est appellé en Grec Perone, en Celsus Latin Fibula: Celsus l'appelle sura, & Guidon, libro. 2. le moindre Focile. Lequel est situé par dehors: et cap. 1. est fort gresle & subtil, & beaucoup moindre que Tibia. Et n'est pas si estendu, qu'il puisse toucher au genoil: mais en hault & en bas, il est alié & annexé avec Tibia, par Synarthrosis: & le milieu est separé l'un de l'autre.

Les basses parties des apophyses, ou processus de Tibia, & de Fibula, sont caues interieurement, & gibbeuses exterieurement (comme il appert) & du tout sans chair, aussi elles s'ont prominètes: c'est adire qu'elles excèdent, & passent dehors. Les Grecs les appellent Sphyræ, & les Latins Malleoli, en François les chevilles du pied. Gal. li. de ossib. cap. 22.

Des os de la partie du pied, soubiacente dessous Tibia: lesquelz os n'ont nulle partie correspondante en la main.

LA partie du pied soubiacente, ou située dessous Tibia, sus laquelle gist toute la iambe en rectitude, n'a pas vn seul nom, comme est Tarsus, & Pedion: ains est composée de trois os, ayans leurs propres noms. Ausquelz seulz, il ny ha nulle partie Gal. lib. 3. de vsu part. & de ossib. cap. 2.

correspondante & proportionale en la main: mais ce sont les instrumens de la seule base, ou fondement. Mais toutes les autres particules, c'est asçauoir *Tarsus*, *Pedion*, & les doigts, sont instrumens de la base, & aussi de l'apprehension. Ces trois os de la partie dessusdite, sont telz: c'est asçauoir.

1 *Astragalus* en Grec, en Latin *Talus*, en Arabe *Caab*, vulgairement os baliste: c'est adire l'os de l'arbaleste. Il est situé dessous les apophyses de *Tibia*, & de *Fibula*: & est compris par lesdites apophyses en hault, vers les costez, & vers le dos. Item il gist dessus *Calcaneum*: & illec est affermé de deux eminences, es deux cauitex du *Calcaneum*: En la partie postérieure, il est lissé & poly, & vn peu rond: & ha son regard plus en hault. En la partie postérieure, ou il est esleué en vne teste ronde, ayant vn long col, il est conioint avec l'os nauiforme: & fait vne figure semblable à vne vouste, que nous appellons en Latin *Fornix*, & en Grec *Psalis*. L'action & œuvre de la supérieure articulation d'*Astragalus*, c'est d'estendre & de fleschir le pied: laquelle articulation est faite aux apophyses de *Tibia*, & *Fibula*: comme dit est. Mais mouuoir le pied d'vn costé & d'autre, c'est l'action & œuvre de l'articulation de la teste d'*astragalus*: laquelle articulation est à la cauité de l'os nauiforme. Parquoy le plus principal de tous les os appartenās à mouuoir le pied, c'est *astragalus*.

2 Scaphoïdes en Grec, en Latin Nauiforme, est conioint avec Astragalus. Lequel par cavité semblable à vne nef (dōt il ha prins le nom) enuironne la teste d' Astragalus. Et est enleué en l'air, semblablement comme astragulus: la situation est aux parties interieures du pied, vers le poulce.

3 Pterne en Grec, en Latin Calcaneus, ou os calcis, c'est le plus grand de tous les oz du pied: & le plus principal de ceux, qui appartiennent à la fermeté: ou firmation du pied. Car directement (quant à sa partie du milieu) il est situé deffouz la rectitude de Tibia: & quasi luy seul la soustient toute: & par elle il soustient Femur, & par Femur tout le corps. Et principalement quand nous voulons saulter, ou faire vn grand pas. Pour ceste cause il ha esté necessaire, qu'il fust grand. Sa situation est deffouz astragalus, & reçoit les parties rondes de luy: & ses deux excès, ou eminences, qu'il implante bien commodement en sa cavité, ou sinus. Mais la partie de quoy nous cheminōs, est vn peu ronde, & large. Aussi la partie posterieure est ronde, & excède fort la rectitude de Tibia. Quant à ses parties anterieures, celle qui est vis à vis du poulce, gist deffouz la teste de Talus: & n'est coniointe avec autrē os. Mais son extremité, laquelle correspond au petit doigt, est conioite avec l'os cubiforme, par synathrorsis.

Des Os de Tarsus.

Gal. lib. I Les Oz de Tarsus sont quatre, correspondans à Carpus.

- 1 Le plus grand & externe, touche à terre : lequel est conioint avec calcaneum, vers le petit doigt. Il s'appelle cyboeides, ou cubiforme, ou cubicum, à la similitude d'un Dé: pource qu'il est quarré.
2. 3. 4 Les autres trois sont fort petis, & s'esleuēt peu à peu: lesquels n'ont point de noms. Aucuns les appellent chalchoeidea. Ilz sont cōioints avec la partie inferieure de l'oz nauiforme, par synarthrosis. Avec lesquels aussi l'oz dit cyboeides est estendu, vers la partie exterieure.

Des oz de la plante du Pied, dite en Grec Pedium.

Gal. lib. I Les oz de Pedium, sont cinq: lesquels touchent à terre, & sont correspondans à Metacarpium,

3. de vsu
part. &
de ossi.
cap. 25.

Des oz des Doigts.

C Hacun doigt du pied ha trois oz, que les Latins appellēt internodia: à la similitude de ceux qui sont en la main (excepté le poulce tant seulemēt) lequel entre les autres, est constitué de deux oz. Par quoy tous les oz des cinq doigts du pied, seront en nombre quatorze, & non plus.

Des Os du pied, ditz Ses-
samoidea

Les Os Sessamoidea, ou sesamina, dits ainsi pour la similitude de la semence sesanium, sont intérieurement 19. aux doigts des piedz, comme aux articles des doigts des mains. Car deux affermissent par dessous les premiers articles des cinq doigts, & les autres articles en ont chacun vn, cōme à la main interne: qui sont en tout 19. exceptez les externes plus-rares, plus obscurs, & moins manifestes. Car en hault ou il n'y en a point, ou ilz sont rares, & mesmes obscurs. Cy dessus nous auons escrit l'usage d'iceux.

Outre ceux-cy, Syluius adioust que le tres-grād oz de pterna, et cyboeides affermir par dessous l'article & l'os d'astragalus, avec scaphoïdes: l'un & l'autre est long temps cartilagineux aux ieunes enfans, & aux femmes, toutesfois ample, & impliqué aux tendons, qui estendent le pied, qui le lient fermement, l'affermissent, & font stable.

La collection, & nombre total des
oz de tout le corps.

Il est facile de colliger des choses precedentes, le nombre des oz de tout le corps.

6 Les oz du cranc sont six, excepté sphenoides, sçauoir est, l'os du front, vulgairement dit Coronal. Deux oz du sinciput ditz Parietans: vn

oz d'Occiput: deux nommez Lithoidea, c'est à dire, Petrosa, vn chacun à son oreille.

52. Les os de la face, sont cinquante deux, sçauoir est,

2 L'oz Zygoma, c'est dire iugal, vulgairement oz paris, vn à l'vne, & l'autre partie de la face.

15 Les os de la machoire superieure, sont 15. Sçauoir est, six à la racine des yeux, trois de chacun costé: deux, ou sont presque la partie de la ioue, dite mala, & toutes les dens: deux souz les pteuis des narines: deux du nés: deux en l'extremité de la machoire. Le quinziésme est l'os du palais, qu'on appelle sphenoïdes, vulgairement oz cunei, & basilaré. Nous prenons pour vn les oz ethmoidea, pleins de pertuis, & spongieux, vulgairement ditz Colatoria: deux de la machoire inferieure: trente deux dens: huit incisiores, quatre canines, vingt grosses, dites en Latin Molares.

2 Deux clauicules, la dextre & senestre, vulgairement ossa furcule.

2 Deux espauls, vne de chacun costé, vulgairement l'os de l'aspathule.

60. Ilz sont soixante oz des deux mains, outre l'os du carpus, & les os Sesamoidea, non nommez des Anatomiques.

7 Les os du sternon, ou de pectus sont sept, receuans les costes vrayes: à la fin duquel est vn

cartilage, dit en Latin Ensisformis, pour la similitude d'une espèce, qui est dit vulgairement malin punicum, ou granatum.

24. Vingt quatre costes, douze de chacun costé, sçavoir est, sept supérieures, vraies, ou parfaites: cinq inférieures, mendueses & imparfaites.

24. Ilz sont vingt quatre spondyles, ou vertebres, sçavoir est, sept du col: douze de metaphre-non, ou du dos: cinq des reins.

3 L'os Sacrum, qui est composé de trois os.

3 L'os coccix, vulgairement cauda, mesmemēt est composé de trois os.

2 Les os conioins avec l'os Sacrum, vn de chacun costé, lequel entier n'a aucun nom propre.

60 Les os des deux iambes, sont soixante, outre les os Sesamoeidea, non contés des Anatomiques.

245. Les os donc de tout le corps, sont en nombre deux cens quarante cinq, excepté l'os hyoëides à la racine de la langue, & l'os cartilagineux du cœur.

245. Os
en tout
le corps

Il n'est facile de colliger le nombre des muscles, veines, arteres, & nerfs. Aussi entèdu, que ce n'apporte point, ou peu d'utilité, ie laisse aux autres à les colliger & nombrer.

Or puis qu'ainsi est, que nous auons perscruté, & enquis tout le corps humain, depuis le cuir, iusques aux os, & à la moelle intime: & qu'il n'est

TABLE IIII. &c.

loisible de poursuiure plus outre, il est temps de
faire icy fin. Et si quelque chose ha esté omise, ou
dite trop brièvement, ou avec trop grande pro-
lixité, vne autrefois (comme i'espere)
nous la traiterons mieux,
et plus parfai-
tement.

*
* *

FIN DES TABLES ANA-
TOMIQUES.



INDICE DES CHOSES PLUS requisies, & plus singulieres en ce petit liure d'Anatomie.

A.

A Rtere.	Fo. 18.	le Corps humain diuisé en
Diuision de la grand		quatre parties. 6
artere.	51.	Corps en Grec appelez
Antropeion.	119	Plexus Choroïdes. 77
Amnios.	35	Corps séblables à vne vou-
Alteration de l'air.	53	ste. 78
Amigdales.	62	Cuir. 7
Allantoides.	35	Cuir de la teste. 71
Azigos, veine sans sa pa-		Conduitz au palaiz. 81
reille.	10. & 51	Côduit spermatique, dit va-
Articulation es mouuemés		ricosus parastates. 24
de la teste.	85	Cæcum. 12
Arytæna.	57	Colon. eodem
Productions des Arteres		Col. 89
en toute la main.	112	Carpus ha quatre mouue-
		mens. 101
B.		Cneme. 118
Bouche.	61	Crus. eodem
Brachiale.	116	Cæceas en grec corne. 34
C.		Cornes de la matrice que
Crane.	72	autrement on appelle A-
Conarion.	79	pices. 33
Chorion.	34	Conduit commun à la se-
Cœur.	45	mence & à l'vrine. 25
Chair du Cœur	46	Cholago. 7
le Cœur attire le sang &		Canines. 63
l'esprit en trois manie-		Collectiō & nombre total
res.	48	des os de tout le corps. 135
Cerueau.	76	D.
Cerueau double. eodem		Diaphragme. 38. & 42
Conduitz qui purgent le		Troys pertuis au diaphrag-
cerueau.	80	

I N D I C E.

me.	43	la magnitude du foye.	16
Differens mouuemens des		sa figure.	codem
parties de toute la main		sa substance.	codem
101		F.	
Deux veines propagées en		Flans.	7
toute la main.	109	Fontaine de la teste.	73
Difference des mouuemens		Flexion de la teste.	86
de toute la iambe.	120	vessie du Fiel.	18
Diaстolle.	46	Follicule d'iceluy.	codem
Descente des intestins aux		Filet admirable.	81
testicules.	10	Fornix.	78
Desveines, arteres et nerfs		Fesses.	27
qui sont aux parties ge-		quand la Femme con-	
nitales: tant sexe mascu-		coyt.	34
lin que feminin.	26	G.	
Dextre partie plus chaul-		Gargareon.	61
de.	23	Glanſ.	25
E.		Gloutia.	79
Epiphyſe.	79	deux corps glâduleux nom-	
Excrescence vermiforme		mez Glandulofi prosta-	
codem.		tæ.	24
Epidermiſ.	7	Generation du lait.	39
Epididymis.	22	Generation de la semen-	
Deux eminances du cer-		ce.	22
veau.	79	Generatiō des tēdons.	100
Epiploon.	10	parties Genitales es maf-	
Eminēce grāde aux parties		les.	22
hôteuſes des femmes.	32	Gemelli.	79
Epiglottis.	60	Grefſe.	7
Extension de la teste.	86	Pvulité de la grefſe.	codē
Ellychnia, flammes des		H.	
meſches.	48	Hypochondria.	6
Etimologiæ.	42	Humerus.	135
Eſpauls.	114	Humeurs de l'œil.	94
F.		I.	
Femur.	131	Iambes.	118
Foye.	15	Ilia.	7

I N D I C E.

Intestins.	11	Membranes, lesquelles se-	
Ieiunum.	12	parent le Thorax.	44
Ileon.	codem	Muscles de l'epigastre.	8
Incisivoires.	63	Muscles dorsans. 88. & 89	
L.		Muscles extérieurs de vl-	
Langue.	61	na.	104
Ligament.	100	Muscles intérieurs de cu-	
Ligaments de la teste.	86	bitus.	102
Trois forts ligaments con-		Muscles de l'œil.	92
joignent ensemble les os		Muscles de sura.	122
de la teste.	86	Muscles de femur.	123
Larinx.	57	Muscles du pied.	127
Larinx, composé de trois		Mylx.	132
grandes cartilages.	57	Meros.	131
Leures.	64	Muscles situez entre les os	
quatre muscles peruiennēt		de Pedion.	127
aux Leures	64	Main.	98
L'execratiō par le siege.	27	Muscle de la main.	102
M.		Mucles de la main extre-	
Muscles des espaules		me.	105
108.		Machaires ou mandibul-	
Muscles qui mouuent les		les.	66
espaules.	108	Machaire inferieure.	69
Muscles mouuans la bou-		Machaire superieure pour	
che.	65	le moins à huit os &c	
Muscles du bras.	107	pour le plus quinze.	67
Matrice.	29	Mammelles.	38
Muscles entre les os de me-		Membranes du cerueau.	
tacarpium.	107	74.	
different des Muscles qui		Meninges.	codem.
mouuent la teste.	86	Meri en Arabic gula.	45.
Muscles mouuans seule-		Mesenterion ou mesarxon.	
ment la teste.	87	13.	
Muscles qui mouuent en-		l'utilité du Mesentere.	13
semble, & le col & la		Membrane succigente les	
teste.	codem	costes.	44
Muscles du Thorax.	39	Metaphrenon.	90

INDICE.

N

Nates.	79.
Nerf.	18.
Nerfs.	15.
Nerfs optiques.	84.
cinq Nerfs au bras.	112.
Nerfs recurrens.	59.
Nerfz & veines des inte-	
stins.	13
Nez.	96
Vtilité des conduitz des na-	
rilles.	80
parties sans Nerfs.	83.
productiō des Nerfs en tou-	
te la iambe.	129

O

Oesophagus.	55
Omentum.	10
Omoplates.	108
Os hyoïdes.	61
Os sacrum.	90
Os de carpus.	116
Os de metacarpium.	117
Os de brachium.	115
Os de cubitus ou vlna.	115
Os adiutorii.	codem
Os du nez.	68
Os de la main.	114
Os des doigts.	117
petis Os Sesamoïdes de la	
main.	codem.
Os dits Squamofa.	73
Os basilaire.	68
Os des doigts.	134
Os Ethmoïdea.	68
Oreilles.	97
Oreilles du cœur.	46

Ongles.	99
Os de Tibia.	132
Os de Tarsus.	134.
245 Os en tout le corps.	136

P

Paulus Aegineta.	28
Pancreas.	14
Pfallioudes.	78
Pleuræ en Grec costes.	38
Paupieres.	92
Paristhmia.	61
Panicule virginal.	31
Peritoine.	9
cinq vtilitez du Peritoine.	
codem.	
tierce partie du Peritoine.	11
Peritoine aupres des reins.	
89.	
Productiō des veines super-	
ficielles en toute la main.	
109.	
Productiō des nerfs en tou-	
te la main.	112
Parties dont est composee	
la teste.	70
Parties genitales es fem-	
mes.	28
Parties que nature machi-	
ne quand vne femme est	
grosse.	34.
Pericardion.	45
Præcordia.	6
Palma.	106
Poulce.	59
Poil.	70
Plexus retiformis appelle	
Rete mirabile.	81

I N D I C E

Productions des nerfs.	82	Trois membranes ou toiles qui enuironent l'enfant.	34
Pericrane.	71	Tonsilla.	62
Poitrine.	37	Thenar.	106
Post Brachiale.	117	Testicules.	23
Poulmon.	53	Testicules de la femme.	33
Poulmon composé de trois vaisseaux.	codem	V	
Pedium.	134	Veine.	18
R		Utilité des implications des veines.	17
Ratelle.	18	Veine porte.	16
substance de la Ratelle.	19	diuision de la Veine porte.	codem
Rongnons.	codem	Veine caue.	codem
l'action des Rongnons.	20	productiō de la veine caue aux parties superieures.	49
Reins.	88	sept plus petis rameaux de la veine caue.	50
Rhyada.	32	Diuisiō de la veine caue.	50
Rectum.	12	Trois singuliers & propres subſides de la veine caue.	49
S		Veine externe de la cheuille.	128
Serofité du sang.	20	Trois vtilitez du muscle de la vessie.	21.
Sistole.	46	Le col de la vessie.	codem.
Situation de la matrice.	30	Verge virille.	25
trois Scopes en nature en la distributiō des nerfs.	83	Parties dediees à l'vrine.	19
Siege.	27	le conduit de l'Vrine.	21
Spine.	89	Pourquoy l'urine de l'enfant monte au l'ombilic.	36
Sourcilz.	92	Veines hemorrhoides.	28
Suture de l'os dit Paris.	67	deux veines emulgētes differentes.	20
Sura.	122.		
Sefamocidea.	135		
T			
Thorax.	6		
Thorax & ses parties.	37		
Trois muscles en la lāgue.	61.		
Trois manieres de fibres	101.		
Tibia.	118		
Tracheie ou aspre artere.	56		

I N D I C E.

Ventricule ou estomach. 14	Vola. 106
Ventricules du cerueau. 77	Ventre inferieur. 6
Ventricules du cœur. 46	Parties superficielles du ventre inferieur. 6
Vaisseau veneux de la ratelle 15.	Utilité 43. & 44
deux Vaisseaux vtreteres. 20	Vingt quatre costes. 38
Vaisseaux spermatiques. 22	Yeux. 91
& 28.	Quatre tuniques des yeux. 92.
Vuula. 62	

F I N.

Faultes suruenues.

- Fol. 9. en abusé, ly en ha abusé
 Au mesme fol. Peritomenn, ly Peritetomenn.
 Au 17. Scorosum, ly Serosum.
 Au 11. Chigones, ly Chitones.
 Au mesme, impubliques, ly impliquez.
 Au 30. lombades, ly Lomballes.
 Au 32. Rhayda, ly Rhyada.
 Au 51. nostre tous, ly nostre temps.
 Au 57. ougeoeides, lege Dugeoeides.
 Au 66. ligoma, ly Zyigma.
 Au 67. en plusieurs endroitz, deux, ly par tout dentz.
 Au 72. diua, ly dura.
 Au 89. conuexion, ly connexion.
 Au 105. metacarium, ly metacarpium.
 Au 99. acrocheion, ly acrocheiron.
 Au 109. d'humeurs, ly d'humerus.

❧ E X T R A I C T D V

Prinilege du Roy.

La pleu au Roy nostre souue-
rain seigneur, permettre &
dōner priuilege à Iehan Fou-
cher, libraire iuré en l'vniuersité de Pa-
ris, d'imprimer ou faire imprimer, ven-
dre & distribuer, vn liure intitulé.
*Tables Anatomiques du corps humain vni-
uersel*, par maistre Loys Vasse docteur
en medecine, par luy fort augmenté,
avec les figures, tant en latin qu'en
francois. Et deffences à tous autres im-
primeurs & libraires de ce royaume,
de non imprimer ne faire imprimer,
vendre ne distribuer iceluy liure, sans
le vouloir & consentement dudit Fou-
cher, iusques a six ans cōsecutifz, a cō-
mēcer du iour & datte de la premiere
impression, tant en grād que petit vo-
lume: sur peine de confiscation desditz
liures, & d'amende arbitraire. Comme
plus a plain est specifié en iceluy priui-
lege, datté du 17. iour de Decembre,
Lan de grace 1552. Signé par le cōseil &
seclé sur simple queue, de circ iaulne.

Acheué d'imprimer, le 20. de Dec-
embre, Mil cinq cens cinquante &
quatre, Par Michel Fezandat.

